



TORONTO LIBRARY







# SOCIÉTÉ

DES

# ANCIENS TEXTES FRANÇAIS.

MIRACLES DE NOSTRE DAME

Le Puy, imprimerie de Marchessou sils, boulevard Saint-Laurent, 23.

M6715B

# MIRACLES

DE

# NOSTRE DAME

## PAR PERSONNAGES

PUBLIÉS D'APRÈS LE MANUSCRIT DE LA BIBLIOTHÈQUE NATIONALE

PAR

# GASTON PARIS & ULYSSE ROBERT

TOME IV



PARIS
LIBRAIRIE DE FIRMIN DIDOT ET Cie
56, RUE JACOB, 56

M DCCC LXXIX

Publication proposée à la Société le 24 février 1876.

Approuvée par le Conseil le 9 mars 1876 sur le rapport d'une commission composée de MM. Meyer, Michelant et de Queux de Saint-Hilaire.

Commissaire responsable:

M. MICHELANT.

16495 61101916 PQ 1347 A1 1876 t.4 XXIII

MIRACLE

DE

NOSTRE DAME D'AMIS ET D'AMILLE

T. 1V

ī

## PERSONNAGES

AMIS LE PAUMIER AMILLE LE ROY HARDRÉ LE CONTE GRIMAUT LE SERGENT D'ARMES LE MESSAGIÈR GOMBAUT BERNART LA ROYNE La fille du roy, appelée Lubias YTIER, ESCUIER DIEU L'ANGE HENRI L'ESCUIER L'A DAMOISELLE SAINT MICHIEL NOSTRE DAME SAINT GABRIEL

Cy conmence un miracle de Nostre Dame d'Amis et d'Amille, lequel Amille tua ses deux enfans pour gairir Amis son compaignon, qui estoit mesel; et depuis les resuscita Nostre Dame.

T. II, 1 a

AND RECEIPTING COLUMNS TO A

THE RESTRICTED TO

Kotte bocomes, or teller treat contact.

## Amis

re Diex, pére omnipotent, On dit qu'a chose homme ne tent Dont il ne parviengne a effect; Mais ainsi ne m'est pas de fait: Car puis set ans je ne finay, 5 Et encore mie fin n'ay; Mais chascun jour de ville en ville Ne cesse de querir Amille. Pour ce que j'ay oy souvent De li dire et conter conment 10 Il me ressamble de corsage, D'aler, de venir, de langage, D'estat, de parler, de maintieng. Ha! tresdoulx Jhesu Crist, je tieng Que se je trouver le peusse, 15 Mon desir acompli eusse Et fust mon cuer tout assouvi, Ja soit ce qu'onques ne le vi; Mais pour ce que j'ay oy dire C'on ne pourroit choisir n'eslire 20

35

45

50

I b

Entre hommes, et fussent cent mille, Telz deux hommes com cel Amille Et moy sommes quant a samblance, Et c'on n'i scet descongnoissance Trouver en privé n'en commun, C'on ne die que c'est tout un, Pour ce li ay donné m'amour, Tant qu'en une ville demour Jamays qu'une nuit ne feray Jusqu'a tant que trouvé l'aray, S'il plaist a Dieu que je le voie En ville, en sentier ou en voie Ou en chemin.

LE PAUMIER

Sire, a ce povre pelerin

Donnez, s'il vous plaist, vostre aumosne.

Que Dieu, qui maint lassus ou throsne,

Vous soit misericors et doulx!

De loing vieng, pour quoy sui las touz

Et travailliez.

#### Amis

Mon ami, dire me vueilliez

Dont vous venez.

#### LE PAUMIER

Sire, pour verité tenez
Du saint sepulcre vieng tout droit;
S'ay puis passé par maint destroit,
Ce scet Diex, sire.

#### Amis

Paumier, me saroies tu dire,
Puis qu'en tant de lieux as esté,
D'un homme que quier verité?
Amilles est nommez par nom
Qui me ressamble, ce dit on,
De maintien, de corps et de vis.
Se tu m'en scez donner avis,

TC

Bien te feray.

Le paumier

Voulentiers m'en aviseray,
Sire; mais, qu'il ne vous desplaise,
Sachiez que puis la terre d'Aise
Ne vi humaine creature
Qui vous ressamblast de faiture
Si bien conme un que je vi hier;
Car de vostre grant, sire chier,
Estoit et de vostre façon,
Si qu'encore ay je souspeçon
Que celui mesmes ne soiez:
S'a voir dire sui avoiez,

Dites le moy.

Amis

Nanil, paumier, foy que te doy, Onques mais ne me veis qu'ore. E! Diex, quelle part va il ore,

Celui que dis?

LE PAUMIER

Sire, il s'en va devers Paris:
Je croy c'est ce que vous querez;
Se vous hastez, vous l'ataindrez,
Je n'en doubt point.

Amis

D'argent monnoié n'ay je point, Paumier amis; mais cest annel Te doing qui est et bon et bel: Saches quant vendre le voulras, Deux mars d'argent bien en aras, N'en doubtes mie.

LE PAUMIER

Grans mercis, sire, et celle amie Vous soit qui mére est et pucelle Et qui Jhesu de sa mamelle Vierge norri. 55

60

65

70

75

80

1 d

85

90

95

100

105

110

#### AMIS

Prie pour moy; a Dieu te di. Amis paumier.

LE PAUMIER
Je m'y oblige, sire chier,
Dès ores mais.

#### Amille

E! Diex, fineray je jamais
De celui querir ou j'ay mis
Mon cuer et m'amour? C'est Amis,
C'onques ne vi jour de ma vie,
Et si n'ay d'autre chose envie.
Pener m'a fait et traveillier,
Et mainte nuit pour li veillier.
Un po ci reposer me fault,
Car traveilliez sui sanz deffault
Tant que je n'en puis plus, par foy
Tandis s'aprouchera de moy
Cel homme que venir voy la,
Et si saray s'il me sara
De li riens dire.

#### Amis

Diex vous gart de pesance, sire! Vous estes, je croy, traveilliez. S'il vous plaist, dire me vueilliez Ou vous alez.

#### AMILLE

Sire, si bel le demandez Que je respons, ne vous ennuit, Que je pense ains demain la nuit A Paris estre.

#### Amis

E! mon chier ami, peut il estre Qu'une autre demande vous face, Mais qu'envers vous ne me mefface

#### Conme enuieux?

#### AMILLE

Sire, je vous voy gracieux:
Ce qui vous plaira demandez
Et plus; se vous le conmandez,
Je le feray.

115

#### AMIS

Sire, pour l'amour Dieu le vray, Vostre nom requier assavoir; Après aussi me diez voir De vostre estat.

120

#### AMILLE

Sire, or entendez sanz debat:
Voir vous diray conme evangille.
Sachiez que l'en m'appelle Amille,
Qui ne finay, set ans a ja,
De querir par ça et par la
Un homme qui a nom Amis,
Qui en ceste paine m'a mis
Pour tant c'on m'a maintes foiz dit
Qu'il n'y a point de contredit
Qu'en touz estaz ne me ressamble.
Diex doint que je nous puisse ensemble
Veoir un jour.

#### AMIS

Sire, acolez moy sanz demour,
Puis que nommez estes Amille.
Certes, pour vous ay mainte ville
Passé et mains divers sentiers,
Il a ja bien set ans entiers.
Or vous ay trouvé, Dieu mercy!
Jamais ne quier partir de cy,
Si vous aray en verité
Convenant, foy et loyauté
Jusqu'a la mort.

2 a

165

#### AMILLE

Chiers amis, autel vous accort: Et iusques au perdre la vie. 145 Ce vous jur, ne vous faudray mie, Puis que Dieu m'a fait vous trouver. Or regardons conment prouver Nous nous pourrons.

AMIS

. 150 Conment? a Paris en irons (Aussi v estes vous meu). Savoir se serons receu Du roy, car il a guerre grant. Sa! soions d'aler y engrant, 155

Compains Amille.

AMILLE

Amis, bien me plaist, par saint Gille. Or alons, biaux compains, alons.

Dieu mercy, tant erré avons Qu'en la ville de Paris sommes, Et poons le roy et ses hommes Veoir a plain.

Amis

Chier compains, nous deux main a main Presenter a li nous alons; 2 b S'il nous retient, nous n'en pouons

Que miex valoir.

Amille

Alons, Amis; vous dites voir.

Sire, Diex vous doint bonne vie Et toute vostre baronnie Que ci veons!

LE ROY

Bien veigniez, seigneurs compaignons 170 Que voulez dire?

#### AMIS

Nous venons a vous, treschier sire, Savoir se vous avez mestier De nous qui sommes sodoier:

Gens d'armes sonmes.

175

#### LE ROY

Seigneurs, veistes vous deux hommes Onques mais si d'un semblant estre? Par le glorieux roy celestre,

Je croy que non.

Hardré

De moie part, ce ne fis mon En nul pais. 180

#### CONTE GRIMAUT

Sire, de ce suis je esbahis
Qu'en toute chose onniement,
Non pas en une seulement,
Sont d'un semblant et ens et hors
Et de viaires et de corps.
Je lo que vous les recevez,
Car chascun d'eulx est bien tailliez.

185

# · Pour valoir homme.

SERGENT D'ARMES
Valoir! par saint Pierre de Romme,
Je ne vi pieca hommes miex.

190

# S'ilz sont de fait et de cuer tielx Ou'ilz semblent estre.

LE MESSAGIER

Sire, sanz plus en delay mettre,
Faites armer voz gens tantost;
Car de ça le bois de Saint Clost
Avez sanz nombre d'anemis
Qui se sont ja en conroy mis
Et vous pensent a assaillir,
Et ne cuident mie faillir

195

200

Et ne

A vous hui prendre.

2 C

210

215

LE ROY

Avant, biaux seigneurs! Sanz attendre. A l'encontre vous en alez. Et faites qu'ilz soient foulez. J'ay encore par ceste ville De gens d'armes plus de dis mille. Messagier, vas partout crier Oue touz vssent, sans detrier.

A haulte voiz. LE MESSAGIER

Tresredoubté sire, je vois Appertement.

AMILLE

Sire, nous qui nouvellement Sommes li vostre sodoier. Irons aussi nous donoier.

S'il vous agrée?

LE ROY

Oil, alez sanz demourée. Ne le vous dis je?

AMIS

Autre chose pieça ne quis je. Amille, alons.

LE MESSAGIER

Crier vueil. Aux armes, barons! 220 Ne demourez, grant ne petit, Oue n'issiez tost sanz contredit : Ce vous mande par moy le roy, Car les ennemis a desroy Près de ci queurent. Je m'en voys 225

Jusques a Saint Clost, vers le boys, Veoir l'estour.

LE ROY Seigneurs, j'ay au cuer grant tristour De ce qu'a ce ne puis venir

	AMIS ET AMILLE	11
	Que prendre peusse et tenir	230
	Gombaut qui me fait ceste guerre;	
	Mes gens foule et gaste ma terre,	
	Dont il me poise malement.	
	Or regardons ici conment	
	Je m'en chevisse.	235
	LE CONTE GRIMAUT	
	Sire, en Gombaut a grant malice,	
	Car nulles foiz assault ne fait	
	Ne pongneis fors par aguait,	
	Ce n'est pas doubte.	
	Hardré	
	Sachiez qu'encore n'est pas toute	240
	Sa voulenté bien assouvie;	
	Car il pense, ains qu'il perde vie,	
	Sire, a vous de plus en plus nuire	
	Et s'il peut de touz poins destruire,	
	Tant est mauvais.	245
	LE CONTE GRIMAUT	
	Ce ne se peut faire jamais:	
	En c'est il folz et oultrageux.	
	Peut le roy d'aussi courageux	
	Chevaliers avoir conme il est?	
	Oil, assez, je vous promet,	250
**	Et qui tellement le menront	
	Qu'au roy qui ci est le rendront	
	Pris maugré lui.	
	LE ROY	
	Or laissons ester. A celui	124
	M'en plaing qui peut les choses faire	255
	Qu'il ne lui doint de moy meffaire	
	Pouoir ne force.	
	Le messagier	
	Mon seigneur, vostre honneur enforce	not
	Grant joie au cuer avoir devez,	
	Car vos gens tellement menez	260

XXIII

2 d

270

275

280

3 a

Par combatre ont voz annemis Qu'en vostre merci se sont mis Com prisonnier.

LE ROY

Est ce verité, messagier, Que tu me diz?

LE MESSAGIER

Sire, par Dieu de paradis
Oil, ja n'en aiez doubtance:
J'ay veu toute l'ordenance;
Et de la bataille ont le pris
Amilles et Amis, car pris
Ont Gombaut et conte Bernart.
N'i a nul qui ait tel essart

Fait de batre gent conme ilz ont : C'est merveilles conment preux sont.

En l'eure les verrez venir, Et chascun son prison tenir Et amener.

LE ROY

Pour ceste nouvelle donner
Te feray cent livres tournoys.
Je ne fu si liez puis trois moys
Com de ce que Gombaut est pris.
Par mon chief! ceulz qui les ont pris
Feray grans hommes.

#### GOMBAUT

Seigneurs, a vous renduz nous sommes.

D'une chose vous vueil prier,
Que ne nous faciez maistrier,
Ne ne mettez en autruy mains
Qu'es vostres meismes; ou au mains,
Se de moy voulez raençon,
Je vous donrray sanz contençon
Tantost soixante mille livres;

Mais que franc m'en voise et delivres

# Dessus mon lieu.

# BERNART

Sire, je vous promet sur Dieu

Et sur ma foy, com chevalier,
Que, se vous me voulez baillier

Sauf conduit et raençon prendre,
Ne vous feray point faus entendre:
De ma terre arez la moitié.
Or le faites en amistié

Et le nous aiez convenant,
Ains que nous aillons plus avant:
Si ferez bien.

#### AMILLE

3 b Souffrez vous: nous n'en ferons rien;
Nous ferons ce que nous devommes. 305

Vos deux nouviaux sodoiers sommes, Mon chier seigneur, cy en present, Qui de ces deux contes present Vous faisons, sire.

#### AMIS

Mon chier seigneur, je puis bien dire 310 Et affermer (ne scé qui m'ot), Ce sont les souverains de l'ost Dont nous venons.

CONTE GRIMAUT

Amis, nous savons bien leurs noms
Et qui il sont et leurs posnées.

Pour eulz arez telles soudées,
Se le roy me croit, n'en doubtez,
Qu'en honneur serez amontez
Pour touz jours mais.

# LE ROY

Par mon chief, ce feront mon. Mais 320
Je vueil qu'au Louvre les me mainnent
Et conme gardes les demainent;
Et que tout ce que pour leur vivre

340

345

350

3 c

Demanderont, c'on leur delivre 325 Sanz nul deffault.

#### AMILLE

Chier sire, plus parler n'en fault : Il sera fait, puisqu'il vous plaist. Nous sommes a fin de ce plait; Pensons d'aler.

#### AMIS

Sire Bernart, sanz plus parler, Venez vous ent.

#### BERNART

Sire, a vostre conmandement
Obeiray. Sire Gombaut,
Priére icy riens ne nous vault;
Bon cuer en nous nous convient prendre
Et la merci de Dieu attendre,
Puis qu'ainsi est.

#### GOMBAUT

C'est voirs. Il a esté tout prest De nous en son Louvre envoier; Et se longuement prisonnier Y sonmes, je n'ai pas fiance Que jamais aions delivrance Jusqu'a la mort.

#### BERNART

Pour quoy, sire? vous avez tort

De ce mot dire.

### Gombaut

Non ay, voir. Vezci pour quoy, sire; La tour du Louvre est si jurée Que puis qu'i est emprisonnée Personne, quelle qu'elle soit, Ains qu'elle en parte mort reçoit;

Bernart
Ne croy pas qu'i soions boutez,

Ja n'en doubtez.

3 d

#### Certainement.

LE ROY

Biaux seigneurs, dites mov conment D'Amis et d'Amille feray, 355 Et quel don a chascun donray De quoy miex vaille.

HARDRÉ

Sire, se me creez, sanz faille Lubias ma fille donrrez Amille: biau don li ferez, Car elle est si tresbelle fame Que riens n'y fault, et si est dame De Blaives et tient la conté Oui lui duit de droit herité:

Vous le savez. 365

LE CONTE GRIMAUT Hardré, par foy, bien dit avez. Sire, ne li refusez mie: Il a vostre guerre fenie, Quant il a vostre annemi pris. Ja n'en serez d'omme repris

370

Oui sache rien.

LE ROY

Puis qu'il vous semble que c'est bien, Laissons ester, et fait sera Quant devers nous retournera.

Je vous promet.

375

#### AMILLE

Chiers compains Amis, avis m'est, Puis qu'enfermez sont noz prisons, Qu'il est bon qu'un tour en aillons Devers le roy.

Amis

Vous dites voir, bien m'y ottroy;

380

390

395

400

405

410

4 a

# Alons, Amille.

#### AMILLE

Alons, car j'espére sanz guille Qu'il ne nous en peut de pis estre.

Roy sire, en vostre regne mettre Vueille Dieu paix.

# LE ROY

Temps en seroit dès ores mais,
Amille, s'il lui vouloit plaire,
Et je croy que si veult il faire.
Puis que mon grant ennemi tieng,
Touz les autres trop petit crieng;
Mais pour ce que par vous je l'ay,
Amilles, je vueil sanz delay
Vostre bien fait guerredonner,
Et vous vueil a femme donner
Lubias, dont on fait grant conte;
Et si serez de Blaives conte,

#### AMILLE

Amilles sire.

Mon seigneur, ne vous vueil desdire;
Mais, s'il vous plaist, miex le ferez:
A mon compagnon la donrrez;
Car par ses faiz, c'on voit aux yex,
De prouesce en est digne miex
Que moy d'assez.

#### LE ROY

Sa donc, Amis, avant passez.

Je vous doing Lubias la belle:

Contesse est et si est pucelle:

Ou'en dites vous?

#### Amis

Que j'en diray, mon seigneur douls? Si plaist mon compaignon Amille, Je m'i accors, et plus de mille

# Merciz en di.

#### HARDRÉ

Il lui plaist et le veult ainsi, Aussi fas je, par m'antain Thiece. Amis, sachiez qu'elle est ma niece:

C'est sanz ruser. 415

Conte Grimaut
Or avant: il fault diviser
En quel lieu les noces seront

Et conment elles se feront Par bon devis.

#### LE ROY

Je vous en diray mon avis:

Amis a Blaives s'en ira,

Amilles le convoiera,

Et vous, Hardré, avec voz gens;

Si vous enjoing que diligens

Soiez de parfaire la chose,

Si que nulz n'en puisse ne n'ose

Fors que bien dire.

#### HARDRÉ

Puis qu'il vous plaist, voulentiers, sire.
Or avant, seigneurs; sanz hutin
Pensons de nous mettre a chemin; 430
Et vous, Griffon, dit de Savoie,
Alez devant, faites nous voie
Delivrement.

LE SERGENT D'ARMES

Vuidiez de ci ysnellement;

Avant: il vous convient partir,

S'aux biens faiz ne voulez partir

De ceste mace.

#### LE ROY

Conte Grimault, grant foleur brace Qui guerre sanz raison esmeut. Gombaut m'a fait le pis qu'il peut;

455

460

4.65

1 b

Toutes voies en ma merci Le tiens je pris, dont Dieu merci. Qu'en pourray faire?

u'en pourray faire?
Conte Grimaut

Se li estiez debonnaire

Tant que vous li pardonnissiez, Sire, et qu'aler l'en laississiez Par ainsi qu'il vous jureroit Qu'a touz jours paix vous porteroit, Ce seroit courtoisie grant.

Ne scé se de ce faire engrant, Chier sires, estes.

LE ROY

Grimaut, tout esbahy me faites.

Que je l'en laisse vif raler?

On en pourra assez parler,

Mais, certes, puis que le tieng pris,

Jamais n'ystra: trop a mespris

Ly faux traitre.

GRIMAUT

Contre li cause et juste tiltre, Sire, avez, nul doubte n'en face; Mais se li faisiez cele grace, Ce seroit une.

LE ROY

C'est voir: or prenez celle prune; Vive tant com vivre pourra, Qu'en ma prison certes morra, Que que nulz die.

----

LA ROYNE

Belle fille, il me prent envie

D'aler vers mon seigneur le roy:

Alons y entre vous et moy;

Si sarons se c'est voirs de fait

	Que l'en m'a dit, que noces fait Et mariage. La fille	470
	Chiére mére, d'umble courage Obeiray a vostre vueil.	
	Alons: après vous aler vueil;	
	Je le doy faire.	475
	LA ROYNE	
4.0	Mon treschier seigneur debonnaire,	
4 c	Nous vous venons nous deux veoir Et vous demander se c'est voir	
	Que fait avez un mariage.  De qui est ce? faites m'en sage,	480
	S'il vous agrée.	400
	LE ROY	
	Dame, n'est pas chose secrée :	
	Amis prent Lubias a femme;	
	Et il le vault bien, certes, dame,	
	Car il est preuz, hardiz et fors,	485
	Qu'en partie par ses effors	216
	Ont esté pris mes ennemis :	
	Pour ce l'ay j'en tel estat mis	
	Qu'il sera conte.	
	La royne	
	C'est bien fait; ja n'y arez honte,	490
	Au mien cuidier.	
	LE CONTE GRIMAUT	
	Certes, c'est un bon chevalier	
	Et courtois, n'est fel ne gaignon;	
	Non est aussi son compaignon,	
	Qui moult revault.	495
	LA FILLE	
	Qui est il, messire Grimault,	
	Se Dieu vous gart?	
	LE CONTE GRIMAUT	
	C'est homme de si belle part	

4 d

Qu'il est digne de grans honneurs. En li sont toutes bonnes meurs: 500 Il a sens, force, loyauté; Il est courageux a planté, Et s'est bel homme. LA FILLE Sire, par saint Pierre de Romme, Si en affiert miex a amer. 505 Un tel chevalier ja blasmer Ne devroit nulz. LE CONTE GRIMAUT Se li et ses compains venuz Ne fussent ci, par saint Ruffin, La guerre ne fust pas a fin 510 Conme elle est ore. HARDRÉ Mon chier seigneur, le roy de glore Vous soit et a nous touz amis! Les noces avons fait d'Amis, Je vous promet, et grans et belles : 515 Et de dames et de pucelles Et de nobles, par verité, I a il eu a planté. La chose va bien, Dieu mercy. D'Amille fault penser aussy, 520 Mon seigneur chier. LE ROY Vous dites voir, par saint Richier: Paine y fault mettre. LA FILLE Ce chevalier qu'eluec voy estre, Messire Grimaut, qui est il? 525 Il semble bien home gentil,

Se Dieu me voie.

C'est celui que je vous looye,

GRIMAUT

54.0

555

# Tant orains, dame.

#### LA FILLE

A loer affiert bien, par m'ame,
Car il est gracieux et doulz.
Mon treschier seigneur, plaise vous
Que ce chevalier ci me tiengne
Compagnie et qu'avec moy viengne?
En ma chambre ay un po affaire;
Ne doubtez que je ne repaire
Cy sanz demeure.

# LE ROY

Il me plaist. Alez en bonne heure, Ma fille gente.

# La fille

Amille, venez sanz attente

Compagnier moy.

#### AMILLE

Dame, voulentiers, par ma foy, Ou vous voulrez.

#### La fille

Amille, sire, vous pourrez,
Se vous voulez, tost grant homme estre; 545
Vezci pour quoy: vous estes maistre,
S'il vous plaist, n'en faites ja doubte,
De mon cuer et de m'amour toute:
Pour vous souvent dormir ne puis;
Mes pensers de jours et de nuis
Sont en vous si mis et fichiez
Qu'il n'est homme nul, ce sachiez,
Que j'aime autant con je fas vous:
De voz vouloirs acomplir touz

#### AMILLE

Suis preste, certes.

Dame, il eschiet souvent grans pertes Ou l'en cuide grant gaaing avoir.

	Se vous tant m'amez qu'il soit voir,	
	C'est de vostre grace benigne,	
560	Non pas que j'en soie en riens digne;	
	Mais ja Dieu ne me doint espace	
	Que si laide mesprison face	
ı	Que vous, dame, charnelment touche	
	Ne qu'aie si vilain reprouche.	
565	Un de ces jours serez contesse,	
	Ou si grant dame com duchesse,	
	Et je n'ay riens que l'esperon	
	Et sanz plus de chevalier nom;	
	Si voulez que je vous laidisse	
570	Et vostre pére et moy traisse,	
	De qui j'atens tout mon bien fait!	
	Ja, se Dieu plaist, si vilain fait	
	Ne feray, voir.	
	La fille	
	Amilles, vous devez savoir	
575	Que vostre amour forment m'a point,	
	Quant amené m'a a ce point,	
	Qu'ouvert vous ay tout mon courage;	
	Mais, pour ce que vous estes sage,	
	Courtoisement me refusez.	
580	Je ne sçay pas se me rusez;	
	Mais je pense qu'un jour venra	
	Encore qu'en nous deux n'ara	5
	Mais qu'un vouloir.	
	Amille	
	Je voulroie bien tant valoir,	
585	Certes, que je souffisant fusse	
	Que servir a gré vous peusse	
	Et a m'onneur.	
	La fille	
	Ralons men devers mon seigneur;	
	Laissons en paix.	

100 5.1	
Hardré	
Croire ne pourroie jamais	590
Q'entre Amille et la fille au roy	
N'ait ou parler ou fait, de quoy	
Il se sont si aprivoisiez.	
Venir joieux et renvoisiez	
Les voy la, dont j'ay grant envie;	595
Mais se j'en devoie la vie	
Perdre, ains que fine ne ne cesse,	
Saray je pour quelle chose est ce	1.57
Qu'amis sont si.	
. LA FILLE	
Mon seigneur, a vous revien ci,	600
Com promis l'ay.	
LE ROY	
N'avez pas fait trop long delay;	
Qu'avez vous fait?	
La fille	
S'il vous plaist, de savoir mon fait	
Vous soufferrez.	603
LE ROY	
Belle fille, ja n'en serez	
Par moy desdite.	
La fille	
De la vostre parole dite,	
Mon treschier seigneur, vous merci.	
Quant il vous plaist qu'il soit ainsi,	610
Cy m'asserray.	- "
Amille	
Mon seigneur, s'il vous plaist, g'iray	
Un petit jusqu'a mon hostel;	
Car, sire, sommeil me fait tel	
Que le corps ai tout estourmi,	615
Pour ce qu'ennuit point ne dormi:	
Ne scé qu'avoye.	

5 C

635

# LE ROY Il me plaist bien, se Dieu me voie: Amille, allez.

### LA FILLE

Amours, mon corps trop fort tenez:
D'Amille ne le puis oster.
Or li ay je volu donner
Moi meismes tout a son bandon;
Mais refusée m'a et mon don.

525
Je sçay bien qu'il va reposer;

Je sçay bien qu'il va reposer;
Mais, certes, je me vois poser
Et mettre lez lui sur sa couche.
Au mains s'un baisier de sa bouche
Puis avoir, il me souffira,

Puis avoir, il me southra,

Tant qu'une autre foiz se donrra

Du tout a moy.

HARDRÉ

Egar! ou va la fille au roy,
Ainsi seule, sanz compagnie?
Certainement, je ne croy mie
Qu'après Amille ne s'en aille,
Et j'en saray le voir sanz faille;
Car ja la suiveray a l'ueil
De loing, pour ce que pas ne vueil
Ou'elle me voie.

#### La fille

Amille, de vous me doint joie
Amours, si com mon cuer desire!
Conment le faites vous, chier sire
Et chiers amis?

#### AMILLE

Ha! dame, qui vous a ci mis?

Vous me voulez deshonnourer.

Pour Dieu, sanz plus ci demourer

#### Ralez vous ent.

LA FILLE

Non feray, je n'en ay talent;

5 d

Car hors sui de paine et d'annuy

Quant avec vous ci endroit suy

Seule a seul, sire.

650

HARDRÉ

Amille, vous pouez bien dire
Que pour soudées avez pris
Le tresor de plus noble pris
Que li roys ait, je n'en doubt mie,
Qui sa fille avez a amie;
La contenance assez en voy;
Mais, par la foy que j'a Dieu doy,
Le roy mon seigneur le sara,
Si que vostre bonté verra

655

660

A ce cop cy.

AMILLE

Hardré sire, pour Dieu, merci!
Du dire vous plaise a souffrir,
Et a faire me vueil offrir
Quanque direz.

665

Hardré

Ja par ce quitte n'en serez.
Au roy maintenant m'en iray,
Et la chose li compteray,
Si ait Diex m'ame!

003

AMILLE

Je suis bien traiz par vous, dame.
Certes, or ne say je que faire;
Car puis qu'Hardré scet cest affaire,
Moi tieng pour mort.

670

LA FILLE

Sire, prenez en vous confort Com chevalier hardiz et preux. 675 Chascun scet qu'Hardré n'est pas preuz :

Prenez a li champ de bataille, S'il vous accuse; et puis si aille Entre deux conme aler pourra. Je tiens que Diex vous aidera Certainement.

AMILLE

Dame, je l'en pri bonnement : Mestier m'en est.

LA FILLE

6 a

Qui ses besongnes li conmet,
685 Il les fait a bon chief venir.
Senz moy plus ci endroit tenir
M'en revoys, sire.

AMILLE

Dame, vous et moy gart Diex d'ire Et de pesance!

HARDRÉ

Entendez, sire roy de France,
Et vous, dame, qui estes mére:
Nouvelle vous apport amére.
Vostre fille a perdu son pris,
Car toute prouvée l'ay pris
Avaic Amilles en son lit;
Et d'elle a eu son delit.

Il est ainsi.

LA ROYNE

Ha! sainte Marie, mercy!
Hardré, ne croy pas qu'il puist estre
Que ma fille se voulsist mettre
En tel despit.

LE ROY.

Vien avant, Griffon, sanz respit: Vaz me querre Amille, et lui dy Que je li mans qu'il viengne cy; Et fay bonne erre.

705

700

6 b

LE SERGENT D'ARMES Chier sire, je le vous vois querre.

Sire, bon jour vous soit donnez. A mon seigneur le roy venez Oui vous demande.

AMILLE

Griffon amis, puis qu'il me mande, Alons: d'aler y sui tout prest.

Dieu, sire, de qui tout bien nest, Vous croisse honneur.

LE ROY

Par vous me croist grant deshonneur, Amille, ne scé que priez. 715 Dites me voir, ne detriez: Avec ma fille avez geu, Et l'onneur de son corps eu.

Est il ainsi?

AMILLE

Qui vous fait entendre cecy, Sauve sa grace, sire, il fault. Ja, se Dieu plaist, en tel deffault Ne seray pris.

HARDRÉ

Conment! ne vous ay je pas pris Touz deux ensemble?

AMILLE

Vous direz miex, se bon vous semble, Hardré: ja ne sera prouvé. N'est pas d'avoir ce controuvé

Grant vassellage.

Sire, sire, vezci mon gage; J'en demande champ de bataille Encontre li, vaille que vaille;

710

720

725

730

HARDRÉ

Mais s'en champ le tieng a mes poins, Gehir li feray de touz poins Sa mauvaistié.

735

AMILLE

Hardré, sire, en vostre traittié ? N'a touz jours que haine et plait. Bien me deffendray, se Dieu plait, Contre vous, sire.

LE ROY

740

Or entendez que je vueil dire: Hardré, avoir me fault hostages; Autrement ne se peut li gages Bien soustenir.

HARDRÉ

745

Sire, assez en feray venir.
Sire Grimault, vous plairoit il
Mon plege estre? Or dites oil,
Je vous en proy.

GRIMAUT

Mon seigneur, hostage m'ottroy Pour Hardré, se me voulez prendre, Avecques ceulx que sanz attendre Venir fera.

6 c

T

LE ROY

Quant a ore s'en cessera; Il me souffist, puis que vous ay. Amille, il vous fault sanz delay Hostes baillier.

755

750

AMILLE

Sire, je sui un chevalier
Qui sui né d'estrange pais:
Cy endroit n'ay je nulz amis;
Mais se de vous congié avoie,
En l'eure me mettroie a voie
D'aler en querre.

760

# HARDRÉ

Mon chier seigneur, s'il peut, la guerre Sans cop ferir eschievera : Certainement il s'en fuira,

S'il a congié.

765

# LE ROY

Que ly doingne n'ay pas songié. Amilles, je vous fas savoir, Ains que de ci partez, avoir Vous fault hostages.

### AMILLE

Sire, ordonnez donc que li gages
Se face cy presentement
De nous deux sanz delaiement.
Estrange homme suis esbahis
Quant a mon besoing n'ay amis,
Se li Diex, qui tout scet et voit,
Son confort briément ne m'envoit

...

770

# Et son conseil.

# LA ROYNE

Mon chier seigneur, dire vous vueil:
Amilles n'a ci nul parage;
Je m'offre pour li en hostage 780
Et ma fille; or nous recevez:
Refuser pas ne nous devez.
Au cuer me fait pitié, par foy,
De ce que sanz amis le voy
Ainsi seul estre. 785

#### 6 d

#### LE ROY

Dame, par Dieu le roy celestre, Bien vous recevray pour hostage; Mais de tant vous fas je bien sage, Se le dessus en peut avoir Ardré, je vous feray ardoir Et mettre en cendre.

790

805

810

815

820

LA ROYNE
Sire, de telle mort deffendre
Nous vueille Diex!

AMILLE

Mes treschiéres dames gentiex,
Plus de mille foiz vous merci
De l'onneur que me faites ci;
Et puis que tant faites pour moy,
D'une chose encore vous proy:
Qu'a mon compaignon puisse aler
Amis, et le ci amener

800 Amis, et le ci amener Pour mon conseil.

LA ROYNE

Amille, ce n'est pas mon vueil; D'avecques nous ne partirés Tant que combatu vous serez. Je croy, se Jhesu me conseult, Que grant couardise vous veult Faire ent fouir.

Amille

Certes, miex voulroie mourir
Ou champ que ce que je m'en fuie,
Ne que pour ce, dame, le die:
Ja n'en doubtez.

LA FILLE

Ma chiére dame, or m'escoutez;
S'il vous plaist, congié li donrrez
Par si que jurer li ferez
Qu'au jour du champ ici sera
Et que la bataille fera;
Car sa besongne est une chose
Ou conseil avoir, dire l'ose,
Fault bien et sens.

LA ROYNE

Fille, a ce que dites m'assens. Amille, ça, levez la main: 7 a

Vous jurez au Dieu souverain,	
Par ses sains faiz et par ses diz,	
Par vostre part de paradis,	
Que la journée ici serez	825
Que combatre vous deverez	
Sanz nul deffaut?	
Amille	
Ma chiére dame, si me vault,	
Je le vous jur en verité;	
Mais que Dieu me tiengne en santé	830
Et gart d'essoingne.	
LA ROYNE	
Or y alez dont sanz eslongne,	
Car il m'agrée.	
Anille	
Ma treschiére dame honnourée,	025
G'y vois tout droit	835
THE PARTY OF THE P	
Amis	
Ytier, pleust Dieu orendroit	
Que mais hui ne jeusse en ville,	
Et mon chier compaignon Amille	
Tenisse ci.	
Ytier, escuier	
Je croy, sire, s'il fust ainsi	840
Qu'il sceust que l'alez veoir,	77
Qu'il fust venuz contre vous, voir,	
Hastivement.	
Amille	
E! mére au vray Dieu qui ne ment!	
Conme grant joie au cuer aray	84
Quant mon chier compagnon verray!	L
Ne m'en chaut combien me travaille;	
Mais que Dieu doint que la chose aille	
Si bien qu'alé ne soit pas hors!	

_	
•	
3	9

# MIRACLE DE

# XXIII

32	MIRACLE DE	XXIII
850	Egar! avis m'est, par le corps Saint Gille, que venir le voy.	
	Certainement c'est il. Je croy	
	Qu'il scet mon fait et mon estat.	
	A lui vois sanz plus de restat.	7 b
855	Chier compains, loyal, esprouvé,	•
	De moy soiez le bien trouvé.	
	Que fait la dame? est elle saine?	
	Dites me voir, quel vent vous maine?	
	Ou alez vous?	
	Amis	
86o	Amille, mon chier ami doulz,	
	Sachiez droit a vous m'en venoie;	
	Car de vous en grant doubte estoie	
	Pour un songe que je songeay	
	Avant hier, dont suis en esmay;	
865	Car un lion, ce me sembloit,	
	Le costé fendu vous avoit,	
	Dont issoit sanc a tel foison	
	Qu'i estiés jusqu'au talon;	
	Et puis ce lion devenoit	
870	Un homme que l'en appelloit	
	Hardré, si com il me sembla;	
	Et tantost je venoie la	
	Pour vous oster de ce meschief,	
	Et si li copoie le chief.	
875	Je vous dy voir.	
	Amille	
	Chier compains, je vous fas savoir	
	Qu'aussi m'en aloie j'a vous;	
	Vezci pour quoy, mon ami doulx:	
	La fille au roy s'en vint a moy,	
880	L'autre jour, et me fist de soy	
	Present et de s'amour aussi,	
	Et me requist qu'il fust ainsi	
	Que je son ami devenisse;	

V	V	Ŧ	п	T	
X	$\Delta$	и		11	

# AMIS ET AMILLE

33

Mais pour moy garder de tel vice,	
Sa voulenté ly refusay.	885
Quant elle vit que la rusay	
Ne se tint pas a ytant coye;	100
Mais une nuit que me gisoie,	
Se vint couchier dedans mon lit.	
La pris je d'elle un seul delit,	890
Car je cuidoie, par ceste ame,	
Que ce fust une estrange famme,	
Qui me tourne ore a grant desroy:	1-0
Car Hardré l'a compté au roy,	
Qui tant fist, ne scé conment va,	895
Qu'ensemble en mon lit nous trouva.	
Je ly ay tout nyé le fait;	
Mais du prouver si fort se fait	
Qu'il y a gage de bataille;	
Mais com pourra, chiers amis, aille:	900
Jamais ne riray a la court,	
Car j'ay tort; et a brief mot court,	
Je doubt, s'a mon tort me combaz,	
Que ne chiée du hault au baz	
A grant hontage.	905
- Amis-	
Et qui est pour vous en hostage?	
N'y a il ame?	
Amille	
Si a: la royne ma dame,	
Sa fille; et si sachiez de voir	
Autres pleges n'y poi avoir;	910
Encores par pitié le firent,	
Chiers amis, pour ce qu'elles virent	
Que pour prier ne supplier	
Ne me voult nul ce jour plegier	
Devers le roy.	915
Amis -	
1	

T. IV

7 d

Cy entour en aucune ville
Yrez entre toy et Amille
Secretement vous herbergier;
Et te deffens tant com m'as chier,
Sur le serement que m'as fait,
Que par toy nulz de nostre fait
Ne sache rien.

YTIER

Non fera il, je vous dy bien, Mon seigneur chier.

Amis ~

Chier compains, sanz plus ci preschier, Vueilliez m'acoler et baisier, Et puis vous en alez aisier; Car de tant vous fas j'ore sage, Pour vous iray faire le gage. N'est homme nul, tant ait science,

De moy a vous.

Qui sache mettre difference

AMILLE

Grans merciz, treschier amis doulx. A Dieu! la sainte trinité Si vous vueille par sa bonté Garder de mal.

AMIS

Et vous aussi, compains loyal.

A Dieu! j'en vois sanz plus attendre.

Bien scé ou doy voz armes prendre

Et vo destrier.

HARDRÉ

Sire, je vous dis dès l'autrier D'Amille, moult bien m'en souvient Que s'emprise venroit au nient. Il est au jour d'ui la journée

925

930

935

940

945

8 a

Que bataille doit estre oultrée	
De nous deux. Vez me ci tout prest;	
Mais je tieng que fouiz s'en est,	
Car entre gentilz ne villaines	
Ne fu, bien a ja trois sepmaines,	950
Veu, de ce vous fas je sage;	900
E s'ainsi est, de son ostage	
Demant justice.	
La royne	
Hardré, gardez que de vous n'isse	
Un parler de bien, que puissiez.	0.5.5
Heure ne passe pas: laissiez	955
Que venir doie.	
Hardré	
Je croy n'estes pas a deux doie	
De l'avoir, par le roy hautisme.	
Il est de jour ja plus de prime.	
Certes, grant folie pensastes	960
Quanta li plegier vous boutestes	
Quant a li plegier vous boutastes;	
Car je me doubt par aventure	
Que n'en soiez mise a mort sure,	
Dame, qui raison vous fera	965
Et qui bien soustenir voulra	
Droite justice.	
LE ROY	
Hardré, je ne sui pas si nice	•
Que ne la vueille soustenir,	
Selon que le fait avenir	970
Pourray veoir.	
Amis	
De joie et d'onneur pourveoir	
Vous vueille, mes dames gentieulx,	
Et tout adès de bien en mieulx	
Dieu de lassus!	975
LA ROYNE	
Amille, bien veigniez vous sus.	

8 b

Certes, grant doubtance ay eu Que ci ne fussiez plus veu; Et aussi Ardré le disoit, Pour quoy de mort me menaco

980 Pour quoy de mort me menaçoit
Trop malement.

LA FILLE

Mon chier ami, certainement Il nous a si espoventées Qu'estion toutes esplourées

985 Pour ce traistre.

Amis

Dame, je le pense en tel tiltre Mettre au jour d'uy et en tel angle Que li abateray sa jangle Toute a un cop.

LA ROYNE

Alon men au roy sanz attente.

Mon chier seigneur, je vous presente

Amille prest de soy combatre

A Hardré et de lui debatre

995 Ce qu'il a dit.

HARDRÉ

Sire, n'y ait plus contredit:
Je sui tout prest, je vois monter;
Puis que j'ay droit, ne doy doubter
Riens qu'il puist faire.

AMIS

S'aussi vous veult, mon seigneur, plaire, Congié me donrrez d'aler querre Mon cheval. Je revieng bonne erre, Prest de combatre.

LE ROY
Alez; ne le vueil pas debatre,
Ne n'est raison.

1005

LE CONTE GRIMAUT
Sire, ne sçay se traison
Pourroit contre Amille yci estre:
Je ne croy pas qu'il s'osast mettre
En champ, s'il cuidast tort avoir.
De Ardré scet on bien de voir
Qu'il est voulentiers rioteux,
Et n'est pas de mentir honteux

1010

Aucune foiz.

LE ROY

Grimaut, si m'aist sainte Foiz,
Je ne scé; mais quant il seront
En champ, jamais n'en ysteront
Sanz combatre, soiez en fis,
Tant que l'un en soit desconfis;
Et celui qui vaincu sera,
Je vous promet, pendu sera;
N'en doubte pulz.

1015

1020

HARDRÉ

Mon chier seigneur, je sui venuz Tout prest de faire mon devoir: Sy requier jugement avoir Contre partie, quant n'est ci, Et dy que le devez ainsi

1025

1035

Jugier pour moy.

LE ROY

Non feray, car venir le voy Pour soy deffendre.

AMIS

Mon chier seigneur, vueillez m'entendre: 1030 Vezci Hardré; s'il veult riens dire Contre moy, je sui tout prest, sire,

De m'en combatre.

LE ROY

Or paix! il n'en fault plus debatre.
Pour cause a li a faire avez.

8 c

Hardré, Hardré, la main levez : Vous jurez Dieu qui vous crea Et par sa mort vous recrea, Par le batesme que reçustes Et par le saint cresme qu'eustes Quant vous fustes crestien fait, Que vous avez veu de fait Gesir et en un lit Amille, Qui ci est, avecques ma fille.

104.5

1050

1040

HARDRÉ

Oil, par les sains qui sont ci N'en tout le monde!

Est il ainsi?

AMIS

Sire roys, et Dieu me confonde Se je jus onques avecque elle, Ne s'oncque vostre fille belle De son corps a moy atoucha, Ne le mien au sien aproucha En celle entente.

LE ROY

Or, avant: je vueil sanz attente
Que descendez a pié touz deux,
Et a qui qu'il soit joie ou deulx,
Qu'alez ensemble.

Hardré

Faux parjure, ains qu'a toy assemble, Je te conseil qu'a moy te rendes Et que grace et pardon demandes : Si feras bien.

AMIS

Traitre, je n'en feray rien. Tu m'as deffié, deffens toy, Car ce cop aras de par moy Premièrement.

1060

1065

1000

8 1

HARDRÉ

Rendu te sera, vraiement, Ains que je parte mais de ci. Tien: dy moy se ce cop aussi Est bon ou mal:

Amis

Certes, traistre deloyal, Fort m'as feru sor mon escu; Mais je te renderay vaincu Ains que ceste bataille cesse. Tien cela et me di voir : qu'est ce?

T'a il mestier? 1075

HARDRÉ

N'ay pas esté grant temps rentier D'estre ainsi servi, par saint Gille; Mais a moy parlerez, Amille,

D'autre Martin.

AMIS

Finer feray tost ce hutin: 1080 N'eschapperas pas, faux cuvers, De moy. Tien, c'est fait : puis qu'envers Te voy cheu, mon fait s'avance. Monter te vueil dessus la pance 1085

Pour toy occiré.

LE ROY

En ce point, Amille, biau sire, Sachiez avant se rien dira Ne se merci vous criera

Par amour fine.

AMIS

Traitre, ains que ta vie fine, Rens toy confus, crie merci, Ou tu morras a honte ci, Je te promet.

LE ROY

Que dit il?

OIII

1115

1120

A			
A		٤	2
4 7	TAT	L	0

Riens, n'en li ne met

Nulle deffense.

LE ROY

Alez oultre donc: je n'y pense Nul delay mettre.

AMIS

Puis que de toy, Hardré, sui maistre,

Ce heaume ci t'osteray

Et la teste te coperay.

Egar! non feray, car je voy Qu'il est mort. Mon seigneur le roy,

Ne m'est mestier de plus combatre ; Hardré vous rens mort : le debatre

Si n'en est preux.

LE ROY

Com chevalier loyal et preux,
Amille, vous tien: c'est raison.
Griffon, vas sanz arrestoison
Au roy des ribaux, si li dy

De par moy que ses gens et ly Prengnent Hardré en celle place, Et qu'au gibet mener le face;

La soit penduz.

Le sergent d'armes
S'a Dieu puissé je estre renduz,
Mon seigneur, voulentiers iray
Le querir et si lui diray
Ce que me dites.

AMIS

Dieu merci, or estes vous quittes, Mes dames, de mort recevoir Pour moy; ce fust dommage, voir, S'il fust ainsi.

LA ROYNE
Vous dites voir; Dieu en graci

De ce que la chose ainsi va. Onques riens tant ne me greva Com les menaces qu'il me dit, 1125 De quoy plourer forment me fist. Dieu li pardoint. . LA FILLE Voit, voit! il est bien en ce point; Laissons ester. Amis Sire, pour ma foy acquitter, 1130 S'il vous plaist, congié me donrez; Mes dames, et vous si ferez; Car quant mon compaignon laissay Sur ma foy li convenançay Oue se le champ finé avoie 1135 Que tantost a li m'en iroie Sanz sejourner. GRIMAUT Chier sire, un point vous vueil monstrer: Onques n'ot de vous nul bien fait; Et s'il s'en va ainsi de fait, 1140 Je doubt que jamais en sa vie N'ait de vous veoir nulle envie : Prenez y garde. LE ROY

Par foy, c'est ce que je regarde,

Grimaut, et vous me dites voir. 1145 Amille, je vous fas savoir Que ma fille vous vueil donner Pour voz biens faiz guerredonner, Et serez conte de Riviers. Qu'en dites vous, mes amis chiers, 1150 Et ma compaigne?

LA ROYNE

Mon chier seigneur, soit fait en gaigne; Ja n'en serez par droit repris,

Car il est chevalier de pris

Et esleu.

GRIMAUT

Dame, c'est voir, bien est sceu,

Car fait a tout plain de bons faiz,

Et sanz mesdiz et sanz meffaiz

Touz jours esté.

Amis

Vous dites vostre voulenté,
Et c'est, sire, du bien de vous;
Mais entendez, mon seigneur doulx:
Il ne fault mie qui recuevre.
Il vous plaira tout avant éuvre
Que voise mon compagnon querre,

Si sara l'estat de ma guerre
Et la grant honneur que m'offrez.
Que vous plaisé, sire, et souffrez
Qu'il soit ainsi.

LE ROY

Non, non. Ains que partez de cy, Amille, la flancerez; Et puis après querre l'irez Tout a loisir.

GRIMAUT

Amilles, faites son plaisir Sanz li desdire.

AMIS

Or ça, de par Dieu; nostre sire, Soit sans attente.

LE ROY
Or ça, fille, vezci m'entente:

Amilles arez a seigneur:
Ne li puis faire honneur greigneur.
Sa, vostre main, et vous, la vostre:
Vous jurez par la patenostre
Et par la fôy qu'à Dieu devez

9 C

1180

1175

DIEU

1210

Gabriel, va t'en sanz delay

HIYY

9 d

Au conte Amis, qu'aler voy la. Et li dy que mesel sera Pour ce qu'il a sa foy mentie. Et que je vueil qu'il se chastie De tel affaire.

1215

L'ANGE

Sire, je le saray bien faire Si tost conme ataint je l'avray.

Amis, Amis, saches de vray, Pour ce qu'as fait un serement Qui ne peut tenir bonnement 1220 Oue ce ne soit contre la lov (C'est d'espouser la fille au roy), Dieu te mande qu'en brief termine Seras mesel. A tant je fine, Et si m'en vois.

1225

1230

AMIS

Ha! Dieu, qui hault siez et loing vois, Com tu es en bonté parfaiz! Sire, se je me sui meffais Par nonsens, grace te requier; Et toutes voies je ne quier Mie si mon vouloir de fait Que le tien ne soit premier fait, Pére des cieulx.

AMILLE

Ytier, Ytier, je voy aux yex Mon compagnon venir, ton maistre; 1235 Je me vois encontre lui mettre. Treschier ami, loyaux compains, Acolez moi de voz deux mains. Et si me dites sanz eslongne Conment alée est la besongne, 1240 Je vous en pri.

10 a

#### AMIS

Chier compains, quant pour vous m'offri, Hardré devant le roy estoit: Ja deffault avoir demandoit, Et disoit qu'heure estoit passée 1245 De venir a vostre journée; Nient moins en champ avons esté, Et l'ay occis par verité: Dont j'ay tant aus barons pleu Qu'il ont a ce le roy meu 1250 Qu'il m'a fait sur ma foy jurer De sa fille a femme espouser; Si que vous irez, chier compains, Et l'espouserez; et nient moins A Blaives m'en retourneray. 1255 Une chose ci vous diray. Vezci deux hanaps touz pareulx Que j'ay fais faire pour nous deux : Cesti pour m'amour garderez Touz les jours mais que viverez; 1260 Et je garderay cestui ci, Afin que s'il estoit ainsi Que l'un de l'autre eust besoing Ou qu'il se transportast si loing Qu'en grant temps ne nous veissions, 1265 Que par ce nous recognoissons Amis royal.

#### AMILLE

Fait avez conme amis loyal, Certes, Amis.

#### AMIS

G'y ay touz jours grant peine mis

Et metteray encore, Amille.

Or avant: a la bonne ville

De Paris aler vous convient,

Et j'aussi a Blaives: c'est nient,

Departons nous.

AMILLE

A Dieu, compains loyal et doulx! Ne se peut ceste despartie Faire que des yex ne lermie. A Dieu, Itier! garde ton maistre.

Iob

1280

C'est fait. A chemin me fault mettre Jusques a tant qu'a la court viengne.

Mon chier seigneur, Dieu vous maintiengne, Et ma dame et la compagnie, En santé et en longue vie Par son plaisir.

1285

.

LE ROY

Amille, bien puissiez venir. Avez puis esté en bon point? Que fait Amis? venra il point? Par de deca?

AMILLE

1290

Nanil, sire, car il a la Une trop grant besongne a faire Qu'il ne peut laissier sanz soy faire Dommage et grief.

LA ROYNE

1295

Sire, il nous fault penser et brief Conment noz noces se feront, Et en quel lieu elles seront, Cy ou ailleurs.

CONTE GRIMAUT

Les despens seront ci greigneurs Aux chevaliers qui y venront Qu'en autre ville ne seront :

1300

C'est mon propos.

LE ROY

Nous ferons ainsi, par mon los:

IO C

Touz ensemble a Riviers yrons	
Et les noces illeuc ferons,	
Et si saisiray la Amille	1305
De la conté et de la ville;	
Et encore ay je vouloir tel	
Que dès maintenant cest hostel	
Sanz debatre, Amille, vous doing,	
Si que, quant de près ou de loing	1310
Venrez a Paris, que truissiez	
Hostel ou herbergier puissiez	
Sanz nul dangier.	,
Amille	
Vostre mercy, mon seigneur chier,	
Assez de foiz.	1315
LE ROY	
Sa, mettons nous a voie ainçois	
Qu'il soit plus tart.	
GRIMAUT	
Sire, alons, que Diex y ait part!	
Amilles, adestrez ma dame,	
Et j'adestreray vostre famme,	1320
Et mon seigneur ira premier.	
Griffon, vous qui estes massier,	
Faites chemin.	
Le sergent d'armes	
Sus, sus! ou, par le nom divin,	
De ceste mace ci arez,	1325
Ou au roy mon seigneur ferez	
Large et grant voie.	
Amis	
E! Diex, plaise vous que je voie	
I a fin do ma via at him briaf!	

Car ce ne m'est que paine et grief D'estre en ce siecle plus vivant,

	Quant du temps passé ça avant Quel j'ay esté il me remembre,	
	Et je voy ore que n'ay membre	
1335	Dont je me puisse conforter:	
	Les piez ne me peuent porter,	
	Les yex ay troublez malement,	
	Les braz et les mains ensement	
	Ay de pouacre vilz et ors;	
1 340	Las, chetif! m'art tretout le corps,	
	Si qu'a paine puis je mot dire:	
	Pour ce ne vous requiers, Diex sire,	
	Mais que la mort.	
	YTIER	
	Par foy, sire, vous avez tort	
1345	D'ainsi sohaidier vostre fin;	
	Pensez qu'il vous est ami fin,	
	Dieu de lassus, quant si vous bat,	
	Et laissiez ester ce debat,	
	Mon seigneur chier.	IO d
25	Amis	
1350	Et conment le lairay je, Ytier?	
	C'est fort a faire, par ma foy,	
	Et te diray raison pour quoy:	
	Quant je pense a la cruauté Et a la grant desloyauté	
1 35 5	Que m'a fait Lubias ta dame,	
1 33 3	Que s'elle me fust vraie fame	
	Et telle qu'il appartenist	
	Vers moy, pas ne me convenist	
	Truander aval le pais;	
1360	Et de ce point sui j'esbahis	
	Qu'elle a esté la principal	
	Et la premiére qui mon mal	
	Fist a toutes gens assavoir:	
	Dont me convint aler manoir	•
1365	Hors de gens et loin de la ville,	

En une maison gaste et ville,	
Ou de fain morir m'a laissié;	
Et puis a elle tant bracié	
Qu'il convient que soie partiz	
Conme estrange povre chetiz;	1370
Et après tu scez que Fortune	
M'est si diverse et si enfrune	
Que de mes fréres proprement	
Ay esté futez laidement,	
Et, pour ma douleur plus acroistre,	1375
Ne m'ont dangné frére congnoistre,	
Dont le cuer ay tout forsené;	
Si que puis qu'a ce sui mené	
Que ma femme par ses effors	
M'a getté de ma conté hors,	1380
Et mes fréres renié m'ont	
Touz trois, qui du mien tiennent mon	it,
Et que le monde me despit,	
Je pri a Dieu que sanz respit	
Li plaise que la mort m'envoit,	1385
Quant ainsi est nul ne me voit	
Qui n'en ait au cuer grant orreur,	
Et que je sens tant de doleur	
Que dire ne le puis a droit,	
Car le mal que sueffre orendroit	1390
Est sanz pareil.	
YTIER	
Sire, sire, je vous conseil	
Qu'aillons jusqu'a la bonne ville	
De Paris, et sachons s'Amille,	-
Vostre bon ami, y sera;	1395
J'espoir que grant bien nous fera,	
Se le trouvons.	
Amis	
Elas! je suis si feibles homs	
Que n'en enduroie a parler,	

T. IV

IIa

Pour ce que je ne puis aler; 1400 Si scé je bien, s'a li peusse Aler, deffault de riens n'eusse Qu'avoir voulsisse.

YTIER

Ne soions d'aler y donc nice, Sire; bien vous y conduyray 1405 Et voulentiers vous y menray, Voire a journées si petites Conme il vous plaira. Or me dites Se nous irons.

AMIS

Oil voir, ce chemin ferons, 1410 Quelque paine qu'i doie avoir. Sa, pensons de nous esmouvoir. De toy feray mon apuiail Pour ce que mains aie travail. 1415

Te plaira il?

YTIER

Or mouvons, de par Dieu, oil: Par ci alons.

#### AMILLE

Dame, dame, nous aprouchons

De Paris la bonne cité; Je voi l'ostel en verité 1420 Que vostre pére nous donna Quant a Riviers nous admena Noz noces faire.

#### LA FILLE

Loez soit Diex de cest affaire, Que de Paris me voy si près! 1425 Sachiez moult en avoie engrès Le cuer forment.

IIb

#### AMILLE

Vezci nostre herbergement. Dame, entrez ens en bon eur: Hui mais sommes tout asseur. Sa, damoiselle, avant venez Et ces deux enfanz amenez.

1430

Et vous, Henry.

HENRI L'ESCUIER Sire, je feray sanz detri Vostre vouloir.

1435

LA DAMOISELLE

Ces deux enfans vueil asseoir Dessus ce lit.

AMILLE

Seons nous ci, dame, un petit; Et vous, Henry, sanz atargier, Alez nous querir a mengier

Ysnel le pas.

HENRY

Sire, ne vous desdiray pas: G'y voys en l'eure.

1440

# DIEU

Michiel, liéve sus sanz demeure; Vas savoir d'Amis a delivre S'il veult au monde encore vivre. S'il dit oil, si li ennonce Qu'a son chier compagnon denonce Secréement, quant point verra, Après ce que trouvé l'ara, Que se de ses deux filz avoit Le sanc et son corps en lavoit, Seroit mondez.

1445

1450

MICHIEL

Vray Dieux, ce que me conmandez

1460

1475

Vois faire a plain.

#### AMIS

Ytier, amis, j'ay trop grant fain, Et si serroie voulentiers.
S'il te plaisoit endementiers
Aler ces bonnes gens prier
Qu'il me voulsissent envoier
Un po de leurs biens, tu seroies
Mon chier ami et si feroies
Bien, vraiement.

#### YTIER

Mais qu'assis soiez bonnement,

Je vous en iray tantost querre.

Doulce gent, je vous vieng requerre,

Pour Dieu, de voz biens un petit

Pour ce mesel la, qu'apetit

En a trop grant.

# MICHIEL

Amis, as tu mais cuer engrant
De vivre au monde?

#### AMIS

S'a Dieu en qui touz biens habonde Plaisoit que j'eusse santé, Et que ce fust sa voulenté, Encore y voulroie bien vivre; Mais je li pri qu'il me delivre Et me giet de ce siecle hors, S'ainsi est que santé du corps

# MICHIEL

Ne doie avoir.

Ore je te fas assavoir

De par lui, conme son message
(Retien bien, si feras que sage),

Que quant Amille aras trouvé

IIC

II d

Et tu le tenras a privé,	
Que li dies, s'il te vouloit	1485
Gairir, le sanc te convenroit	
Avoir de ses deux filz sanz doubte,	
Et par ce sera ta char toute	
Nettement et a fin gairie.	
Cy endroyt plus ne seray mie:	1490
Es cieulx m'en vois.	
Amis	
Ha! doulx esperit, com ta vois	
M'a fait grant consolacion	
Et donné grant refeccion	
De reconfort!	1495
YTIER	
Sire, tenez, or mengiez fort:	
Vezci de quoy.	
Amis	
Je ne pourroie, Ytier, par foy;	
Le reposer m'a repeu.	
Pour souper sommes pourveu:	1500
Sa, alons ment.	
YTIER	
Alons, or sus, ligiérement:	
G'iray devant.	
7.7	
HENRY	,
Damoiselle, venez avant;	
Allez tost une nappe querre.	1505
La table vois drecier bonne erre :	
Il en est temps.	
La damoiselle	
Henry, vous l'arez sanz contens;	
Vez en ci une belle et blanche	- 5
Qui sent souef conme permanche:  Estendez la.	1510
Estenuez 1a.	

1520

# HENRY

Mon seigneur, quant il vous plaira, Venez diner.

#### AMILLE

Dame, alons seoir: trop jeuner
N'est mie bon.

## La fille

Par foy, mon seigneur, ce n'est mon : Alons seoir.

#### AMIS

Ytier, volz tu la ce manoir?
C'est l'ostel que Charles donna
A Amilles quant maria
A lui sa fille.

#### YTIER

Ne le feri pas d'une bille Ce jour en l'ueil.

#### AMIS

12 a

Par saint Espire de Corbueil,

Tu diz voir: il est bon et bel.

Sueffre toy: je vueil, com mesel,

Cliqueter ci ma tartarie.

Ha! mon seigneur, n'oubliez mie

Ce povre ladre.

#### AMILLE

Plain de vin, je le te conmande,
Et du pain et de la viande,
Et porte a ce ladre la hors,
Que Dieu nous soit misericors

# 1535 Au derrain jour.

#### HENRY

Mon seigneur, g'i vois sanz sejour. Frére, vezcy viande et pain; Se tu as hanap, si l'atain Pour ce vin mettre.

Amis

Chier ami, le doulx roy celestre
Doint a celui des cieulx la joie
Qui par vous ces biens ci m'envoie!
Mettez ci, sire.

1540

HENRY

Egar! a po que je vueil dire C'est ci le hanap mon seigneur; Il n'est ne mendre, ne greigneur, Mais tout ytel.

1545

Amis

Chier ami, je ne scé pas quel Le hanap vostre seigneur est; Mais je sui de prouver tout prest Que de long temps, je vous dy bien, Ce hanap ci a esté mien

1550

Et est encore.

HENRY

Frére, je m'en tais quant a ore;
Mais vraiement, ce semble il estre.
Mon seigneur, par le roy celestre,
Ce mesiau qui est a la porte
A un bon hanap boit qu'il porte,
Qui est d'argent, non pas de fust.
Je cuiday que le vostre fut,

1555

1560

Par sainte Foy.

AMILLE

Voire, dya? alons y: moy,
Je le vueil voir a mon tour.
Mon ami, Dieu vous doint s'amour!
Dont estes vous?

1565

1013

Amis

Ne vous puet chaloir, sire doulx. Vous veez que je sui lepreux, Qui a riens faire ne sui preux.

12 b

	Tant y a, ce vous puis je dire,
1570	Querant m'en vois Amille, sire,
1121	Que je tant a veoir desir.
	Quant ne le truis, au Dieu plaisir
4	Mourir voulroie.

#### AMILLE

De vous baisier ne me tenroye
1575

Se j'en devoie estre a mort mis.
Chier compains, vous estes Amis:
Vous ne le me pouez nier,
Se ne me voulez renier
Amour et fov.

#### AMIS

De plourer ne me puis tenir.

Certes, ne cuiday ja venir

Jusques ici.

#### AMILLE

Loez soit Diex quant est ainsi!

Amis, prenez le d'une part;
Et vous, Henry (que Dieu vous gart!),
De l'autre part le soustenez,
Et a l'ostel le m'amenez:
Je vois devant.

# YTIER

1590 Or sus, et si l'alons suivant Ysnellement.

#### AMIS

Pour Dieu, menez me bellement, Mes chiers amis.

# HENRY

12 C

Sire, ou vous plaist il qu'il soit mis?
Dites le nous.

#### AMILLE

Cy l'asseez, mes amis doulx, Tant qu'il soit temps d'aler couchier. Compains loyal et ami chier, Vous soiez li treshien venuz. 1600 Conment yous estes yous tenuz Si longuement de veoir moy? J'en sui touz esbahiz, par foy, Et n'est merveille. AMIS Sire, desplaire ne vous veille. 1605 Car amender ne l'av peu : Trop ay depuis a faire eu Oue ne me veistes. LA FILLE Mon chier seigneur, dites moy, dites, Cest homme qu'honnourer vous voy 1610 Et conjouir, en bonne foy, Qui est il, sire? AMILLE Dame, je le vous puis bien dire : C'est mon chier compaignon Amis, Par qui Hardré fu a mort mis, 1615 Oui vouloit vous et vostre mére Faire morir de mort amére. Quant il pour moy fist la bataille. Faites li biau semblant, sanz faille: Tenue y estes. LA FILLE Ha! gentilz chevalier honnestes, 1620 Com je vous vi hardi et bon Ouand la teste soubz le menton A Hardré le mauvais copastes! Ma mére et moy de mort gettastes. Voir, bonne chiére vous feray, 1625

AMIS.

Dame, Dieu vous rende le bien

N'en lit nul ne vous coucheray Se n'est ou mien.

1645

Que me ferez.

12 d

# La fille

Mon seigneur, si doux me serez,
S'il vous plaist, que voise oir messe,
Ains qu'au moustier ait plus de presse;
Et moy ci revenue arriére,
A Amis feray bonne chiére,

Je vous promet.

Amille

Dame, bel ce que dites m'est; Il me plaist bien: or y alez, Et toutes voz gens appellez Avec vous, dame.

LA FILLE

Sa, vous deux hommes, et vous, fame, Convoiez moi.

HENRY

Dame, voulentiers: faire doy Vostre plaisir.

La damoiselle

J'en ay aussi tresgrant desir Et bon vouloir.

Amille

Mon chier ami, dites me voir (Il n'a ici qu'entre nous deux): Je vous voi malement lepreux; N'avez mais biauté ne couleur,

Mais tien que souffrez grant douleur.
Est il rien c'on peust avoir,
Qui peust encontre valoir
Et vous garir?

AMIS

Sire, souffrez vous d'enquerir;
Car il n'est riens, bien dire l'ose,
Qui me garisist qu'une chose,
Qui vous seroit de si grant coust

Que, certes, je vous la redoubt Moult a nommer.

# AMILLE

Chier compains, je vous vueil sommer 1660 Par celle foy qu'a moy avez Que celle chose que savez Oui vous peut estre de value. Me nommez et sanz attendue:

Je vous en pri. 1665 Amis

Sire, a voz grez faire m'ottri, Combien que je le die envis. De voz deux filz qu'avez touz vis Le sanc avoir me convenroit A mon corps laver, qui voulroit 1670 Que j'eusse santé entière; LATE Autrement par nulle manière Ne puis je santé recouvrer Pour chose qu'homme puist ouvrer Sur moy ne faire. 1675

AMILLE

Mon treschier ami debonnaire, Vous m'avez une chose ditte Qui n'est pas a faire petite, Mais que l'en doit moult resongnier; Et nonpourquant, sanz eslongnier, 1680 Puis que garison autrement Ne pouez avoir vraiement, Pour vostre amour les occirray Et le sanc vous apporteray Assez tost: attendez me cy. 1685

Sire Dieu, par vostre mercy Ne regardez mie mon vice; Mais me soiez doulx et propice. E! mi enfant plain de doulceur,

1690	Pour vous doy avoir grant doleur Conme pére, se je n'ay tort, Qui vien ci pour vous mettre a mort Sanz ce que m'aiez riens meffait. Et si puis dire qu'en ce fait	
1695	Sui moult cruel; mais quant je pense,	
	D'autre partie, a l'excellence	
	D'amour que celui me monstra	
	Pour qui je le fas, quant entra	
	Pour moy propre en champ de bataille,	
1700	Il ne m'est pas avis sanz faille	
	Que je li puisse satisfaire	
	Ce qu'il a volu pour moy faire.	13 b
	Pour ce, mise jus toute amance,	
	A cestui ci sanz delayance	
1705	La gorge en l'eure copperay,	
	Et en ce bacin recevray	
	Le sanc qui de li ystera.	
	C'est fait, jamais ne parlera:	
	Il est vraiement trespassez,	
1710	Et si a getté sanc assez.	
	Or ça, il me fault delivrer	
	Aussi de toy a mort livrer,	
	Biau filz: en gloire soit ton ame!	
	C'est delivré. Diex! quant ma fame	
1715	Verra ce fait, qui est leur mére,	
	Conme elle ara douleur amére	
	Au cuer! et pas ne m'en merveil.	
	Puis que j'ay le sanc, aler vueil	
	Mon compaignon reconforter.	
1720	Amis, je vous vieng enorter:	
	Vezci le sanc de mes deux filz.	
	Que j'ay occis, soiez ent fiz	
	Or ça, je vous en froteray	
	Par le visage, et si verray	

13 с

Qu'il en sera.	1725
Amis	
Soit fait ainsi qu'il vous plaira,	
Sire compains.	
Amille	
Or en frotez aussi voz mains	
En haut; bien faites.	
Amis	
Elles ne sont mais si deffaittes	1730
Conme ilz estoient maintenant:	
La roifle en va toute cheiant.	
Veez, sire, conme sont belles:	
Goute ne grain ne sont meselles;	
Dieu me fait grace.	1735
Amille	
Amis, aussi est vostre face.	
Avant par le corps vous frotez	
Tant que celle poacre ostez	
Qui ci vous tient.	
Amis	
Dieu merci, le corps me devient	1740
Tout sain quant l'ay touchié du sanc.	
Je n'ay ventre, costé, ne flanc,	
Jambes, cuisses, ny autre membre	
Nul, quel qu'il soit, dont me remembre	÷,
Qui n'ait santé.	1745
Amille	
Chier compains, de ceste bonté	
Le benoist Dieu mercierons	
A l'eglise, ou ensemble irons	
Tout maintenant.	
Amis	
Ce seroit grant desavenant	1750
Se d'umble cuer ne le faisoie.	
Par foy, ça, mettons nous a voie	
D'v aller sire	

# DIEII

Entendez ce que je vueil dire : 1755 Mére, et vous, anges, descendez Et a bien chanter entendez; Jusques chiez Amille en irons: Ses enfans revivre ferons Ou'il a occis en verité 1760 Pour donner son ami santé

Oui mesel vert.

NOSTRE DAME Filz, a ce fait bien grace affiert; Car charité si l'a meu, Non pas corrouz qu'il ait eu

1765 A ses enfans.

#### DIEII

C'est voir; et pour ce je m'assens. Qu'il seront en vie remis. Or avant: chantez, mes amis, En alant la.

#### GABRIEL

Nous ferons ce qui vous plaira. 1770 Michiel, chantons sanz attente.

#### RONDEL

Vraiz Diex, moult est excellente 13 d Et de grant charité plaine Vostre bonté souveraine, Car vostre grace presente 1775 A toute personne humaine. Vraix Diex, moult est excellente, Puis qu'elle a cuer et entente, Et qu'a ce desir l'amaine 1780 Que de vous servir se paine. Vray Diex, moult est excellente Et de grant charité plaine Vostre bonté souveraine.

# DIEU

Mére, je vueil et si ordene Que ces deux enfans mors couchiez, Present moy, de voz mains touchiez, Si qu'aient vie.

NOSTRE DAME

Fil, je ne vous desdiray mie;
Touchier les vois sanz delaiance.
Enfans, en la Jhesu puissance,
Qui est et mon filz et mon pére,
En vous plaie nulle n'appére;
Mais soiez vifs et en bon point,
Con se de mort n'eussiez point
Onques eu.

1795

DIEL

Nous avons fait nostre deu : R'alons nous ent.

SAINT MICHIEL

Vray Dieu, vostre conmandement De cuer ferons.

SAINT GABRIEL
Voire, Michiel; et pardirons
Nostre rondel a voiz gente.

1800

RONDEL

Puis qu'elle a cuer et entente, Et qu'a ce desir la maine, Que de vous servir se paine, Vray Dieux, moult est excellente 1805 Et de grant charité plaine Vostre bonté souveraine.

La fille

I 4 a Ha! glorieuse Magdalaine,

Je voy merveilles a mes iex!

Pour Dieu, seigneurs, dites li quiex 1810

Est mon mari d'entre vous deux?

De samblant estes si pareulx

Que n'y scé difference mettre.

Auquel de vous deux puis femme estre?

Ly quelz est ce?

1815

1835

AMILLE

Pour certain, je, dame contesse. Cestui, c'est mes compains Amis, Que Dieux en santé a remis, Com vous veez.

LA FILLE

De ceste haulte courtoisie!
Onques mais n'oy jour de ma vie
Joie si grant.

AMILLE

Dame, or ne soiez si engrant
D'esjoir vous; vezci pour quoy:
Vos deux filz sont occis, par foy,
La gorge ay a chascun copé;
J'ay de leur sanc Amis lavé,
Par quoy il est ainsi gariz:
Pour ce d'estre pour eulz marriz

Avons bien cause.

La fille

Lasse! dites vous ceste clause Pour verité?

AMILLE

Je vous jur par la trinité, Dame, il est voir.

HENRY

Marie, g'y courray savoir, Tant com pourray.

La fille

Lasse, dolente! que feray?

V	47	м	T	
	×	и	ю	
	$\alpha$			

14 b

# AMIS ET AMILLE

65

Lasse, dolente! mes chiers filz,	
Bien est en grant douleur confiz	1840
Pour vostre mort mon povre corps,	10.75
Quant les esbatemens recors	
Et les solas qu'en vous prenoie.	
Or a bien perdu toute joie	
Mon povre cuer.	1845
Amille	
Ma doulce compaigne et ma suer,	
Je vous lo que vous confortez;	
De vostre dueil vous deportez,	
Ou tant loing m'en iray, par m'ame,	
Que jamais, ce sachiez vous, dame,	1850
Ne me verrez.	
La fille	
Ha! mort, com par toy enserrez	
Est mon cuer en dure tristesce!	
Jamais ne prendera leesce	
En riens qu'il voie.	1855
HENRY	
Ma dame, se Dieu me doint joie,	
Sanz cause bien vous affolez.	
Ne scé de quoy vous adolez:	
Voz deux filz mie ne s'afolent;	
Ains s'entrebaisent et acolent,	1860
Je vous plevis.	
La fille	*03
Henri, dites vous qu'il sont vis	
Et en bon point?	
Henry	
Ma dame, oil, n'en doubtez point :	
J'en vien en l'eure.	1865
Amille	
Ne me tenroye que n'y queure.	

Avant. Mes enfans! qu'est ce la?

T. 1V

14 C

Dame et vous trestouz, venez ça : Vezci noz filz sains et haitiez, Qu'orains avoie a mort traittiez 1870 Et mis a fin.

LA FILLE

Ha! sire Dieu, con de cuer fin Te devons bien glorifier, Et loer et magniffier

Le tien saint nom!

LA DAMOISELLE

Par foy, dame, ce devons mon, Il est certain.

AMILLE

Jamais ne mengeray de pain, En verité le vous puis dire, S'aray offert leur pois de cire A l'eglise de nostre dame. Amenez les avec moy, fame, Ysnel le pas.

LA DAMOISELLE Sire, ne vous dediray pas; Je les vois querre.

AMIS

Chier compains, je vous vueil requerre Qu'avec vous me laissiez aler; Car il me semble, a brief parler, Que g'y soie aussi bien tenuz A faire y m'offrande com nulz Que je cy voie.

LA FILLE

Mettons nous touz ensemble a voie, Je n'y voy miex.

AMILLE

Non fas je moy, si m'aist Diex. Alons men; et plus n'atargeons,

1875

1880

1885

1890

Et par devocion chantons
Pour ces vertuz:
Te Deum laudamus.
Explicit.

# XXIV

MIRACLE

DE

SAINT IGNACE

## PERSONNAGES

IGNACE
L'EMPEREUR TRAJAN
PREMIER CHEVALIER
DEUXIESME CHEVALIER
MALANSIS, PREMIER SERGENT
GAMACHE, DEUXIESME SERGENT
ABBANES
GONDOFORE
DIEU
PREMIER ANGE
MICHIEL
NOSTRE DAME
GABRIEL
L'ERMITE
LE SENAC

Cy conmence un miracle de saint Ignace. 15 a

olem nube tegam, Ezechielis xxxII°. Quant en aucun pais est par long temps grant secheresse par ardeur de soleil, les laboureurs d'ycellui pais de telle secheresse seulent estre courrouciez et dolens; car ilz craingnent que par ce n'ait deffaute de biens en celui pais. Mais s'il avient qu'ilz voient aucune nue monter en hault qui l'ardeur du soleil attrempe, ilz sont moult liez, car ilz espérent que de celle nue ilz doient avoir pluie, qui leurs terres doit arrouser et faire fructiffier. Je le dy pour tant. Avant l'incarnacion du filz de Dieu, estoit en ce monde une grant secheresse, c'est assavoir deffaulte de grace et de la divine misericorde, car la misericorde de Dieu estoit muciée lassus es cieulx, et la rigueur de sa justice estoit ça jus en terre. Pour ce disoit bien le prophète qui dit : Domine, in celo misericordia tua, supple abscondita est: Sire, ta misericorde est 15 b ou ciel, voire muciée, et ta verité, c'est a dire ta justice, ca jus jusques aus nues, aussi conme toute la terre comprenant. Et pour ce voiant Dieu le pére la desolacion des sains péres anciens de ceste grant secheresse, c'est de ce deffault de grace, en aiant compassion de eulx et pour eulx conforter, leur promist que ceste ardeur, c'est a dire la rigueur de sa justice, il leur attremperoit par envoier son filz en terre prendre char humaine, et ceste promesse est touchée en la parole proposée, ou il dit : Solem

nube tegam, qui vault autant a dire en françois conme ie couverray le soleil de la nue. Aussi conme s'il voulsist dire: Mon peuple, confortes toy, que touz jours ne durera pas ceste ardeur de soleil, mais venra le jour que ie attremperay l'ardeur de justice par la pluie de misericorde, car je couverray le soleil de la nue. Et ceste promesse fu acomplie quant le soleil de justice s'aombra en la nue, c'est a dire le filz de Dieu en Marie la vierge benoite. Et veez que la vierge benoite est comparée à la nue pour quatre choses que fait la nue matériel, lesquelles sont trouvées espirituelment en Marie; premiérement la nue donne refroidement aux cheminans; secondement, la nue fait alejance aux malades languissans: tiercement la nue fait umbrage aux labourans; et quartement elle fait aide aux combatans. Premier je dis que 15 c la nue donne refroidement aux cheminans. Quant gens sont a chemin et ilz ont longuement erré par ardeur de soleil, aucune foiz pour la grant chaleur qu'il fait ilz s'arrestent, et delaissent a faire leur voyage. Mais quant ilz voient une nue eslever qui cuevre et atrempe la chaleur du soleil, ilz se remettent a chemin pour ce que celle nue leur donne refroidement. Ainsi di je que Marie est refrigére aux cheminans, c'est a dire a ceulx qui se sont mis en l'estat de penitence, qui souvent sont assailliz et impugnez de l'ardeur des temptacions, car se ilz veulent fuir et eulz mettre en la garde et protection de ceste nue, ilz y treuvent refroidement, si que pour temptacion qu'ilz aient ilz ne delaissent point la voie de penitence, mais y prouffitent de plus en plus. Dont il est escript ou livre des Nombres: Elevata est nubes, etc.: une nue s'esleva du tabernacle d'aliance, et les filz d'Israel passérent ou desert de Synay, et esmurent les chastiaux aux conmandemens de Dieu. Par le tabernacle d'aliance, j'entens penitence par laquelle homme doit passer, et par la nue j'entens la vierge benoite qui deffent et bataille pour les penans, et ceste est dite estre eslevée

non pas en soy, mais en cuer d'omme, quant cuer hu-15 d main s'esliève a elle appeller humblement et deprier. Lors cuer qui ainsi l'appelle peut seurement en la voie de penitence proceder et proufiter sanz paour nulle, car il est en bonne garde. Mais ce doit estre ou desert de Sinay, qui vault autant a dire conme penitence mesurée, car selon la coulpe doit estre satisfacion mesurée par le jugement du confesseur et selon le conmandement de Dieu. Secondement, di je que la nue donne alejance aux malades languissans. Quant en esté fait grant chaleur de soleil, lors ceulx qui sont en fiévre ague sont moult tourmentez, tant pour la chaleur du temps conme pour la chaleur de la fièvre. Mais quant aucune nue vient qui atrempe la chaleur du soleil, lors assouagent li malade et ne sont pas tant tourmentez. Telle nue fu la vierge benoite, quant elle nous apporta celui qui attrempe toute chaleur desordenée de pechié. Et ainsi le dit Ysaves: Ecce Dominus descendet, etc.: Vezcy que nostre seigneur descendra sur une nue ligiére, c'est a dire en Marie qui fu la nue ligiére, qui n'ot onques poisde pechié. Et enterra en Egipte, c'est a dire en ce monde, et chacera de devant li les faux ymages des Egypciens. Pour quoy? car il est la verité qui descuevre toute fausseté en monstrant que les biens temporiex sont faulx, 16 a qui sont signiffiez par les faux ymages. Dont saint Augustin parlant de ce monde dit que les lieux de ce monde ont vraye aspreté, faulse joie, certaine douleur, voulenté non certaine, dur labour, paoureux repos, chose plaine de miséres, et vaine esperance de la beneurté du ciel. Et pour ce sont les choses mondaines a despire et les celestiennes a amer. Tiercement la nue fait umbrage aux labourans. Par les laborans j'entens ceulx qui encores ne peuent monter a l'estat de parfeccion, et toutes voies toute leur esperance en nostre seigneur il mettent, en eschevant a leur pouoir les pechiez et en mettant peine a

bien ouvrer. Ceulx ci deffent et garde Marie la vierge et

leur fait umbrage par le chaut du jour, c'est a dire en attrempant en eulx l'assault de tribulacion. Quartement la nue fait aide aus combatans, car elle aombrist le ray du soleil qui leur pourroit ferir es yeulx, et ainsi se peuent garder de leurs ennemis. Ainsi la vierge benoite aux combatans viguereusement contre les temptacions des ennemis empetre, mais donne aide de divine grace a ce qu'ilz aient victoire. Dont David dit : Ponis nubem ascensum tuum qui ambulas super pennas ventorum: Sire, tu mez ton montement sur la nue, qui vas sur les pennes des vens. Par les pennes des vens, j'entens les 16 b temptacions des ennemis, car si conme l'oisel vole par mi ses pennes, aussi l'ennemi par temptacions vole et se met en cuer d'omme. Donques celui vole sur les pennes des vens qui sagement se combat et refuse les temptacions de l'ennemi. cesti met son montement en la nue, c'est en la vierge benoite. Car ce que homme surmonte teles temptacions, ce n'est que par l'aide de grace, de laquelle Marie est la liberale despensière. Et pour ce dit saint Augustin: Esioissons nous, amons, noz cuers eslevons; la vierge Marie aourons et graces li rendons, car par elle sommes appellez de tenébres a lumière, de mort a vie, de corrupcion a incorrupcion, d'essil a heritage, de pleur a joie, de desert au royaulme des ciex et de grace a gloire. A laquelle gloire nous maint par les merites de Marie li péres et li filz et li sains esperiz qui est des sains la vraie gloire pardurable.

IGNACE
Glorieux Dieu esperitable,
Qui n'as conmencement ne fin,
Sire, je te pri de cuer fin
Ta pais en sainte eglise envoies;
Et a toy croire, sire, avoies

25

30

35

16 C

Les cuers de ceulx qui nous desprisent
Pour ta loy, et rien ne te prisent
Par deffaulte de congnoissance.
Ha! sire Dieux, par ta puissance
L'entendement des cuers leurs euvres,
Si qu'ilz puissent en bonnes euvres
Et en ta foy si excercer
Que de servir veillent cesser
A leurs ydoles.

L'EMPEREUR TRAJAN
Seigneurs, ou tiennent leurs escoles
Les crestiens? en savez rien?
Je les hé trop, je vous dy bien;
Car, par leur doctrine perverse,
Nul de nostre loy ne converse
Avec eulz qu'a eulx ne l'atraient,
Et de trestouz poins le retraient
De nostre loy.

Premier chevalier

Je suis tout esbahiz, par foy,

Mon chier seigneur, que ce peut estre.

Ilz dient que leur Dieu voult naistre

D'une vierge ou il se bouta,

Et puis qu'il se resuscita

Après ce qu'il ot souffert mort;

Et puis refont un grant recort

Que tout par lui monta es cieulx,

Et qu'il venra joennes et vieulx

Jugier en fin.

DEUXIESME CHEVALIER
Voire, et qu'il n'y ara si fin
Ne si bon que ce jour ne tremble,
Et que chascun et touz ensemble
De leurs temps renderont raison.

50

55

60

65

16 d

Il y fauldra bien grant saison A desterminer de chascun. Sire, vez en ci venir un, Certes, qui se fait bien le maistre De dire conment il voult naistre Et homme et Dieu.

L'emperére

Par ma teste! c'est un fort jeu.

Quel nom a il?

DEUXIESME CHEVALIER

Je ne scé, mais tant est soubtil Qu'en leur loy est nommez evesque; Il a plus sens que n'ot Seneque Ouant il vivoit.

L'EMPERÉRE

Savoir le vueil, conment qu'il voit.
Tu qui la vas, parles a moy.
Conment as nom, et quele loy
Tiens? dy me voir.

IGNACE

Sire, quant il vous plaist savoir, C'est droit que sage vous en face. Crestien sui, s'ay non Ygnace, Et tien la loy de Jhesu Crist, Car il est d'elle seule escript Que qui y perseverera Jusqu'en la fin sauvé sera;

N'en doubte nulz.

L'emperére

Es tu en ce pais venuz
Pour attraire la gent paienne
A tenir ta loy crestienne?
Je te monstreray ta folie.
Je conmans, seigneurs, c'on le lie,
Et que vous deux l'en amenez
A Romme, et la le me tenez

De nous faire amer et cognoistre

Con grande est la bonté de Dieu:
Pour quoy sachez qu'en quelque lieu
C'om le maine je le suivray,
Et de son estat je saray
Qu'il en sera.

ABBANES

Je vous promet que si fera Mon corps aussi.

GONDOFORE

Je lo que nous alons ensemble:

C'est le meilleur, si com me semble;

Ou'en dites vous?

ABBANES

Or soit ainsi, mon ami doulx; Et a tant paix!

PREMIER SERGENT
Se nous sommes yei huy mais,
Nous ne vaurrons pas deux boutons.
Avant: a chemin nous mettons.

Maistre, passez.

DEUXIESME SERGENT Voire, se les os touz cassez Ne veult de ce baston avoir. Par temps li ferons assavoir Quelles prisons l'emperiére a.

Avant, avant! Boutez vous la, Sanz plus songier.

LE PREMIER SERGENT
Se lez paroiz ne peut rungier
Aux dens, je ne me doubte point
Qu'il nous eschape par nul point;

Et toy, que dis?

DEUXIESME SERGENT
Garder le nous fault un tandis,

17 b

120

125

115

135

17 C

Tant que soit venuz l'emperére, Qui telle gent a bien po chiére, A ce que voy.

L'emperére
Seigneurs, par les dieux que je croy,
Je hé tant ces gens crestiens
Que je ne soufferray pour riens
Qu'en mon regne nul en remaingne
Vivant, pour chose qui avaingne;
Et de fait le vous prouveray
Si tost qu'en mon hostel seray,
Ou gaires n'avons a aler.
Seigneurs, or ça! je vueil parler
A Ignace premiérement.
Faites le venir erranment
Cy en present

Cy en present.

Premier Chevalier

Mon chier seigneur, je me present

D'aler dire a ceulx qui le gardent

Que de l'amener ne se tardent.

Or tost, seigneurs, sanz plus d'espace, A mon seigneur vous deux Ignace Tost amenez.

PREMIER SERGENT
Puis que c'est pour quoy cy venez,
Alez; nous vous suivrons a trace.
Sa! yssez de leens, Ignace,
Delivrement

Delivrement. 150

Voulentiers, seigneurs, vraiement. Ça, veez me cy.

Deuxiesme sergent De vous me vueil tenir saisi, Par Mahon, maistre.

	PREMIER SERGENT
55	Or ça, a voie nous fault mettre
	Tant qu'a l'emperére venons.

Mon seigneur, nous vous amenons Vostre prison.

L'EMPERÉRE

Or me di pour quelle raison
La cité d'Antioche as fait
Contre moy rebelle de fait;
Car les gens as si pervertiz
Qu'aussi com touz sont convertiz
A crestienté.

IGNACE

Pleust a Dieu ma voulenté, C'est que je tant faire peusse Que converti aussi t'eusse Et que tes ydoles laissasses Et que Jhesu Crist aourasses, Si qu'a possesser parvenisses Le royaume plain de delisces

Perpetuelles!

L'EMPERÉRE

C'est nient: de trufes flavelles;
Tais toy. Sacrefie a noz diex,
Et de noz prestres en touz lieux
Le maistre et le prince seras,
Et avecques moy regneras
Toute ta vie.

IGNACE

Emperiére, n'ay pas envie

De chose que tu me promettes;

Ne quier point qu'en honneur me mettes

N'en dignité, qui a nient vient;

Et puis que dire le convient,

Fay de moy ce que tu voulras,

Qu'a ce ja tu ne me menras	185
Que je face tel malefice	
Qu'a tes diex face sacrefice	
Ne reverence.	
L'emperére	
Seigneurs, or tost: en ma presence	
Yci tout nu le despoulliez,	190
Et de plommées li baillez	•
Sur les espaules tant de cops	,
Que li froissez et char et os,	
Puis les costés li descirez	70
A pignes aguz acerez;	195
Et après ce de pierres dures	<i>J</i> -
Ses plaies et ses bleceures	
Fort li frotez.	
DEUXIESME SERGENT	
Mon seigneur, de voz voulentez	
Acomplir ai je grant desir.	200
Sa, maistre, non pas pour jesir	1
Despoulliez vous.	
Ignace	
De ce faire, amis, suis je touz	
Joyeux et liez.	
PREMIER SERGENT	100
Par foy, bien es mal conseilliez,	205
Qui aimes miex ton corps offrir	
A peine et a tourment souffrir	
Que regner avec l'emperière.	
Nous verrons touz la belle chiére	
Que nous feras. Avant, Gamache:	210
Lier le fault a ceste estache	
Premiérement.	
DEUXIESME SERGENT	
C'est voir. Or le faisons briefment.	
Liez li les piez, Malassis:	
Vezcy des liens cinc ou sis;	215
,	6

T. IV

18 a

225

Et je les braz li lieray Si bien que je croy n'en feray Mie a reprendre.

IGNACE

Mon Dieu, qui te laissas estendre Et de clos en croiz clofichier Pour les tiens d'enfer desjuchier, A mon cuer affermer accuers, Et a ce besoing me sequeurs, Si que ja ne parte de toy, Mais qu'atraire puisse a ta foy

Ces mescreans.

DEUXIESME SERGENT

Malassis, estre recreans

Ne nous fault mie cy endroit.

Puisqu'est lié de bon endroit,

Au surplus faire nous prenons.

A li batre nous esprouvons

Sanz demourée.

Premier sergent
Meschant, tien, de ceste plommée
Ce cop aras.

DEUXIESME SERGENT '
Et cestui cy. De quans caraz
Te semble il bien, foy que tu doiz
Ton Dieu, que ma plommée ait pois?
Tien, or t'avise.

PREMIER SERGENT

Il n'a pas la char assez bise

N'assez betée encor, Gamache.

Fier com je fas, si que la tache

Du cop y pére.

DEUXIESME SERGENT
Si fas je, par l'ame mon pére!
Regarde; est ce bien fort feru?
Ne say vilain, tant soit daru,

230

235

240

## Qui n'en fust roupt. L'EMPERÉRE Prendre le fault par autre bout, 18 h Seigneurs, ou vous ne l'arez pas. Par les coustez isnel le pas De pignes de fer le touchiez, 250 Si que la char li destranchiez Tellement que le sanc en saille: Par ce fait venrez vous sanz faille A vostre entente. PREMIER SERGENT Si le ferons sanz point d'atente. 255 Gamache, noz pignes prenons Et les costez lui en gratons Pour la menjue. DEUXIESME SERGENT Soit fait. Avant : sanz attendue Estrille ce costé de la, 260 Et j'estrilleray par deça Fort ce chetif. IGNACE Doulx Jhesus, filz de Dieu le vif, En ceste amére passion Me soies consolacion 265 Et confort, sire. L'EMPERÉRE Ygnace, Ignace, a ce martire Souffrir, dy moy, qu'as tu acquis? Miex te venist avoir requis Grace, et noz diex crié mercy, 270 Que souffrir et laissier ainsy Honnir ton corps. YGNACE Certes, Trajan, je suis si fors

A souffrir et de bon vouloir Que ne me peuz faire douloir

295

Pour paine que tu m'apareilles.
Pour Dieu, toy le premier conseilles;
Croy en celui Dieu qui t'a fait,
Et qui te deffera de fait
Quant li plaira: c'est Jhesu Crist,
C'est celui dont il est escript
Qu'il est le greigneur des greigneurs,
Qu'il est le seigneur des seigneurs,
Et roy des roys.

18 c

## L'emperére

Me parles tu de telx desroys?

Je te monstreray ta folie.

Seigneurs, je vueil c'on le deslie

Tout maintenant, plus n'atendez;

Et charbons ardans m'estendez,

Sur lesquelz aler le ferons

A nues plantes; lors verrons

Qu'estre en pourra.

PREMIER SERGENT

Sire, en l'eure fait vous sera:

Deslier le vois de l'estache.

Vas nous querre du feu, Gamache,

Endementiers.

DEUXIESME SERGENT
Malassis compains, voulentiers.
Sa, j'en vois querre.

### DIEU

Mes anges, sus! alez bonne erre
300 Mettre paine a secourre Ignace,
Tellement que mal ne li face
Ne qu'il n'ait cause de doubter
Le feu c'on li veult aprester
Pour lui faire aler sus piez nuz.
305 Puis qu'il est pour moy devenuz

18 d

Martir, faillir ne li vueil pas.	
Gardez qu'a tout le premier pas	
Qu'il fera que si besongniez	
Que le feu du tout estaingniez	
Incontinent.	310
PREMIER ANGE	
Sire, nous ferons bonnement	
Ce que vous dites : c'est raison.	
Alons men sanz arrestoison,	
Michiel, le faire.	
MICHIEL	
Ce que Dieu veult si nous doit plaire;	315
Alons, amis.	
The state of the s	
Deuxiesme sergent	
Sa! vezci du feu ou j'ay mis	
Depuis grant peine a l'alumer;	
Celui si me doit bien amer	
Pour qui l'apport.	320
PREMIER SERGENT	
Tu diz voir. Il est a bon port	
Arrivé, se ne me moquasse.	
Sire, voulez vous c'on le face	
Dessus aler?	
L'emperére	
Que fas je donc? Sanz plus parler,	325
Je vueil qu'il y voit tout nu piez,	
Si que les plantes li cuisez	
Et ardez toutes.	
PREMIER ANGE	
Ignacé, le feu point ne doubtez,	
Vaz seurement sanz tarder;	330
Nous te sommes venu garder,	
Nous qui sommes anges des cieulx;	
Car envoié nous y a Dieux	

Pour	toy	deffendre.
		Lancan

	Ignace	
335	Je li en doy bien graces rendre.	
	Emperiére, ne scez tu pas	
	Qu'aler ne puis mie un seul pas	
	Que touz jours avec moy ne soit	
	Mon bon Dieu qui nul ne deçoit,	
340	Qui me garde et me tient en vie,	
	Dont haine as et grant envie?	
	Et certes, tant te vueil je dire	
	Ne me saras tourment eslire	
	Ne mon corps a peine appliquer,	
345	N'en tourmens ma chair repliquer,	
	Que pour mon Dieu je ne soustiengne	
	De cuer joieux, quoy qu'il aviengne;	
	Ne ne cuides que feu ardent	
	Ne tourment nul n'yaue boulant	
35o	Ne paour de beste sauvage	
	La charité en mon courage	
	Ne l'amour de mon Dieu estaingne.	19 a
	Nanil; ne ne croiz que je craingne,	
	Que je d'aler soie tardans,	
355	Nuz piez, sur ces charbons ardens;	
	Car g'i vois sanz plus faire espace.	
	Or voiz se g'y passe et rapasse	
	Et me tien dessus tout a paiz.	
	Je te dy que ce sont des faiz	
360	De mon bon Dieu.	
	L'emperére	
	Prenez le tost, et en tel lieu,	
	Vous deux, le mettez en prison	
	Que li abatez sa raison	
	Et sa loquence.	
	DEUXIESME SERGENT	
365	Sire, mettre y vueil diligence	
	Pour vostre amour.	

19 b

370

# PREMIER SERGENT Aussi feray je sanz demour. Avant, Ignace, avant passez. Certe, a porter avez assez Male meschance.

IGNACE

Amis, je n'en ay pas doubtance; Car mon Dieu, pour laquelle foy J'endure, si est avec moi, Qui m'aidera.

Deuxiesme sergent Je scé bien voirement fera.

375

Sa, sa! boutez vous par cest huis; Or demenez la voz deduiz Hardiement.

PREMIER SERGENT
Il peut bien dire vraiement
Qu'il est en lieu obscur et noir,
Et ou clarté ne peut avoir

380

De nulle part.

DEUXIESME SERGENT
Malassis, c'est un fol musart,
Si compére sa foleur chiére.
Laissons, alons vers l'emperière.
Je ne doubte point qu'il eschape:
L'uis est trop fort, si est l'agrappe
De la serrure.

385

# The state of the s

L'emperère
Scigneurs, quelle male avanture
Peut c'estre de cest homme Ignace?
Pour paine qu'endurer li face,
De preschier la foy point ne cesse
Ne l'amour son Dieu point ne laisse:
Dont nostre loy trop subvertist

405

395 Et a la sienne convertist

De noz gens moult. PREMIER CHEVALIER Chier sire, ce fait ce qu'ilz ont,

Lui et touz autres (non pas un) Qui crestien sont en conmun,

Une paroles si traittables. Si doulces et si amiables Ou'en parlant il semble qu'ilz oingnent Les cuers des gens, et ilz les poingnent Telement qu'il leur font acroire

Ce qui n'est mie chose voire Ne ne peut estre.

> DEUXIESME CHEVALIER Pour c'il il y fait bon paine mettre Telle que les autres s'en gardent, Et que de tenir se retardent

Tele creance. 4.10

L'emperére

Conment peut il avoir puissance Des tourmens qu'il sueffre endurer, Ne conment peut il tant durer? J'en sui touz esbahi, sanz doubte; Il semble qu'il ne sente goute Mal c'on li face.

PREMIER CHEVALIER Peut estre que par art efface Touz ses tourmens et met a nient. Je croy, sire, qu'il li convient Donner un plus aigre martyre, Qui sa force et sa jangle tire Jus de tout point.

DEUXIESME CHEVALIER Je ne sçay se d'erbes scet point Par quoy ne puist nul mal santir, Mais au mains a il, sanz mentir,

19 C

415

# Bien le janglois.

L'EMPERÉRE

Or your souffrez, seigneurs; aincois Oue ceste sepmaine soit hors, De telz tourmens ferav son corps Tourmenter, je le vous affi. 430 Ou'il dira de son Jhesu fi. « Je vueil tenir la loy paienne, Et reni la foy crestienne Et le sacrement de baptesme, » Ou je fauderay a mon esme. 435 Seez vous ci sanz plus ruser, Et je vueil penser et muser Par quelle voie miex l'aray · Ou se bel a li parleray, Ou autrement. 440

GONDOFORE

Abbanes, sachez vraiement Le cuer par pitié me fait mal D'Inace, que ce desloial, Pervers et mauvais emperiére A tourmenté en tel manière Com vous et moy avons veu; Et si ay grant merveille eu Du saint homme, con doulcement L'a souffert et pacienment Et de cuer lié.

ABBANES

Gondofore, il l'a traveillié Assez, sanz cause et sanz raison; Et puis l'a fait mettre en prison Laide et obscure.

GONDOFORE

C'est voirs, et je meisse cure

455

445

450

19d

Trop voulentiers, se je sceusse Conment a lui parler peusse; Car, s'ainsi fust que le veisse, De son estat lui enqueisse

450

ABBANES

Mon chier ami, homme propose Et Diex ordene, c'est tout voir, Alons men celle part savoir Tout bellement se le verrons Ne se parler a lui pourrons Par quelque voie.

GONDOFORE

Vous dites bien, se Dieu me voye : Alons, et avisons bien l'estre. Egar! vezla une fenestre Qui me semble, pour verité, Qu'elle donne leens clarté. Or alons la

ABBANES

Alons; je croy sa clarté va Ou il est mis.

YGNACE

Dieu vous gart de mal, mes amis Que la voy estre!

ABBANES

Ha! sire, Dieu vous vueille mettre Prochainement hors de ce lieu! Et conment vous est il? pour Dieu Dites le nous.

IGNACE

Bien, se Dieu plaist, mes amis doulx; Nonpourquant j'ai moult a souffrir Pour ce que ne me vueil offrir A Mahon croire.

470

465

475

XXIV	SAINT IGNACE	91
	Gondofore	
	Pére en Dieu, c'est bien chose voire;	485
	Nous savons bien ce que vous dites:	
	Car si tost conme vous partistes	
20 a	D'Antioche, nous vous suivimes	
	Et après vous nous en venimes.	
	Et ce qu'avez souffert savons;	490
	Mais pour ce que desir avons	12
	De noz cuers a Dieu affermer,	
	Plaise vous a nous enformer,	
	Sire, de doctrine qui vaille,	
	Si qu'en nous foy pas ne deffaille	495
	Par ignorance.	12
	Ignace	
	Quant vous ne sarez attrempance	
	Prendre en bien amer nostre sire	
	De touz vos pouoirs, c'est a dire	
	Quant a ce point venu serez	500
	Que de cuer tant vous l'amerez	
	Que hors s'amour mise en respit	
	Toute riens arez en despit	
	Et vous mesmes premiers de fait,	
	Lors serez vous, amis, parfait	505
	Et de lui vraiz amis clamez.	
	Plus je vous di : s'ainsi l'amez,	
	Foy vous fera lors esprouver	
	De plus en plus en bien ouvrer:	

Lors serez vous de pechié monde,

N'a que mauvaistié et malice; Lors pour vertu harrez le vice, Lors arez lez anges amis, Lors arez sur les annemis

Pourrez voz cuers en Dieu deduire;

Puissance et dominacion, Et lors par contemplacion

Et lors congnoistrez vous qu'ou monde

510

	Car ne sera qui vous puist nuire,
520	Ne ciel n'enfer, terre ne mer :
	Et pour c'en foy pensez d'amer
	Le doulx Jhesus, li savoureux,
	Ly souverain des amoureux,
	Le tresor de bien qui ne fault,
525	Le maistre qui tout peut et vault,
	Qui n'a fin ne conmencement;
	Et se vous l'amez tellement 20 b
	Com je vous di, je suis certains
	Qu'il vous fera com roys hautains
530	Regner en gloire.
	ABBANES
	Moult a en vous noble memoire,
	Pére en Dieu, et haulte science.
	Et quant telle vie on conmence,
	Pour soy de touz pechiez monder
535	Sur la quelle vertu fonder
	Se doit on especialment?
	Car qui n'a bon conmencement
	Il ne peut a droit parfiner.
	Veuillez nous ent determiner
540	La verité.
	Ignace
	Sur la vertu d'umilité,
	Mes amis, fonder se convient,
	Ou je vous di que l'en fait nient;
	Car qui vertuz en lui assemble
545	Sanz humilité, il ressamble
1	A celui qui la pouldre amasse
	Au vent, et le vent la detasse
	Et la gaste : c'est chose voire,
	Et ainsi le dit saint Gregoire;
550 .	Mais quant on est humble de cuer,
	Et tout orgueil est jetté puer,
	Qui l'ame destruit et confont,

20 C

Lors vient on aux vertuz qui font	
L'esperit riche de science,	
De conseil et de sapience,	555
De pitié et d'entendement,	
Du don de force et ensement	
De la paour nostre seigneur,	
Qui n'est pas vertu mains greigneur	
Que les autres, ce dit mon livre;	560
Car touz jours fait l'ame bien vivre.	
Et quant vous ainsi le ferez	
Je vous di que beneurez	
Serez de Dieu.	
Gondofore	
Sire, pour ce que d'aucun lieu	565
Ci endroit aucun ne surviengne	
Dont blasme ou difame vous viengne,	
Ou qui de nous se voit doubtant,	
De vous prenrons congié a tant	
Et a Dieu vous conmanderons;	570
Une autre foiz vous reverrons	
Plus a loisir.	
Ignace	
Dieu le vueille par son plaisir!	
Vous dites bien : or en alez;	
Mais je vous pri, quoy que parlez,	575
Que touz jours soit vostre pensée	
A l'amour de Dieu adrescée.	
Riens plus ore ne vous diray,	
Mais a Dieu vous conmanderay	
Et a sa garde.	580
Abbanes	
Gondofore, quant je regarde	
Et je pense a la pascience	
De cest homme et a la science	
Qu'il a et a ses faiz et diz,	
Le tiena que Dieu de paradis	585

595

600

En lui habite.

GONDOFORE

Certes, il est de grant merite. Et de haulte perfeccion Devant Dieu, a m'entencion. Conment autrement peust il Avoir eschapé du peril

Qu'a ja passé?

ABBANES

Gondofore, voir je ne scé; Certains suis que Dieu le soustient. Ores, compains, il nous convient Maintenant de lui depporter, Et pour noz vies conforter Nous fault prendre nostre repas. Alons diner isnel le pas:

Il en est heure.

GONDOFORE

Alons donc; et puis, sans demeure, Revenrons vers la court savoir S'il pourroit delivrance avoir, Ou qu'en sera.

L'emperére

Seigneurs, qu'est ce cy? Durera Touz jours cel anchanteur en vie? J'en ay grant dueil et grant envie. Alez le querre entre vous deux; Renouveller li vueil ses deulz,

Il m'en prent fain.

Premier Sergent
Vostre vouloir ferons a plain,
Sire, et vostre conmandement.
Gamache, compains, alons ment
Inace querre.

20 d

605

DEUXIESME SERGENT	
Alons. Ygnace, issiez bonne erre	615
De la dedens.	
Ignace	
Que voulez vous, seigneurs sergens?	
Vez me cy hors.	
PREMIER SERGENT	
Empirié n'estes pas du corps;	
Je ne scé que mengié avez.	620
Avec nous tost vous en venez,	
Sanz plus cy estre.	
Ignace	
Si tost com je vous verray mettre	
A chemin, pas ne demourray,	

Certes, le tiers. DEUXIESME SERGENT Voire, ou envis ou volentiers Y venrez vous; plus n'en parlons. Touz trois d'un front nous en alons. Pren de la, pren.

630

## L'emperére

Mais avec vous touz jours seray.

Ignace, quant je te repren 21 a De ton orgueilleuse vgnorance, De ta fole et male creance, Pourquoy ne t'i advises tu? Tu fusses noblement vestu. 635 Et fusses un grant maistre, voire, Se voulsisses en noz dieux croire. Meschant, que ne t'i prens tu garde? Car en vostre loy je regarde Qu'il n'i a riens de veritable; 540 Mais ouvrez touz d'art de dyable,

Vous crestiens.

670

## IGNACE

Emperiére, tu croiz et tiens
Une tresfausse oppignion;

Car je te fas bien mencion
Li crestien n'ont point tel vice
Qu'ilz usent d'art de malefice,
N'en la vertu des ennemis
Ne sommes point a ce soubzmis,
Ains en sommes franc et delivre,
Mais plus: nous ne souffrons point vivre

Nul qui en use en nostre loy; Mais vous, qui estes gent sanz foy Et qui vivez aussi com bestes,

655 Proprement malefices estes, Ce n'est pas doubte.

PREMIER CHEVALIER
Ta janglerie est trop estoute.
Conment as tu osé ce dire
Devant l'empereur nostre sire?

660 Qui t'a meu?

### IGNACE

Certes, bien estes deceu
Quant vous ne savez recongnoistre
Au vray Dieu celui qui fait croistre
Les biens dessus terre et habonde,
Qui seul gouverne tout le monde,
Qui les blez fait multiplier,
Et les vignes fructiffier,

DEUXIESME CHEVALIER

Voire, et les fruiz.

21 b

Desservi as estre destruiz

Et a mettre ton corps en cendre.

Conment? nous veulz tu faire entendre

Que nous ne savons qui est dieux?

Coquart, si faisons assez mieux

Que tu ne fais.

XXIV	SAINT
------	-------

675

### IGNACE

IGNACE

Il n'appert mie par voz faiz, Car les dyables aourez Par les ydoles qu'honnorez Et devant qui vous enclinez Conme a Dieu: par quoy destinez Estes a mort perpetuelle. Si angoisseuse et si cruelle Que bouche ne la pourroit dire : La souffrerez vous grief martire De fait sanz fin.

680

## L'EMPERÉRE

Tu es envers ton Dieu trop fin; Et scez tu qui t'en avenra? Le dos on te descirera A ongles d'acier bien tranchans: Et quant ainsi seras meschans, Tes plaies te seront lavées De vinaigre et de sel salées : Le cuer m'en est entalenté. Or tost, faites ma voulenté

685

690

Du tout en tout.

PREMIER SERGENT Chier sire, combien qu'il me coust, Prest sui d'acomplir vo vouloir; Assez tost li feray doloir

695

L'os de l'eschine.

DEUXIESME SERGENT Ygnace, sanz avoir meschine, Cy endroit despoullier vous fault, Si vous graterons sanz deffault.

700

Vezcy de quoy.

21 C

LE PREMIER SERGENT Il se taist, Gamache, tout coy; Il ne li plaist pas, ce me semble. Avant, amis: ouvrons ensemble,

735

Puisqu'il est nu.

DEUXIESME SERGENT
Puis qu'entre noz mains est venu,
Arrivé est a mauvais port.
Regarde : le cuir en apport

Regarde : le cuir en apport

Tout hors du dos.

PREMIER SERGENT
Et on li peut veoir les os
Par devers mov.

L'emperére

Maleureux, conseille toy. Destruire ainsi pas ne te laisses.

De ta fole creance cesses,
Si feras bien.

IGNACE

Empereur, je n'en feray rien:
J'ay de nouvel force reprise;
Tes tourmens ne crieng ne ne prise,
Le qui plus prost de m'y offrir

Je sui plus prest de m'y offrir
Que tu de moy faire souffrir,
Pour l'amour du doulx Jhesu Crist.
Sez tu pour quoy? Il est escript
Que toutes tribulacions

725 Et toutes les griefs passions
C'om peut en ce ciecle endurer
Ne se peuent amesurer
N'estre dignes, c'est chose voire,
N'equipoler a celle gloire

730 Infinie que j'en aray
Quant Dieu face a face verray,
Ainsi qu'il est.

L'emperére

A ce que je voy donc il n'est Ne doulz parler ne batemens, Ne menaces ne griefs tourmens Qui facent que ton vouloir plaisses

	A ce que ta male loy laisses,	
21 d	Ne mes diex point n'aoureras!	
	Par Mahon! je croy si feras	
	Ains que je fine.	740
	LE PREMIER CHEVALIER	
	Il aime son Dieu d'amour fine	
	Trop malement.	
	DEUXIESME CHEVALIER	
	Je sui touz esbahiz conment	
	Il l'a si chier.	
	L'emperére	
	Je vous enjoing, sanz plus preschier,	745
	Qu'en chartre obscure le tenez,	
	Et de fors chaines l'enchainez,	
	Et si soit la en un sep mis;	
	Ne nulz, tant soit bien voz amis,	
	Devers li ne voit ne ne viengne,	750
	Et qu'ainsi trois jours on le tiengne	
	Sanz goute boivre ne mangier.	
	Je vueil de lui noz diex vengier,	
	Et entre deux m'aviseray	
	Conment morir je le feray	755
	A grant hontage.	,
	LE PREMIER CHEVALIER	
	Biaux amis, mue ton courage:	
	Renie ta foy chrestienne,	
	Et vif selon la loy paienne;	
	Sauve ta vie.	760
	Ignace	,
	De ce faire n'ay pas envie;	
	Souffrez vous, sire.	
	DEUXIESME CHEVALIER	
	Ne met plus ton corps a martire;	
	Croy conseil, que sage feras:	
	A grant honneur venir pourras,	765
	Ne tient qu'a toy.	

775

## IGNACE

Mon bon Dieu souffri mort pour moy, Je vueil aussi mourir pour lui; Car mon ame a ja embeli De gloire et si enluminée Qu'elle est aussi conme minée

22 a

Toute en s'amour.

PREMIER SERGENT

Nous faison cy trop long demour,

Et vous vous debatez en vain.

Maistra in met a vous la main:

Maistre, je met a vous la main; Passez de cy.

IGNACE

Jhesus, mon Dieu, je te gracy De quanque pour toy on me fait; Et s'envers toy ay riens meffait, Pardon t'en pri.

780

DEUXIESME SERGENT
C'est bien; entrés cy sanz detry.
Or ça, Malassis, biaux amis,
Il fault qu'il soit en ce sep mis,
Et puis tout coy le laisserons:
Par ce la voulenté ferons
De l'emperère.

785

PREMIER SERGENT
J'en scé assez bien la manière;
Tu l'i verras assez tost mis.
C'est fait. Regarde, biaux amis:

790

En sui je maistre?

DEUXIESME SERGENT

Oil voir. Laissons le cy estre,

Car il n'a d'eschaper puissance;

Ralons nous ent sanz delaiance

Devers la court.

22 h

#### PREMIER SERGENT

Alons, Gamache, a brief mot court:

795

#### IGNACE

Ha! sire Diex, a! sire Diex,
En ta pitié regardes moy;
Car je n'ay fiance qu'en toy,
Pour ce qu'il n'est nulz qui debate 800
Mon fait ne qui pour moy combate,
Se toy non, pére omnipotent,
A qui m'ame venir atent
Conme a son vray Dieu et vray père.
O Marie, de Jhesu mère, 805
Qui portas ton père et ton filz,
Et vierge remains, j'en suis fis,
Après que l'euz enfanté,

810

#### DIEU

Dame, par ta sainte bonté Prie li s'aide m'envoit

Et de sa grace me pourvoit, Dont j'ay mestier.

A celui qui de cuer entier
Et parfait vous et moy, mére, aime
Et qui doulcement nous reclaime
Vueil donner confort sanz espace
D'attendre plus: c'est a Ygnace,
Qui pour moy sueffre grief tourment.
Or sus, vous et vous, alons ment

815

Ou vous menray.

820

NOSTRE DAME

Mon filz et mon Dieu, je feray De cuer quanque conmanderez. Or sus, anges, vous chanterez Devant nous deux.

102	MIRACLE DE	XXIV
	GABRIEL	
825	Ce ferons mon de cuer joieux,	
	Royne de miséricorde :	
`	A vo vouloir faire s'accorde	
	Chascun de nous.	
	DIEU	
	Or entendez: attournez vous	
830	A aler a cel hermitage;	
	Et en alant, selon l'usage,	
	De voiz angelique chantez	
	Chant qui de vous soit frequentez	*
	Et bien sceu.	
	Michel	
835	Vraiz Dieux, puisqu'il vous a pleu	
655	A conmander, il sera fait.	
	Sus, Gabriel! disons de fait	
	Si que ne façons a blasmer.	22 C
	Rondel	
	Vraiz Dieux, en quin'a point d	'amer,
840	Qui vous et vostre mére sert	
840	Pardurable gloire en desse	rt:
	Pour ce vous doit chascun amer,	
	Voire en secré et en appert,	
	Vraiz Diex, en qui n'a point	d'amer,
845	Et dire et en terre et en mer	
043	Que nulz son servise ne pert	
	Oui le met en vous mais appert.	
	Vraiz Dieu, en qui n'a point	d'amer,
	Oui vous et vostre mére ses	t
85o	Pardurable gloire en desse	rt.
0,0	DIEU	
	Mére, a nostre ami descouvert	
	Soit par vous, sanz nul contredit,	
	Ce qu'en venant je vous ai dit	
	Que vueil qu'il face.	
	,	

22 d

855

#### NOSTRE DAME

Si li diray, sanz plus d'espace. Biau pére, entens que tu feras : A la chartre droit t'en iras Ou est mis le saint homme Ignace, Qui n'est mie sanz la Dieu grace; Mais il est plaiez malement: Reconforte le doulcement. Je le t'encharge et le t'enjong; Et tien, cest oingnement te doing Dont tu l'oindras quand la seras : Et par ce santé li donras,

N'en doubtez mie.

#### L'ERMITE

Et qui estes vous, doulce amie, Qui cy venez en tel arroy? Je croy qu'estes fille de roy. De vostre biauté me merveil. Car telle ne vi je mais d'oeil; Mais, dame, aussi suis je esbahiz Que m'envoiez en un paiz Et en une estrange contrée Ou je ne fis onques entrée :

Conment iray?

# DIER

Mon ami, je le te diray. D'y aler ne t'esbahis pas. Tu venras après nous le pas; Ces jouvenciaux t'i conduiront, Si tost que laissiez nous aront, Qui porteront au prisonnier De par moy viande a mengier,

Dont a souffrette.

#### L'ERMITE

Vostre voulenté sera faite Du tout, sire, sanz contredire

860

865

870

875

880

23 a

Je vois qu'estes Dieu nostre sire, Et ci est la vierge Marie. Ha! Diex, com noble compagnie M'est ci venue!

890

Nostre Dame

Seigneurs anges, sanz attendue, Avant au retour vous mettez Tant qu'aux cieulx soions remontez, Mon filz et moy.

GABRIEL

Humble vierge, a voz grez m'ottroy.
Michiel, a voie nous mettons,
Et en alant d'acort chantons;
Ce ne nous doit pas estre amer.

RONDEL

Et dire et en terre et en mer

Que nulz son service ne pert

Qui le met en vous mès appert.

Vraiz Diex, en qui n'a point d'amer,

Qui vous et vostre mére sert

Pardurable gloire en dessert

DIEII

Mi ange, alez ent conme appert
En la chartre ou Ygnace est mis,
Et de par moy ly soit tramis
Ce pain et ce pot de buvrage.
Dites sa fain en assouage,

910 Et qu'a moy ait touz jours le cuer :
Je ne li fauldray a nul feur.
Faites, et si vous avoiez,
Et ce preudomme y convoiez

e preudomme y convoiez Ysnellement.

GABRIEL

915 Sire, vostre conmandement
Acomplirons tresvoulentiers.
Or ça, preudons, faites le tiers

# Avecques nous.

#### L'ERMITE

Puis qu'a Dieu plaist, mes amis doulx, Voulentiers, certes.

920

#### MICHIEL.

Preudons, pour voz saintes dessertes Nous a Diex a vous envoié Afin que par nous convoié Soiez au lieu ou est Ignace. Nous v serons tost, sanz falace:

925

# Vous le verrez.

#### GABRIEL.

Il dit voir; et si trouverez La chartre ouverte, c'est certain; Et la enterrons tout a plain Sanz contredit.

#### L'ERMITE

Seigneurs, grant joie ay de ce dit Oue vous me dites.

930

#### MICHIEL

Vezcy la chartre, sains hermites. Entrons v touz.

# GABRIEL

Mais cest homme vous demourra.

Ne diray pas: « Ou estes vous. 935 Ignace? » je vous voy assez. Pour ce qu'estes de fain lassez, Et Dieu des cieulx l'a bien veu. Lui mesmes vous a pourveu. Tenez, vezcy qu'il vous envoie. 940 Or, mengiez et buvez a joie, Soiez touz jours en s'amour fort : Il vous fera touz jours confort. Riens plus ore ne vous dirons, Nous deux de ci nous en irons; 945

23 b

960

975

Qui autre chose vous dira Que ne vous dy.

IGNACE

Ha! mon bon Dieu, je te graci

De la bonté que tu me fais,

Quant de tes mains tu me repais

Si richement.

#### L'ERMITE

Sire, entendez: certainement
Ce n'est pas doubte qu'il vous aime
Et son loyal sergent vous claime;
Car il meismes m'est venu querre
A plus de mil liues de terre,
Avec lui sa mére Marie,
Qui d'anges estoit compagnie,
Ne demandez mie conment;
Et ceste boiste d'oingnement
Me bailla, et puis si m'enjoint

Que par moy en fussiez enoint

Si que garison vous donnasse

Et vos plaies du tout curasse;

Et puis que c'est le Dieu vouloir,

Sire, vous devez bien vouloir

Que je vous cure.

#### IGNACE

Amis, je suis sa creature;

Puisqu'il me veult telle bonté,

Faites a vostre voulenté:

# Je m'i accors.

Oindre vous vueil par tout le corps,
Sanz plus faire d'arrestoison.
Diex! con cest oingnement sent bon!
Onques mais, pour voir dire l'ose,
Ne senti fleur ny autre chose
Si delictable.

L'ERMITE

I	0	AT	A	~	107
	U	13	А	u	ы.

Encore est il plus prouffitable, Sire, qu'il n'est souef flairant : 23 C 980 Je mesme m'en tray a garant; Car sur moy n'a mais froisseure, Plaie nulle ne bleceure; Mais suis tout sain. L'ERMITE Loez en soit li souverain 985 Pére des cieulx! IGNACE Et la vierge mére et son fiex Loée aussi! L'ERMITE Sire, or me puis je bien de cy Partir et par vostre congié, 990 Puis qu'estes cy assouagié De touz voz maux. IGNACE Chier frére et chier amis loyaulx, Je ne vous ose retenir Pour doubte du mal avenir 995 Qui en peut : c'est ce que regarde. Alez vous ent en la Dieu garde, Qui vous doint en la fin sa gloire, Et pour Dieu aiez m'en memoire En voz priéres. 1000 L'ERMITE Elles sont malement ligiéres; J'ay trop greigneur mestier des vostres, Sire, que vous n'avez des nostres. A Dieu en soit!

L'EMPERÉRE
Seigneurs, bien me triche et deçoit 1005

1015

1020

1030

23 d

Ignace, que ne puis vertir Ny a nostre loy convertir. Or a trois jours en mon dangier Esté sanz boire et sanz mengier Et a destresce de prison : Alez le sanz arrestoison

Cy amener.

PREMIER SERGENT Je ne say conment demener Il se pense dès ores mais. Gamache, alons querre ce mais Nous deux, amis.

DEUXIESME SERGENT Or sa, que fust il a fin mis! Egar qu'il nous donne de paine!

Sa, sire! issez: en male estraine Ce puist ore estre.

IGNACE Mon ami, Dieu, le roy celestre, Le te pardoint.

LE PREMIER SERGENT Souffrez vous, souffrez de ce point Et avec nous vous en venez.

1025 Vezci, sire, Ygnace, tenez, Tout nu en braies. L'EMPERÉRE

> Or entens: ou tu te retraies De ta loy et que te consentes A moy, ou il fault que tu sentes Peine et griefs tourmens pour deliz; Mort et pleurs pour joie. Or esliz:

> > Lequel veulz tu? IGNACE

Certes, je ne prise un festu,

Empereur, toutes tes menaces;
Je te pri, pour Dieu, que tu faces
Le miex, mais le pis que pourras:
De mon bon Dieu ne mueras
Ja mon propos.

PREMIER CHEVALIER

Il a trop esté a repos. Egar conme il parle a cheval! S'Artus estoit ou Parceval, S'a il grant cuer.

DEUXIESME CHEVALIER

Croire ne pourroie a nul fuer
Qu'il n'ait aucuns charnelz amis
Par qui en tel orgueil est mis;
Car, sire, il ne vous doubte point,
Et s'est de corps en meilleur point
C'onques ne le vi, ce me semble.
A la male feme ressamble
Qui s'engressist d'estre batue.
Il a bien sa char revestue
De bonne pel.

IGNACE

Le Dieu que j'aour et appel
Ainsi me norrist et enforce
Que com plus sueffre, plus ai force
De plus souffrir.

L'EMPERIÉRE
Assez tost te feray offrir
Un tel tourment que tu diras,
Veuilles ou non, que n'en pourras
Endurer ne souffrir la paine.
Vas dire au senac qu'il m'amaine
Les lions que de par moy garde
Acouplez, et que point ne tarde

Que ci ne viengne.

24 a

1045

1040

1050

1055

24 b

1070

1075

1080

PREMIER SERGENT

Se Mahon en santé me tiengne, 1065 Sire, g'i vois isnel le pas.

> Senac, sire, ne laissiez pas Qu'a l'emperére ne venez, Et les lions li amenez

Tantost bonne erre.

LE SENAC

En l'eure, amis, je les vois querre; Passez, allez vous ent devant.

Sire, je vieng a vostre mant. Vezci les lions que mandez. S'il vous plaist, or me conmandez Que j'en feray.

L'EMPERÉRE

Senac, tantost le vous diray. Pour ce qu'orgueilleux et despit Est trop Ignace, qu'il despit Et nostre loy et touz noz diex,

Et s'en moque presens mes yex Et en fait ses derrisions, Je vueil que de ces deux lions Soit devorez, conment qu'il prengne, Et que de li riens ne remaingne,

1085 Ne char ny os.

LE SENAC

Sire, pour voir dire vous os: Plus tost leur verrez mettre a fin Qu'a deux fors levriers un connin. Je les vueil, sanz plus, descoupler; Puis les feray sur lui coupler Com sus charongne.

IGNACE Seigneurs, qui pour ceste besongne

Et ceste peine et cest estrif Ou'av a porter pour Dieu le vif 1005 Me regardez en mi le vis, Vueillez a ce que ci devis Entendre voz cuers avoier. Labouré n'ai pas sanz loier. Car n'est mie pour mauvaistié 1100 Oue je sueffre, mais pour pitié. Froment de Dieu sui qui attens A estre molu par les dens De ces lions, c'est de certain, A ce que je soie fait pain; 1105 Et Dieu le vueille!

#### L'EMPERÉRE

Biaux seigneurs, je voy ci merveille:
Plus qu'autres gens sur toute rien
Sueffrent pour leur dieu crestien.
Ou sont ne Barbarans ne Griex
Qui tant souffrissent pour leurs diex?
Je ne scé, voir.

#### IGNACE

Empereur, je te fas savoir Que quanque j'ay souffert de paine Ce n'est pas par vertuz humaine 1115 Ne par falace d'anemi, Mais par l'aide mon ami Jhesu Crist, mon Dieu, et par foy. Ore il est temps, et bien le voy, Que je departe de ce monde. 1120 Diex sire, en qui touz biens habonde, Ces bestes voy vers moy accourre: Plaise vous m'ame si secourre A ce derrain despartement Qu'elle ait de vous sanz finement 1125 La vision.

24 C

24 d

1130

1150

LE SENAC
Hu! hu! sur lui! sur lui, lyon!
Avant: sur lui!

LE PREMIER CHEVALIER
Il n'ont pas, ce m'est vis, failli;
Du premier cop l'ont aterré;
Dedans leurs ventres enserré
Moult tost l'aront.

Le senac Souffrez: vous verrez qu'il feront Assez briefment.

DEUXIESME CHEVALIER

Egar! ne l'ont fait seulement
Qu'alener et des groins omer
Et de lieu en autre bouter,
Et si est mors.

L'EMPERÉRE
Seigneurs, je voy que de son corps
N'ont il talent de riens mengier:
Ce me fait moult esmerveiller.
Veez, il n'en mengeront point.
Alons men, laissons l'en ce point;
Et si ne vueil mie deffendre,
S'il est nul qui le vueille prendre
N'emporter pour ensevelir,
Qu'il n'en face tout son plaisir
Hardiement.

LE PREMIER CHEVALIER
Puis qu'il vous plaist, sire, alons ment:
Il en est temps.

DEUXIESME SERGENT
Levez sus de ci, bonnes gens,
Avant : faites mon seigneur voie
Et a la gent qui le convoie;
Alez arriére.

### LE SENAC

Racoupler me convient arriére Mes lions et les ramener; Ne les larray pas demener A leur voloir, que mal ne facent Ny afin qu'entre ces gens tracent A leur vouloir.

1160

#### ARRANES

Ore c'est fait. Assez doloir Nous pourrons, Gondofore amis, De nostre maistre qui est mis A mort, et ja miex n'en vaulrons: Si ques regardons que ferons,

1165

Et pour le miex.

#### GONDOFORE

Du cuer me vient la lerme aux iex, Certes, quant de li me souvient. Prendre nous deux le nous convient Et emporter de ceste place En tel lieu que mal ne li face Chien n'autre beste.

1170

#### ABBANES

Ce conseil est bon et honneste : Or soit fait en ceste manière; Car aussi a dit l'emperiére : 1175 « Qui ensevelir le voulra Prengne le, faire le pourra

### Seurement. »

# GONDOFORE

Or le faisons donques briefment; Sur noz espaules le mettons, 1180 Abanes, et si l'emportons.

# Or sus, compains!

#### ABBANES

Biaux seigneurs, prestez nous voz mains A lever dessus nous ce corps.

# Serventois

Explicit.

Celebramus solempnia, etc.

1200

9

'IGNORANCE muciez en l'obscurté 25 b

Est l'umain cuer qui laisse par peresce
Servir la vierge en qui fu apporté

Li sains secrez par divine noblesce,
Pour laquelle devons avoir leesce,
Car en lui prist Dieu le filz son repaire
Sanz y avoir naturelle semence,
Et en son corps mist Dieu si son affaire
Que par ce l'a souzmis a sa puissance.

Et merveilles n'est pas, qu'en verité
Je puis nommer ce corps fleur de haultesce,
En qui le lis du souverain degré
Se voult fourmer en humaine simplesce,
Pour lequel lis je pren Dieu de richesce
Qui nous osta du dolereux salaire
Qu'Adam nous quist par desobeissance:
Pour ce cas cy je doy au doulx lis traire
Mon temps, mon sens, mon vouloir, ma plaisance. 18

Car j'esperay mercy en sa bonté,
Quant j'aperçui que nul mal si ne blesce
Personne qui du lis né de purté
Comprent en li la crueuse detresce,
Qu'il voult souffrir en croiz pour nous tristesce
Et voult mourir pour touz les bons attraire
Et nous donner de touz maux alejance,
Et doulcement obei a ce faire
Selon le gré d'Amours et l'ordenance.

Ainsi Amours qui tout a eschevé,
Qui est vrais Diex, voult la fleur de prouesce
En ame et corps en royal majesté
Faire au plus hault des sains cieulx la maistresce;
La voit le lis ou en tout temps s'adresce,
La a du lis qui tant est debonnaire
La voulanté par si grant habondance
Que par cela se doit de bien parfaire
Amans qui a de mercy l'esperance.

36

Si ques se j'ay mis cuer et voulenté En la vierge, raison m'en donne adresce, Car de li vient li solaux de clarté, Humilitez est en li et largesce, Envers les siens doulce pitié la plesce Et les dessent en touz lieux de contraire,

25 C

Qu'elle a de Dieu si tresgrant pourveance, En paradis ou voit son doulx viaire, Que cueur y prent de sa vie substance.

Dont je conclus que plains est d'ignorance Qui en la fleur de lis n'a grant fiance.

## Autre serventois

Puis nous quist Diex un reméde tresbon,
C'est la vierge qui tant a de renom,
Qui panthère est, voulentiers odorée,
Fors du serpent qui ne het tant riens née;
Car Diex li dist que femme le vaincroit.
Ainsi Amour de loing les siens pourvoit.

Grant chose fist Amours aordener
Quant de si loing fu la vierge saintie;
De paradis la volut Dieu donner
Quant ot pris char pour nous rendre la vie.
La panthère est de couleurs ennoblie,
Qu'il n'est couleur c'on puist nommer par non,
D'or ne d'azur, de vert, de vermeillon,
De quoy ne soit par tout le corps tachée.
De vertuz est si la vierge honnorée,
Et ses vertuz elle les nous ottroit,
Au gré d'Amour qui ordené l'avoit.

25 d

Pour ce fait bon entendre a bien amer L'umble vierge de tresnoble lignie Que l'en peut bien la panthère appeller, Pour ce qu'elle est des prophètes noncie, Si conme appert par mainte prophecie Et par les diz du sage Salemon, Car ses livres nous en font mencion Que la vierge feroit telle portée Dont mainte ame ert en paradis sauvée; David li roys mesmement s'i fioit Par la vertu d'Amour qui y ouvroit.

33

Bien pert a l'euvre ou Amour veult ouvrer Que vraie foy envers Dieu nous ralie, Et par les sains le peut on bien prouver, Car dès leur temps fu la vierge servie Et ont souffert leur char estre blecie; Des confesseurs et des vierges lit on Conme ont suivi par vraie entencion La panthére sur tous enamourée, Et en li mirent toute leur désirée, Et elle bien leur service congnoit Au gré d'Amour: ainsi mon cueur le croit. 44

Dame qui faites sur toutes a loer,
Panthére en qui maint toute seigneurie,
Qui en honneur ceulx faites habonder
Dont vous estes honnorée et cherie,
Nulz ne pourroit la centisme partie
Dire des biens dont Diex vous fist le don,
Car aux pecheurs faites avoir pardon:
Quant de par vous leur est grace donnée,
Des cieulx leur est la porte defermée,
Et la voz fil de certain leur donnoit
Le bien qu'amant par bien amer reçoit.

Prinse, je dy que selon ma pensée
La vierge peut bien estre figurée
A touz les biens que cuers penser pourroit,
Car c'est la mer que nul n'espuiseroit.

Explicit

.

the state of the same of the same of

# XXV

MIRACLE

DE

SAINT VALENTIN

### PERSONNAGES

VALENTIN L'EMPEREUR PREMIER SERGENT DEUXIESME SERGENT CHATON LE FILZ A L'EMPEREUR LE CHEVALIER LE FIL CHATON JOSIAS, PREMIER ESCOLIER DORECH, SECOND ESCOLIER JOSEPHUS. TIERS ESCOLIER BUZI, QUART ESCOLIER LE QUINT ESCOLIER LE NERVIEN DIEU Nostre Dame LE PREMIER ANGE DEUXIESME ANGE GABRIEL Vuidebourse, jolier PREMIER DIABLE DEUXIESME DIABLE

RATER qui adjuvatur a fratre quasi civitas firma, 27 a Proverbiorum xvIII°. Ceste parole proposée en latin veult ainsi dire en françois: Frére qui est aidié de frére est conme une cité bien fermée, et peut estre exposé a nostre edifficacion, et y peuent estre notées trois choses: premiérement que nous sommes fréres; secondement que nous devons l'un l'autre aidier, qui est noté ici: Frater qui adjuvatur a fratre: conme vous soiez fréres, vous devez l'un l'autre aidier; tiercement le proufit que nous y avons, se nous nous entreaidons. Car nous serons si fors c'om ne nous pourra vaincre. Et c'est touchié en ce qui dit : quasi civitas firma. Or veons du premier. Vous devez savoir que par grace nous sommes fréres et germains. Pour quoy? Car nous sommes touz creez d'un pére, c'est assavoir de Dieu, et d'une mére, c'est assavoir de sainte eglise. Je ne di pas que nous soions ci assemblés conme confréres ne par manière de confrarie, mais conme germains et fréres par amour et dileccion espirituelle. Dont nous nous devons plus amer que fréres charnelx, et je le te preuve, car, si conme dit saint Ambroise, grace est plus contraignant a amer que nature, car la mort separe et dessevre les choses jointes par nature, mais elle ne peut separer les jointes par grace et par amour, car ainsi fort est amour conme mort; avec ce vous savez que l'un frére charnel appetice et amenuise l'eritage de l'autre frére, et de tant conme ilz sont plus de fréres charnelx 27 b de tant a chascun mendre heritage : ce veons nous en la succession des péres et des mères: mais le frère es-

pirituel n'amenuise pas l'eritage de son frére espirituel. aincois l'acroist, et cest heritage c'est vie pardurable. Saint Augustin dit : Beneuré est l'eritage qui pour habondance de hoirs n'apetice point, mais acroist, et cest heritage c'est vie pardurable, et vie pardurable c'est congnoistre Dieu et li amer. Vous veez que la mére qui voit que son filz est congneu et amé de moult de gens. pour ce ne l'aime elle pas mains, mais plus, et ainsi est il et sera en gloire lassus; car de tant com nous verrons plus de noz fréres amer Dieu, tant plus amerons nous Dieu. Car aussi conme les fréres, tant conme ilz sont en la mainburnie du pére, toutes choses leur sont communes et s'entreaiment plus que quant ilz sont divisez et separez, aussi nous estant espirituelment en la maimburnie de Dieu, nous ne serons point divisez; et ainsi le dit David, qui dit: Nostre seigneur me gouverne et je n'av deffaulte de rien; et ou Fait des appostres est il dit de la multitude des creans : C'estoit un cuer et une ame. Et pour ce doivent avoir grant honte et grant confusion ceulx qui s'enorgueillissent de leur parentage et se vantent de leur lignage de char et despitent les autres; et puis que nous sommes fréres germains, l'un n'a loy de despiter l'autre, ne vituperer. Pour ce dit saint Augustin que touz hommes sont a amer egalment, car nous sommes touz filz de Dieu, et ainsi le dit le sauveur Jhesu 27 e Crist. Mathei xxIIIIº: Patrem nolite, etc.: Ne dites que vous avez point de pére sur terre, non; car un est qui est vostre pére, lequel est es cieulx. Et Malachie le prophéte dit: Pour quoy despit un chascun de vous son frère, et n'est il g'un père de vous touz? Donques il n'y a point de difference entre nous que nous ne soions touz fréres au mains de la partie de l'ame. Car elle n'est creée mais que de Dieu simplement. Et puis que nous sommes fréres, nous nous devons entreaidier, car l'en dit que deux ou trois fréres valent plus en une bataille que cinc ou six estranges. Et pour Dieu avons

nous point de bataille a faire pour quoy nous doions

l'un l'autre aidier? Certes oil, et non pas pour une heure, mais tant conme nous sommes en ceste mortel vie. Et ainsi le tesmoingne Job qui dit : Vie d'omme sur terre ce n'est mais que une chevalerie. A qui avons nous la bataille? A qui? non pas au monde seulement, mais a la char et a l'anemi. Pour quoy nous enorte saint Pol et nous prie : Mes fréres, je vous prie, vestez vous de l'armeure de Dicu, a ce que vous puissiez resister et ester contre les agaiz de l'anemi; de l'armeure de Dieu, c'est a dire que tu aies force en pacience et biauté de continence à l'exemplaire de la glorieuse vierge mère Marie, pour qui honneur et reverence nous sommes ci assemblez, qui plus parfaictement entre les creatures 27 d de ce monde ot ces deux vertuz en elle, c'est a dire force en pacience et biauté de continence. En la passion du benoit Jhesu elle ot la vesture de force, car la douleur que Jhesu souffri de fait elle senti en soy par compassion, et ainsi l'avoit prophetisié le juste Simeon, quant il dist: Et tuam ipsius animam pertransibit gladius: Marie, le glaive de la passion de cestui, c'est de Jhesus, trespersera ton ame. Après elle ot biauté de continence, qui est une biauté sainte desirée de Dieu. si conme David dit: Cumcupiscet rex decorem tuum: le roy desire veoir ta biauté. Le roy : quel roy? celui qui donne le bougueran de continence, la pourpre de pacience, le pers de penitence, le vert d'abstinence, l'escarlate de martire, et le vair d'onnesté, c'est l'amoureux Jhesus. Et pour ce se tu as ces deux choses, force en pacience et biauté de continence, tu seras vestu et vestue de double vesteure, car pour ta pacience, tu aras vestement de pourpre, pour ta continence vesteure de bougueran. Après tu aras pour ta pacience couronne de roses, pour ta continence couronne de lis. Et ainsi seras souffisanment acrue et aournée, pour entrer aux noces de l'aignel Jhesu Crist, c'est a dire en la gloire

pardurable des cieulx, laquelle nous octroit ille qui est benedictus in scecula sceculorum. Amen.

Cy conmence un miracle de saint Valentin, que un empereur fist decoler devant sa table, et tantost s'estrangla l'empereur d'un os qui lui traversa la gorge, et dyables l'emportérent. 28 a

L'empereur Biaux seigneurs.

LES SERGENS

Que vous plaist, chier sire?

L'EMPEREUR

Alez m'au sage Chaton dire Sanz delay que je le demande, Et que pour cause je li mande

Qu'il viengne ci.

LE PREMIER SERGENT Il li sera dit tout ainsi, Sire, com vous le conmandez, Et qu'en haste le demandez.

Alons le querre.

DEUXIESME SERGENT
Alons, prenons par ci nostre erre:
C'est, ce m'est avis, le plus court.

Je le voy la en my sa court,

C'est bien a point.

PREMIER SERGENT

Sire, Mahon bon jour vous doint!

XXV	SAINT VALENTIN	125
28 b	L'empereur vous envoie querre : Si que venez a li bonne erre, Puis qu'il vous mande.	15
20 0	Chaton	
	Et g'iray de voulenté grande,	
	Biaux seigneurs, a son mandement; Je suis tout prest: ça, alons ment.	20
	Je suis tout prest . ça, atoms ment.	20
	Sire, en honneur noz diex vous tiengs Et vostre vie en bien maintiengnent	nent
	Par leur plaisir.	
	L'empereur	
	Soit ainsi con je le desir.	
	Maistre Chaton, vezci pour quoy	25
	Mandé vous ay parler a moy:	
	C'est m'entente que je vous baille	
	Mon filz, pour apprendre sanz faille.	
	Dès ores mais, a dire voir,	20
	Est assez grant pour concevoir Ce de quoy l'endoctrinerés :	30
	Pour ce dès ci l'en enmenrez,	
	Car je vueil que sache de lettre :	
	Si vous pri qu'en li vueillez mettre	
	Cure et entente.	35
	Chaton	
	Chier sire, mais qu'il s'i consente	
	Et qu'il y vueille peine mettre,	
	Je le feray tantost clerc estre.	
	Or me dites, mon enfant douls,	
	A estre clerc metterez vous	40
	Bien diligence?	
	Le filz a l'empereur Oil, maistre, sanz negligence,	
	A mon pouoir.	
	T n current	

Il respont sagement, pour voir,

Com tel enfant.

CHATON

Par vostre licence et conmant Me donnez congié, treschier sire; Car je doubt que trop d'aler lire Face demeure.

L'AMPEREUR

Alez, maistre, donc en bonne heure; Or soiez de mon filz songneux. Aler le convoier vous deux

Appertement.

DEUXIESME SERGENT Sire, nous ferons bonnement Vostre plaisir.

55

60

65

Las! que je me dueil de jesir!
Las! de quelle heure fu je nez?
Las! trop longuement destinez
Suis a porter ceste langueur,
Ce meschief et ceste douleur
Qui si me menjue et desront!
Las! il m'est avis c'on me ront
Et c'om me destranche les nerfs.
Onques mais homme si divers
Mal ne porta conme je port.
En moy n'a joie ne deport.
A! pére, ne scé que je die:
Trop sueffre et port grief maladie
Par tout le corps.

CHATON

70 Biau filz, doulx et misericors
Te soient noz diex et propices,
Si que de cest grief mal garisses
Par leur bonté et leur puissance,

28 d

Et briefment, car au cuer grevance	
Me fait plus que je ne puis dire;	75
Et ce que trouver ne puis mire	
Qui y sache mettre conseil,	
C'est ce dont je plus me merveil	
Et de quoy suis plus esbahiz;	
S'ai je fait querre en maint pais	80
Conseil pour toy.	
LE PREMIER ESCOLIER	
Maistre, plaise vous oir moy.	,
Pour vostre filz, qui est mon maistre,	
En qui nul ne scet conseil mettre,	
Dont, par noz diex, c'est grant damage,	85
Vous vueil descouvrir mon courage.	
En Nervie, dont je sui nez,	
A un homme, ceci tenez	
Pour verité et pour certain,	
Qui est de si grant sainté plain	90
Et si juste sanz touz pechiez	
Qu'il n'est grief mal dont entechiez	
Soit homme ou femme, si le voit,	
Que tout gari ne l'en renvoit;	
Et ç'a il fait a trop de gent,	95
Sanz prendre salaire n'argent.	
Si faites, sire, vostre filz	
A lui mener, et je sui fis,	
Quant le saint homme le verra,	
Tout gari l'en renvoiera	100
Et assez brief.	
Chaton	
Josias, son mal est si grief	
Qu'il ne le pourroit endurer.	
Penses tu qu'il doie durer	
Encore en vie?	105
Premier escolier	
Maistre, de ce ne doubtez mie;	

Je scé bien qu'il vit voirement, Se puis deux jours tant seulement

N'est trespassez.

Dorech, second escolier. Maistre, riches estes assez; Je vous diray que je feroie: Un joiau li envoieroie Riche et bel en li suppliant. Qu'il daignast tant, vous suppliant,

Qu'il lui pleust a ci venir. 115 S'il tent au joyau retenir, Il venra ci, je n'en doubt point, Ou escripra de point en point Conment pour santé recouvrer 120

Fauldra sur vostre filz ouvrer: N'en doubtez, maistre.

> Josephus, tiers escolier. Dorech a dit ce qui peut estre Et doit par raison avenir: Ou vous le verrez ci venir, Ou le don ne recevra pas. Envoiez y isnel le pas :

> > Ce sera sens.

CHATON

Seigneurs, a vostre dit m'assens. Querir me fault un homme sage Oui sache faire ce message

Et biau parler.

Buzi, quart escolier. Maistre, je m'i offre a aler Voulentiers et améement, Se ne pouez miex vraiement;

Je vous dy voir.

LE QUINT ESCOLIER Maistre, je vous fas assavoir Que, s'il vous plaist, de bon courage 29 a

135

130

# Je feray pour vous ce voiage Tresvoulentiers.

CHATON

Vostre merci, mes escoliers. Quant a ce pour moy vous offrez; Ore un petit ci vous souffrez, Et je revien a vous en l'eure. Sanz goute faire de demeure.

140

Mes bons amis, ca, vez me cy! Tenez ce sac de florins cy Et ce joiau, qu'est bel et gent, Et si vous pri que diligent Soiez vous deux d'aler le querre Et de li doulcement requerre Qu'il lui plaise a ce labourer Que mon filz viengne ci curer; Et que, s'il veult en ce pais Venir, ne soit point esbahis: Il ara robes et avoir Assez; et pour li esmouvoir, Tout ceci li presenterez

150

145

Si tost conme a lui parlerez, Et de par moy.

155

LE QUART ESCOLIER Maistre, je vous jur par la loy Que je tien, et par touz noz diex, J'en feray mon pouoir au miex Que je pourray.

160

LE QUINT ESCOLIER Et je vraiement si feray; Mais puis que ferons ce message, Josias, or nous faites sage Conment a ce preudomme nom A qui portés si grant renom Et si grant los.

165

29 b

TIV

130 Josias, premier escolier. Valentin, seigneurs. Je vous os 170 Bien dire que, quant vous venrez Au pais, plus y trouverrez Que je n'en di. LE QUART ESCOLIER Alons men. Ains qu'il soit jeudi Pensé je si a exploictier 175 Que de lui saray, sanz doubter, Ou'il voulra faire. LE QUINT ESCOLIER Buzi, chier compains debonnaire, Ce chemin fas de bon voloir; Mahon doint qu'il puisse valoir 180 A celui pour qui est empris! C'est pitié quant il est espris De tel malage. LE QUART ESCOLIER Voire, a ce qu'il est jonne et sage, Et parfont clerc; ainsi l'entens. 185 Ore, ore! nous venrons par temps En Nervie, si enquerrons Ou Valentin trouver pourrons Que venons querre.

LE QUINT ESCOLIER Nous sommes entré en la terre : 190 De savoir nous fault esprouver Quelle part le pourrons trouver.

195

C'est tout en somme. LE QUART ESCOLIER

Paix! vezci venir un preudomme, Ne scé s'il est de ceste terre; Demander l'en vueil et énquerre. Sire, quel part demeure un homme En ceste terre ci, c'on nomme

29 €

Valentin? en savez vous rien?

Dites le nous, si ferez bien,

Se le savez.

LE NERVIEN Ne scé qu'a li a faire avez, Biaux seigneurs; mais c'est un saint homme: Ne se prise pas une pomme, Ains est humble, doulz et piteux. 205 Maint cuer pervers et despiteux Fait et a fait doulx devenir: Ne peut malade a li venir Qu'il ne garisse tout a net, Quelque maladie qu'il ait, 210 Sanz herbes mettre ne racines: Tant fait de belles medicines Qu'il est le saint homme clamez, Et de toutes gens est amez Pour les biens qu'il enseigne et moustre, 215 Veez vous celle loge la oultre? La de lui nouvelles orrez: La nuit yla le trouverrez, N'en doubtez pas.

QUINT ESCOLIER

Nous irons donc. Vezci le pas.

Biau sire, et la vostre merci:

De bonne heure vous avons ci

Trouvé si prest.

LE QUART ESCOLIER

Alons men. Egar! avis m'est

Qu'a son huis le voi la estant,

Ou c'est un autre qui atant

A li parler.

LE QUINT ESCOLIER

Il nous fault esploitier d'aler

Jusques a tant que la soions.

230	Sire, a vous droit nous avoions;
	Enseigniez nous, s'il vous agrée,
	Un homme de ceste contrée
	Que par nom Valentin on nomme.
-	De la cité sommes de Romme, 29 d
235	Qui venons a li en message.
	Faites nous ent, s'il vous plaist, sage
	Par fine amour.
	VALENTIN
	Biaux seigneurs, Dieu vous croisse honnour!
1.0	Ne scé que li voulez requerre;
240	Mais tant vous di qu'en ceste terre
1000	Ne sçai j'omme nul qui le nom
	De Valentin ait se moy non,
	En bonne foy.
	LE QUINT ESCOLIER
	Sire, nous vous dirons pour quoy
245	Nous sommes a vous envoiez,
	Puis qu'a vous sommes avoiez:
	Le sage que Chaton on nomme,
	La fleur de science de Romme,
	De ce joiau que vous present
250	Et de cest or vous fait present,
	Et vous supplie en amistié
	Qu'aiez d'un fil qu'il a pitié,
	Qui languist, dont c'est grans damages,
	Car il est a merveilles sages:
255	Par maladie est touz contraiz,
	Les nerfs a come touz retraiz;
	Et il a de vous oy dire
	Les grans cures qu'avez fait, sire,
	Et que faites de jour en jour,
260	Si que plaise vous sanz sejour
	Venir li son enfant garir;
	Et il le vous voulra merir
•	Et guerredonner tellement

	Que serés esbahiz conment,	
	Tant vous donrra.	265
	Valentin	200
	Seigneurs, avis me convendra	
	Avoir dessus ceste besongne,	
	Avant que je plus vous respongne;	
	Mais je vous diray que ferez:	
	Par celle ville esbatre irez,	270
	Puis que ci m'estes venu querre;	
30 a	Si verrez l'estat de la terre.	
	De vostre present n'ay je cure:	
	Ce n'est a moy que paine dure	
	Du regarder.	275
	LE QUINT ESCOLIER	2/5
	Mais il le vous plaira garder,	
	Sire, pour l'amour du preudome	
	Qui le vous envoie de Romme	
	Pour vostre esbat.	
	VALENTIN	
	Or ne m'en faites plus desbat;	280
	Certes, ja ne me demourra,	200
	Li preudomme si le rara;	
	Mais vous irez, si com j'ay dit,	
	Esbatre en la ville un petit;	
	Endemantiers m'aviseray	285
	S'avecques vous ou non iray.	
	Seigneurs, alez.	
•	LE QUART ESCOLIER	
	Bien, sire, puis que le voulez,	
	Sa, alons ment.	
	VALENTIN	
	Pére des cieulx omnipotent,	290
	Qui de nient le monde creas,	-3"
	Et homme de fait recreas	
	Par la mort du benoit Jhesu,	
	J'ay par ta bonté, sire, eu	

134	MIRACLE DE	XX
295	Grace de divers maux garir,	
24+	Et pour ce m'envoie querir	
	De Romme le sage Chaton;	
	Si depri, sire, ton saint nom	
	De tant de sens com puis avoir,	
300	Que tu me faces assavoir	
	Si m'est bon d'aler y, vraiz Diex,	
	Et se le peuple en vaulra miex,	
	Et se point en croistra la foy	
	Crestienne. Sire, entens moi;	
305	Tu voiz bien ma devocion,	
	Or respons a m'entencion:	
	Que veulx que face?	
	DIEU .	
	Sus, mére, sus! sanz plus d'espace,	-
	A terre jus vous devalez	30
310	Et a Valentin en alez;	,
310	De par moy li dites en somme	
	Que sanz delay s'en voit a Romme.	
	La par sa predicación	
	A voie de salvacion	
315	Plusieurs du pais attraira,	
	Et de servir les retraira	
	Aux faulx ydoles.	
	Nostre Dame	
	Filz, j'ay bien toutes vos paroles	
	Retenues de point en point;	
320	Bien ly diray, n'en doubtez point.	
	Seigneurs, ci plus ne vous tenez:	
	Avecques moy vous en venez	
	Chantant touz deux.	

LE PREMIER ANGE

Doulce mére au roy glorieux,

325

Vostre conmandement ferons,
Et devant vous chantant irons

350

355

### Joieusement.

DEUXIESME ANGE Disons ce rondé liement. Gabriel, au partir de ci.

Dame, par qui grace et merci 330 Acquiérent li cuer repentant, Oui vraiement sont lamentant Des deffaultes qu'il ont fait ci, Puis qu'a vous en sont dementant, Dame, par qui grace et merci 335 Acquiérent li cuer repentant, Nous savons bien qu'il est ainsi, Ne nulz n'en doit estre doubtant: Car vous pouez troplus que tant, Dame, par qui grace et merci 340 Acquiérent li cuer repentant Oui vraiement sont lamentant.

NOSTRE DAME

Valentin, sanz estre doubtant, Va t'en a Romme la cité; Car je te di pour verité Que maint lairont la loy paienne Et prendront la foy crestienne Par ce que tu leur prescheras, Et maint convertir en verras A Dieu qui ci endroit m'envoie, Si que sanz delay mect t'a voie;-Diex le te mande. Je m'en vois. Chantez, seigneurs, a haulte voiz De ci partans.

GABRIEL

Dame, nous ferons sanz contens Ce qui vous plaira, sanz nul si.

RONDEL

Nous scavons bien qu'il est ainsi,

30 C

Ne nulz n'en doibt estre doubtant; Car vous poez trop plus que tant, 360 Dame, par qui grace et merci, Acquiérent li cuer repentant.

LE QUINT ESCOLIER

Je ne scé se pour mal content

Se tenra de nous Valentin.

Compains, je vous pri de cuer fin,

Alons savoir sa voulenté;

Je doubt que n'avons demouré

Trop longuement.

LE QUART ESCOLIER
Ralons vers li donques briefment,
Sanz plus de plait.

VALENTIN

Pére des cieulx, puis qu'il vous plait
Que j'emprengne cestui voiage,
Je le feray de lié courage,
Et m'i repute estre tenuz.
Les messagiers a moi venuz

375 Je vois attendre.

LE QUINT ESCOLIER
Sire, plaise vous a nous rendre
Response lequel vous ferez:
Ou s'a Romme avec nous venrez,
Ou se sanz vous nous en irons,
Et a postre ami porterons

380 Et a nostre ami porterons Chose qui vaille.

VALENTIN

Seigneurs, j'iray, conment qu'il aille; N'en doubtez point.

LE QUART ESCOLIER Or seroit donc de mouvoir point, S'il vous aggrée.

30 d

# VALENTIN

Oil, sanz plus de demourée Alons nous ent touz trois ensemble. C'est bien a faire, ce me semble Selon mon sens.

LE QUINT ESCOLIER
C'est le miex, et je m'i assens
De ma partie.

LE QUART ESCOLIER
Puis qu'ainsi la chose est bastie,
Je vous diray que je feray:
D'aler devant m'avanceray
Pour savoir l'estat de noz gens,
Et pour moustrer com diligens
En ce fait sommes.

# VALENTIN

Je l'acors. Entre nous deux hommes Vous suiverons tout bellement Et irons a nostre aisement.

Alez, amis.

LE QUART ESCOLIER
J'en voys, puis qu'a ce suis conmis;
Et si vueil mon pas avancier.

Pour vostre cuer, maistre, esleescier Vien je devant.

#### CHATON

Bien puisses tu venir. Avant!

Quelles nouvelles?

LE QUART ESCOLIER
Quelles, maistre? bonnes et belles:
Le preudomme Valentin vient,
A qui honneur faire convient,
Qu'il le vault bien:

CHATON

Se Mahon t'aist, a combien

390

395

400

405

31 a

Peut il près estre? LE QUART ESCOLIER A mains d'une liue, chier maistre; N'en doubtez pas.

415

CHATON

Encontre lui m'en vois le pas. Je ne m'en vueil plus espargnier. Seigneurs, venez me compaignier, Je vous em pri.

PREMIER ESCOLIER Maistre, je feray sanz detri Vostre requeste.

DEUXIESME ESCOLIER Je me tenroie bien pour beste, Se n'i aloie.

TIERS ESCOLIER Par Mahon, et je si feroie. Avant, avant!

LE QUART ESCOLIER S'il vous plaist, j'irai tout devant, Maistre; et si tost que le verray, Sachiez je le vous mousterray A vene d'oeil.

CHATON

130 Bien diz: va devant, je le vueil. Et le me moustre.

> LE OUART ESCOLIER Voulentiers. Veez vous la oultre Mon compaignon qui ça s'en vient? Cel homme qu'il par la main tient, C'est il, sanz doubte.

CHATON

Ma pensée ennuit sara toute. Chier sire, honneur et longue vic Et bonne aussi sanz male envie Vous soit donnée

420

425

31 b

440

#### VALENTIN

Et a vous bonne destinée, Sire: et. s'il vous plaist, m'enortez Oui estes vous, qui me portez Tel reverence.

#### CHATON

Ja ne vous en feray scilence, Puis que le m'avez demandé: Chaton sui qui vous ay mandé; Et puis qu'estes pour moy venuz, A vous honnorer sui tenuz, Et si est droiture et raison. Alons men, alons en maison: La bonne chiére vous feray, La ma voulenté vous dirav Toute enterine.

450

445

# VALENTIN

Et g'iray de voulenté fine Pour entendre vostre propos Et pour prendre un po de repos. Car de loing vien.

435

#### CHATON

Sire, puis que ceens vous tien Et qu'estes hors de vostre terre, Vezci que je vous vueil requerre: Qu'il vous plaise prendre et avoir La moitié de tout mon avoir. Tant en argent come en joiaux, En rentes, en draps, en chevaux; Je les vous offre bonnement, Et qu'il vous plaise seulement Mon enfant guerir a delivre Du mal qui tant douleur li livre Ja a long temps.

400

# VALENTIN

Chaton, s'il te plaît, or entens: 470 Tes biens temporieux que tu m'offres, Ou'en tes huches as et en coffres, Ne quier je point, c'est chose voire, Pour ce qu'il sont bien transitoire, Qui ne durent terme n'espace 475 Ne que la fleur du champ qui passe; Mais combien qu'aiez nom de sage, Je verray se de bon courage Veulz et de vraie entencion 480 De ton filz la salvacion. Par mi ce que je te diray, Une chose te requerray, Qui est assez ligiére et bréve,

C'est mon entente.

# CHATON

Et qui a faire point ne gréve :

Sire, demandez sanz attente, Je vous en pri.

Je te requier que sanz detri

# VALENTIN

Ton filz et toy premiérement, Et toute ta gent ensement, 490 Ou benoit fil de Dieu creez Lequel nous a faiz et creez, Qui appellez est Jhesu Crist; Celui de qui il est escript Ou'il nasqui d'une vierge pure, 495 Homme et Dieu en nostre nature, Qui pour nostre redempcion En croiz souffri grief passion (Grief, di je, quar il y fu mors), Et qui souffri mettre son corps 500 Ou sepulcre ou il habita Trois jours; puis se resuscita,

31 c

# N'en doubte nulz.

# CHATON

Sire, qui est cestui Jhesus
De qui me preschiez telement?
Je vous pri, moustrez moi conment
Ce que dites soit chose voire,
Et raison par quoy doie croire
Ou'il soit ainsi.

# VALENTIN

La raison, Chaton, vez la ci,
Combien que tu savoir la doies
Conme clerc qui tant sage soies.
Ne liz tu en la prophecie
Qu'a touz a escript Ysaie:
Ecce virgo, et cetera?
« Vezci qu'une vierge sera
Qui enfantera sanz deffault,
Vierge, le filz Dieu le treshault,
Lequel Jhesus nommez sera;
Car il son peuple sauvera

# De leurs pechiez. »

Sire, ce que vous me preschiez

Ay j'assez bien veu ou livre
D'Isaie tout a delivre;
Mais conment pourra c'estre voir
C'une vierge puist concepvoir
Et vierge pucelle enfanter?
C'est un point qui fait a doubter
Trop malement.

#### VALENTIN

Non fait, et te diray conment:
Tu doiz savoir qu'il est un Diex
En trois personnes es haulx cielx,
Qui n'est qu'une divinité,
Une essence, une majesté;

# 31 d

141

505

510

ĉ i ĉ

520

525

223

Afin que je l'entende miex,

16.5	10	4	7
м	N	А	

SAINT VALENTIA	1.44
Sire, que ce Jhesus est Diex, Si com me semble?	570
Valentin	
Voir est, Diex est et homme ensemble;	
Et si est espoux, filz et pére.	
A qui? a sa fille et sa mére:	
C'est a la vierge dont nasqui.	575
Conme filz, tant conme il vesqui	-10
Cy aval, li obeissoit;	
Conme pére, la norrissoit;	,
Conme espoux, de foy la vesti,	
Quant elle a croire s'assenti	580
Ce qui ne pouoit par nature	
Avenir: c'est que creature	
Se daigna le createur faire;	
Mais ce fist il pour nous attraire	
Plus a s'amour.	585
Chaton	
Sire, plaise vous sanz demour	
Qu'a vostre requeste et priére	
Ce Jhesu Crist santé entiére	
Par sa vertu doint a mon filz;	
Et vraiement, soiez en fis,	590
Nous deus serons crestiennez	
Si tost conme il sera sanez;	
Et le croiray mon sauveur estre,	
Lequel voult d'une mére naistre	
Et souffrir en croiz passion	595
Pour la nostre redempcion,	
Et qu'au tiers jour resuscita,	
Et après es sains cieulx monta,	
Et qu'il jugera vis et mors : A touz ces poins croire m'acors,	ნმი
S'il a santé.	000
Valentin	
Ha! sire Dieu plain de bonté,	
a. one Died plant de bonte,	

32 b

	De cuer humblement te graci	
	Quant prendre te plaist ces gens ci	
605	Au roiz de ta misericorde;	
	Car je voy que leur cuer s'accorde	
	A toy croire, amer et servir	
	Pour ta gloire en fin desservir,	
	Que leur vueilles, sire, ottroier.	
610	Or tost, Chaton, sanz detrier	
	Alez vous la mettre a genoulz,	
	Et vous aussi, biaux seigneurs touz,	
	Et prier Jhesus qu'il nous face	
	Liez de cest enfant par sa grace;	
615	Et j'avec li ci demourray,	
	Et aussi le deprieray	
	Devotement.	
	Chaton	
	Sire, vostre conmandement	
	Vois acomplir.	
	DEUXIESME ESCOLIER	
620	Sy ferons nous de grant desir.	
	Seigneurs, a genoulz nous mettons	
	Cy et noz pensées jettons	
	A Jhesu filz du roy celestre,	
	Qu'il vueille le filz nostre maistre	
625	Santé donner.	
	Valentin	
	Doulx Jhesus, qui touz jours user	
	Seulz a nous en toute accion	
	D'amour et de dileccion,	
	Si com tu le paralitique	X.
630	Par vertu poissant, autentique,	
	De ton seul vouloir garisis,	
	Et de flun de sanc retrainsis,	
	Ce dit saint Marc, aussi la veuve,	
	Par ta grace, ainz que de ci meuve,	
635	Vueillez cest anfant ci garir	

	Et de touz poins son mal tarir	
	Dont il est si pris et attains.	
	Biau filz, tes mains un po m'atains:	
	Tenir les vueil.	
2 -	LE FIL CHATON	
32 c	Certes, tant sui feible et me dueil	640
	Que je ne puis, se ne m'aidiez.	- 7-
	Mourir voulroie, ne cuidiez	
	Point du contraire.	
	VALENTIN	,
	Belement les vueil donc hors traire.	
	Sa! Diex les saint et beneie.	645
	Et la doulce vierge Marie	1743
	Sa grace y mette.	
	LE FIL CHATON	
	Pére, vezci un homme honneste.	
	Juste, saint, du vrai Dieu sergent	
	venez veoir, ma bonne gent.	650
	Conment le devons avoir chier.	030
	Ne m'a fait, sanz plus, que touchier	
	De sa destre main, et vezci	
	Que sain sui, la seue mercy.	
	Conme une pomme.	
	CHATON	655
	Disciple du vray Dieu, saint homme,	033
	Conment vous pourray je merir	
	Ce qu'il vous a pleu garir	
*	Mon fil, que ci voi sain estant?	
	Je ne sçay; car s'avoie autant	660
	Dis toiz com pourroie finer.	000
	Que tout vous voulsisse donner,	
	N'aroie je pas satisfait	
	Assez a ce qu'avez ci fait;	
	Ce n'est pas doubte.	665
	VALENTIN	003
	Chaton, s'il te plaist, or escoute	

675

680

685

690

695

32 d

Ce que j'ay a ton filz valu,
Ce n'est mie de ma vertu,
Ains est de la Jhesu poissance.
Aiez en lui ferme creance:
Miex t'en sera.

CHATON

Je ne sçay q'un autre fera; Mais tant conme je viveray, Conme mon Dieu le serviray,

Et reni touz autres pour li; Car je tieng et croi c'est celi Qui a a humaine nature Conjoint sa divinité pure, Et souffert mort et passion

Pour l'umaine redempcion, Qui nous venra en fin jugier Et par feu touz les maux purgier Et les quatre ellemens aussi; Je le tien et le croy ainsi

Et le croiray.

LE FILZ CHATON

De vostre oppinion seray

Et sui, pére, n'en doubtez, certes:

Moustré m'a par vertuz appertes

Ou'il est vraiz Dieux

PREMIER ESCOLIER

Nous touz aussi; et pour le mieux

Renonçons a la loy paienne

Pour tenir la foy crestienne

Des ores mais.

VALENTIN .

Or vous fault donc pour touz jours mais Avoir ou cuer un propos : quel? Qui soit en perseverent tel Que pour dons, ne blandissemens, Pour menaces, ne batemens, 33 a

Ne pour peine que l'en vous face,	
Ceste foy de voz cuers n'efface,	700
Que Jhesus fil de Dieu le pére	
Ne soit Diex, né de vierge mére,	
Qui n'ot onques conmencement	
Ne ja n'avra deffinement	
En deité.	705
LE TIERS ESCOLIER	
A croire ceste verité	•
Nous accordons nous touz ensemble;	
Car soubz le ciel n'est, ce me semble,	
Chose plus voire.	
VALENTIN	
Or ait chascun en son memoire	710
Qu'il le serve et aint d'amour fine,	
Si que sa gloire qui ne fine	
Puist desservir.	
Le fil Chaton	
Touz autres dieux pour lui servir	
Reni; car je voy sanz doubtance	715
Que ce sont de nulle puissance	
Touz faulx ydoles.	
Chaton	
Seigneurs, aussi qu'en mes escoles	
Je vous ay leu de logique,	
D'elences, de dialetique	720
Et d'autre mondaine science,	
En quoy j'ay mis grant diligence,	
Sachiez de touz poinz la lairay:	
Dès ores mais ne vous liray	
Ne ne vous apprendré clergie	725
Se ce n'est de theologie	
Et de ceste nouvelle loy;	
Car je scé clerement et voy	
Que toute autre science est vaine;	
Mais ceste a congnoissance maine	730

740

745

750

755

Du premerain conmencement,
C'est Dieu de lassus, et conment
Il est tout bon sanz qualité,
Il a grandeur sanz quantité,
Conment sanz estre meu meut
Toutes choses ainsi qu'il veult
A son plaisir.

L'EMPEREUR
Seigneurs, j'ay de veoir desir
Mon filz, et m'annuie forment
Que je ne le voi plus souvent.
Puis que Chaton l'en enmena,
Par devers moy ne retourna.
Oue veult ce dire?

CHEVALIER
Il n'en a pas le congié, sire,
Par aventure.

L'EMPEREUR
Alez vous deux, bonne aleure,
De son maistre congié prenez,
Et ci present le m'amenez:
Veoir le vueil.

DEUXIESME SERGENT Sire, nous ferons vostre vueil Incontinent.

Premier sergent
Alons le querre appertement :
En delay plus ne le metton.

Mahon vous gart, sire Chaton,
Et voz genz touz.
Chaton

Or ça, seigneurs, bien veignez vous. De nouvel me direz vous rien? 33 b

Conment le fait mon seigneur? Bien	
Fait, Dieu mercy?	
DEUXIESME SERGENT	
Oil; envoié nous a ci	760
Dire vous que li envoiez	,
Son filz et le nous otroiez:	
Si le demande.	
CHATON	
Mais seroit vilenie grande	
A moy se je li refusoie	765
Ne se je contraire disoie.	44-
Tantost ira. Josias, sus,	
Et vous, Dorech et Josephus:	
Pensez de vous tost avoier	
A cest enfant ci convoier,	770
Qui de son pére est demandez;	//
Et a lui me reconmandez	
Treshumblement.	
DEUXIESME ESCOLIER	
Maistre, nous ferons bonnement	
Vostre vouloir.	775
PREMIER SERGENT	//-
Alons men sanz plus ci manoir;	
Trop demourons.	
LE TIERS ESCOLIER	
Alons; tantost a li serons:	
N'y a que deux pas a aler;	
Mais garder nous fault de parler	780
Ja devant li.	,
PREMIER ESCOLIER	
Si ferons nous n'i a celi,	
Au mien cuidier.	
DEUXIESME SERGENT	
De tout ce dont avez mestier,	
Sire, c'est de conseil loial,	785
	100

33 c

33 d

795

800

805

Donner et de joie royal Vous vueillent par leur courtoisie, Et avec ce de longue vie, Noz diex pourveoir.

L'EMPEREUR

Filz, j'avoie de vous veoir 790 Grant desir : bien soiez venuz. Conment vous estes vous tenuz De moy veoir si longuement? Je m'en merveil moult. Et conment

Le faites vous?

LE FIL DE L'EMPEREUR Bien, treschier sire et pére doulx; Vostre merci du demander. Vien avant: je vueil amender Le salut qu'a mon pére as fait; Car il y a vice et meffait

En ce qu'as dit.

L'EMPEREUR Biau filz, en quoy a il mesdit? Trop bien l'a fait, ce m'est avis. Je vueil savoir par ton devis

Sa mesprison.

LE FIL DE L'EMPEREUR Sire, il a dit en sa raison « Noz diex »; et c'est une falourde, Une mençonge et une bourde : N'est qu'un Dieu, non.

L'EMPEREUR

Non dya! Et conment a il nom 810 Biau filz, ce Dieu dont me parlez? Dites le moy, se vous voulez, Ysnel le pas.

LE FIL DE L'EMPEREUR Mon chier seigneur, n'avez vous pas Oy parler du saint juste homme

Qui en ceste cité de Rome	
Est venu puis un po de temps,	
Homme paisible et sanz contens,	900
Disciple du vray Dieu sanz fin,	
Qui est appellez Valentin?	820
Conment le filz Chaton le sage	
A gari de son grief malage	
En la puissance, en la vertu	10.00
De nostre sire Crist Jhesu,	
Qui es cieulx a pére sanz mére,	825
Et sanz pére ot en terre mére?	
Par lui tenons nous ceste foy,	
Ceste creance et ceste loy,	
Qu'il n'est, a parler proprement,	
Dieu que Jhesus tant seulement,	830
Filz Dieu le pére.	
LE CHEVALIER	
Ce n'est pas verité bien clére;	
Car le pére au mains miex devroit	
Estre Dieu que le filz, par droit,	
S'il estoit ainsi qu'il eust	835
Cause en lui pour quoy il deust	·
Dieu estre dit.	
LE FILZ A L'EMPEREUR	
Biaux seigneurs, a ce contredit	
Respondez li tost sanz delay:	
Vous estes clers, il n'est que lay	840
En ce cas ci.	
PREMIER ESCOLIER	
Sire, vous avez dit ainsi	
Que li péres devroit trop miex	
Que le filz estre appellez: Diex,	
Supposé qu'il deust Diex estre.	845
Pour cest argu confondre et mettre,	
Se je puis, de touz poins a nient	
Je respons; sire, qu'il convient	

	Qu'il ait esté premiérement	
850	Un principe ou conmencement,	
	Par qui toutes choses creées	
	Sont et en leur estre ordenées;	34 a
	Et aucuns sages anciens,	344
	Arciens et logiciens,	
855	Philosophes ça en avant	
000	L'appellérent premier moment,	
	Acteur de toutes creatures;	
	Si font meismes voz escriptures,	
	Ainsi le dient.	
	LE FIL A L'EMPERIÉRE	
860	Souffrez. C'est voirs, pas ne le nient;	
900	Le philosophe ainsi le moustre;	
	Mais yey vueil dire cause oultre	
	Pour quoy principe le nommérent,	
	Et premier moment l'appellérent :	
865	Car le temps n'estoit pas venu	
003	Qu'il se fust encore apparu	
	Ne conversé ça jus en terre;	
	Pour ce ne sceurent tant enquerre	
	Qu'il le congneussent a droit,	
870	Conme nous faisons orendroit,	
070		
	Qui l'appellons en deité	
	Une essance, une majesté.	
	En ceste unité que disons Une trinité divisons :	
2~5		
875	Pére, sains esperiz et filz,	
	Et n'est q'un Dieu, soiez en fis,	
	Non, quant a la divine essence;	
	Mais es personnes difference Mettons nous, c'est chose certaine;	
000		
880	Car le filz, sanz plus, char humaine	
	Prist pour nous donner gloire es cielx	
	Pour quoy nous disons homme est Die	X
	Et Diex est homme.	

34 b

# L'EMPERIÉRE Mon pouoir ne prise une pomme, Seigneurs, par les diex que je croy, 885 Se, ceulx qui tiennent ceste loy Et la sement par la cité Ne fois morir a grant vilté. Emprisonnez ces trois icy, Et après m'alez querre aussi 800 Ce Valentin. PREMIER SERGENT Sire, nous ferons de cuer fin Tout ce que nous conmanderez. Passez. Emprisonnez serez Touz trois ensemble. 895 DEUXIESME SERGENT Livrer les nous fault, ce me semble A Vuidebource le jolier; Si en serons hors de dangier. Menons les y. PREMIER SERGENT C'est bien dit. Jolier, ça, vezci 900 Trois prisonniers que vous livrons: Tenez, nous nous en delivrons; Gardez les bien. LE JOLIER Avant! entrez ci. Se du mien Menguent, ilz le paieront. 905 N'en doubtez, ne m'eschaperont Mais de sepmaine. DEUXIESME SERGENT Or nous fault aler mettre en paine, Biaux compains, et si bien prouver

Premier sergent Sueffre toi; s'il ne me deçoit,

Ou que ce soit.

Que Valentin puissons trouver

935

Je le te mettray en tes mains:

C'est a quoi je pense le mains.

Alons' men. Un po le cognois.

Egar! cel homme que tu voiz

Ça venir le visage en terre,

C'est il: ne le nous faut plus querre;

Alons le prendre.

DEUXIESME SERGENT

Sa, maistre! il vous fault sanz attendre Devant l'emperière venir. Or tost! sanz nous plus ci tenir, Passez bonne erre.

VALENTIN

Dya! je ne sui murdrier ne lierre,

Seigneurs: menez me doulcement,

Sanz moy tenir si lourdement,

Je vous en pri.

34 c

Premier sergent Or tost passez dont, sanz detri.

Chier sire, Valentin avons 930 Tant quis que le vous amenons. Parlez a li.

L'EMPEREUR

Conment, maistre? estes vous celui Qui le peuple avez enorté De croire en un Dieu qu'a porté Une vierge, si com vous dites? Par mes diex! n'en serez pas quittes. Ou ce qu'avez fait defferez, Ou a mort vilaine serez

Livrez briefment.

VALENTIN

940 Emperiére, premiérement,
Tu qui loy dampnable soustiens,
S'a droit pensasses de qui tiens
La dignité ou tu es mis,

34 d

Tu te penasses d'estre amis	
Plus diligenment que ne fais	945
A mon Dieu par qui tu fuz fats,	
Qui est de toute creature	
Createur et Dieu de nature,	
Ce n'est pas doubte.	
Le chevalier	
A po que mes doiz ne deboute	950
Si que les deus iex te crevasse,	
Par Mahommet, en ceste place.	,
Doit ainsi parler un tel homme	
Com toy a l'empereur de Romme?	
En male estraine!	955
L'empereur	
Souffrez. Va tantost, si m'amaine	
Ces trois compaignons qu'en prison	
As hui mis pour leur mesprison	
Cy devant moy.	
LE DEUXIESME SERGENT	
Sire, par la foy que vous doy,	960
Voulentiers, sanz chiére rebource.	
THE RESERVE TO SERVE THE PARTY OF THE PARTY	
Or ça! je revien, Vuidebource.	
Ces trois prisonniers attaingniez;	
Il faudra qu'avec moy veigniez	
Pour les mener jusqu'a la court,	965
Et que nous les tenions de court	
Et près de nous.	
LE JOLIER	
Ne vous en doubtez, ami doulx.	
Sa! entre vous trois issiez hors.	
Ho! il les nous fault par les corps	970
Lier ensemble.	370
LE DEUXIESME SERGENT	
C'est bien dit: aussi, ce me semble,	
Plus asseur les enmenrons	

Quant ainsi liez les tenrons Conme tu diz.

LE JOLIER

Ainsi maine je court touz diz Ceulx que je sçay qui ont meffait. Avant! alons men. Tien, c'est fait :

Acouplez sont.

DEUXIESME SERGENT C'est voir : d'eschaper pouoir n'ont. Avant, merdaille; avant trotez, Se de ce baston ci frotez Ne voulez estre.

LE JOLIER

Vezci, mon chier seigneur et maistre, Les prisonniers que demandez. 985 S'il vous plaist, or nous conmandez C'on en fera.

> L'EMPEREUR Assez tost on le te dira. Truant, pour ce qu'as convertiz Ceulz ci et a toy pervertiz, Devant toy decolez seront: C'est le prouffit qu'il en aront. Avant! copez leur tost les testes, Puis lessiez aux sauvages bestes

Les corps mengier.

Mes fréres et mi ami chier, De la mort des corps ne vous chaille; Soiez fors en ceste bataille, Contre ce serpent combatez;

VALENTIN

Car je vous di vous acquestez 1000 Gloire qui touz jours durera Et vie qui ja fin n'ara, Et par ce brief et court martire

980

990

935

35 a

Verrez sanz fin Dieu nostre sire, Si conme il est.

1005

TROISIESME ESCOLIER
Homme de Dieu, nous sommes prest
De faire quanque tu nous diz;
Or prie Dieu qu'en paradiz

Noz ames mette.

VALENTIN

Vostre voulenté sera faite

De bon cuer : j'en vueil Dieu prier

Ci endroit, sanz plus detrier,

Mes chiers amis.

LE JOLIER

Tu seras premier a fin mis.

Passe avant, agenoille toy.

C'est fait; il n'i a mais de quoy

Jamais mot die.

Valentin

Doulx Jhesus, en la conpagnie
De tes sains anges ces personnes
Reçoy, et ta gloire leur donnes;
Si que ta mére et toy, filz, voient
Ainsi conme par foy le croient
Ça jus en terre.

Dieu

Mére, je vueil qu'aliez bonne erre
A mes amis que voi la estre, 1025
Qu'on veult a mort pour mon nom mettre.
Anges, vous deus la conduisiez,
Et en alant la deduisiez

D'un biau chant faire.

LE PREMIER ANGE
Vostre vouloir si nous doit plaire, 1030
Sire, par droit.

1055

DEUXIESME ANGE Nous en irons par la endroit Quand jus serons.

35 b

LE JOLIER
Sa, seigneurs, sa! de chapperons
1035 N'arez jamais, certes, mestier,
Mais qu'aie ouvré de mon mestier
Sur vous icy.

PREMIER ANGE
Dites avec moy ce chant ci,
Michiel; ja repris n'en serez.

Venez vous en, beneurez,
Lassus ou royaume de Dieu;
En gloire sanz fin mis serez;
Venez vous en, beneurez,
Et touz jours sanz mort viverez:
Trop y a delictable lieu.
Venez vous en, beneurez,
Lassus ou royaume de Dieu.

LE JOLIER
Or sçay je bien ne prescherez
Ja mais nul lieu nouvelle loy.
Chascuns est endormiz tout coy,
Ce m'est avis.

Nostre Dame
Or tost, sanz plus faire devis,
Mes amis, ces ames prenez
Et ici plus ne vous tenez;
Mais conmans que chacun s'avoie
A nous en raler par la voie
Que venuz sommes.

35 c

1060

# Deuxiesme Ange Dame des cieulx, dame des hommes, Fontaine de misericorde, A vo vouloir faire s'accorde

Chascun de nous.

PREMIER ANGE

C'est voir. Pardisons, ami doulx, Nostre chant tant qu'il soit finez.

RONDEL

Et touz jours sanz mort viverez:
Trop y a delictable lieu.
Venez vous ent, beneurez,
Lassus ou royaume de Dieu.

# L'EMPEREUR

Seigneurs, escoutez : en quel lieu
Oy je de chant tel melodie?
Onques mais en jour de ma vie
Telle n'oy.

LE CHEVALIER

Le cuer m'a forment esjoy;
Mais dont ce vient moult me merveil,
Car gens ne puis veoir a l'ueil
Qui si doulcement chanter doient.

1075
Il semble que près de nous soient,

A leur chanter.

# VALENTIN

Empereur, saches sanz doubter,
Ce chant que tu a tes oreilles
As oy, c'est (ne t'en merveilles)
La doulce mére au roy Jhesu
Et ces anges qui sont venu
Querre les ames de ces corps
Qui par toy gisent ileuc mors,
Qu'avec Jhesu Crist en emportent;
Et en les portant les deportent,

35 d

# Conme oy as.

L'EMPEREUR

Conment? ne te tairas tu pas
De ton Jhesu Crist devant moy?
Vezci que j'ordene de toy:
Ou tu noz diex aoureras,
Ou par divers tourmens mourras,
Je te promet.

VALENTIN

En Jhesu Crist du tout me met,
Si que ne me peuz tourmenter,
De ceci te yueil j'enorter;
Car pour paine que me saroies
Faire, surmonter ne pourroies
La grant joie que j'en aray;
Mais une chose te diray:

Se tes faulx ydoles et vains, Qui touz sont de dyables plains, Relenquisseiez et lessassez, Et Dieu le vray seul aourassez,

Tu, qui es triste et en destresce,
Trouvasses joie sanz tristesce,
Repos sanz labour permanable,
Et regne sanz fin perdurable.

Je te di voir.

L'EMPEREUR

Que tu es plain de l'anemi.
Or tost, seigneurs; tost, la en my
Celle place le despoulliez.
Quant tout nu sera, le vueilliez
Lier estant a celle estache;
Et puis le batez tant que tache
N'ait sur son corps blanche ne vert,
Mais que tout soit de sanc couvert

Pour son chasti.

LE PREMIER SERGENT	
Si com de dit l'avez basti,	120
Mon chier seigneur, vous sera fait.	
Sa, maistre! despoullier de fait	
Yci vous fault.	
on la table devant l'emperière pour mens	zier.
77	

Cv met

Voulentiers, seigneurs; sanz deffault Sui j'a vostre vueil? que vous semble? F125 Ne doubtez pas que de vous m'emble : N'est pas m'entente.

LE JOLIER

Lier le vous vueil, sanz attente, En la maniére qu'ay apprise. Est il lié de bonne guise? 1130 Dites le moy.

LE DEUXIESME SERGENT Oil. Or ca, vezci de quoy Il sera batuz, conme fol, Dès les rains aval jusqu'au col. Avant! chascun la seue prengne, 1135 Et de bien ferir ne s'espargne

Sur ce dur dos.

PREMIER SERGENT Se sa char estoit toute d'os, S'en feray je saillir le sanc. Je le vueil batre sur le flanc Premiérement.

DEUXIESME SERGENT Et je sur cestui, tellement Qu'il y parra.

LE JOLIER Je seray le tiers, qui ferra Au long du corps.

VALENTIN Vueillez entendre a mes recors, 1140

36 a

	Entre vous qui me regardez :
	Pour Dieu vous pri, ne vous tardez
	De croire en celui qui me garde,
1150	Qui tout voit et partout regarde;
	Qui le monde de nient crea,
	Et par sa mort nous recrea;
	Qui daigna d'une vierge naistre
	Et a nostre semblant se mettre
1155	Pour rachater l'umain lignage
	Que Sathan tenoit en servage;
	Qui de nous ot tant cure et soing
	Combien qu'il n'ait de nous besoing,
	Que pour nous en croiz mort pendi,
1160	Dont vie par ce nous rendi.
	Congnoissiez le donc, congnoissiez,
	Voz fauz ydoles delaissiez
	Qui ne sont pas diex, mais sont dyables;
	Ne les aiés pas agreables,
1165	Servez le vray Dieu seulement
	Pour qui je sueffre ce tourment,
1 11	Qui ne m'est pas tourment, mais baing;
	Car avis m'est que de doulz saing
	M'oingnent ceulx qui ainsi m'atirent;
1170	Et vous cuidiez qu'il me martirent,
1	Et ce n'est que purgacion
	Et ma glorificacion
	De corps et d'ame.
	LE QUART ESCOLIER
	Pére, benoite soit la dame
1175	Qui a nourreture t'a trait!
	Tu as tout ce peuple retrait
	D'enfer et l'as a Dieu acquis
	Par les paroles que tu dis,
	Qui voires sont.
0	LE QUINT ESCOLIER
1180	Pére, escoute : ces gens ne font 36

Mais que baptesme demander, Pour eulx envers Dieu amender De leurs meffaiz.

VALENTIN

Soient en ce vouloir parfaiz,
Il souffira a Dieu assez,
Tant q'un pou de temps soit passez,
C'on leur donrra.

PREMIER SERGENT
Par Mahon, mon seigneur sara
Maintenant ces nouvelles ci.

Sire, je vous vieng dire ainsi:

De nostre loy sont perverti
Bien .vij .M. qu'a converti
Valentin tant dis conme on l'a
Batu a celle estache la.

A brief, tout le peuple est creant
En son Dieu, je le vous creant
En bonne foy.

L'EMPEREUR
Va, fay l'amener devant moy

Yci en l'eure.

PREMIER SERGENT
Sire, se Mahon me sequeure,
Je vois.

Ho, seigneurs! sanz plus batre, 1200 Mener le nous fault sanz debatre A l'emperière.

DEUXIESME SERGENT
Si li menrons en la maniére
Qu'il est, mais que deslié soit : 1205
Aussi plus est ci, plus deçoit
De gens sanz nombre.

LE JOLIER
Voire, et si nous tolt et encombre'

1220

1225

1230

1235

36 c

De faire ailleurs nostre prouffit,

Et li mesmes se desconfit.

Deliez est, alons nous ent

Et l'en menons. Trop longuement

Sommes icy.

LE PREMIER SERGENT

Mon cher seigneur, vezci Que demandez.

L'EMPEREUR

Ore, t'es tu point amendez?
Di me voir de bon cuer ouvert.
Au mains te voi je tout couvert
De sanc. Que ne t'a regardé
Ton Dieu, et qu'il t'eust gardé
De ce tourment, de ceste paine?
Je te di (n'est pas chose vaine),
Se je ne voy que tu laboures
A ce que tu mes diex aoures,
Je feray ci tes jours finer;
Car le chief te feray couper,
Je te di bien.

VALENTIN

Tes jours sont plus briez que li mien. Je ne scé de quoy me menaces; Je te di que tout au pis faces Que tu pourras.

L'EMPEREUR

Par mes diex, en l'eure mourras.
Vuidebource, sanz plus ci estre,
Vaz le moy la hors a mort mettre;
Et se tu voiz qu'il y surviengne
Nul qui pour crestien se tiengne,
Met tout a fin.

36 d

LE JOLIER

Sire, par mon dieu Appolin,
Voulentiers; n'en ara ja mains.
Sa, maistre, sa! puis qu'en mes mains 1240
Estes, guères ne durerez.
Passez: assez tost finerez
Honteusement.

Le QUART ESCOLIER
Pére, avant! viguereusement
Labourez a ce derrenier.
Conme bon, loyal chevalier,
Par la mort que tu souffreras
Couronne de vie acquerras
Sanz finement.

Sanz finement.

LE QUINT ESCOLIER

Pére, qui cause et mouvement

Es que nous sommes crestiens

Et tenons la loy que tu tiens,

Moustre cy ta perfeccion.

Sachiez c'est nostre entencion

Qu'en quelque lieu que tu iras

Nous deux a compagnons aras

Et a amis.

L'EMPEREUR
Un os s'est avalé et mis
En ma gorge, ci en cest angle.
Seigneurs, certainement j'estrangle 1260
Et suis a mort.

PREMIER DYABLE

Avant tost, nous deux par accort,
Sathan, prenons cest emperiére.

Il a tant fait ça en arriére
Qu'il est nostre par droit acquis.

1265
J'ay assez de ses faiz enquis;

1280

1285

1290

1295

Il fault qu'en enfer le livrons, Si que tost nous en delivrons : Emportons l'en.

DEUXIESME DYABLE

Il ne revendra de cest an
Ne jamais, tant a il empris,
Puis que saisi l'avons et pris,
Et que l'emport.

LE FIL A L'EMPEREUR

Seigneurs, plain sui de desconfort;
Car je voi yci que mon pére
A pris fin honteuse et amére;
Car en mengant s'est estranglez,
Et si sommes si avuglez
Que nul de nous, ce me recors,
Ne scet qu'est devenu son corps;
C'est grant merveille.

LE CHEVALIER

Mahon pitié avoir en vueille!

Car de lui sui moult esbahis.

Je croy que sommes envaiz

D'enchanterie.

LE FIL
Souffrez vous, a ce ne tient mie.

37 a

Ci endroit plus ne demourray:
Ailleurs querre manoir iray
Ou il ara plus seur estre.
Pensez de vous a voie mettre
Touz trois. Or tost, convoiez moy:
Au chastel c'on dit Bellevoy
Vueil droit aler.

DEUXIESME SERGENT Alons, sire, sanz plus parler, Puis qu'il vous haite

37 b

1300

1305

# LE JOLIER

Valentin, il fault que la teste Te cope sanz plus de respit, Se ton Dieu du tout en despit N'as pour noz diex.

#### VALENTIN

Je te di que j'aime trop miex Que la me copes sanz demeure; Mais donnes moy un petit d'eure (Je ne te vueil plus demander), Que je puisse reconmander

M'ame a mon Dieu.

#### LE JOLIER

Delivre t'en ci en ce lieu Tost et ysnel.

# DIEII

Sus, Michiel, et toy, Gabriel
Alez vous ent la jus en terre
L'ame de mon bon ami querre,
C'on veult decoler pour m'amour.
Je vueil qu'en gloire son demour
Ait sanz fenir.

#### GABRIEL

Sire, sanz nous plus ci tenir, Nous y alons.

#### 1315

1310

#### LE JOLIER

D'ainsi conme es a genoillons Ne quier que te liéves jamais, Ne plus n'attenderay hui mais. Tu as assez ton Dieu prié, Et si m'as assez detrié. Estens le col, besse la teste,

	Et pleures, se veulx, ou faiz feste,
	Tu ne m'en feras ja engaigne.
	Tien: chevalier soies en gaigne;
1325	De moy as eu la colée.
	Je vueil en sauf mettre m'espée.
	Mahon, las! ou me suis je mis?
	Entour moy ne voy qu'enemis
	Hideux qui, sanz moy deporter,
1330	M'ont ja saisi pour emporter
	En grief tourment.
	DEUXIESME DYABLE
	Nous te donrons assez briefment
	Pour touz jours un novel hostel.
	Sathan, compains, il n'y a el,
1335	Ne m'en chaut s'il est clerc ou lay:
	Emportons le tost sanz delay,
	Avec son maistre.
	Premier dyable
	Ensemble les fera bon mettre;
	Aussi sont il d'une convine.
1340	Avant! avec moy t'achemine
-	Ysnellement.
	LE QUINT ESCOLIER
	Buzi, or veons nous conment
	Dieu veult ce saint homme vengier.
	Je lo, sanz plus yci songier,
1345	Que nous deux l'emportons bonne erre,
	Et si le ferons mettre en terre
	Comme crestien.
	LE QUART ESCOLIER
	Certainement, il me plaist bien.
	Or sus! ne m'en chaut qui nous voie,
1350	Alons nous ent par ceste voie
	Droit en maison.
	DEUXIESME ANGE

Gabriel, sanz arrestoison,

Ceste sainte ame es cieulx portons.
Et en portant nous deportons
A chanter ce doulx chant cy:
Ordines angelici,
Cives apostolici
Et martires, lettate
Ab isto qui felici
Sorte nomen amici
Dei cepit; cantate.
Explicit.

# Serventoys couronné

Qui sont compris en la vierge Marie,
Car Diex la voult en sainte Anne creer,
Si qu'elle fut ains que née saintie
Au plaisir Dieu, qu'en li faire vouloit
Chambre de paix et temple beneoit,
Palais d'amour, repos de sauvement;
Et avec ce y mist Diex plainement
Humilité, senz, manière et raison,
Biauté, bonté, si que je di briefment
C'on ne pourroit trop essaucier son nom

Que ce soit voir ligier est a prouver, Car de Dieu fu fine purefiie Pour ce qu'en li devoit encorporer Fil, homme, et Dieu en une essance unie Virginalment, dont bien appercevoit

37 c

Que Diex feist ce saint corps qu'il amoit Digne, poissant, glorieux, noble et gent, Et si sceut en son saint advenement, Par signes vraiz plains d'inspiracion, Si que li bon vivoient liement En attendant de mercy le hault don.

En att

Or di je donc c'on doit bien honnorer Celle qui est de Dieu mére et amie, Et c'on la doit de son droit appeller Lune royal qui de biauté flambie, Car aussi bien que la lune de droit Prent ou soleil clarté qui l'en pourvoit, Donna clarté la vierge dinement, Li sains solaux du majeur firmament, Car au saint ray d'anunciacion S'ajoint à lui Diex qui est proprement

37 d

33

Si que j'en doy bien ma dame loer, Car c'est la lune en touz biens adrescie; Et li solaux par qui elle luist cler, Ce fu ses filz, le digne fruit de vie, Li roys poissans qui Diex et hons estoit, Vivant ça jus et ou throsne regnoit, Et qui moru en croiz piteusement Pour rendre vie et clarté a sa gent Et enaprès sa resurreccion En ame, en corps coronna noblement Ma dame en qui j'ay mis m'entencion.

44

Dame gentilz ou il n'a qu'amender, On vous doit bien nommer par seigneurie Lune luisant, vraie estoille de mer, Et le buisson de sainte prophecie, Et la royne aussi qui ou ciel voit

15

La trinité, qui bien vous aime et croit, Car la poez veoir en un moment Un pére, un fil Dieu singuliérement, Qui de vous fist si noble assumpcion Que tuit li saint et saintes ensement Sont resjois de vo doulce façon.

ENVOY

Princes, qui sert sa dame loyaument, Amours l'en fait avoir bon guerredon,

# Serventoys estrivé

Pour essaucier Amours et sa bonté
Fist Diex santir ains son advenement
La venue de sa nativité
Par la bouche Ysaie proprement;
Car il voult par prophecie averer
Qu'il naisteroit une vierge sanz per,
Qui fruit par fait divin conceveroit;
Et pour ce puis la vierge de son droit
A l'encencier comparer par raison
Et Dieu ses filz a l'encens de pardon
Qui les amans de plaisance pourvoit.

Dont doit avoir amant son cuer enté
A ceste vierge amer devotement;

38 a Car c'est li encenciers d'umilité
Qui par un saint divin inspirement
Conçut, porta, enfanta sanz amer
Dieu tout puissant c'on peut encens nommer;

Et cil encens de paradis venoit, Cil sains encens tout en gloire regnoit, Cil encens cy par sa provision Mist paix en terre et consolacion : Ses noms loez et graciez en soit.

22

Si me merveil, quant g'y ay bien visé, Pour quoy Juifs ne croient fermement Oue cilz royaulx encenciers sanz grieté Concut en li l'encens divinement. Car aussi bien l'i pot faire esconcer Dieu qui parti en deux la rouge mer, Ou qui de rien creé le siecle avoit. Ou qui la manne es desers pourveoit Aus enfans d'Israel par porcion Ou qui sauva Daniel du lion.

Au gré d'Amours qui faire le pouoit. 33

> Si tieng l'amant de tresnoble eure né Qui croit que cilz encenciers purement Conçut l'encens de sainte deité Oui puis fu mis en croiz amérement : La voult au feu de charité finer, La voult par mort les mors resusciter, La mist lueur ou obscurté estoit. La mist odeur ou orreur conversoit, La tint Amours en sa subjeccion L'encens qui vint de la trine union, Car bonne Amour a ce le contraingnoit.

Dame plaisant, souveraine en biauté, Vraiz encenciers encensant doulcement, Chascun doit bien loer vo dignité, Car vous apportastes benignement L'encens c'on peut en pain sacré gouster. Cilz encens voult au peuple doctriner

38 b

La loy que Diex li péres envoioit, Cilz encens ci plana en grief destroit L'amer venin de no dampnacion, Et nous donna pour mort purgacion, Dont li mien cuers Amours loer en doit.

55

ENVOY

Princes du Pui, qui sert et aime et croit Cel encencier par vraie affeccion Par cel encens reçoit si noble don Que cuer humains nombrer ne le pourroit.

# XXVI

## MIRACLE

DE

UNE FEMME QUE NOSTRE DAME GARDA
D'ESTRE ARSE

#### PERSONNAGES

GUILLAUME Guibour LA FILLE AUBERI ROBERT, PREMIER VOISIN GAUTIER, DEUXIESME VOISIN LE COMPÉRE. MANDOT, PREMIER SOIEUR SEVESTRE, DEUXIESME SOIEUR AUBERI, PREMIER SERGENT GOBIN, DEUXIESME SERGENT LE BAILLIF LE PORTEUR LE FRÉRE LE COUSIN COCHET, LE BOURREL DIEU NOSTRE DAME GABRIEL MICHIEL LE PREMIER POVRE DEUXIESME POVRE TROISIESME POVRE SAINT JEHAN La premiére nonne DEUXIESME NONNE

## Cy conmence un miracle de Nostre Dame, conment elle garda une femme d'estre arse.

#### GUILLAUME

was uibour, dire vous vueil m'entente : Je m'en vois, sanz plus faire attente, Aux champs visiter mes gaignages, Afin que d'ouvriers, conme sages, Soie pourveuz sanz faillir. 5 Ouant il les me fauldra cueillir. Je scé bien faire les m'estuet Soier, et demourer ne peut Mie granment. Guibour Sire, il me plaist bien, vraiement; 01 Je ne vous vueil desdire en rien. Je tien que le dites pour bien, Si m'i ottrov. LA FILLE E! mon chier pére, je vous proy Qu'avec vous voise sanz debat, 15 Si prendray un petit d'esbat : Piéce a que de ceens n'yssi,

> Meilleur ne puis. GUILLAUME

Et compagnie avoir aussi

Fille, il me plaist : venez ent, puis 20

30

35

40

45

39 b

Qu'ainsi vous haitte.

LA FILLE

Alons. Sire, vez me ci preste.

Ma mére, a Dieu!

GUIROUR

Or, vous gardez d'aler en lieu Ou il n'ait bien seure voie. Certes, ta femme a moult grant joye D'aler avec son pére, Aubin. Biau filz, je te pri de cuer fin Qu'avec moy jusqu'au moustier viengnes,

Et que compagnie me tiengnes

Tant que g'i soie.

AUBERI

Se de ce refus vous faisoie. Ne me tenroie pas pour sage. Ma dame, alons : de lié courage

Vueil vo gré faire.

GUIBOUR

Alons; mais que lieu, sanz meffaire, Près du sermonneur puisse avoir, Je seray bien aise, pour voir.

Avançons nous.

PREMIER VOISIN Egardez, Gautier: veez vous La mairesse aler et son gendre? Pour certain l'en me fait entendre

Ou'il sont tout un.

DEUXIESME VOISIN

C'est un proverbe tout conmun Qu'il en fait conme de sa femme; Et c'est a touz deux grant diffame, Ce m'est avis.

LE PREMIER VOISIN C'est voir; mais pour nostre devis

Cy conmence le sermon

Ab inicio et ante secula creata sum, etc. Ecclesiastici xximi. Ces paroles proposées en latin veulent ainsi dire en françois: Avant des sciécles le conmencement sui creée pardurablement; c'est la sentence des paroles. A ceulx qui les loenges de la vierge
benoite veulent pronuncier et mettre avant, la vierge
en eulz enseignant es paroles proposées les adevance et
leur propose quatre choses esquelles elle comprent toutes loenges, et les divise par quatre degrez ou par quatre
procès, dont le premier degré est entendu selon ce que
dès le conmencement fu sa predestinacion: Ab inicio,
etc.; le second selon ce qu'en ce monde fu sa conversacion: Et in habitacione sancta; le tiers selon ce qu'elle
fu prise ou ciel et eslevée: Et in civitate sanctificata, etc.;

le quart selon ce qu'elle est du peuple loée et honorée : Et radicavi in populo honorificato. Quant au premier qui est quant a sa predestinacion, je di qu'elle surmonte toutes creatures, en ce qu'elle dit : Ab inicio : vcv mect elle deux choses pour quoy elle mect au devant sa predestinacion, c'est assavoir sa dignité par laquelle touz les 39 d siécles preceda, et sa pardurableté par laquelle jour de siécle ne deffaudra: Ab inicio, etc., usque ad futurum seculum non desinam, c'est a dire dès pardurablement, qui est conmencement sanz conmencement, je suis creée, c'est a dire je suis preveue estre creée par l'adevancement de dignité, si conme il est dit Saviencie po: Prior omni creata est sapiencia dignitate: La premiére de toutes choses fu sapience creée en dignité, par laquelle Marie preceda, c'est a dire fu avant les siécles, voire avant les siécles des anges, les siécles des anciens, les siécles de ceulx qui maintenant sont et qui jamais seront. Pour quoy li peut estre dit ce qui est escript Judith xvº: Tu gloria Jerusalem, etc.: Dame, tu es la gloire de Jerusalem, c'est a dire des anges desquelx tu as la ruine et le trebuchement reparé; tu es la leesce d'Israel, c'est des crestiens desquelx tu as l'ire reconsiliée et appaisié; tu es l'onorificence de ton temple, c'est des Juifs desquelx tu as l'infame relevé. Et a ces trois poins peut elle dire ce qui est escript Ecclesiastici xxIIIIº: Ego feci ut in celis, etc. : J'ay fait que es cieulx leveroit une lumiére sanz deffaillir, c'est quant a la reparacion des anges; et ay couvert toute la terre conme une nue, quant a la reconsiliacion des crestiens; et si ay habité es treshaulx lieux, quant au tiers point. Et pour ces trois poins li peut on dire ce qui est dit Hester VIIIº: Lux nova oriri visa est, etc. Dame, tu es la nouvelle lumiére qui est veue luire; tu es la joie des anges, desquieulx tu es saluée et annoncée; tu es l'onneur aux Juifs, desquelx tu es née et 40 a prophetisée; tu es le rebaudissement des crestiens et de toute sainte eglise, desquelx tu es advocate nommée.

Après je di que Marie par dignité precéde touz les siécles en haultesce de puissance, en planté et en grandeur de gloire et de grace. En haultesce de puissance, car en son nom toute creature, tant du ciel conme de la terre et d'enfer, se flechist et encline, dont elle peut dire : In omni gente et in omni populo primatum habui, Ecclesiastici xxiiio: En toute gent ou sur toute gent des siécles terriens et en tout le peuple des siécles celestiens ai ie premiére eu seigneurie et puissance; les pechiez des orgueilleux et des haultains, c'est des ennemis d'enfer, par ma propre vertu av je abaissié et soubzmis; si devez savoir que la vierge est aourée des annemis, des anges et des hommes, mais differenment : carles ennemis l'aeurent par cremeur et paour, li anges par reverence et honneur, les hommes par devocion et amour. Après je di qu'elle precéde touz les ciécles en planté de grace, tant pour ce qu'elle en ot en lui, tant pour ce qu'elle en trouva en Dieu, et tant pour ce qu'elle nous en a donné et abandonné. Aussi di je qu'elle a surmonté touz les siécles en grandeur de gloire quant en trois choses, qui a saint Jehan furent revellées Appocalypsis xuº: Signum magnum, mulier amicta sole, etc. Saint Jehan dit qu'il vit une femme affublée du soleil et avoit la lune soubz ses piez et une coronne de douze estoilles en son chief. Par ceste femme j'entenz la vierge benoiste, qui du soleil de justice fu affublée, quant elle ot conceu le benoit Jhesu 10 b seconde personne de la divinité; par la lune qu'elle avoit soubz ses piez j'entens les biens temporieux et le monde dont elle avoit ses desirs et ses affeccions hors mis et jettez; par la couronne de douze estoilles j'entens douze previléges qui par excellence et singularité lui furent octroiez et donnez, des quieulx pour cause de brieté je me passe. Ainsi appert le premier point de nostre sermon, c'est que la vierge par sa predestinacion en dignité preceda. Or s'ensuit sa pardurableté, par laquelle jour de siécle ne deffauldra, et c'est touchié: usque ad futurum non desinam. Or

je note trois choses qui ja ne li deffaudront, c'est assavoir sa gloire ou elle a a regner, dont il est escript Thobie XIIIº: Benedictus Dominus, etc.: Benoit soit nostre seigneur qui l'a essaucie a ce qu'elle regne es siécles des siécles : secondement sa memoire qui est a pardurablement loer: Memoria mea in generacione seculorum: tiercement sa misericorde preste a nous touz jours subvenir; et pour ce est elle proprement dite mére, qui ses benefices ne refuse a nullui, ne onques, selon ses misericordes, ses loenges et ses beneurtés, a aucun ne deffailli. De ces trois est il escript Danielis 1110: Placuit michi predicare, etc.: Il m'a pleu preschier ses signes qui grans sont, c'est quant au premier; et ses merveilles, car fortes sont, quant au second; et son regne, car c'est regne qui durra pardurablement, quant au tiers. Auguel regne par les merites de la vierge nous doint pervenir celui qui est péres et filz et sains esperis, un Dieu sanz fin et sanz conmencement. 40 c

### Guibour

Ha! dame du hault firmament, Maleureuse est la personne Oui a vous servir ne s'adonne, Et de bonne heure est celle née Qui mect en vous cuer et pensée; Car nul ne fait en mal tant cours Oue vous ne li faciez secours Tel que du tout se voit delivre De ses maulx, puis qu'a vous se livre. Dame, qui es par excellence Es cieulx, lez la divine essance, Sur touz les sains auctorisie, Vierge, par ta grant courtoisie, Soies, ce te pri de cuer fin, 80 Mon refuge, si qu'ains ma fin Faces m'ame si affiner Oue, quant ce corps devra finer,

XXVI	UNE FEMME QUE NOSTRE DAME GARDA	183
	Eschiver puist d'enfer l'ombrage	
	Et des cieulx avoir l'eritage,	
	Que moult desir.	85
	Le compére	
	Conmére, Dieu par son plaisir	
	Bon jour vous doint.	
	GUIBOUR	
	Biau compére, et il vous pardoint	
	Voz meffaiz et a moy les miens.	
	Que fait ma conmére? je tiens	90
	Que bien le fait.	
	Le compére	
	La Dieu mercy, voirement fait.	
	Et vous, conmére?	
	Guibour	
	Bien. Je me lo de Dieu, compére;	
	Car fait nous a grace moult grant	95
	De ce qu'a un si bon enfant	
	Avons nostre fille donnée,	
	Qu'estre ne pouoit assenée	
	Miex, ce m'est vis.	
	Le compére	
	Conmére, je suis trop envis	100
10 d	En lieu ou j'oie diffamer	
	Personne que j'ains ne blasmer,	
	Qu'a mon pouoir ne l'en deffende	
	Et que pour son honneur ne tende	
	L'en faire sage.	105
	Guibour	
	Pour quoy dites vous ce langage?	
	Dites, compére.	
	Le compére	
	Je le vous diray, ma conmére.	
	L'en dit par toute ceste ville	
	Qu'aussi conme avec vostre fille	110

135

140

Vostre gendre avec vous s'esbat
Et gist, quant li plaist, sanz debat,
Et que c'est de vous deux tout un:
Ainsi le dit on en commun,
Et que pour nient n'est pas si cointe,
Car il est de la mére acointe
Et de la fille.

GHIBOHR

E! lasse, cuert aval la ville
Telle renommée de moy?
Par celle foy que je vous doy,
Compére, onques ne l'espousay.
Qui l'a mis avant je ne say,
Mais il a fait pechié mortel.
Ja Dieu ne vueille qu'en fait tel

Soie reprise!

LE COMPÉRE
Conmére, je vous en avise
De bonne foy, si ait Dieu m'ame.
Ne m'en donnez ne los ne blasme,

Belle conmére.

#### Guibour

130 Mais vous en sçay bon gré, compére, Et vous pri, quant l'orrez retraire, Que dites qu'il est du contraire Hardiement.

Le compére

Je vous en croy bien, vraiement; Ore vous vous en donrez garde. A Dieu, qui vous ait en sa garde! Jusqu'au revoir.

GUIBOUR

Le benoit jour puissez avoir, Compére, et la vostre merci. Doulce mére Dieu, qu'est ce ci? Qu'ont ore les gens enpensé 11 a

D'avoir telle chose pensé Sur moy sanz cause et sanz raison? Et par fov c'est grant traison. Je n'en puis mais, s'en suis dolente 145 Et se i'en pleure et me demente. Doulce mére Dieu, que feray? Certes, jamais ne cesseray De penser tant que j'aie attaint Conment ce renom soit estaint 150 C'on m'a sus mis.

LE PREMIER SOIEUR Sevestre, compains et aimis Alons men en place savoir Se nous pourrons un maistre avoir. Nous n'avons touz deux croix ne pille: 155 Ne partons pas de ceste ville Sanz gaignier ent. DEUXIESME SOIEUR Mondot, tu diz bien : alons ment. Je sui prest, vezci ma faucille; Pren la teue aussi. Avant : bille 160 Droit en la place. PREMIER SOIEUR Je m'en vois; or me suis a trace. Sevestre, il est bien matinet. Egar: encore ame n'y est Ou'entre nous deux. 165 DEUXIESME SOIEUR Mondot, ce n'est pas moult grant deulx; Mieulx nous vault estre des premiers Que ce que feussions derreniers.

Se Dieu plaist, assez tost venra Aucune ame qui nous fera 170 Gaingner monnoie.

11 b

#### GUIBOUR

Jamais en mon cuer n'aray joie Si aray estaint mon reprouche; Mais je ne vois conment l'approuche, Se n'est par la mort de mon gendre.

Se n'est par la mort de mon gendre.
Certainement il me fault tendre
Conment je la puisse approuchier.
Je n'ai point mon argent si chier
Qu'assez et largement n'en donne

A aucune estrange personne

Qui si le tenra en ses poins

Qu'a fin le mettra de touz poins;

Et j'ay maintenant la saison

Miex qu'en autre temps par raison,

Car venuz sont de toutes pars
Estranges ouvriers qui espars
Se sont pour gaingner ci aval.
Je m'en vois savoir, mal que mal,

En la place se je verray
Ame a qui parler en pourray.
Egar : g'i voi deux grans ribaus
Oui semblent estre fors et baus

Pour faire tost un cop cornu. Seigneurs, estes vous ci venu

Pour gaingner?

PREMIER SOIEUR

Oil, dame; avez vous mestier De nul de nous?

Guibour

Oil, espoir. Dont estes vous?

Dites le moy.

Voulentiers en merchanderons

Premier soieur
Nous sommes de vers le Crotoy.
Et savons bien soier et batre:
S'avez gangnages a abatre,

200

XXVI	UNE FEMME QUE NOSTRE DAME GARDA	187
	Et si les vous abaterons	
	Bien et tost, dame.	205
	Guibour	
	Biaux seigneurs, je suis une femme	
	A qui vous pourrez bien gangnier,	
	Se voulez, a po barguignier,	
	Assez du mien.	
	DEUXIESME SOIEUR	
AI C	Par foy, dame, il nous plaira bien.	210
	Qu'avez a faire?	
	Guibour	
	Ains que vous die mon affaire,	
	Je vueil que sur sains me jurez	
	Qu'a homme nul vous ne direz	
	N'a femme ce que vous diray;	215
	Et puis je vous deviseray	
	Quelle est m'entente.	
	Le deuxiesme soieur	
	Quant est de moy, sanz plus d'attente,	
	Je vous jur que vostre secré,	
	Dame, se n'est de vostre gré,	220
	Nul ne sara.	
	PREMIER SOIEUR	
	N'aussi par moi ja ne fera,	
	Dame, je vous en asseur.	
	Or nous dites en bon eur	
	Vostre plaisir.	225
	Guibour	
	Seigneurs, vezci tout mon desir:	
	C'un homme me soit a mort mis,	
	Combien que soit de mes amis,	
	Par vous deux; et prenez du mien	
	Largement, je le voulray bien.	230
	Je suis sanz cause diffamée	
	De li, et en queurt renommée.	
	Dont triste et dolent ai le cuer	

Tant que ne le puis a nul fuer
Vous dire a droit.

Deuxiesme soieur

Dame, dame, soit tort ou droit,
S'a nous deux..... o! livrés, livrez!

De touz poins sera delivrez,
Ja n'i fauldra.

PREMIER SOIEUR

Voire; mais il nous convendra
Temps avoir d'aviser conment
Pourrons faire celéement
Ceste besongne.

Guibour

Je le vous diray sanz eslongne:

Je vous mettray en mon celier;
Puis penseray d'assemiller
Ci la besongne, et tant feray
Que jusques la l'envoieray
Aussi que pour querre du vin.

Quant le tenrez, mettez l'a fin
Sanz li faire plaie ne sanc.

Estranglez lay.

Il vous sera fait sanz delay;
Or nous menez en ce celier,
Et puis pensez de besongnier
Au remanent.

Guibour

N'en ventre n'en teste n'en flanc :

DEUXIESME SOIEUR

Voulentiers, seigneurs; or avant! Venez vous ent aveques moy; Je vous paieray bien, par foy. Boutez vous touz deux la dedens; Je ne mengeray mais des dens Si le vous aray envoié. Or est mon fait bien avoié, 41 d

255

XXVI	UNE FEMME QUE NOSTRE DAME GARDA	189
	Si venist: je n'ay ceens ame:  Mon mari est hors et sa femme:  Il ne peut estre qu'il ne viengne  Assez tost. Aviengne qu'aviengne:  Cy l'attendrav.	265
	S) Lucinaraj.	
	Aubin	
	Cy endroit plus ne me tendray; Je voi bien que diner approuche. De ce chapon qu'orains en broche Vy mettre vois mengier ma part. J'ay plus chier estre y tost que tart,	270
	Et miex me vault. Guibour	275
	La malade faire me fault, Puis que mon gendre voi venir; Le chief enclin me veil tenir Et clos les yex.	
	Aubin	
	Ma dame, qu'est ce la? que Diex Vous doint santé de corps et d'ame!	280
42 a	Egar! avez vous que bien, dame? Dites le moy. Guibour Je friçonne toute, par foy,	
	Et sens bien que d'acès sui prise, Et si sui de soif si esprise	285
	Que ne puis plus, biau filz Aubin. Je te pri, prens un pot a vin, Et me va un po de vin querre	
	En nostre celier; fai bonne erre, Si buveray. Aubin	290
	Dame, voulentiers le feray,	
	Combien que c'est vostre contraire;	
	Nonpourquant je vous en vois traire,	

190	MIRACLE DE	XXV
295	Puis qu'il vous haite.	
	Guibour	
	Or vas tost. Ma besongne est faite:	
	Assez tost delivre en seray.	
	Or fault penser conment feray	
	Quant au surplus.	
	LE PREMIER SOIEUR	
300	Dame, ne vous dementez plus:	
	C'est delivré.	
	Guibour	
	Seigneurs, l'avez a mort livré?	
	Par quelle guise?	
	DEUXIESME SOIEUR	
	N'i avons point fait de faintise,	
305	Dame: par la gorge l'avons	
	Si estraint que de voir savons	
	Que tout mort gist.	
	Guibour	
	Bien est, seigneurs, il me souffist;	
	Mais sanz vous plus ci deporter,	
310	Il le vous convient apporter	
	Yci, si le despoullerons	
	Et en son lit le coucherons;	
	Et puis vostre argent vous donrray,	
	Et si vous en envoieray	
315	Au Dieu plaisir.	
	DEUXIESME SOIEUR	
	Il vous sera de grant desir	42 l
	Fait tout en l'eure.	
	Premier soieur	

Dame, moustrez nous sanz demeure Ou vous voulez qu'il soit couchiez; Par amour or vous despeschiez Ains qu'ame viengne.

Guibour

Pour ce que gaires ne vous tiengne,

XXVI	UNE FEMME QUE NOSTRE DAME GARDA	191
	Seigneurs, couchiez le sur ce lit,	
	Conme s'il dormist par delit.	325
	C'est bien, il est a mon talent.	
	Tenez, d'aler ne soiez lent,	
	C'on ne vous truisse.	
	DEUXIESME SOIEUR	
	Non fera l'en tant com je puisse	
	Sur piez ester.	330
	Premier soieur	
	Non fera l'en moy, sanz doubter.	,
	Puis qu'argent avons a despendre,	
	Alons men de cy sanz attendre,	
	Compains Sevestre.	
	DEUXIESME SOIEUR	
	Alons, ci ne fait plus bon estre.	335
	A vous, Mondot!	
	Guillaume	
	Dame, nous revenons or tost;	
	Apportez pain et vin et nappe.	
	Ce mantel ci qui vault bien chape	
	Vueil despoullier, il est d'iver.	340
	J'ay fin, si me vueil desjuner:	
	Delivrez vous, alez au vin;	
	Et vous, fille, tandis, Aubin	
	Alez querre, si dinerons.	
	Demain, ce pens, aousterons,	345
	Si me vueil de gens pourveoir.	
	Ne vueil pas longuement seoir,	
	Au mains pour ore.	
	Guibour	
	Marie! Aubin se gist encore	
	Dedans son lit.	350
	GUILLAUME	
42 C	Il a bien pris a son delit	
	Le cras de ceste matinée.	
	Va l'appeler, va, po senée,	

380

## Di qu'il se liéve.

	La fille
355	Aubin, Aubin, s'il ne vous griéve,
	Vueillez me s'est jour ou non dire.
	Dormirez vous hui mais, biau sire?
	Egar! il ne me respont point;
	Approuchier le vueil par tel point
360	Que je saray, vueille ou ne vueille
	Cy le descuevre.
	De certain s'il dort ou s'il veille,
	Or sus, sire! sus, sans sejour!
	Dormirez vous cy toute jour?
	Qu'est cecy, Diex? Ha! mére, mére!
365	Vezci nouvelle trop amére.
	Je doi bien plaindre et plourer fort,
	Conme plaine de desconfort :
	Je suis perdue.
	1
	Guibour
	Qu'as tu, qui ci es esperdue
370	Et qui ci pleures?
,,,	La fille
	Plourer doy bien : mes bonnes heure
	Et touz mes bons jours sont passez,
	Car je voi qu'Aubin trespassez

Ha! doulx Aubin! la compagnie D'entre nous deux si est faillie Malement brief! Guillaume

Est. Lasse! lasse! que feray? Certes, pour lui de dueil morray.

Vezci douleur et meschief grief; Miex amasse tout mon avoir Avoir perdu. Fille, est ce voir Que je t'oy dire?

XXV1	UNE FEMME QUE NOSTRE DAME GARDA	193
	La fille	
	Il est ja jaune conme cire.	
	Pére, ne me creés vous mie?	
	Lasse! sanz ami sui amie	385
	Povre et deserte.	
	Guibour	
42 d	Ha! belle fille, quelle perte!	
,	Certes, bien doy mes poins destordre	
	Et a plourer mes yeulx amordre,	,
	Quant j'ay perdu le doulz Aubin	390
	Qui tant m'onoroit de cuer fin	
	Et tant m'amoit.	
	La fille	
	Lasse! mére, il ne m'appelloit	
	Touz jours que s'amie ou sa suer;	
	Si ques se j'ay tristesce au cuer,	395
	J'ay bien raison.	
	Premier voisin	
	Diex soit ceens! Quelle achoison	
	Vous fait ainsi crier et braire?	
	Avez vous de si grant dueil faire	
	Cause entre vous?	400
	GUILLAUME	
	Oil, voir, Robert, voisin doulx:	
	Aubin est mors.	
	PREMIER VOISIN	
	E! Diex li soit misericors!	
	Guillaume, voisin, il m'en poise.	
	Par la mére Dieu de Pontoise,	405
	Se je le peusse amender!	·
	Ore je vous vueil demander,	
	Si grant dueil faire que vous vault?	
	Certes nient. Je scé bien qu'il fault	
	Que nature en ce cas s'acquitte;	410
,	Mais aiez douleur plus petite,	
	Si farar hian	

13 a

#### LA FILLE

Et conment seroit ce? Je tien. Robert, que Dieu m'avoit donné Le plus courtois, le miex sené, Le plus amoureux, le plus doulx Et le plus liberal de touz Les hommes nez de ceste terre: Si que se grant dueil mon cuer serre, N'est pas merveille.

420

415

GUIBOUR

Certes, tu dis voir. Ta pareille N'avoit en toute la contrée D'avoir esté bien assenée A bon et bel. Or est ainsi.

425

Mors est: Dieu li face mercy

Par sa bonté!

LE PREMIER VOISIN Escoutez: s'avez voulenté De moy rien conmander a faire, Si le me dites sanz retraire :

430

Je le feray.

GUILLAUME

Robert, donques vous prieray Oue me faciez venir un coffre. Une autre foiz a faire m'offre

Pour yous autant.

435

LE PREMIER' VOISIN Je le vous vois querre batant, Conment qu'il prengne.

DEUXIESME VOISIN Robert, s'en santé Dieu vous tiengne, Ou alez vous?

LE PREMIER VOISIN Gautier, je vois, mon ami doulx, Querre un sarqueil.

DEUXIESME VOISIN Sarqueil! pour qui? est ce conseil? Dites, voisin. LE PREMIER VOISIN Nanil, Gautier; c'est pour Aubin, Le gendre au maire. DEUXIESME VOISIN Aubin! Dieu li soit debonnaire 445 Et doulx a l'ame! LE PREMIER SERGENT Gautier, se Dieu vous gart de blasme, Qui dit il qui est trespassez? N'ay pas eu loisir assez De lui entendre. 450 DEUXIESME SERGENT Aubin, celui qui estoit gendre Guillaume, maire de Chiefvi. Hui au matin encor le vi Sain et haitié. LE PREMIER SERGENT Diex ait de son ame pitié! 455 Certainement, c'est grans damages; Car biaux estoit, jones et sages Et biau parlier. LE DEUXIESME VOISIN A ce pas nous fault touz aler. A Dieu, amis! 460 LE PREMIER SERGENT A Dieu, Gautier, qui vous ait mis

LE BAILLIF

Dont viens tu, se Dieu te sequeure? 465

Est de nouvel ame semons,

Hui en bon jour et en bon mois!

Il en est heure.

Sanz plus ci estre, aux plaiz m'en vois;

43 b

Ne que dit on, or me respons, Aval la ville?

LE PREMIER SERGENT
Esmerveilliez sont plus de mille
Personnes qu'alés est a fin
Ce biau jonne homme et fort, Aubin,
Puis orains prime.

LE BAILLIF

Que diz tu, pour le roy haultisme? Est mors Aubin?

LE PREMIER SERGENT Ainsi le dient li voisin Conmunement.

LE BAILLIF
Je suis touz esbahiz conment
Il peut estre mors. Siez te, siez
Je tieng qu'il a esté bleciez
D'aucune ame, certainement,
Dont il est si soudainement
Mort conme il est.

Premier voisin
Vezci un coffre bel et net,
Maire, que vous fas apporter
Pour ce corps en terre porter
Honnestement.

Guillaume
Met le jus, amis, bellement,
Que Dieu t'aist, qu'il ne depiece.
Voisin, que ja ne vous meschiece,
Vous deux mettez ce corps dedens.
Envers, envers, non pas adens,
Mes bons anmis.

LE PORTEUR
Souffrez, il vous sera bien mis
Sire, portez a ce bout la,

480

475

485

490

43 c

XXVI	UNE FEMME QUE NOSTRE DAME GARDA	197
	Et je porteray par deça.  Ho! mettez jus.  Le premier voisin	495
	C'est mis. Courtois li soit Jhesus	
	A l'ame et doulx!	
	Le porteur	
	Qui me paiera d'entre vous	
	De mon portage?	500
	Guibour	
	Je, mon ami, de bon courage;	
	Il ne t'en fault ja barguignier.	
	Prie pour li, tien, va gaingner : Vezci trois blans.	
	Le porteur	
	Jhesu Crist, qui est roy puissans,	505
	Li face a l'ame vray pardon!	302
	Se jamais n'eusse mains don	
	De besongne que je feisse,	
	De robe neuve me veisse	
	Bien tost vestu.	510
	Le baillif	
	Tu penses, Gobin; dont viens tu	
	Si embrunchié?	
	LE DEUXIESME SERGENT	
	Voir, j'ay le cuer, sire, empeschié	
	A merveille, et sui envais	
	De penser et touz esbahiz	515
	Qu'Aubin est mors.	
	LE BAILLIF	
	Touz nous fault passer par ce mors, Vueillons ou non.	
	Deuxiesme sergent	
	Je scé bien que ce fera mon,	
43 d	Sire; mais de ce me merveil	520
70 00	Que depuis orains hault soleil	J iii U

550

Par la vile aloit et venoit, Et entre les gens se tenoit Sain et haictié.

Premier sergent
Par foy, c'est damage et pitié,
S'a Dieu pleust.

LE BAILLIF

Il n'est homme qui me peust Faire entendant qu'il n'ait esté Feru ou destraint ou bouté,

Dont il est mors soudainement.

Je cuide voir dire; alons ment.

Je vueil estre a son enterrage.

Par qui que soit seray je sage

Conment est mors.

#### LA FILLE

Ha, doulx Aubin, quant me recors
De l'onnesté qu'en toy avoies,
De la grant amour dont m'amoies,
Des bons muers dont estoies plains,
J'ay bien cause se je te plains
Et se pour toy suis esplourée;
Car de touz biens suis esgarée

Car de touz biens suis esgarée Et en grant douleur convertie. Ha! mort, com dure departie As fait de nous deux en po d'eure!

545 Pren m'aussi et si me deveure Et de ce siécle me delivre : Je l'ay trop plus chier qu'ainsi vivre En tel destresce.

LE BAILLIF

Dieu sa paix et sa grace adresse Sur vous trestouz!

Guillaume
Mon seigneur, si face il sur vous

XXVI	. UNE FEMME QUE NOSTRE DAME GARDA	199
	Par sa bonté!	
	Le baillif	
	Il me poise, par verité,	
	Maire, de vostre empeschement	
	Et de ceste mort malement:	555
14 a	Se je le peusse amender!	
	Si vous vueil ainsi demander	
	Conment a esté si tost pris.	
	Estoit il de mal entrepris	
	Dedens le corps?	560
	GUILLAUME	
	Sire baillif, sachiez puis lors	
	Que nostre fille li donnasmes,	
	Ne li ne autre ne trouvasmes	
	Qui deist qu'il eust nul mal	
	Ne hors ny ens, n'amont n'aval,	565
	Ne sus ne jus.	
	LE BAILLIF	
	De tant m'en esbahis je plus	
	Qu'il est ainsi mors. Et vous, femme,	
	En savez vous riens, par vostre ame,	
	Ne qu'ait esté en compagnie	570
	Ou l'en li ait fait villenie?	
	Dites le moy.	
	Guibour	
	Nanil, sire baillif, par foy,	
	Mais suis esbahie forment	
	Conment ainsi soudainement	575
	Est trespassez.	
	LE BAILLIF	
	Entre vous deux avant passez;	
	Descouvrez moi tost celle biére,	
	Et son suaire en tel manière	
	Descousez que veoir le puisse	580
	Dès la teste jusqu'a la cuisse,	•
	Pour en estre miex hors de doute:	

590

610

J'en feray ma testée toute, Ains c'on l'enterre.

LE PREMIER SERGENT
Sire, il vous sera fait bonne erre.
Avant! ce couvercle levons,
Gobin; et puis le descousons,
Puis qu'ainsi est.

DEUXIESME SERGENT Or sus de la, sanz faire plet! Descoudre vueil ceste couture. Sire, ay j'assez fait descouture,

A vostre avis?

avis? 44 b

Descouvre moi bien tout son vis,
Que je voie gorge et poitrine.

595
Hola! Tenez vous en saisine
De mére, de fille et de pére.
Nier ne peuent qu'il n'appére
Qu'il est murdriz; c'est chose voire.
Veez come a la gorge noire:
Qui que soit, voir, l'a estranglé.
Faites tost, n'y ait plus janglé;

Gui que soit, voir, l'a estranglé.

Faites tost, n'y ait plus janglé;
Les mains en croiz et par derrière
Leurs liez, et en tel manière
Les enmenrez com chiens en laisse.
Le voir saray, ains que je cesse,

De ce fait cy.

LE FRÉRE

Diex soit ceens! Las! qu'est cecy? Frére, je doi bien dueil avoir Quant mort vous voy; si ay je, voir,

Que que nulz die.

Le cousin Mort qui l'as pris, Diex te maudie! Tu as pris de nostre lignage Le plus vaillant et le plus sage.

XVI	UNE FEMMÉ QUE NOSTRE DAME GARDA	201
	Las! de si bien moriginé	
	Estre a mort si tost destiné,	615
	C'est grant damage.	
	LE BAILLIF	
,	Seigneurs, de tant vous fas je sage	
	C'on l'a murdri, je n'en doubt point;	
	Mais vous ne m'eschapperés point,	
	Ne vous, ne vous, par les dens Dé,	620
	Si en saray la verité,	
	Puis qu'est ainsi.	
	GUILLAUME	
	Sire baillif, pour Dieu, mercy!	
	Ne nous vueillés pas si mal estre;	
	Par tout nous voulons rendre et mettre	625
	Ou vous direz.	
	LE BAILLIF	
	C'est pour nient. Seigneurs, vous ferez	
14 c	Ce que j'ay dit.	
	LE PREMIER SERGENT	
	Sire, il vault fait sanz contredit.	
	Tandis que lier vueil le pére,	630
	Robin, vas, si lies la mére.	
	Or fais bonne erre.	
	DEUXIESME SERGENT	,
	Il ne m'en fault pas trop requerre:	_
	Je m'en vois delivrer, par m'ame.	
	Avant! bailliez ça voz braz, dame,	635
	Et faites brief.	
	Guibour	
	Lasse! chetive! il m'est a grief,	
	Si ne m'i vault riens escondire.	
	Egardez: vostre vouloir, sire,	
	Faites de moy.	640
	La fille	
	Lasse! dolente! avoy! avoy!	
	Rien me ressourt douleur amère	

655

660

Quand je voy mon pére et ma mére Que pour la mort de mon mari, 645 Dont en cuer sont triste et marri, Justice veult si mal contraindre Que lier leur fait et estraindre Devant les mains.

LE BAILLIF

Si fera l'en vous plus ne mains, Belle amie, et si en venrez Avec eulx, pas ne demourrez. Lie la, lie.

LE PREMIER SERGENT
Voulentiers. Or ça, belle amie,
Voz deux mains avoir me convient
Pour lier. Refus n'y vault nient:
Delivrez vous.

LA FILLE

Or suis j'angoissée de touz
Les coustez que femme peut estre:
Je voy mon compaignon mort estre;
Je voy pére et mére en peril
D'estre a honte mis a essil;
Je mesme sui prise et liée
Pour mener con fame jugée
A morir. Ha! dame des cieulx,

En pitié de voz tresdoulx yeulx Me regardez.

LE BAILLIF

Avant, avant! plus ne tardez.
Seigneurs, menez les devant moy.
Par le serement qu'ay au roy,
Ou assez tost voir me diront,
Ou il questionnez seront
Vilainement.

Deuxiesme sergent Or ça, passez ynellement, 44 d

UNE FEMME QUE NOSTRE DAME GARDA	203
Sanz plus ci estre.	
LE BAILLIF	
Faites ce corps en terre mettre,	675
Sanz deporter.	
Le cousin	
Je lo que le facions porter,	
Cousin, tout droit au cimetiére,	
Sanz jesir plus sur terre en biére;	
Et puis, quant enterré l'arons,	680
De son service ordenerons	
Qu'il soit fait gent.	
La fille	
Bien est. Plaise vous, bonne gent,	
Cy les mains mettre.	
GUILLAUME	
Vierge, mére au doulx roy celestre,	685
Des desvoiez adresce et port,	
Dame, donnes nous ton confort:	
Mestier en est.	
LE BAILLIF	
Gobin, or tost, va, si me mect	
Tout avant euvre en la gourdaine	690
La mére; et puis la fille maine	
D'autre costé en paradis,	
Et je Guillaume vueil tandis	
Questionner.	
Deuxiesme sergent	
Sire, dont l'i vueil je mener,	695
Puis que le dites.	
GUIBOUR	
Sire, sire, touz frans et quittes	
Delivrez ces deux inocens;	
Moy justicez, je m'i assens:	
Ne me peut le cuer assentir	700
Que plus leur voie mal sentir.	,
Sachiez, sire, qu'en cest affaire	

XXVI

45 a

N'ont coulpes; j'ay fait le fait faire Moy seulement.

LE BAILLIF

705 Guibourt, dire vous fault conment
A esté fait ce murtre cy,
Et pour quelle achoison aussi
Convient savoir.

Guibour

Je vous confesseré tout voir :

Dès lor qu' Aubin ma fille ot prise,
De lui amer fui si esprise
De bonne amour conme mon filz
Que soiez certain, sire, et fiz,
Pluseurs l'amour bien apperçurent,

Dont telx oppinions conçurent
Qu'il me mistrent sus tel diffame
Que tout aussi con de sa femme,
Ce disoient, de moy faisoit
Toutes les foiz qu'il lui plaisoit,

Et de nous deux c'estoit tout un.
Ce renom me donna conmun
Plus de cinq cens foiz, non pas vint;
Et tant ot couru qu'il avint

Et tant ot couru qu'il avint Qu'en secré me fu revelée Ceste dolente renommée

Dont j'oy tel courroux et tel ire
Que je ne savoie que dire.
La me troubla sens et avis
Li ennemis par tel devis

Que depuis touz jours ma pensée
A esté mise et adrescée
A ce, conment qu'il deust prendre,
Que feisse morir mon gendre,
Qu'il me sembloit, s'il estoit mors,

Que plus ne courroit li recors

De mon diffame.

45 b

# LE BAILLIF Et conment le tuas tu, femme? Savoir le fault.

#### GUIROUR .

Je le vous diray sanz deffault. Hier, en la place, m'adressay A deux vallez, mais je ne sçay, Sur l'ame de moy, qui ilz sont, Oui laboureurs de braz se font. En parlant a eulz, leur ouvri Le vouloir et leur descouvri 745 Oue i'avoie de ceste mort: Et ilz furent de mon accort Pour l'argent que je leur promis. Adonc en mon celier les mis. Et puis y envoiay mon gendre, 750 Par ce que je li fis entendre Que trop malement soif avoie: Et il se mist tantost a voie. Quant il y vint, tantost fu pris Par la gorge, et si entrepris 755 Que mort le gettérent par terre. Lors le fis apporter bonne erre, Et le couchames en son lit, Con si dormesist par delit. Les deus varlés moult bien paiay, 760 Et tantost les en envoiay; C'en est la fin. LE BAILLIF

LE BAILLIF
C'est assez. Maine l'en, Gobin,
Ou je t'ay dit.

DEUXIESME SERGENT Sire, je vois sanz contredit. Ça, dame, ça!

LE BAILLIF
Certes, je n'oy mais pieça

	Parler de murtre si vilain.	
	Ores je vous delivre a plain,	45 c
770	Guillaume, et vostre fille aussi.	
1.	Passez, alez vous ent de cy	
	Ysnellement.	
	Guillaume	
	Sire, nous ferons bonnement	
	Vostre plaisir, c'est de raison.	
775	Or sachiez, fille, qu'en maison	
••	Qu'aie jamais je n'enterray,	
	Tant qu'au moustier esté aray	
	Nostre dame de Fineterre,	
	Pour li deprier et requerre	
780	Qu'elle soit a ta mére amie;	
•	Car je voy, certes, que sa vie	
	Est en balance.	
	La fille	
	Ferés? et je, sanz detriance,	
	Droit a Limoges m'en iray,	
785	Et a saint Lienart offerray	
	En cierges mon pesant de cire;	
	Afin qu'il deprist nostre sire	
	Qu'il vueille deffendre ma mére	
	Et la garder de mort amére	
790	Et de vilaine.	
	GUILLAUME	
	Celle qui est de grace plaine,	
	Li soit amie a ce besoing!	
	Au departir, fille, te doing	
	Ma beneiçon; vaz a Dieu!	
795	Ne sçay se jamais en ce lieu	
	Cy revenray.	
	La fille	
	A Dieu, pére! ne fineray	
	Tant qu'a saint Lienart aie esté	
	Mettre me vois, en verité,	

IVXX	UNE FEMME QUE NOSTRE DAME GARDA	207
	Com pelerine.	800
	Le frére	
	Chier sire, par vostre benigne	
	Grace, a vous venons ci endroit	
	Requerre que nous faciez droit	
45 d	De nostre ami.	
	LE BAILLIF	
	Est il enterrés, ou en my	805
	La sale ou vous et li laissay?	,
	Du fait la verité bien sçay.	
	Que dites vous?	
	Le cousin	
	Oil: en terre, sire doulx,	
	Est il livrez.	810
	Le baillif	
	Assez tost serez delivrez.	
	Auberi, va le bourriau querre,	
	Et li dy qu'il s'en voit bonne erre	
	Une estache faire drescier	
	Pour une femme justicier.	815
	Quant preste sera, ne se tiengne	
	Que tantost a moy ci ne viengne.	
	Or fai briefment.	
	LE PREMIER SERGENT	
	Voulentiers, sire; vraiement,	
	Je le voi, c'est bien ma besongne.	820
	Cochet, alez tost, sanz eslongne,	
	De par le bailli, nostre maistre,	
	Une estache drescier et mettre	
	Ou viez bordel qui est maison	
	Gaste. Or tost, sanz arrestoison!	825
	Et si tost conme fait arez,	
	Ou ses plaiz tient a lui venrez.	
	Delivrez vous	

LE BAILLIF

Guibour, belle amie, je voy

Par mesmes ta confession Qu'a mort et a perdicion

AAVI	ONE FEMME QUE NOSTRE DAME GARDA	200
	Par toy a esté mis ton gendre,	
	Ainsi le m'as tu fait entendre,	
	Et que ton mari en descoupes	860
	Et ta fille, et qu'en ce fait coupes	
	N'a nulz que toy.	
	Guibour	
	Sire, il est verité, par foy.	
	Dit vous ay pourquoy et conment;	
	Et voi bien qu'a mon jugement	863
	Sui pour lui amenée icy.	,
	Or ait Diex de m'ame mercy,	
	Et la vueille a sa part attraire	
	Et d'enfer garder et retraire,	
	Ou n'a que paine.	870
	Le frére	
	Chier sire, de ceste vilaine	
46 b	Murtriére, qui si faucement	
	Mon frére a murdri, jugement	
	Vous requier dès ici endroit.	
	Or vous plaise a m'en faire droit,	875
	Sanz dilatoire.	
	LE COUSIN	
	Sire, il vous requiert raison, voire.	
	Puis qu'elle a le fait congneu,	
	Par droit devez estre meu	
	A sa requeste.	880
	LE BOURRIAU	
	Mon seigneur, la besongne est preste,	
	Ainsi que mandé le m'avez.	
	Or me dites que vous voulez	
	Que je plus face.	
	LE BAILLIF	
	Pren une hart et la me lasse	885
	Entour le col de ceste fame :	
	Mourir li convient a diffame;	
	Et lui liez les mains aussi,	
	,	

900

Et puis nous en irons de ci
890 A la justice.

LE BOURRIAU
Et je vueil ouvrer de m'office,
Puis que le dictes.

GUIBOUR

E! dame, qui par voz merites
Dignes a Dieu et precieuses,
Dessus toutes les glorieuses
Ames qui en paradis sont
Et qui jamais estre y pourront
Avez et arez seigneurie,
Je parle a vous, vierge Marie,
Confortez moy a ce besoing,
Et de m'ame aiez cure et soing;
Car je voy bien et sanz deffault
Le corps morir a honte fault
Et assez brief.

Le frére

Ocertes on ne vous peut trop grief
Ne trop honte faire, murtriére,
Qui avez en telle manière
Mon frère mort.

LE BAILLIF

Acheter li feray son tort.

Auberi, vaz tantost crier

En la place sanz detrier

Que nul chief d'ostel ne remangne

Qu'a la justice tost ne viengne;

E puis revien.

Premier sergent Sire, je le vous feray bien.

Or escoutez vous en conmun: A touz ensemble et a chascun, Par foy, fas ce conmandement 46 c

915

910

NE FEMME QUE NOSTRE DAME GARDA	211
Qu'a la justice ysnellement	
Venez que le baillif veult faire,	920
Sur quanque vous pouez meffaire	
Envers le roy.	
PREMIER VOISIN	
G'y ay plus chier aler, par foy,	
Que je l'amende.	
DEUXIESME VOISIN	
Et j'aussi, qu'il ne me demande	925
Amende, y vois.	,
LE BAILLIF	
Sus! assez grans est noz convois,	
Et touz jours venront gens assez.	
Devant moy, toi et li, passez.	
Cochet, delivrer s'en convient:	930
Le delaiement n'y vault nient.	
Mouvez, mouvez.	
Le bourriau	
Avant! de venir vous prouvez,	
Dame; ne fault point dire : Qu'est ce?	
Je vous menray com chien en laisse	935
A ceste hart.	
Guibour	
E! Diex, mon cuer pourquoy ne part	
Et créve afin que je morusse,	
Si que plus honte ne beusse	
Du grant meschief ou je me voi?	940
Sire baillif, octroiez moy	
Un don par vostre doulx plaisir:	
Que ci aie un po de loisir	
De prier la dame de grace,	
Puis que devant l'eglise passe:	945
Ce vous requier.	
PREMIER VOISIN	
E! ottroiez li, sire chier,	
Ce que requiert pour l'amour Dieu,	

XXVI

46 d

	Sanz entrer dedanz le saint lieu:
950	Vous ferez bien.
	DEUXIESME VOISIN
	Certainement, sire, je tien,
	S'un petit li donnez d'espace,
	Ne pourra que miex n'en trespasse;
	Et nous devons, c'est l'escripture,
955	Vouloir de toute creature
.,,	Le sauvement.
	LE BAILLIF
	Femme, or te delivres briefment;
	Je te l'ottroy, puis c'on m'en prie;
960	Met t'a genoulz.
900	Guibour
	Voulentiers, mon chier seigneur doulx.
	Ha! dame de misericorde,
	A Dieu, ton chier filz, m'ame acorde;
	Tu qui les pecheurs justifies,
965	Et les tiens es cieulx glorifies,
900	Aies pitié de ma misére;
	Dame qui es la doulce mére
	Au createur de tout le monde,
	De ceste lasse en qui habonde
070	Tant de tristesse et de doulour
970	Aies pitié par ta doulçour;
	Car grant mestier ay de t'aide.
	M'ame sequeur et m'ame aide,
	Car li corps iert tost excilliez,
0.75	
975	
	Et pour ç'a toy me rens confesse,
	Conme trespovre pecheresse,
	De touz les pechiez qu'onques fis,
	Dont meffaite suis vers ton filz,

Soit en parler, en diz, en faiz. Dame, pardon donner m'en faiz De Dieu, qui seul en a puissance,

XVI	UNE FEMME QUE NOSTRE DAME GARDA	213
	Qui voit des cuers la repentence	
	Tout clérement.	
	LE BAILLIF	
	Avant, avant! sus! alons ment:	985
	Yci endroit trop me delay.	
	N'ay que faire de tel delay:	
	Le plus du jour est trespassez.	
	Or tost, Guibour, passez, passez.	
	Cochet, de li mener te haste.	990
	De son corps fauldra faire un haste	
	Ardent en flame.	
	Guibour	
	E! vierge, precieuse gemme,	
	Ce baillif redoubt come fouldre	
	Qui si s'aire et si s'esfoudre	995
	Contre moy. Vierge pure et monde,	
	Souveraine de tout le monde,	
	Empereris du ciel et dame,	
	Par le tourment de ceste flame,	
	Par ceste mort pesme et honteuse,	1000
	Royne du ciel glorieuse,	
	Du feu d'enser m'eschive et garde	
	Et m'ame come toie garde:	
	Je la te livre.	
	LE BOURRIAU	
	Puis qu'il fault que je vous delivre,	1005
	Dame, a genoulz ci vous mettez,	
	Or ça, lier par les costez	
	A ceste estache ci vous vueil;	
	Et puis referay un acueil	
	Par le col et par la poitrine,	0101
	Ains que je cesse mais ne fine	
	Ne que plus face.	

47 b

Guibour Vous qui me regardez en face, Priez pour moy a nostre dame

1015	Que par le feu et par la flame
	Ou doit mon las de corps bruir,
	Le feu d'enfer puisse fuir
	M'ame, que n'en soit approuchée;
	Et si vous pri que reprouchée
1020	Ne soit ceste honteuse mort
	Mon compagnon, qui n'y a tort,
	Doulce gent, n'a sa fille aussi;
	Car je tieng fermement cecy
	Que moult les adole et les blesce
1025	Ma mort, et met en grant tristesce,
	Et fait a mon tourment partir.
	Autrement n'en peuent partir
	Ny eschaper.
	LE BAILLIF
	Cochet, pense de toy haster.
1030	Puis que liée est de fors hars,
	Couche sur lui de toutes pars
	Largement et busche et estrain,
	Et puis le feu y boute a plain,
	Sanz tant songier.
	LE BOURRIAU
1035	Je ne quier boire ne mengier
	Tant que soit fait. Regardez, maistre.
	Je ne scé c'on la puist miex mettre:
	De toutes pars enclose en buche
	Est con se fust en une huche
1040	Pour tost esprandre.
	Le baillif
	Au feu, au feu, sanz plus attendre!
	Au feu, bonne erre!
	LE BOURRIAU
	Tantost, sire, je le vois querre.
	Or est tout prest.

The Party of the P

1050

47 C

#### DIEU

Mére, mère, et heure et temps est
Que de ci vous convient descendre
Pour aler sauver et deffendre
Guibour, qui tant piteusement
Vous appelle, et tant doulcement
Requiert a moy avoir accorde
Parmi vostre misericorde
Que je li pardoing son meffait.
Alez la deffendre de fait,
Que pour feu qu'entour li on face
Son corps n'empire ne n'efface
Ne ne malmette.

1055

Nostre Dame
Filz, d'aler y sui toute preste.

Or sus, Gabriel, descendez,
Et vous, Michiel, et si chantez
En alant la.

1060

GABRIEL

Dame, vostre gré fait sera. Avant, Michiel! Chantons, amis, Puis qu'a voie nous sommes mis,

Par doulx accors.

## RONDEL

Dieu puissans, misericors,
Vostre grant misericorde
Fait pecheurs avoir accorde
A vous: c'est un doulx accors,
Dieu puissant, misericors;
Et voir est que li recors
De vo grace c'on recorde
Maint cuer du Sathan descorde.
Dieu puissant, misericors,
Vostre grant misericorde
Fait pecheurs avoir accorde.

47 d

LE BOURRIAU Alumer vueil par telx effors Ce feu, puis que j'ay la matiére, Qu'il fauldra c'on se traie arriére

De touz costez

NOSTRE DAME Mes amis, ce feu deboutez Si loing de m'amie loyal Que ne li puisse faire mal. Guibour, ton courage asseure:

Tu n'aras, soies en seure.

Par ce feu peine ne tourment, 1085 Pour ce que si devotement M'as appellée.

GUIBOUR

Ha! dame, qui d'estre loée De bouche, de voiz et de diz Sur touz les sains de paradis Avez grace et prerogative, Quant vous plaist moy lasse, chetive, De si cruelle mort deffendre, Conment le vous pourray je rendre,

Vierge Marie? 1095

> LE BAILLIF Certainement je ne croy mie Que ne soit arse ceste femme : Trop a geté ce feu grant flame Et trop ruvesche.

> > LE FRÉRE

Sire, la fouaille estoit seche; 1100 S'elle y a gangnié, si le prengne. De sa mort n'ay je point d'engaigne

Ne de courroux.

LE BOURRIAU Seigneurs, je voi ses liens rouz, Ses cordes et toutes ses hars;

1000

1105

MICHIEL

1135

Vostre gré ferons, dame. Or sus, Gabriel, disons sans descors.

XXVI

18 a

1145

#### Rondel

Et voirs est que li recors
De vo grace c'on recorde.
Du Sathan maint cuer descorde.
Dieu poissans, misericors,
Vostre grant misericorde
Fait pecheurs avoir accorde.

## GUIBOUR

Biaux seigneurs, pour misericorde, Je vous pri a touz humblement Et requier, faites belement, Espargniez moy, si ferez bien: Sachiez pour voir que nulle rien Ne sens de chose c'on me face: Gardée sui par la Dieu grace. N'aiez honte d'estre vaincu; Car nostre dame ay a escu,

Qui royne et dame est des cieulx,
Et m'a avec elle esté Diex
Garant aussi.

## LE BAILLIF

Seigneurs, seigneurs, certes vezci
Miracles et tresgrant merveille,
C'onques mais ne vi sa pareille.
Nous avons malement pechié
Contre Dieu d'avoir empeschié
Ainsi laidement ce saint corps.
Guibour, chiére amie, yssiez hors
De ce feu le vous jur par m'ame

De ce feu. Je vous jur par m'ame, Je voi bien qu'estes sainte fame.

Garde n'arez.

#### Guibour

Sire, ce que conmanderez
Feray de cuer sanz attendue.
Ça, vez me ci du feu yssue;
Que vous plaist, sire?

48 b

1180

1185

E	R	AT	TT	IF

Dame, du courroux et de l'ire Que j'ay eu vers vous de fait, Et de ce que vous ay meffait, A genoulz et a jointes mains Vous requier pardon; ou au moins Que de vous ne soie maudis, N'entre gent blamé ne laidis:

Ce vous requier.

Pour Dieu, levez sus. Je ne quier Point, sire, telle humilité Con ci faites, qu'en verité Vers moy de riens n'estes meffaiz; Car si grans par est mes meffaiz Qu'ardoir cent foiz me deussiez. Se tant ardoir me peussiez; Mais par la doulceur nostre dame, Que j'ay requis de cuer et d'ame, Sauvée sui et garentie. Se faite m'avez villenie, La mére Dieu le vous pardoint, Et bonne fin a touz nous doint; Et je si fas.

LE PREMIER VOISIN

Or ne nous arrestons ci pas:

Avec li touz nous avoions

Et au moustier la convoions.

La graces a Dieu rendera

Et a sa mére aussi, qui l'a

Si bien gardée.

LE DEUXIESME VOISIN

C'est chose moult bien regardée

Et c'on doit faire.

LE BAILLIF
Ma chiére amie debonnaire,

Il dient voir. Alez devant;

Nous vous irons de près suivant

Trestouz ensemble.

GUIROUR

Soit, sire, puis que bon vous semble; Aussi l'avoie je pensé.

Amoureux Jhesus, qui tensé 1205 Avez mon corps de mort vilaine Et vous, dame, qui chastellaine Estes du ciel emperial. Septre de la gloire royal, Et de grace fontaine et puis, Tant con je scé, tant con je puis, 1210 Vous et vostre doulz filz merci. Et de tout mon cuer vous graci Con celle qui d'or en avant Tant conme je seray vivant A mon pouoir vous serviray, 1215 N'en riens je ne m'ocupperay, Ou'a vous servir; c'est bien raison. Sire baillif, en ma maison Par vostre gré m'en puis j'aler? Veuillez m'en response donner, 1220 Se c'est voz grez.

LE BAILLIF

Oil, Guibour; mais vous n'irez Pas seule, ains vous convoieray Et compagnie vous tenray, Moi et mes gens.

PREMIER SERGENT
Soions de mouvoir diligens:
Je vois devant.

Deuxiesme sergent Et j'avecques vous. Or avant: Voie ci, voie!

XXVI	UNE FEMME QUE NOSTRE DAME GARDA	22
	Guibour.	
	Seigneurs, pour ce convoy la joie	1230
	Vous doint Dieu a touz qui ne fine.	1230
	Or me laissiez par amour fine	
	Hui mais seule estre.	
	Le BAILLIF	
48 d	Pensons de nous au retour mettre.	
	A Dieu, Guibour!	1235
	Guibour	1233
	Sire, a Dieu, qui vous doint s'amour!	
	Et grans merciz!	
	or and the control of	
	LE PREMIER POVRE	
	Vierge, qu'a Dieu lez li assiz,	
	Gardés touz ceulx qui bien me font.	
	De povreté le corps me font.	
	Povre suis je, ce n'est pas doubte;	1240
	Car je ne say, quant l'en me boute,	
	Se ce sont ou bestes ou gent,	
	Ne ne congnois le plonc d'argent,	
	Ne coivre ne monnoie d'or.	5
	Las! conme il pert noble tresor,	1245
	Bonne gent, qui pert la clarté!	
	Donnez moy, car en verité	
	Hui ne vi qui me donnast rien.	
	Au povre qui ne voit pas bien,	~
	Pour l'amour Dieu!	1250
	Guibour	
	Bon homme, ne meuz de ce lieu;	
	Attens, attens, je vois a toi.	
	Tien, biau frére, prie pour moy	
	Le roy celestre.	~.
	LE PREMIER POVRE	1255
	Ha! dame, Diex vous vueille mettre	
	Et tenir en santé de corps,	
	Et a la fin misericors	

1280 "

1285

## Vous soit a l'ame!

DEUXIESME' POVRE

1260 E! Dieux, est il homme ne fame
Qui me reconfort d'une aumosne?
Que Dieu, qui siet des cieulx ou throsne,
Li vueille aider qui m'aidera
Et qui s'aumosne me donrra!

Vostre aumosne, dame Guibour.
Je sui un povre mesnagier,
Qui n'ay que donner a mengier
A trois petiz enfans que j'ay,

Par ceste ame, ne je ne sçay

49 a

GUIBOUR

Ne fais, amis? or ne t'esmaie:
Tu n'en iras pas escondit,
Puis qu'il est ainsi com m'as dit:
Tien, ce sac plain de blef emporte,
Trousse bien tost, vuide ma porte;

Va, pour Dieu soit!

Deuxiesme povre
Dame, Dieux qui voit et perçoit
Des cuers le vouloir plainement,
Le vous rende au grant jugement

Qu'il doit tenir!
GUIBOUR

A Dieu en vueille souvenir, Amis, si com je le desir, Qui me doint faire son plaisir

De bien en miex.

TROISIESME POVRE
Regardez m'en pitié; que Diex,
Bonne gent, sa grace vous doint,
Et touz voz pechiez vous pardoint,
Si conme il fist la Magdalaine!

49 b

Vous veez bien a quelle paine Je vif; n'y a point de faintise. E! dame, par vostre franchise, Faites me bien.

GHIBOHR

Et que te donrray je du mien,
Frére, de quoy ton corps miex vaille?
Par foi! je n'ay denier ne maille,
Si ay je de toy grant pitié.
Ore, pour la Dieu amistié,
Savoir vois se te puis rien faire.
Tien, tien, mon ami debonnaire,
De ce mantel te fas chasuble;
N'en ay plus. C'est de quoy m'afuble
Quant je vois hors.

LE TIERS POVRE
Jhesus, li doulx misericors,
Et sa doulce mére Marie
Ce hault don, ceste courtoisie
A cent doubles vous vueille rendre,
Et a sa part vous vueille prendre,
Dame, a la fin!

Guibour

Amen. Je l'en pri de cuer fin 1310 Qu'il le me face.

PREMIER VOISIN

Gautier, par le corps sainte Agace!
J'aloie savoir s'estiez prest:
D'aler a l'eglise temps est
Pour le bon jour.

DEUXIESME VOISIN
Oil, alons men sanz sejour.
N'est pas preudons qui en l'eglise
N'ot au jour d'ui le saint servise,
Conment au temple porté fu

1330

1320	De sa mére le doux Jhesu
	Qui pour nous en croiz mort souffri,
	Et conment pour li elle offri
	Deux coulombiaux.

PREMIER VOISIN
C'est un des services plus biaux,
A mon gré, de toute l'année.
Alons nous ent sanz demourée:

L'eglise est loing.

DEUXIESME VOISIN

Prenons d'estre y a temps le soing. Par mon hostel, sanz plus, alons; Mon cierge y est, nous le prendrons, Si l'offerray.

PREMIER VOISIN
Vezci le mien que je donrray
Aussi au prestre.

## GUIBOUR

E! dame de qui Dieu voult naistre,
Pieça ne fu que je n'oysse
De vous la messe et tout l'office
Mais qu'ui; et si est la journée
Conment alastes aournée
Faire par grant devocion

Vostre purificacion
Et porter vostre enfant au temple:
C'est la cause qui les yex m'emple
De lermes, certes, a bon droit.
Je souloie avoir ci endroit

Prestre qui me disoit la messe
En mon oratoire sanz presse:
Or ne le puis je mais avoir,
Car donné ay tout mon avoir;
Neis un mantel que je mettoie
Quant vouloie aler par la voie,

49 C

XXVI	UMP Process	
AAVI	UNE FEMME QUE NOSTRE DAME GARD	A 225
	Dame, ai donné pour vostre amour	
	Si que, se je fas ci demour,	,
	Je n'en soie de Dieu reprise;	
	Car, dame, se vois a l'eglise,	
	Les gens si me regarderont	
	Et puis de moy se moqueront	1355
	Pour ce que je suis ainsi nue,	
	Et je souloie estre vestue	
	Richement et de grans atours;	
	Mès m'esperance et mes retours	
	Est que par ce de moy mercy	1360
•	Arez et vostre filz aussi:	
	Pour c'enclose cy me tenray,	
	Et de cuer vous deprieray	
	Devotement.	
	The state of the s	1365
	Dieu	
	Or sus, trestouz, sus: alons ment.	
	A ce jour de m'oblacion	
	Vueil de messe reffeccion	
	Donner Guibourt, qui la me sert	
	Si que bien avoir la dessert.	
	Vous deux anges, alez devant.	1370
	Mére, et vous les irez suivant;	
	Et entre nous irons après.	
	Anges, soiez en alant près	
	D'un biau chant dire.	
	Michiel	1375
	Nous le ferons voulentiers, sire,	
	Et de cuer, pour plusieurs raisons.	9
	Gabriel, chier compains, disons	
	D'accort joyeux et sanz ire.	•
	RONDEL	
	Humains, bien vons de	221
49 d	Humains, bien vous doit sou Qu'estes tant de Dieu amez	ittire 1380
T. 1V	amez	

r 385

1390

1395

Qu'est mort pour vous a martire; Humains, bien vous doit souffire; Et quant par nous vous fait dire Qu'aussi de vray cuer l'amés, Humains, bien vous doit souffire Qu'estes tant de Dieu amez.

SAINT JEHAN
Empereris du Dieu empire,
S'il vous plaist, ce cierge offerrez.
Et vous ces deux aussi ferez.
Dame, je m'en vois par deça.
Tenez, Vincent amis, or ça.
Lorens, ce cierge ci arez,
Lequel offrir ja vous irez
Quant on ara chanté l'ofrande.
Tien, fame, et de voulenté grande
Et sainte, non pas come nice,
Loes Dieu de ce benefice
Oue tu ci vois.

1400 Sus! conmençons a haulte vois
L'introite sanz contredit.
Le confiteor si est dit.
Michiel, or sus!

Cy chantent touz ensemble; et puis va Nostre Dame a l'offrande, et les autres après; et après dit Nostre Dame:

GABRIEL

Nostre Dame

Michiel, vas dire a celle femme

1405 Qu'elle se fait donner grant blasme
Du prestre que tant fait muser,
Et que viengne sanz plus ruser

Offrir son cierge.

MICHIEL

Voulentiers, glorieuse vierge.

XXVI	UNE FEMME QUE NOSTRE DAME GARDA	227
	Dame, venez appertement A l'offrande; trop longuement Muse le prestre: si offrez. C'est mal fait quant vous le souffrez Attendre ainsi.	1410
	Guibour	
	Amis, sachiez ce cierge ci	1415
50 a	A li n'a autre n'offerray; Mais chiérement le garderay. Procéde le prestre et s'adresce	
	A oultre pardire sa messe,  Sanz moy attendre.	1420
	Michiel	1420
	Je vois ceste response rendre.	
	Glorieuse vierge Marie,	
	Dit m'a qu'elle ne venra mie,	
	Et que le prestre en sa preface	
	Procéde et sa messe parface	1425
	Hardiement.	•
	Nostre Dame	
	Gabriel, or y vas briefment,	
	Et di que de venir s'avance,	
	Et que c'est d'offrir l'ordenance	
	Cierge a ce jour.	1430
	Gabriel	
	Dame, g'y vois sanz plus sejour Faire cy. Delivrez vous, fame, Tost; ce vous mande nostre dame.	
	Apportez ce cierge a l'offrande.	0 ~
	Vous faites vilenie grande	1435
	De tant faire attendre le prestre.  Vueillez vous tost a voie mettre;  Venez offrir.	
	Guibour	
	Il se peut bien de moy souffrir.	
	Die sa messe : a brief parler,	1440

Je n'y pense point a aler, Ne point n'iray.

GABRIEL

A ma dame ainsi le diray, Puis que vous n'y voulez venir. Dame, elle pense a retenir Son cierge, et m'a dit en ce point Pour certain ne l'offerra point :

C'est tout a brief.

NOSTRE DAME

Vas encore a li derrechief. Et lui di que plus ne se tiengne 1450 Que le cierge offrir tost ne viengne; Et se du contraire s'efforce, Oste li le cierge par force

> Hors de ses mains. GARRIEL.

Dame, elle n'en ara ja mains. 1455 Je revien a vous, belle amie. Venez offrir, ne laissiez mie, Ou ce c'on m'a chargié feray, C'est que des poins vous osteray

Ce cierge, voir. 1460

GUIBOUR Vous n'arez ja tant de pouoir, Amis, que le m'ostez du poing; Et si vous deffens et enjoing

De touchier y.

GABRIEL

Puis que je le tieng ja par my, 1465 J'en seray maistre.

GUIBOUR

Et g'i vueil si ma force mettre Que certes il me demourra; Ja de mes mains ne partira:

Pour nient tirés.

50 b

1470

## GABRIEL.

Assez tost autrement direz.
Au mains ceci emporteray.
Dame des cieulx, je vous diray:
Vezci quanque j'en puis avoir;
Si ay j'assez fait mon devoir
De li oster.

1475

#### DIEII

Avant! il ne fault point doubter Que ce qu'elle en a vraiement Gardera precieusement Et par tresgrant devocion. Or sus, nostre procession Parfaisons en allant ès cieulx; Et chantez, anges : c'est le miex Que je cy voie.

1480

Que je cy voie.

## MICHIEL

Vraiz Dieux, nous le ferons de joye, Sanz vous de riens contredire.

1485

#### RONDEL

Et quant par nous vous fait dire Qu'aussi de vray cuer l'amez, Humains, bien vous doit souffire Qu'estes tant de Dieu amez. 1490

#### GIUROUR

A! dame, de voz granz bontez

Vous merci. Dieux! ou ai j'esté?

Il m'a semblé pour verité

Qu'en une grant eglise estoie

Ou com royne vous veoie

Et de sains avec vous grant presse;

La chantoit vostre filz la messe,

Dont saint Vincent estoit diacre

Et saint Lorens le soudiacre.

Un saint y ot, ce me sembla,

Qui un cierge a chascun livra

50 C

50 d

	Et a vous conmença premier
	Et a moy vint le derrenier,
	Ains c'on conmençast l'introite;
1505	Et puis, quant la messe fu dite
	Jusqu'a l'offrende a voiz haultaine,
	Alastes offrir premeraine,
	Et puis touz les autres après.
	Puis vint vostre ange moult engrès
1510	Qu'offrisse le cierge qu'avoie,
	Que tout entier garder cuidoie;
	Mais pour ce que ne l'ay volu,
	L'une moitié m'en a tolu
	Et emporté par son effort;
1515	Mais, dame, en ce me reconfort
1313	Qu'il l'a si rompu et parti
	Que le plus m'en a departi;
	Et si congnois, vierge Marie,
	Qu'ai esté en ame ravie :
1520	Dont humblement je vous merci,
1320	Et l'amoureux Jhesu graci
	De quoy oublié ne m'a mie;
	Ains m'a fait de sa courtoisie
	Hui messe oir.
	La premiére nonne
1525	
1323	Guibour, vostre cuer esjoir
	Devez bien en Dieu pour certain;
	Car de cecy vous acertain
	Qu'a vous toutes deux nous envoie
~ n -	Dire que vous mettez a voie
1530	De venir sanz dilacion
	Prendre nostre religion
	Et nostre habit.
	DEUXIESME NONNE
	Il veult que laissiez le labit
-0-	De ce monde pour li servir
1535	Et aussi pour plus desservir

Es cieulx grant gloire.

Je vous diray parole voire: Certes, c'estoit tout mon desir. Or en alons au Dieu plaisir, Puis que vous m'en devez mener; Je suis toute preste d'aler

1540

Avecques vous.

LA PREMIÉRE NONNE
Or alons; mais je lo que nous
Chantons en alant toutes trois,
En louant le doulx roy des roys
Et sa mére, ou n'a point d'amer.

1545

On vous doit bien, vierge, loer,
Quant pour nous d'enfer desnoer
Diex se fist en vous homme,
Qui de la mort nous acquitta,
Ou Adam touz nous endebta
Par le mors de la pomme.

Explicit.

1550

# Serventoys

Mist Diex ou corps de la vierge Marie C'on la doit bien nommer branched'amour, Dont l'arbre vint de la Jessé lignie. Cilz arbres fu sainte Anne nostre amie Ou Dieux enta branche d'umilité Qui au salut d'un glorieux ave

20

30

40

Porta le fruit d'amour et d'atrempance Qui si flouri du soleil de pitié Pour touz amans donner joie et plaisance. 51 a

S'en doi de cuer loer l'eure et le jour Que née fu ceste branche saintie,
Ou le soleil du saint throsne maiour Encorpora le fruit de prophecie.
Cil divins fruiz rendi a ceulx la vie Qui furent mort par le fruit deveé;
Cil sains fruiz ci estoit en unité
Vraiz Diex, vraiz filz fourmez a no semblance:
Loée en soit la branche de biauté,
En qui Amour mist si belle ordenance.

Pour dame fu grans biens et grant doulçour Quant vierge fut de tel fruit raemplie Qu'on doit nommer fil Dieu le creatour, Prophetisié de la bouche Ysaie; Car du sentir ot sens et seigneurie C'un fruit seroit pris en virginité, Emanuel fil de Dieu appellé, Qui feroit loy, paiz, rachat et creance Et metteroit amour, joie et clarté En touz amans par sa haulte puissance.

Et quant Amour est de telle valour,
Loée en soit la vierge dediie,
Qui pendre vit en croiz sa doulce flour
Et son chier filz presser par telle envie
Que la rendi, pour sauver sa mesnie,
L'iaue et le sanc dont nous sommes lavé,
Et la morut Dieux en humanité
Sanz amenrir sa divine substance,
Dont mort donna vie et solempnité
A touz amans vivans en esperance.

Dame plaisant, gente et de noble atour, Rose roial, vierge purifiie, Pour le saint fruit qui prist en vous sejour Vous doit on bien nommer branche fleurie, Lune luisant, estoille qui flambie, Temple de paiz, chambre de sauveté, Roine assise emprès la trinité, Trois noms unis d'une telle aliance Que vo filz est en sa grant majesté Amour en qui l'en doit avoir fiance.

5.0

ENVOY

51 b Princes, servons Amour en loyauté, Et s'aourons la glorieuse branche, Et nous serons en gloire coronné En haulte honnour et en grant souffisance.

# Autre serventoys

Belle chose est et bonne a maintenir
De Dieu servir et la vierge ensement
En qui Dieu vint sa deité couvrir
D'umanité pour nostre sauvement,
Car vraie foy nous apprent
Qu'en la vierge sanz defloracion
Saint esperit neuf mois prist mansion
Et le filz char, vie, sanc et figure,
Dont doit vraiz cuer qui en bien s'amesure
Estre touz diz en telle audicion.

Tout temps est il saison de bien ouir,

30

40

Et la vierge, dame du firmament, De trestouz biens pour vraie ame esjoir Est vray tresor, si c'om doit bonnement

I prendre esjoissement,
Car elle a tant de dominacion
Que s'un seul cuer sanz occupacion
Avoit le sens de toute creature
Et vouloit mettre en exposer sa cure,
Si fauldroit il a sa conclusion.

Que ce soit voir c'on ne puist avenir A exposer ses haulx biens clérement Nul ne le doit a merveilles tenir, Quant naistre voult de li maternalment

Cil dont tout le bien descent,
Puis souffri mort en croiz et passion
Et au tiers jour prist resurreccion
Pour ses amis traire de chartre obscure,
Et par ces poins nous appreuve escripture
Qu' Amour sur tous a juridicion.

Car Amour peut les sages soustenir Et les autres pugnir a son talent. Or a volu ceste vierge establir Pour nous garder d'aler a dampnement;

Car, s'escripture ne ment,
C'est la voie de consolacion,
C'est li solaux de no redempcion,
C'est ongnement qui de touz maux nous cure.
Qui ce ne croit, il chiet en pourreture
Par fol cuider a sa confusion.


Vraix esperans, voulentieux de servir La vierge en soy de cuer entiérement, Doit chascun estre et a lui obeir, Amer, loer; quar qui fait autrement

Il fault pardurablement
A la haulte participacion
Dont li saint ange ont recreacion,
Et qui la sert il part a leur peuture.
Quant a ce pens, ce penser m'asseure,
Qu'Amour me tient en sa proteccion.

Envoy

S'en lo Amour et l'umble vierge pure A qui me rens en vraie affeccion.

Explicit



# XXVII

MIRACLE

DE

L'EMPERERIS DE ROMME

#### PERSONNAGES

L'EMPERERIS L'EMPERIÉRE BRUN, PREMIER CHEVALIER MORIN, PREMIER SERGENT D'ARMES YSABEL, LA DAMOISELLE ORY, DEUXIESME CHEVALIER DEUXIESME SERGENT D'ARMES LE FRÉRE A L'EMPERIÉRE LE PAPE PREMIER CARDINAL DEUXIESME CARDINAL BAUDOIN L'ESCUIER GOUBERT OU GOBERT LE TOURIER LE MESSAGIER DIEU NOSTRE DAME SAINT JEHAN LE PREMIER ANGE DEUXIESME ANGE LE MAISTRE MARINIER LA DAME PELERINE L'ESCUIER A LA PELERINE L'ostesse LE CONTE MALADE LES CLERS

Cy conmence un miracle de Nostre Dame de l'empereris de Romme que le frére de l'empereur accusa pour la fere destruire, pour ce qu'elle n'avoit volu faire sa voulenté; et depuis devint mesel, et la dame le garit quant il ot regehy son meffait. 53 a

## L'EMPERERIS

on chier seigneur, Dieu tout puissant Vostre santé soit acroissant Ainsi conme je le desir!

Car, certes, ce que tant jesir Vous voy de ceste maladie M'ennuie moult, quoy que nulz die, Et m'est moult fort.

# L'EMPERIÉRE

Dame, je tien que Dieu confort M'envoiera sanz detriance Et de mon grief mal alejance Briément; je le sens bien et voy. Faites le bien, prenez convoy Et vous en alez au moustier Prier Dieu de bon cuer entier Que mon mal estaingne et efface 15 Et me doint grace qu'encor face Chose qui me tourt a merite Et qui vers li mon ame acquitte

E()

25

30

De touz pechiez. Brun, premier chevalier

Ma dame, il dit bien, et sachiez Qu'en ce ne pouez vous meffaire; Et si veult on un sermon faire, Si que c'est pour vous bien a point:

53 b

Alons y et ne tardons point, Je le conseil.

L'EMPERERIS

Aussi m'y assens et le vueil. Or tost, alez devant, Morin; Faites delivrer le chemin,

Si qu'aions voie.

PREMIER SERGENT D'ARMES
Voulentiers, se Jhesus me voie.
Sus! de cy traiez vous arriére,
Que de ma mace ne vous fiére
A grant rendon.

Cy conmence le sermon.

Que est ista que progreditur quasi aurora con- 52 a surgens, pulcra ut luna, electa ut sol, terribilis ut castrorum acies ordinata? in Canticis. Mon seigneur saint Jerosme en un sermon qu'il fait de la glorieuse vierge Marie, en soy excusant de sa loange, pour ce que on doit moult doubter que en louant si haulte royne langue humaine qui est corrompable ne deffaille, dit: Quanque on peut dire par paroles humaines a la loenge de ceste vierge est aussi conme nient au regart de la loenge que elle a ou ciel; car trop plus excellenment est la des anges loée, des prophètes pronuncée, des patriarches presignée, des evangelistes demonstrée. Que diray je donques de ceste dame de qui figure et escripture en eulz esmerveillant dient: Que est ista que progreditur, etc.: Qui est ceste dame qui est venue

aussi conme l'aube du jour soy levant, qui est bele conme la lune, esleue conme le soleil, espoventable conme une ost ordenée? Premiérement se par figure demande l'escripture qui est ceste dame, est ce Judich la forte en oroison? Certes, elle est plus forte en oroison que Judich, car se Judich par oroisons delivra son peuple et occist Oloferne, le prince de la chevalerie, ceste glorieuse vierge aussi a delivré par ses oroisons tout le monde des mains a l'ennemi et mis a mort le prince des dyables. Et pour ce que li ennemis decut la premiére vierge femme, laquelle decut aussi le premier homme qui vierge estoit, pour ce voult Diex establir ceste glorieuse vierge Marie par qui toute autre femme est sau-52 b vée, de laquelle nasqui le filz Dieu qui fu vierge homme, qui tout autre homme a rachaté. Est il donc femme nulle qui ait eu telle victoire conme ceste? Certes nanil. Car mon seigneur saint Jehan, ou livre de ses revelacions, dit que c'est celle qui a froissié le chief a l'ennemi, pour quoy saint Augustin dit en un sermon qu'il fait de ceste glorieuse vierge : Admiremur, gratulemur, etc.: Esmerveillons et esjoissons; a mont noz cuers levons, la vierge Marie adourons et graces li rendons; car par elle et par son chier fil sommes appellez de tenebres a lumiére, de mort a vie, de corrupcion a incorrupcion, d'essil a heritage, de pleur a joie, de desert au royaume des cieulx, et de grace a gloire. Secondement demande par figure Hester qui est ceste qui est tant gracieuse en humilité. Et certes elle est plus gracieuse en humilité que ne fu onques Hester, car se par simplesce et humilité Hester plot tant au roy Assuére que elle delivra son peuple de mort et qu'il la fist lez li asseoir, encore, vierge Marie, pleuz tu plus a Dieu par humilité. Car je considére le roy des cieulx aussi conme ton seigneur, regardant l'umilité de toy s'anselle; je le considére aussi conme espoux et ton frére qui t'appelle. Je le considére conme ami toy desirant et conme filz a mére

T. 1V

obeissant. Donques, dame, puis que tu es s'ancelle, pour nous l'amonnestes; puis que tu es suer et espouse, seurement peuz pour nous requerre; puis que tu es s'amie, s'il est contre nous courroucié, vueilles nous paix acquerre; puis que tu li es mére, tu li peuz conmander, car il. conme filz, ne te osera riens refuser. Et pour ce, 52 c dame, euvre le saing de ta misericorde, si que de ta planté prengnent li chietif redempcion, li malades curacion, li pecheur pardon et li triste consolacion. Et a ce nous amonneste saint Bernart qui dit ainsi: Mes chiers amis, estudions nous a monter par celle vierge a celi qui pour amour d'elle a nous descendi, si que nous, par celle la grace de celi puissons avoir qui par elle vint en no povreté manoir. Tiercement demande figure qui est ceste dame. Certes, c'est une dame plus pure en chaasté que ne fu sainte Suzanne. Car ja soit ce que sainte Suzanne se soubzmeist si a l'amour de Dieu que elle ama miex estre condampnée que perdre sa chaasté, toutesvoies la glorieuse Marie fu et est de si grant purté et de si grant chaasté que onques en fait ny en pensée ne pot pechier, ainçois tuit cil qui la veoient avoient en eulx estainte toute voulenté de pechier. O con vraie et pure chaasté, ou est vraie maternité et vraie virginité qui toute biauté et bonté contient, de qui toute valeur, honneur, grace, esperance et gloire vient, dont saint Bernart dit : Marie de tant con tu as receu plus de graces en terre par devant toutes autres femmes, de tant as tu plus de singulière gloire es cieulx. Et si conme dit saint Jherosme, il appartenoit bien que ceste glorieuse vierge fust remunerée de si grans biens, car c'est celle qui a donné Dieu en terre, paix es cieulx, fin aux vices, terme a la mort, ordre de vie et discipline aux muers. Quartement et derrainement demande figure qui est ceste qui est si eslevée par contemplacion. Est ce 52 d la royne de Sabba? pour ce que la royne de Sabba fu une dame si eslevée en contemplacion que pour oir et

veoir la sapience Salemon elle s'esmut a venir du conmencement du monde jusques en Jerusalem. Certes la glorieuse vierge, au jour de son assumpcion, monta es cieulx pour veoir et oir la sapience Dieu le pére son benoit chier filz qui ja autre foiz avoit descendu en li et touz jours fu ceste sagesce avecques lui et elle avecques ceste sagesce. Et pour ce a la demande que font toutes ces dames qui ne sont que figure et Marie verité, quant ilz dient : Qui est ceste? di je que c'est celle qui est plus fort en oroison de Judich, plus gracieuse en humilité de Hester, plus pure en chaasté de Suzanne, et plus haulte en contemplacion de la royne de Sabba. Mais quoy plus? elle est plus haulte des cieulx, plus longue que la terre, plus lée que le monde, plus parfonde que la mer, dont saint Bernart dit: Marie, qui est ce qui peut raconter ta longuesce, ta largesce, ta haultesce, ta parfondesce? Car il te souvient par ta longuesce de ceulx qui t'appellent jusques au jour du jugement; tu raemplis tout le monde, car toute la terre est plene de ta misericorde; par ta haultesce as restoré la haultesce de paradis; par ta parfondesce as donné redempcion aux chetis; tu as le ciel rempli, enfer vuidié, la ruine de paradis restoré et aux chetiz attandans merci vie pardurable qu'ilz avoient perdu donné, laquelle vie pardurable nous ottroit Ille qui est benedictus Deus in secula seculorum. Amen,

L'EMPERERIS
Seigneurs, pieça n'oy sermon
Ou eust tant de biens compris;
Car tout ce qu'a a dire empris
A demené trop bien et bel.
Que vous en semble il, Ysabel,
Par vostre foy?

LA DAMOISELLE

Dame, par la foy que Dieu doy,

Je croy que ce soyt un preudomme;

40

S'il estoit cardinal de Romme, Si a il preschié haultement Et bien, ne je ne scé conment 45 On pourroit miex.

\* PREMIER CHEVALIER Bonne aventure li doint Diex! Dame, il a noblement preschié, Et si s'en est biau depeschié Conme droit maistre.

## ' L'EMPERERIS

50 C'est voirs. Or ca! je me vueil mettre Devant cest autel a genoulz. Doulx amoureux Jhesus, et vous, Dame, qui estes fille et mére, Mére a qui? mére a vostre pére, Et fille aussi de vostre filz,

Dame, s'onques chose je fis Qui vous agrée aucunement (Je parle moult hardiement, Mais ce me fait ardent desir),

Dame, qu'il vous viengne a plaisir De m'ottroier en guerredon Que par vous puisse avoir un don C'est que Dieu vueille si ouvrer Sur mon seigneur que recouvrer Puist bonne santé de son corps, Et le mette de touz poins hors

65

De la maladie ou il est, Doulce vierge; et je vous promet Qu'a mon pouoir vous serviray, Touz les jours mais que je vivray, De bon cuer et devotement. Or avant, seigneurs, alons ment:

Il en est heure.

PREMIER CHEVALIER De faire mais hui plus demeure

XXVII	L'EMPERERIS DE ROMME	245
	Pourrions faire mesprison:	75
	Alons men, sanz arrestoison,	•
	Vers l'emperière.	
	Premier sergent d'armes	
	Avant : alez de cy arriére!	
	Vuidiez, faites voie et espace	
	Si que ma dame a aise passe.	80
	Arriére tous!	
	ORRY, DEUXIESME CHEVALIER	
	Mon chier seigneur, que faites vous?	
	Vous vous vestez?	
	L'emperiére	
	Orry, c'est voirs, ne vous doubtez.	
	Je ne suis mie hors du sens;	, 85
	Je scé bien conment je me sens	
	N'en quel maniére.	
	L'empereris	
	Mon chier seigneur, qu'est ce? quel ch	niére?
	Dites le moy.	
	L'emperiére	
	Bonne dame, foy que vous doy,	90
53 d	Sachiez que Dieu grace m'a fait	
	Telle que gari sui de fait,	
	Et scé bien dont ce m'est venant;	
	Si li tendray le convenant	
	Que fait li ay, n'en doubte nulz,	95
	Et briefment : g'y sui bien tenuz.	
	Alez me tost mon frére querre,	
	Dites li qu'il viengne bonne erre	
	A moy parler.	
	Deuxiesme sergent d'armes	
	Mon chier seigneur, g'y vueil aler,	100
	Puis que vous le me conmandez.	
	Sire, sire, plus n'attendez:	

011

Vostre frére par moy bonne erre, Par foy, si vous envoie querre; Venez a li

LEFRÉRE

Il me semble que tout pali
As le visage : qu'i a il?
Est il de morir en peril?
Ne me mens point.

Deuxiesme sergent d'armes Nanil; mais est en tresbon point, La Dieu merci.

Le frére

La dame des cieulx en gracy.

Alons men: cy ne vueil plus estre;

Tant que je me voie en son estre

Ne vueil cesser.

L'EMPERERIS

Mon chier seigneur, sanz vous courcer
Je vous pri que me vueillez dire
Quel convenant a nostre sire
Dieu fait avez.

L'emperière

Je vous le diray. Vous savez
Com j'ay esté malade grief:
Si li ay voué, c'est a brief,
Que, s'il m'envoioit garison,
G'iroie sanz arrestoison
Son saint sepulcre visiter;
Et sachiez, dame, sanz doubter,

Et sachiez, dame, sanz doubter, Dès si tost que li oy promis, Je me trouvay en santé mis : Si vueil acquitter mon voyage

130 Et faire le pelerinage : Vous desplaist il? 54 a

# L'empereris Certes, mon chier seigneur, nanil, Ouant vous agrée. LE FRÉRE Parlez vous de chose secrée. Mon treschier seigneur? dites voir. 135 Bonne santé puissiez avoir Con je vouldroie! L'EMPERIÉRE Nanil, frére; je vous avoie Mandé, si vous diray pour quoy: Aler vueil, s'a Dieu plaist le roy. 140 Visiter de cuer enterin Jherusalem com pelerin: Si vous ordene a estre garde De ma terre et vous prendre en garde Et des rentes et du demaine: 145 Et nientmoins vueil que souveraine Et maistresse sur vous et dame En soit l'empereris ma femme : Si vous pri qu'il n'y ait deffault. Et s'aucune chose vous fault 150 Pour l'estat de vous amonter, Dame, sanz taillier ne compter, Je vueil qu'il l'ait. L'EMPERERIS Mon chier seigneur, se Dieu me lait Vivre en santé, je vous dy bien 155 Par moy n'ara deffault de rien Qu'il vueille avoir pour son estat; Mais li liverray sanz debat, Soiez ent seur. L'emperière Dame, a vostre dit m'asseur; 160

Se voulez, bien le sarez faire.

Ore, pour haster mon affaire,

180

185

Droit au pape m'en vueil aler Congié prendre et a li parler : C'est raison, et faire le doy. Entre vous deus convoiez moy Tant que la soye.

DEUXIESME CHEVALIER
Vostre conman feray de joie,
Mon chier seigneur.
DEUXIESME SERGENT D'ARMES

Aussi ay je desir greigneur
De le faire qu'il n'a d'assez
Du conmander. Avant! passez,
Fuiez de cy.

L'emperière
Saint pére, je vieng a vous ci
Com filz a pére obedient:
C'est drois, car riche et mendient
Doivent ce faire.

LE PAPE

Biau chier filz, et pour quel affaire? Vous est il venu de nouvel Riens qui vous soit fors bon et bel? Jel vueil savoir.

L'EMPERIÉRE

Nanil, saint pére; a dire voir,
Je vieng vostre beneiçon
Querre, car c'est m'entencion
D'aler faire le saint voiage
D'oultre mer a terre ou a nage;
Car, saint pére, a Dieu promis l'ay,
Si n'y vueil plus mettre delay
Que ne le face.

LE PAPE

La beneiçon et la grace Que Diex a saint Pierre l'apostre

XXVII	L'EMPERERIS DE ROMME	249
	Ottria, biau filz, et la nostre Puissez avoir et près et loing! Et dès maintenant je vous doing Ceste croiz que vous poserez	195
54 c	Sur vostre espaule et porterez, Qu'ainsi le doit tout pelerin Faire qui va en ce chemin; Et avec ma beneiçon,	
	De voz meffaiz remission  Tout plainement.	200
	Premier cardinal Sire, faites le sagement: Mettez pour vous tel gouverneur Qu'il soit au prouffit et honneur	
	De vostre empire.  DEUXIESME CHEVALIER	205
	Il ne l'a pas ore a eslire, Ains y a moult bien assigné: Car son frére y a ordené, Avec ma dame. Deuxiesme cardinal	
	Sire, il ne pouoit miex, par m'ame, Entre touz ceulx de son lignage: Car il est doulx, courtoys et sage, Bon justicier. Le pape	210
	Tant le doit il miex avancier,  Quant il est tel conme vous dittes.  Filz, d'estre de vostre veu quittes  Mettez brief paine et diligence,  Et si prenez en pascience  Adversité, s'elle vous vient;	215
	Autrement ne vous vauldroit nient Vostre voiage. L'emperière Je soufferray de bon courage	220

240

54. d

Tout ce que Dieu m'envoyera,
Ja en moi l'en ne trouvera

225 Maugréement n'impatience.
Saint pére, par vostre liscence
Que je m'en aille.

LE PAPE

Biau chier filz, il me plaist sanz faille. Alez: qu'en santé Dieu vous maint, Et a grant joie vous ramaint

DEUXIESME SERGENT D'ARMES
Avant! ne nous faites pas presse,
Biaux seigneurs, traiez vous en sus;
Faittes nous par cy voie, or sus,

235 Si ferez bien.

L'emperiére Dame, du saint père revien,

Qui m'a absolz de mes pechiez
Et m'a, bien vueil que le sachiez,
Donné plaine remission,
Et veult que par devocion
Ceste croiz sur m'espaule port
Jusques a tant que Diex a port
De salut m'ait cy ramené.
Et puisqu'ainsi l'a ordené,
Bailliez m'un autre garnement;
Je la porteray bonnement:

245 Je la porteray bonnement:
Cestui ne porteray je mie.
Or me delivrez brief, m'amie:
Aler m'en vueil.

L'EMPERERIS

250 Mon chier seigneur, a vostre vueil
Bailliez moy celle hopellande,
Ysabel: c'est ce qu'il demande,
Si com je pens.

	La damoiselle	
	Je l'avoie aussi en pourpens.	
	Tenez, ma dame.	255
	L'emperière	
	C'est ce que je demant, ma femme.	
	Or m'atachiez, par vostre foy,	
	Cy endroit, pour l'amour de moy,	
	Ceste croiz ci.	
	L'empereris	
	Je le vous feray sanz nul si,	260
	Mon chier seigneur, benignement.	
	C'est fait; elle y est tellement	
	C'on ne peut miex.	
	L'emperiére	
	Frére, il n'y a plus. En touz lieux	
	Vous pri que m'onneur regardez,	265
5 a	Et que ma compaigne gardez,	
	Et le peuple tenez en pais.	
	Dame, je ne scé se jamais	
	Vous verray. Baisiez me, baisiez	
	Hé! de plourer vous apaisiez	270
	Messire Orry, et vous, Huart,	
	Alons men; car il m'est a tart	
	Que soie hors de ceste terre.	
	Pitié le cuer m'estraint et serre.	
	A Dieu trestouz!	275
	L'empereris	1
	Mon chier seigneur, mon ami doulx,	
	A Dieu, qui vous vueille conduire,	
	Si que riens ne vous puisse nuire	
	Ne faire mal!	
	Le frére	
	Voir, chier frére, jusques laval	280
	Vous irons nous trois convoiant:	

Puis dirons: « A Dieu vous conmant »,

Quant la serons.

295

## L'EMPERIÉRE

Or soit: ainsi le vous ferons. Vous deux sergens, alez devant.

Ho! n'irez de cy en avant:

Retournez vous.

PREMIER CHEVALIER

Puis que vous plaist, non ferons nous.

A Dieu, chier sire!

LE FRÉRE

290 Chier frére, ne vous scey que dire : Diex vous conduie a sauveté, Et vous ramaint par sa bonté

Haitiez et sain.

L'EMPERIÉRE

Sa voulenté soit faicte a plain.

A Dieu, biau frére!

PREMIER SERGENT D'ARMES

Retourner nous convient arriére

Devers ma dame.

PREMIER CHEVALIER

Voire, car ce n'est mie femme Que nous doions seule laissier; Si qu'il nous convient avancier

D'aler a li.

LE FRÉRE

Dame, puis que je sui celui Qui de cest empire regent Suis nommé, de cuer diligent Vueil penser a vostre prouffit Faire touz jours, s'il vous souffist

Et il vous plaist.

L'EMPERERIS

Dès ores mais noise ne plait Entre nous deux ne doit avoir, Biau frére; mais devez savoir Qu'un seul vouloir et une amour 55 b

305

310

Doit faire entre nous deux demour;	
Ce n'est pas doubte.	
Le frére	
Dame, je sui celui qui toute	
Vostre voulenté plainement	315
Suy prest de faire bonnement	
Sanz contredit.	
L'empereris	
De tant que vous le m'avez dit	
Je vous mercy.	
Le frére	
Ma chiére dame, il est ainsi:	320
Du contraire ne doubtez point,	
Et quant il escherra a point,	
Vous le sarez.	
L'empereris	
De tant que pour moy plus ferez,	
Tant plus tenue a vous seray;	325
Et certes je me peneray	
De le merir.	
Le frére	
Ma chiére dame, aler querir	
Me convient un petit d'esbat :	
La teste me deult et debat,	330
Et me sanch un po a mal aise;	
Si que, pour Dieu, ne vous desplaise	
Se g'i vois, dame.	
L'empereris	
Non fait il, biau frére, par m'ame.	
Mais ne faites pas grant demeure,	335
Si que nous souppons de bonne heure;	
Le temps le doit.	
Le frére	
Nanil, dame, conment qu'il voit.	
Baudoin, après moy venez;	
Ma cloche et mon chapel prenez	340

XXVII

55 c

## Ysnellement.

#### L'escuier

Voulentiers, sire; vraiement, Je ne vous vueil en rien desdire. Sa! j'ay tout; alons men, chier sire, Ou vous plaira.

345

350

355

360

365

370

LE FRÉRE

Sainte Marie! que sera? Mi oeil a mon cuer presenté Ont tant l'excellente biauté De ma dame l'empereris Que je sui conme a mort peris S'il ne li prent de moy pitié, Tant qu'avoir puisse s'amistié; Car renom, bontez et simplesce, Courtoisie, doulceur, largesce, Honnesté, maintien, avenance, Franchise, attraiant contenance Dont elle est dame et tresoriére Ont mon cuer en telle manière D'elle par regarder espris Qu'es roiz est enlaciez et pris De Desir, qui m'estraint et lace, Si que je ne sçay que je face; Car Souvenir en mon cuer fault, Plaisance acourt, Vouloirs m'assault. Penser m'a fait si esperdu Qu'a brief j'ay touz mes senz perdu Quant a sa biauté souveraine Regars mon cuer conduit et maine; Lors ne suis de ma soif delivres, Ains ay plus soif com plus suis yvres; 55 d Et tant plus boy com plus la voy, Et en sucçant plaisance boy,

Et com plus la boy, plus me seche:

C'est yvresce qui touz jours leche,	
De quoy je ne me scé tenser.	375
Ore je vueil autre pensser.	211
Je l'ains; voire, fas je raison?	
Nanil voir; mais grant mesprison	
Dont je doy moy meismes hair,	
Qui bée a mon frére trair	380
Et a li fortraire sa femme;	,
Ce me sera trop grant diffame,	
Se je vueil a ce fait muser	
Et mon temps mettre y et user;	
Par raison avenir ne peut.	385
Mon fol desir fuir m'esteut,	
Non pas desir, mais grant oultrage.	
Diex! que j'ay cuer fol et volage,	
Qui ay dit que je la lairay	
A amer! certes non feray:	390
Puisque eur la m'a destinée,	
Je croy que Dieu la m'ait donnée,	
Si mettray paine a li amer.	
S'Amour me rent pour doulx amer,	
De l'amertume ne me chaut.	395
Amer sanz paine riens ne vault,	
Et s'aime on trop miex le chaté	
Quant il est plus chier achaté,	
Et s'emploie bien cilz sa paine	
Qui a perfeccion l'amaine.	400
Si croy que paine m'i vauldra	,
Tant que mon desir avendra.	
Qu'ai je dit? je sui folz et nices,	
Qui cuide que vertu soit vices.	
Je pense par cuider tenir	405
Ce qui ja ne peut advenir:	7
C'est que telle dame aie amie.	
Voir, elle ne m'amera mie,	
Ains se lairoit avant deffaire	

Oue telle chose voulsist faire. 410 Si convient qu'autrement m'atire, Se morir ne vueil a martire. 56 a Ha! dame ou touz biens sont compris, Amour pour vous tellement pris Me tient par vostre biauté fine; 415 Ou'il convient que ma vie fine; Reméde, fors vous, ne m'i vault. Baudoin, a l'ostel me fault Aler couchier. L'escuier Qu'est ce? qu'avez, mon seigneur chier? 420 Trop malement pensis vous voi Et couleur muer. Dictes moy Oue vous avez. LE FRÉRE Baudoin, couchier me menez, Car en moy n'a de santé goute, 425 Ains me sens malade sanz doubte, Amis, griefment. L'ESCHIER Sire, voulentiers; alons ment. Or ca! vez ci vostre lit fait.

Or ça! vez ci vostre lit fait.

Couchiez vous, sire, et je de fait
Vous couverray bien et a point.
C'est fait; s'un petit en ce point
Coy vous tenez tant que suez,
Vous serez tost revertuez

435 Et tost gariz.

LE FRÉRE
Or alez a l'empereris
Dire qu'elle souppe toute aise,
Et pour Dieu qu'il ne li desplaise
S'elle ne m'a.

XXVII	L'EMPERERIS DE ROMME	257
	L'escuier	
	Voulentiers, sire; je vois la.	440
	Ma dame, Dieu par sa puissance	
	Vous gart d'annuy et de pesance!	
	Mon seigneur dit que vous souppez	
	Sanz l'attendre; car occuppez	
	Est, qu'il ne peut venir maishuit,	445
	Et pour Dieu qu'il ne vous ennuit	
	Se cy ne vient.	
	L'empereris	•
56 b	Dy moy quelle achoison le tient,	
	Ne qui le peut si occupper	
	Qu'il ne venra pas a souper	450
	Avecques moy.	
	L'escuier	
	Dame, par la foy que vous doy,	
	Puisqu'il vous plaist que je le dye,	
	Conme plain de grant maladie	
	Gist au lit : dont le cuer me serre;	455
	Et semble c'on l'ait trait de terre,	
`	Tant est fondu et empiré.	
	S'en ay le cuer forment yré,	
	Ma chiére dame.	
	L'empereris	
	D'oir ces nouvelles, par m'ame,	460
	Suis je tant courroucée en cuer	
	Que ne le puis dire a nul feur.	
	Baudoin, cy plus ne tardez;	
	Ralez vous ent et le gardez	
	Songneusement.	465
	L'escuier	
	Dame, je feray bonnement	
	Vostre plaisir.	
	CLUMB CHILD	
	Le frére	
	E! Diex, pourray j'a mon desir	
T.	, IV	17

56 c

Advenir ja jour de ma vie,
470 Par quoy de ceste maladie
Soie gariz a mon vouloir?
Ha! Amours, tu me fais doloir
Et cuer et corps.

L'ESCUIER

Sire, entendez a mes recors:
Je vien de ma dame, sanz doubte,
Qui est bien esbahie et toute
Courroucée de vostre annoy.
Je tien qu'elle vous ayme en foy
De cuer loyal.

LE FRÉRE

Dieu la vueille garder de mal, Amis, pour tant!

L'ESCUIER

Mengerez vous ne tant ne quant, Sire? dites moy sanz attendre. Quelque chose vous fault il prendre Oui vous soustiengne.

485

Le frére
Il n'est appetit qui nous viengne
Ne de boire ne de mengier
Ne ques de ce mur cy rungier.
Laissiez me ainsi.

L'EMPERERIS

Biaux seigneurs, levez sus de cy;
Je vueil mon frére aler veoir,
Et li aider a pourveoir
De ce que pour sa garison
Li fault. Sus, sanz arrestoison,

Je vous em pri.

Premier chevalier
Dame, nous ferons sanz detri
Vostre voloir.

56 d

PREMIER SERGENT D'ARMES	
Avant! sanz mettre en nonchaloir:	
Vuidiez de cy, vuidiez, vuidiez!	
N'estoupperez pas, ne cuidiez,	500
Si le chemin.	
L'EMPERERIS	
Ore Diex y soit! Baudoin,	
Que fait ton maistre?	
L'escuier	
Ma dame, par le roy celestre,	
N'en scé que dire.	505
L'EMPERERIS	707
Et qu'est ce? quel chiére, biau sire?	
Dites le nous?	
Le frére	
Je ne scé, voir. Qui estes vous?	
Dites le moy.	
L'empereris	
E! mon treschier frére, par foy,	510
Vostre suer sui et vostre amie.	210
Ne me recongnoissez vous mie,	
Par sainte Avoie?	
Le frére	
Ne savoie a qui je parloie,	
Certes, dame, ne vous desplaise.	515
Ha! Dieux, que je suis a mesaise	213
Et a meschief!	
L'EMPERERIS	
Dieux! conme il a boulant le chief,	
Et conme les temples li batent!	
Il meuvent aussi et debatent	
a manufolit	520

Com poisson vif hors de riviére. Or vous traiez trestouz arriére:

A li vueil un petit parler. Frére, ne me vueilliez celer :

525	Est il chose c'on puist avoir,	
	A vostre avis, pour nul avoir	
	Qui a santé vous ramenast	
	Et qui garison vous donnast?	
	Se le savez, je vous em pri	
530	Que le me dites sanz detri;	
	Car s'il est riens que puisse faire	
	Pour vous, sanz mon honneur meffaire	3
	Je le feray tresvoulentiers;	,
	Si que, chier sire, endementiers	
535	Que sommes nous deux seulement,	
	Descouvrez moy hardiement	
	Vostre courage.	
	Le frére	
	Certes, dame, de mon malage	
	Estes fisicienne et mire,	
540	Or soit que je doye du dire	
	Estre blamez. Cy se past	ne.
	L'empereris	
	Sainte Marie, il est pasmez!	
	Je li vueil soustenir le chief	
	Tant qu'il soit hors de ce meschief.	
545	Revenuz est de paumoison.	
	Biau frére, sanz arrestoison,	
	Dites moy, pour Dieu, qu'est ç'a dire	
	Que sui fisicienne et mire?	
	Ne l'entens point.	
	Le frére	
550	Dame, vostre amour en tel point	57 a
	M'a mis que j'en suis acouchiez,	
	Puisqu'il convient que le sachiez;	
	Car je vous aime plus que moy,	
	Et tant vous desir que je voy,	
555	Se ne me prenez a mercy,	
	Jamais ne partiray de cy	
	Sanz mort encorre.	

## L'EMPERERIS

Frére, a vous aidier et secourre
Pensez et si vous confortez;
Et de ce mal vous deportez,
Ne plus ne vous en esmaiez.
Je vueil bien qu'amie m'aiez
Et que vous aie ami aussi,
Si qu'ostez vous de ce soussi.
Par droit nous devons entramer
Et amis l'un l'autre clamer.
Ne vous di plus, pensez de vous.
Je m'en vois; a Dieu, sire doulx!
Sus! alons ment.

PREMIER CHEVALIER
Alons, dame. Pour Dieu, conment
Vous est il avis qu'il le face?
Il me semble estre de la face
Trop amegriz.

L'EMPERERIS

Son mal li est touz jours aigriz
Plus que je croy qu'il ne fera;
Se Dieu plaist, en bon point sera
Et assez brief.

LE FRÉRE

Amours, vous m'avez assez grief
Fait sentir; mais puis qu'a mercy
M'a pris celle qui part de cy,
Et m'a pour ami receu,
Ne m'en chaut de mal qu'aie eu:
Le doulx respons qu'elle m'a fait
A gari tout mon mal de fait,
Si qu'avis m'est que soie roys,
Tant sui de leesce es arrois

Et tant ay joie.

L'escuier
Sire, voulez vous point qu'envoie

570

575

580

585

57 b

600

605

615

Querre vostre fisicien?

590 Conseil de preudomme ancien

Fait bon avoir.

Le frére

Baudoin, veulz tu oir voir?
Nanil, je n'en ay nul mestier;
Je sens mon cuer sain et entier,
Et sens que j'ay determiné
De mon mal si qu'il est finé:

Lever me vueil.

L'ESCUIER

Sire, vous ferez vostre vueil;
Mais, pour Dieu, ne vous hastez mie;
Car trop doubteuse est maladie
Dont on renchiet

Le frére

C'est voir; mais chascun pas n'y chiet, Et si sens bien ne gariray A droit tant qu'a la cour yray; Mais quant avec l'empereris Seray, je seray touz garis; C'est mes avis.

L'ESCUIER

Sire, or soit a vostre devis, Puisqu'ainsi est.

Le frére

Or ça, Baudoin, je sui prest: Alons men a la court, biau frére.

> Je vous salu de Dieu le pére, Ma chiére dame.

> > L'EMPERERIS

Sire, bien veigniez vous, par m'ame! Grant joie ay qu'estez repassez. Avant: plus près de moy passez. Que fait ce corps?

#### LE FRÉRE

Dieu mercy, je sui druz et fors Et tout gari, n'en doubtez mie. 57 C Dame, quant serez vous m'amie Ainsi que le m'avez promis, Si que je soie voz amis

620

De fait et d'oeuvre?

# L'EMPERERIS

Il ne fault mie qui recuevre. Sire, deportez vous encore: Il n'est temps ne point quant a ore;

625

Souffrez un poy.

# LE FRÉRE

Certes, dame, quant je vous vov. Amoureux vouloir me contraint, Et Desir m'enlace et estraint Si que je pers maniére toute, Ne de contenance n'ay goute. Tart m'est que de vous puisse oir : « Amis, or peuz de moy joir

630

Com de t'amie. »

635

# L'EMPERERIS

Si vous dy, se plus m'en parlez,

Qu'est ce? ne vous moquez vous mie? Vous semble il que je soje femme Oue vous doiez traire a diffamme Pour vostre lechois acomplir? Nanil, ce ne peut avenir. J'ameroie miex estre en Tarse Seule et esgarée, voire arse, Que brisasse mon mariage Ne que feisse tel hontage A vostre frére, mon seignour. Par foy, mal li gardez s'onnour Quant de tel fait me requerez, Et grant deshonnour vous querez:

640

264	MIRACLE DE X	IIVX
650	Que mon grant ennemi serez.	
	Taisiez tout coy.	
	Le frére	
	Dame, a present ne ce ne quoy	
	Ne diray plus.	
	L'empereris	
	De mes heures vueil le surplus	
655	Dire que je n'ay mie dit.	
		57 d
	M'amie, mes heures prenez,	
	Et avec moy vous en venez	
	Jusqu'au moustier.	
	La damoiselle	
660	Je le feray de cuer entier,	
	Chiére dame, c'est de raison.	
	Alons men sanz arrestoison,	
	Quant vous plaira.	
	L'empereris	
	Nulz de vous ne se mouvera,	
665	Seigneurs, que je ne le vueil mie	
	Land to the Control of the Control o	
	Alons men, Ysabel, m'amie.	
	Ho! puisque devant l'autel sui	
`	Sanz empeschement de nullui,	
	Sa, mes heures! miex me vault tendre	
670	A les dire que plus attendre,	
	Puis que j'ay lieu	
	Cy fait semblant de dire ses heur	es.
	LA DAMOISELLE	
	C'est voir : or dites, de par Dieu :	
	Ça me trairay.	
	The same of the sa	
	Le frére	
	Sainte Marie! que feray,	
675	Ne comment me pourray chevir?	
	De ma dame ay cuidié joir,	

58 a

De plus en plus, qu'il fault par force, Qu'ainsi vous deprie et requiére: Si vous di, se plus m'estes fiére Et qu'a mercy ne me prenez, A mort sui pour vous destinez: Ce n'est pas doubte.

705

L'EMPERERIS Je voi bien vostre entente toute.

	Si vous diray que vous ferez:	
710	Puis qu'ainsi est, vous en irez	
	Au tourier qui celle tour garde	
	Dire qu'il l'euvre et point ne tarde,	
	Et que g'y vueil en l'eure aler	
	D'estroit conseil a vous parler.	
715	Quant l'uis sera desverroulliez,	
	Soiez prez et appareilliez	
	D'entrer ens; et a vous iray	
	En l'eure, point ne demourray.	
	Amis, alez.	
	Le frére	
720	Dame, puis qu'ainsi le voulez,	
	Je le feray benignement.	
	Goubert, ouvrez appertement	
	Ceste tour, sanz plus detenir.	
	Vez cy l'empereris venir;	
725	Car nous deus a parler avons	
	De conseil, si que nous voulons	
	Fors touz seulz estre.	
	GOUBERT LE TOURRIER	
	Sire, par le doulx roy celestre,	
	Voulentiers la vous ouvreray.	
730	C'est fait; ame entrer n'y lairay,	
	Fors vous et elle.	
	Le frére	
	Baudoin, va t'en et me celle:	
	S'aucune ame me demande huy,	
	Dy que tu ne scez ou je sui,	58 b
735	Tant que m'en aille.	
	L'escuier	
	Voulentiers, mon seigneur, sanz faille;	
	N'en aiez soing.	
	L'empereris	
	Ysabel, suivez moy de loing,	
	Sanz sonner ne mot ne demi.	

Dy me voir, Gobert, mon ami: 740  Mon frére est il ceens entrez?  Sanz ce qu'a l'ueil me soit moustrez  Le te demant.  LE TOURIER  Oil, dame, tout maintenant,  Et est lassus. 745  L'EMPERERIS  C'est bien a point. Gobert, or sus:  Fermez me cel huis tellement  Qu'il ne puist yssir nullement.  Je vueil que la soit et se tiengne,  Et qu'a li nul ne voit ne viengne; 750  Ce te deffens.  LE TOURIER  De faire chose qui offens  Vous face bien me garderay:
Mon frére est il ceens entrez?  Sanz ce qu'a l'ueil me soit moustrez  Le te demant.  LE TOURIER  Oil, dame, tout maintenant, Et est lassus.  L'EMPERERIS  C'est bien a point. Gobert, or sus: Fermez me cel huis tellement  Qu'il ne puist yssir nullement.  Je vueil que la soit et se tiengne, Et qu'a li nul ne voit ne viengne; Ce te deffens.  LE TOURIER  De faire chose qui offens
Sanz ce qu'a l'ueil me soit moustrez  Le te demant.  LE TOURIER  Oil, dame, tout maintenant,  Et est lassus.  L'EMPERERIS  C'est bien a point. Gobert, or sus:  Fermez me cel huis tellement  Qu'il ne puist yssir nullement.  Je vueil que la soit et se tiengne,  Et qu'a li nul ne voit ne viengne;  Ce te deffens.  LE TOURIER  De faire chose qui offens
Le te demant.  LE TOURIER  Oil, dame, tout maintenant, Et est lassus.  L'EMPERERIS  C'est bien a point. Gobert, or sus: Fermez me cel huis tellement  Qu'il ne puist yssir nullement.  Je vueil que la soit et se tiengne, Et qu'a li nul ne voit ne viengne; Ce te deffens.  LE TOURIER  De faire chose qui offens
LE TOURIER  Oil, dame, tout maintenant, Et est lassus. 745  L'EMPERERIS  C'est bien a point. Gobert, or sus: Fermez me cel huis tellement  Qu'il ne puist yssir nullement.  Je vueil que la soit et se tiengne, Et qu'a li nul ne voit ne viengne; 750  Ce te deffens.  LE TOURIER  De faire chose qui offens
Oil, dame, tout maintenant, Et est lassus.  L'EMPERERIS  C'est bien a point. Gobert, or sus: Fermez me cel huis tellement  Qu'il ne puist yssir nullement.  Je vueil que la soit et se tiengne, Et qu'a li nul ne voit ne viengne; Ce te deffens.  LE TOURIER  De faire chose qui offens
Et est lassus.  L'EMPERERIS  C'est bien a point. Gobert, or sus: Fermez me cel huis tellement  Qu'il ne puist yssir nullement.  Je vueil que la soit et se tiengne,  Et qu'a li nul ne voit ne viengne;  Ce te deffens.  LE TOURIER  De faire chose qui offens
L'EMPERERIS  C'est bien a point. Gobert, or sus: Fermez me cel huis tellement Qu'il ne puist yssir nullement. Je vueil que la soit et se tiengne, Et qu'a li nul ne voit ne viengne; Ce te deffens.  LE TOURIER  De faire chose qui offens
C'est bien a point. Gobert, or sus: Fermez me cel huis tellement Qu'il ne puist yssir nullement. Je vueil que la soit et se tiengne, Et qu'a li nul ne voit ne viengne; Ce te deffens. LE TOURIER De faire chose qui offens
Fermez me cel huis tellement Qu'il ne puist yssir nullement. Je vueil que la soit et se tiengne, Et qu'a li nul ne voit ne viengne; Ce te deffens. LE TOURIER De faire chose qui offens
Qu'il ne puist yssir nullement.  Je vueil que la soit et se tiengne,  Et qu'a li nul ne voit ne viengne;  Ce te deffens.  LE TOURIER  De faire chose qui offens
Je vueil que la soit et se tiengne, Et qu'a li nul ne voit ne viengne; Ce te deffens.  LE TOURIER  De faire chose qui offens
Et qu'a li nul ne voit ne viengne; 750 Ce te deffens. Le TOURIER De faire chose qui offens
Ce te dessens.  LE TOURIER  De faire chose qui offens
LE TOURIER De faire chose qui offens
De faire chose qui offens
Vous face bien me garderay:
D
Dame, entrer ame n'y lairay,
Se Dieux me voie.
L'EMPERERIS 755
Bien. Ralons en par ceste voie,
Ysabel, il est maishuit heure;
Ne vueil plus cy faire demeure,
Assez est tart.
T ?
L'ESCUIER
Egar! il n'est de nulle part 760
Que voie mon seigneur venir:  Ne me pourroie plus tenir
Que n'aille savoir ou peut estre.
Gobert, qu'est devenu mon maistre?
D'.
LE TOURIER 765
Il est, ce vous fas assavoir.

Leens encore.

XXVII

58 c

780

790

L'escuier

Et qu'i peut il faire tant ore Ne si grant piece?

LE TOURIER

Je ne cuit mie qu'il li siesse, Qu'il tient prison.

L'escuier

Prison! las! pour quelle raison Y peut il estre?

LE TOURIER

L'empereris l'i a fait mettre;
Je ne sçay qu'il a entre eulz deux.
Ce seroit grant meschief s'entre eulx
Contens avoit.

L'escuier

C'est bien le rebours : il devoit Toute l'empire gouverner Com regent jusqu'au retourner De l'emperière.

LE TOURIER

Ore il est en ceste manière, Et si m'a deffendu ma dame Que je n'y laisse homme ne femme Venir n'aler.

785 Venir n'aler.

L'escuier

Dont ne pourray j'a li parler, A ce que voy?

LE TOURIER

Non quant a ore, en bonne foy, Dont il me poise.

L'ESCUIER

Je lo donc que de cy m'en voise. Gobert, a Dieu!

LE TOURIER

Aler puissiez vous en tel lieu Dont bien vous viengne!

XXVII	L'EMPERERIS DE ROMME	269
	L'escuier	100
	Je lo bien que plus ne me tiengne	
	Que devers la court ne m'en voise	795
	Savoir quel debat ou quel noise	130
58 d	A fait ou quelle mesprison	
	Mon seigneur qui est en prison;	
	G'y vois sanz moy plus ci tenir.	
	Vez ci mes sire Brun venir,	8.00
	Qui m'en sara trop bien a dire.	
	Dieu vous doint bonne vie, sire,	•
	Et bonne fin!	
	PREMIER CHEVALIER	
	Dieu te doint bon jour, Baudoin!	
	Qu'est ç'? ou vas tu?	805
	L'escuier	
	Je vois conme homs tout abatu	
	De dueil, d'annuy et de courroux.	
	Qu'a fait mon seigneur? savez vous?	
	Je croy qu'oil.	
	PREMIER CHEVALIER	
	Ton seigneur? pour quoy? qu'i a il?	810
	A il que bien?	
	L'escuier	
	Ne cuit pas qu'il ait meffait rien;	
	Mais nientmoins ma dame de fait,	
	Sire, en prison tenir le fait,	
	Si qu'a li nul ne peut aler	815
	Ne ne peut on a li parler,	
	Je vous promet.	
	Premier chevalier	
	Vien t'en : g'iray savoir que c'est	
	The same of the same of the	
	Ma chiére dame, est il ainsi	
	Con m'a dit cest escuier cy,	820
	Qu'en prison son maistre avez mis?	
	Ce doit estre de voz amis	

•		
	Par droit le plus especial,	
	Le meilleur et le plus loyal,	
	Qui seul doit savoir voz secrez;	
825	Si que, s'il a contre voz grez	
	Fait ou dit rien qui vous deplaise,	
	Dame, je vous pri qu'il vous plaise	
	Qu'il soit de vous a mercy pris:	
830	Si en acroistrez vostre pris	
	Et vostre honneur.	
	L'empereris	
	De honte avoir ne deshonnour	59 a
	Me garderay a mon pouoir;	9
	Mais tant vous fas je bien savoir	
835	Qu'il n'en istra mais de sepmaine,	
	Non espoir de cy a quinzaine.	
	Morin, vien avant. Tu l'iras	
	Garder, voire, et si li querras	
	Ce qu'il voulra boire et mengier;	
	Et gardes qu'il l'ait sanz dangier	
840	Et qu'il soit serviz richement;	
040	Mais garde bien songneusement	
	Qu'il n'ysse hors.	
	Premier sergent d'armes	
	Je me lairoie avant du corps	
845	Traire les braz, n'en doubtez pas.	
043	Puis qu'il vous plaist, g'i vois le pas,	
	Ma chiére dame.	
	Premier Chevalier	
	S'il vous pleust, miex fust, par m'ame,	
	Qu'il fust hors mis.	
	L'empereris	
850	S'il ne fust si bien mes amis,	
030	Je ne l'i eusse pas fait mettre;	
	Et se saviez que ce peut estre,	
	Vous diriez autrement, je croy.	
	Baudoin, je vueil qu'avec moy	

XXVII	L'EMPERERIS DE ROMME	271
	Soiez, ne te doit ennuyer;	855
	Et si te fas mon escuier	
	Trés maintenant.	
	L'escuier	
	De ce mot sui bien souvenant.	
	Tresgrans merciz, ma chiére dame,	
	Et je vous serviray, par m'ame,	860
	Tresvoulentiers.	
	L'empereris	
	Or parlons d'el. Endementiers	•
	Qu'ensemble sommes, par esbat,	
	Sire, dites moy sans debat	
	Quelle chose est plus delictable,	865
	Soit damageuse ou prouffitable,	
	A vostre avis.	
	Premier chevalier	
59 b	Vezci que je vous en devis:	
	Celle qui plus de cuer humain	
	Est desirée soir et main,	870
	C'est celle, a ce point cy m'assens	
	Et di selon mon petit sens,	
	Qui plus delicte.	
	La damoiselle	
	Par m'ame, c'est raison bien dicte	
	Et verité.	875
	L'empereris	·
	Or ça, par vostre loyauté,	
	Ysabel, lequel vault miex faire:	
	Parler jusqu'au conmander taire,	
	Ou taire soy et escouter	
	Tant que l'en conmande parler?	880
	Dites le moy.	
	LA DAMOISELLE	
	Selon tout ce que j'en conçoy,	
	Je respons a vostre demande:	
	Taire vault miex tant c'on conmande	

59 c

890

805

900

Parler: car tant c'on s'en abstient, 885 En son pouoir parole on tient, Ce n'est pas doubte.

LE MESSAGIER

Dieu gart la compagnie toute, Et ma dame especialment, Et vous après touz ensement,

Chascun par soy!

L'EMPERERIS

Messagier, bien veignant, par foy! Et voy je bien j'aray nouvelles, Se Dieu plaist, et bonnes et belles. Dy me voir : que fait mon seigneur? J'ay de li veoir fain greigneur

Oue de riens née.

LE MESSAGIER Demain, avant prime sonnée, Sera cy. Faites bonne chiére.

Ce vous mande il, ma dame chiére; Et pour savoir l'estat aussi De vous m'a il envoié cy,

Je vous promet.

L'EMPERERIS

De reporter lui te conmet Oue nous sommes touz sains et druz 905 Et en bon point; et ne dy plus, Fors que le me salueras Et si me reconmanderas

· A sa personne.

LE MESSAGIER Treschiére dame, ains qu'il soit nonne Li sera fait vostre message, Se Dieu me sauve mon langage: G'y vois courant.

L'EMPERERIS Baudoin, vaz me dire errant

XXVII	L'EMPERERIS DE ROMME		273
	Morin que cy mon frére admaine, Et que de venir il se peine Hastivement.		915
	L'escuier Voulentiers, dame, vraiement.		
	Morin, a ma dame venez Et son frére li amenez Sanz demourée. PREMIER SERGENT D'ARMES		920
	Ce vault fait, puisqu'il li agrée.		•
	Sire, je vien a vous parler:  A ma dame nous fault aler,  Qu'elle nous mande.		925
	Le frére Je croy qu'elle me veult l'amande Faire de ce qu'elle m'a fait		
	Tenir prison et sanz meffait Ça, alons y.		
	Premier sergent d'armes Ma chiére dame, vez nous cy A vostre mant.		930
	L'empereris Sanz plus dire, frére, or avant :		
59 d	Faites ce qui vous appartient.  Mon seigneur vostre frére vient;  N'en avez plus de char si près,		935
9	Soiez d'aler encontre engrès, Par quoy s'amour aiez gangnie.		955
	Baudoin, tien li compagnie : Avancez vous. Le frére		
	Dame, dame, si ferons nous.  Avant, Baudoin: suivez moy.  Je ne fineray mais, par foy,		940
	.1V	18	

Tant	que	le	voie.

L'EMPERERIS

Seigneurs, mettons nous touz a voie

D'aler ou mon bon seigneur est:

Chascun en doit estre tout prest.

Puisqu'il vient, je vois a l'encontre.

Qui m'amera, si le me monstre:

Avec moy viengne.

PREMIER CHEVALIER

950 Dame, cuidez vous que me tiengne
Yci, puis qu'aler vous y voy?
Ce seroit deshonneur a moy,

Se le faisoie.

Premier sergent d'armes Jamais, aussi, ne demourroye.

955 Je vois devant.

L'EMPERERIS

Ysabel, venez me suiant. Ces hommes devant nous iront, Qui compagnie nous feront, Et nous après.

Le frére

Mon frére voy de cy bien près :
A li vois, ne m'en tenroit nulz.
Chier sire, bien soiez venuz
En vostre lieu.

L'EMPERIÉRE

Biau frére, bien veigniez, par Dieu!

Grant joie ay quant tout sain vous voi.

Conment le fait, dites le moy,

L'empereris?

Le frére

Dampnez soit son corps et periz! Certes, n'en devez tenir compte : Elle s'est demenée a honte; 60 a

Car brisé a son mariage	
Et son corps a mis a hontage	
Et si a gasté vostre empire,	
Et m'a, ce vous puis je bien dire,	
Tenu jusqu'a ore en prison,	975
Pour ce qu'a sa grant mesprison	•
Je ne m'ay volu consentir,	
N'a son vilain meffait partir:	
Cecy est voir.	
L'emperiére	
Las! je cuidoie d'elle avoir	980
Joie a mon retour d'oultre mer;	9
Mais grant courroux et dueil amer	
M'a, ce m'est avis, pourchacié.	
Ore certes elle a bracié	
La mort pour li.	985
L'empereris	9
Mes amis, je voy la celi	
Qui est mon desir et m'amour.	
Certes a li vois sanz demour.	
Bien veigniez vous, celi que j'aime	
Et qu'a seigneur et espoux claime:	-990
Raison le donne.	990
L'emperière	
Ha! faulse et desloial personne,	
Tu soiez la tresmal trouvée!	
Bien est ta mauvaistié prouvée.	
Certes jamais ne me feras	995
Deshonneur o qu'a honte morras,	33-
Pour tes demerites; c'est droiz.	
Avant, seigneurs! entre vous trois	
Alez, et si m'en delivrez;	
A mort honteuse la livrez,	1000
Si que jamais je ne la voie.	
Menez la ou que soit, hors voie.	
Faites briefment.	

1015

DEUXIESME CHEVALIER L'EMPERIÉRE E! mon treschier seigneur, conment?

C'est vostre femme.

60 b

L'emperiére

Taisiez! fait m'a si grant diffame Que digne n'est pas de plus vivre. Faites que j'en soie delivre

Trestout en l'eure.

Deuxiesme chevalier
Dame, sanz plus faire demeure,
De ci vous en convient venir.
Ne li osons desobeir

Sus! s'en alons.

PREMIER CHEVALIER
Biaux seigneurs, or nous advisons,
Puisqu'elle doit par nous finer,
Qu'en un lieu la puissons mener
Ou nulz n'abite.

BAUDOIN

C'est une parole bien ditte; Mès, mes seigneurs, qui me croira,

Nous irons en ce desert la :

On ne peut miex.

DEUXIESME CHEVALIER
C'est verité, si m'aist Diex:
C'est une deserte gastine,
Et si est près de la marine,
Ou nulz, ce tien, pieça n'ala.
Je lo que nous la menons la,

Pour touz debaz.

Premier chevalier
Soit ainsi : du hault et du bas
Je m'y accors.

L'EMPERERIS
E! vierge, en qui prist humain corps

1020

1025

60 C

Le Dieu qui toute chose a fait, Qui tant en graces t'a parfait Ou'en corps et en ame t'a mis Lassus en son hault paradis. Ou de touz sains es honnourée, 1035 Des anges servie et loée Conme leur dame et leur maistresse: Dame, je qui sui en destresse Et en desconfort sanz mesure, Veez en pitié, vierge pure 1040 Mon amére compunccion Et ma dolente affliccion. Je vov c'on me veult mettre a mort Honteusement, et est a tort; Car onques ne fis le meffait 1045 Dont morir doie ainsi de fait : Pour ce me complain et lamente Et a vous seule me demente. Vierge, que m'ame si curez Oue la joie li procurez 1050 De paradis. DEUXIESME CHEVALIER Avant! mes sire Brun, tandis Que sommes en ceste gastine, Faites que ceste dame fine: Delivrez vous. 1055 PREMIER CHEVALIER Treschier compains et ami doulx Que, certes, je ne me puis mettre 1060

Pitié me fait le cuer tel estre A li touchier. DEUXIESME CHEVALIER

Et toy, Baudoin, avant, fier! Delivre toy.

BAUDOIN Seigneurs, sachiez en bonne foy

	Qui me donroit une conté,	
	Fust la meilleur en verité	
1065	Qui soit de cy jusques au Quaire,	
	N'aroie je cuer de li faire	
	Mal ne hontage.	
	PREMIER CHEVALIER	
	Voir, aussi n'en ay je courage;	
	Pour rien sa mort je ne verroye,	
1070	Ne jamais mal ne li feroye.	
-17	Et si voy je bien qu'il convient	
	Qu'elle muire par nous, c'est nient,	
	Ou pour elle mourir nous fault	
	(Il n'y ara point de deffault)	
1075	Touz trois ensemble.	60 d
	DEUXIESME CHEVALIER	
	Je vous diray qui bon me semble;	
	Et s'il vous plaist, nous le ferons;	
	A celle roche la menrons	
	Qui est assez avant en mer;	
1080	La la lairons. Certes durer	
	Deux jours entiers pas n'y pourra,	
	Que de mesaise la mourra;	
	Et si nous en retournerons,	
	Et a l'emperiére dirons	
1085	Qu'est a mort mise.	
	Baudoin	
	Par ma foy, c'est chose bien prise,	
	Car touz jours y cuert il ourage;	
	Mais aler nous y fault a nage,	
	Vous le savez.	
	D	

PREMIER CHEVALIER
Baudoin, vessel prest avez:
Regardez. Touz quatre ens entrons
Et d'y aler nous delivrons.
Entrez ens, dame.

61 a

#### L'EMPERERIS

Voulentiers. Lasse, povre femme!

De quelle heure fu j'ore née,

Qui vois a telle destinée

Par mort honteuse trespasser?

E! seigneurs, se ne puis passer

Que mon corps ne faille destruire,

Pour Dieu, faites que bien tost muire,

Je vous em pry.

#### BAUDOIN

Or avant: alons sanz destry, Que je vous menray bien trestouz. J'ay fait ce mestier a mes couz

Plus d'an entier.

1105

# L'empereris Ha! dame qui le vray sentier

Des desvoiez es et l'adresse,
Ceste dolente pecheresse
Plaine de desconfort sequeurs,
Et a moy faire ayde aqueurs;
Si te pri, vierge de cuer fin,
Et que m'ame par ceste fin
Puisse tellement affiner
Qu'en la gloire qui sanz finer

Durra puist estre.

1115

1110

DEUXIESME CHEVALIER
Ho! seigneurs, jus la nous fault mettre,
Puis que nous sommes arrivé
A la roche. Dame, estrivé
N'y ait: despoullier vous convient
Puisqu'a ce point la chose vient:

Faire l'estuet.

1120

#### L'EMPERERIS

Seigneurs, puisque autre estre ne peut, A voz grez faire obeiray: Cy dedans me despoulleray.

1125	Haa! emperiére, sire chier,
	Conment m'estes si dur et fier
	Qu'a mort me mettez sanz raison?
	Certes, aucune traison
	Vous a meu, je ne doubt point.
	Ore, amis, Dieu le vous pardoint,
1130	Et je si fas.
	PREMIER CHEVALIER
	Dame, nous ne vous poons pas
	Maishuit avecques nous garder.
•	En ceste roche sans tarder
1135	Vous fault descendre.
	L'empereris
	Seigneurs, puisqu'il m'y fault mort prendre,
	Descendre y vueil sanz nul destry.
	Priez Dieu pour moy, je vous pri,
	Entre vous touz.
	PREMIER CHEVALIER
1140	Piteux vous soit, courtois et doulx,
	Dame, li roys de paradis,
	Qui voz mesfaiz et voz mesdiz
	Vous vueille au jour d'uy pardonner,
	Et gloire a vostre ame donner
1145	Sanz finement!
	Baudoin 61 b
	Amen! Ainsi soit! Alons ment
	Avant qu'orage sourde point,
	Et que nous avons vent a point;
	Je le conseil.
•	DEUXIESME CHEVALIER
1150	Alons: par sohait sur le sueil
	Fussions du palais l'emperiére!
	A Dieu vous disons, dame chiére,
	Qui vous vueille donner confort!
	Prenez en vous bon cuer et fort;
1155	Gardez, pour chose qui vous touche,

Ou'aiez Dieu touz jours en la bouche: C'est vostre miex.

PREMIER CHEVALIER Seigneurs, se me veez des vex Plourer, n'en soiez esbahiz: Pitié m'y fait estre envaiz Oue i'ay, par Dieu.

1160

BAUDOIN

Ho! descendons : vez cy le lieu Ou nous entrasmes.

DEUXIESME CHEVALIER Voire, et ou ceste nef trouvasmes. Cy la primes, cy la lairons; Et a l'emperière en irons, S'en sui creu.

1165

BAUDOIN

Ja ne m'en verrez recreu. Avant: alons.

PREMIER CHEVALIER Mon chier seigneur, nous vous disons 1170 Ou'acompli avons vostre gré, Et s'a esté fait si secré Que jamais parler n'en orrez. Remarier bien vous pourrez Quant vous plaira.

1175

L'EMPERIÉRE

Taisiez vous, Brun; ce ne sera, Que je sache, jour de ma vie. Seez vous. N'en ay point d'envie, Se Dieu m'aist.

610

L'EMPERERIS Lasse! se le cuer m'esbahist. 1180 Qu'en puis je mais, vierge Marie?

Je soloie estre seigneurie Conme souveraine du monde. Et je ne gars l'eure qu'affonde Par force de tempeste en mer. 1185 E! dame en qui n'a point d'amer, Glorieuse vierge pucelle, Regarde en pitié moy t'ancelle; Car, dame, tu es m'esperance, Et en toy seule est ma fiance. 1190 Dame, ne soies de moy loing, Confortes moy a ce besoing, Si que je ne chiée ne verse En ceste fortune perverse. Dame, de grace tresoriére. 1195 Dame, de pitié boutillière, Souche de vertuz et racine, La qui bontez point ne deffine, Dame, qui seule renlumines Et a droit sentier ramaines 1200 Les orphelins desconseilliez Et les esgarez essilliez; Aiez, dame, de moy mercy, Si que je ne perisse cy. Croisie a terre me vueil mettre; 1205 Ne puis de mesaise plus estre Sur pié que j'aye.

#### DIEU

Mére, je voy que trop s'esmaie L'empereris, ce n'est pas doubte; Car souvent la hurte et la boute La mèr et la fiert de mainte onde, Si qu'a bien pou que ne l'afonde. Alez et si la confortez, Et ces herbes cy li portez,

XXVII	L'EMPERERIS DE ROMME	283	
	Qui vertu telle ont et aront Que touz mesiaux qui en buront,	1215	
	Puis qu'ils seront avant confais,		
61 d	De leur mal seront touz sains faiz		
	Et tout purgié.		
	Nostre Dame		
	Puis que c'est par vostre congié,	1220	
	Fil, voulentiers li porteray,		
	Et de ce bien l'enorteray.		
	Or sus, Jehan, mon chier ami,		
	Venez laval avecques my		
	Sanz plus tarder.		
	Saint Jehan	1225	
	Ce qui vous plaist a conmander,		
	Dame, feray benignement.		
•	Vez me cy tout prest: alons ment,		
	Puisqu'a ce vient.		
	Nostre Dame		
	Or sus, anges, il vous convient	1230	
	Touz ensemble de cy partir,		
	Et laval avec moy venir		
	Ou Dieu m'envoie.		
	Premier ange		
	Dame, si irons a grant joie,		
	Et ferons tout vostre plaisir;	1235	
	Car sachiez c'est nostre desir,		
	Vierge royne.		
	DEUXIESME ANGE		
	Michiel, chantons par amour fine		
	Ce rondel cy par leesce.		
	Rondel		
	Humains cuers, de loer ne	cesse	1240
	L'infinie et vraie bonté		
	De la benoite trinité		
	Et de celle en qui, sanz destresse,		
	Li filz Dieu prist humanité.		

1245	Humain cuers, de loer ne cesse
	L'infinie et vraie bonté
	Par qui tu as telle noblesce
	Qu'a Dieu tu as fraternité:
	Donques, pour ceste affinité,
1250	Humain cuer, de loer ne cesse
	L'infinie et vraie bonté
	De la benoite trinité.
	Nostre Dame
	Empereris, pour la durté 62 a
	Que sanz cause as ici souffert,
1255	Et pour la priére qu'offert
	M'as si benigne et si piteuse,
	Merite en aras glorieuse;
	Car en bien touz jours te tenray,
	Et ton hault estat te rendray
1260	Maugré celi qui ce t'a fait,
	Qui chier comperra son meffait.
	Si te diray que tu feras :
	Quant de ton somme leveras,
	Dessoubz ton chief ces herbes pren
1265	Qui moult te vaudront, ce t'apren;
	Car n'iert mesel nul, s'il en boit,
	Mais que vrai confès avant soit,
	Que l'en ne voie et apperçoive
	Que plainement santé reçoive
1270	Tout en l'eure : c'est chose voire.
	Or m'aies touz jours en memoire:
	Je sui la mére Dieu, Marie,
	Qui ci parle a toy conme amie;
	Et si sers mon fil de cuer fin,
1275	Si en venras a bonne fin
	Et acroistras ton nom de fait.
	Mes amis, nous avons cy fait:
	Nous nous en pouons bien raler.
	Or tost, anges, sanz plus parler,

Alez devant.

1280

SAINT JEHAN
Voire, et je vous iray suiant,
Puisque dit l'av.

PREMIER ANGE

Dame, nous ferons sanz delay Vo vouloir, Gabriel et moy. Gabriel, soions, je vous proy, De chanter d'accort en l'adresce.

1285

RONDEL

Par qui es en telle noblesce Qu'a Dieu tu as fraternité: Donques pour ceste affinité, Humain cuer, de loer ne cesce 1290 L'infinie et vraie bonté De la benoite trinité.

62 b

L'EMPERERIS Ha! vierge en qui, par charité, Dieu se fist homme a nous semblable, Quant hui m'estes si secourable 1205 Que par vous sui de mort delivre, Certes, dame, en mon cuer tel livre, Ce vous promet, en escripray Que jamais je ne cesseray De vous loer et gracier 1300 Et vostre doulx filz mercier: N'est ce pas raison et droiture? Quant m'avez pris en telle cure Que, quant je me suis esveillie, En riens ne me truis traveillie 1305 De doleur nulle qu'aie eue : Ains me sens si bien repeue Que, certes, je n'ay soif ne fain. Après ces herbes qu'en ma main Tien m'avez apporté des cieulx : 1310

1325

:330

1340

62 c

Pour ç'a ma bouche et a mes yex Les touche, vierge, en vous louant. E! Diex, une nef voy venant; Ne sçay se cy adressera, Ou se vent aler la fera Ailleurs plus loing.

LE MAISTRE MARINIER
Secourez nous a ce besoing,
Dame des anges souveraine:
A contraire trop fort nous maine
Vent et orage

Vent et orage.

LA DAME PELERINE
Ha! saint Clement, ouquel voiage
Me suis mise et ay empris l'erre,
Vueillez pour nous a Dieu requerre
Que l'orage qui fait abesse,
Et que le vent qui vente cesse,
Si que ne soions ci periz,
Mais par vous tensez et gariz

De mort encorre.

Pour nous de ce peril secorre,
Maistre, pour Dieu, de nous pensons.
En avant de cy ne passons;
Mais d'ancrer, se le conseilliez,
Soions prez et appareilliez
Cy en ce lieu.

L'escuier a la pelerine

LA PELERINE

Delez ceste roche, pour Dieu,
Arrestons sanz plus faire nage,
Tant que soit passé cest orage
Et ce mal temps.

Le maistre marinier Dame, c'est a quanque je tens. Ore c'est fait : en verité, XXVII

62 d

Et ne soufferray a nul fuer C'on vous face ne qu'a ma suer; N'en doubtez pas.

L'EMPERERIS

Sire, avec vous iray le pas 1375 Jusqu'en vostre nef voulentiers: Or me monstrez par quelz sentiers Voulez que j'aille.

> L'ESCUIER A LA DAME Voulentiers, m'amie, sanz faille;

Venez par cy. Sa, celle main! 1380

> Ma dame; avec moy en amain Ceste femme, que j'ay trouvée Luec endroit seule et esplourée. Compté m'a toute s'aventure, Qui est assez dolente et dure; Car noiez sont touz ses amis, Et l'avoit la mer ileuc mis. Si que pour la Dieu amistié, Dame, prengne vous en pitié:

Si ferez bien. 1390

> LA PELERINE E! lasse, suer, vien avan, vien: Ta pitié le cuer m'atendrie. Vez ceste cote et ne detrie, Et te conforte.

> > L'EMPERERIS

Certes, je voulroie estre morte, 1345 S'il plaisoit a Dieu, chiére dame. Je me voy nue et povre femme, Qui ay touz mes amis perdu: Dont se j'ay le cuer esperdu N'est pas merveille. 1400

LA PELERINE Ore, Dieux conforter vous vueille! 63 a

S'il vous plaist avec nous tenir Tant qu'a terre puissons venir, Je vous trouveray sanz dangier, Pour l'amour Dieu, boire et mengier; 1405 Ja n'en doubtez. L'EMPERERIS Dame, vous m'offrez grans bontez; Ne les refuse pas a prendre, Combien que ne les puisse rendre. Dieu les vous rende! 1410 LE MAISTRE MARINIER L'orage est choit, le temps amende: De ci partir nous esconvient. Dame, vent a sohait nous vient; Que dites vous? LA PELERINE Partons donques, mon maistre doulx, Sanz plus cy estre. L'escuier Voire; et si tost que pourrez mettre A terre seche ceste femme. Maistre, pour l'amour nostre dame, Que l'i mettez. 1420 LE MAISTRE MARINIER Il vous sera fait, n'en doubtez, Mon ami, pour l'amour de Dieu, Si tost que je trouveray lieu. Bonne femme, sanz plus attendre Pouez de ceste nef descendre; 1425 Car je voy ville. L'EMPERERIS Je vous mercy plus de cent mille Foiz: c'est raison, dame de pris, Quant tel soing avez de moy pris Que de voz drapz m'avez vestue 1430

Et de voz vivres repeue.

1455

De cy, s'il vous plaist, descendray, Et de vous congié je prendray, Dame gentiex.

LA PELERINE

63 b

Puis qu'il vous plaist, alez; que Diex Tiengne vostre cuer en leesce Et vous amaint a bonne adresce

Et nous si face!

L'EMPERERIS

Le benoit Jhesus, par sa grace,
Vous conduie en telle maniére
Que vous et voz gens, dame chiére,
A port de salut touz vous maint,
Et a grant joie vous ramaint
En vostre lien!

L'ESCUIER A LA PELERINE
A Dieu, m'amie, a Dieu, a Dieu!
C'est grant pitié de li, ma dame;
Car je croy qu'elle ait esté famme
De noble affaire.

LA PELERINE

Voir, elle scet bien c'on doit faire, Et touz jours se tient en simplesce; Ne si n'est mie jangleresse,

Mais parle a point.

LE MAISTRE MARINIER
Dame, se cy plus sommes point,
Je doubt que ne façons que nices;
Tant com le temps nous est propices

Alons nous ent.

La PELERINE
Ja l'acors, sire; ysnellement,
Maistre, nagez.

L'empereris Sire Diex, par qui fu vengiez

XXVII	L'EMPERERIS DE ROMME	291
	Daniel de ses ennemis Qui orent traittié qu'il fust mis Avecques les lions sauvages,	1460
	Sire, et qui des faulx tesmoingnages Des viellars delivras Susanne,	
	Ce dit l'Escripture ancienne; Sire, par ta benignité, Regarde ma neccessité, Car mon miex pourchacier ne say;	1465
63 c	Quelle merveille? apris ne l'ay. Or voy qu'aprendre le me fault,	1470
	Ou j'aray en touz cas deffault. Bien suis cheue en grant dangier; Ne say ou huymais herbergier, N'entre quelles gens je puis estre.	
	recinite quenes gens je puis estre.	
	AND DESCRIPTION OF THE PARTY.	,
	E! dame, pour le roy celestre,	1475
	Ma requeste ne vous ennuit:  Vueilliez moy habergier ennuit	
	Tant seulement.	
	L'ostesse	
	M'amie, si benignement	
	M'en requerez, si com me semble,	1480
	Qu'entre nous deux jerrons ensemble.	
	Dont estes née?	
	L'empereris	
	Ne peut chaloir. Ma destinée M'est trop dolereuse et pesant,	
	Et trop me va le cuer cuisant,	1485
	Ce sachiez, dame.	1403
	L'ostesse	
	Par foy, si me semblez vous femme	
	Estre venue de bon lieu.	
	Dites moy, pour l'amour de Dieu,	
	Dont venez vous?	1490

L'empereris

De mer, ou j'ay mes amis touz Perdu par force de tempeste. Sus une roche conme beste Trois jours entiers, dame, esté ay,

C'onques n'y bu ne ne mengay.

La vint d'aventure une dame,

Que Dieu gart en corps et en ame,

Qui en sa nef m'en admena

Et ceste robe me donna,

Car nue estoie en ma chemise; Et puis ay esté par li mise Jus a ce port.

L'ostesse

M'amie, mettez en deport

Les maux qu'ore avez par fortune;

Car aux uns est dure et enfrune,

Doulce aux autres, par verité.
En li n'a point d'estableté:
Souvent honneur amaine a honte.

Et il appert bien par le conte

De ce pais, qu'elle a batu
Et tellement jus abatu
Par force de mesellerie
Qui jamais ne sera guerie
Que de touz le fait desdaingnier;

Nulz ne le veult mais compaignier, Tant est lait mesel devenuz; S'estoit il preudomme tenuz,

Vaillant et sage.

L'EMPERERIS

Dame, sachiez de son malage
Bon conseil et brief li donrroie,
S'il faisoit ce que je diroie,
Je vous plevis.

63d

XXVII	L'EMPERERIS DE ROMME	293
	L'ostesse	
	Si vous feroit riche a devis,	
	Dame, se par vous estoit sain.	
	A li vous menray par la main,	1525
	Se vous voulez.	
	L'empereris	
	Il me plaist; mais devant alez:	
	Je vous suivray.	
	L'ostesse	
	Voulentiers, suer, par Dieu le vray.	
	Alons, esgardez, vez le la.	1530
	Mon chier seigneur, conment vous va,	
	Ne quelle chiére?	
	LE CONTE MALADE	
	Mauvaise, voir, m'amie chiére;	
	Mon mal de jour en jour empire.	
	Si pleust a Dieu nostre sire,	1535
	Mourir voulsisse.	
	L'ostesse	
	Pour Dieu, sire, de vous plus n'isse	
	Tel parler; mais prenez leesce:	
,	Je vous amain une maistresse	
64 a	Qui de ce mal vous gairira,	1540
	Se faites ce qu'elle dira,	
	Ce vous promet.	
	LE CONTE	
	Se de moy garir s'entremet,	
	Je li donrray, par verité,	
	S'elle veult, demi ma conté;	1545
	N'en soit doubtant.	
	L'EMPERERIS '	
	Sire, je n'en prendray pas tant :	
	Pour Dieu sera ce qu'en feray;	
	Et dès maintenant vous diray	~ ~
	Qu'il vous fault faire.	1550

LE CONTE Dites, m'amie debonnaire, Vostre voloir

L'EMPERERIS

Sire, un prestre vous fault avoir A qui de cuer vous confessez, Et dites tout, riens n'y laissez, Qu'autrement vous feriez neent, S'un tout seul a vostre escient Laissiez a dire.

LE CONTE

Dame, ne le prenez en ire. Avant un po que venissiez, 1560 Par confession adressiez M'estoie, se Dieu me doint joie, Au miex que faire le savoie, De touz les meffaiz que fis onques, Dont me souviengne jusqu'a donques 1565

Que cy venistes.

L'EMPERERIS S'il est ainsi conme vous dites, Je le verray isnel le pas. Sire, ne vous decepvez pas,

Gardez vous bien.

LE CONTE En verité, je n'y sçay rien Oue n'aie dit.

L'EMPERERIS

Yci destrempe l'erbe.

Bien est. Souffrez vous un petit: Je saray tost s'il est ainsi. Tenez, sire; or buvez cecy,

Et l'avalez.

L'ostesse

De vostre vis s'en est alez, Sire, pour certain tout le mal:

1570

1575

64 b

L'EMPERERIS DE ROMME	295
N'avez mais n'amont ny aval	
Vessie nulle ne bocete;	1580
Mais la char avez aussi nette	
Con s'elle fust née nouvelle.	
Par m'ame vez cy cure belle	
Et noble et haulte.	
LE CONTE	
Dame, vous avez bien sanz faulte	1585
Desservi que vous amendez	
De moy. Or avant! demandez:	
Que voulez vous avoir de moy?	
Puisque sain et gari me voy,	
Voir, vous l'arez.	1590
L'empereris	
Sire, de ce fait loerez	
Jhesu Crist et sa doulce mére,	
Qui de ceste doleur amére	
Vous ont gari si nettement;	
Je n'en vueil autre paiement,	1595
Ne droit n'est pas, car ce vient d'eula	٤.
Belle hostesse, alons men nous deux	
En vostre hostel.	
L'ostesse	
Alons, m'amie, il n'y a el.	
Sire, nous en alons ensemble:	1600
Faites li bien, se bon vous semble:	
Elle est estrange et povre femme;	
Pour Dieu l'ay hebergié, par m'ame,	
Ne sçay quans jours.	
LE CONTE	
Je la feray riche a touz jours,	1605
Ne vous en doubtez pas, m'amie;	
Et vous n'en empirerez mie,	
Je vous promet. A brief parler,	
Gardez ne l'en laissiez aler	
Tant qu'aie a vous deux presenté	1610

XXVII

64 c

Ce qui est en ma voulenté De vous donner.

L'OSTESSE

Nanil, mon seigneur, sanz doubter, Mais qu'elle vueille.

LE FRÉRE A L'EMPERIÈRE 1615 Las! mesellerie m'accueille Trop griément, mais m'a accueilli. Je voy li pié me sont failli: Ne peuent mais porter mon corps, Qui de pourreture est si ors; Et si puante est ma charongne 1620 Qu'il n'est mais nulz qui ne m'eslongne, Ne nulz ne se veult vers moy traire. Las! chetif! que pourray je faire? Trop grief m'est ceste maladie, Quant nulz ne truis qui ne me die 1625 Que n'en puis avois garison Pour mecine ne pour poison Que puisse prendre.

L'EMPERIÉRE
Or sus, biaux seigneurs, sanz attendre,
1630
Je vueil mon frére aler veoir,
Et savoir se riens pourveoir
Li puis qui vaille.
LE DEUXIESME SERGENT D'ARMES
Sire, avec vous irons sanz faille
Entre nous touz.

L'emperière
1635 Frère, conment le faites vous?
Dites le moy.

XVII	L'EMPERERIS	DE	ROMM
		-	

### Le frére

Mon seigneur mon frére, par foy, Ma maladie est si honteuse C'onques mais de si dolereuse Lepre ne fu homme batu. De touz poins m'a si abatu. Oue je ne cuit de cy lever. J'av grant doubte de vous grever : Pour Dieu mercy, ne m'aprouchiez:

1640

De pueur sui touz entechiez Envenimée. 1645

L'EMPERIÈRE

Et pensez vous qu'il soit riens née Qui vous vaulsist?

LE FRÉRE

Il n'est nul qui m'en garisist, Ce m'ont dit les cirurgiens; Et aussi les phisiciens Me tesmoingnent pour veritable C'est maladie non curable

1650

1655

De sa nature.

LE MESSAGIER

Le Dieu qui toute creature Fist au conmencement du monde Vostre honneur acroisse et habonde.

Mon seigneur chier.

L'EMPERIÉRE

Or ça, conment va, messagier, De ton voiage?

1660

LE MESSAGIER

Chier sire, pour vostre messaige Faire, sachiez de verité J'ay jusques a Naples esté. La, sire, au roy Robert parlay Et la voz lettres li baillay, Lesquelles il reçut a joie;

1665

64 d

Et aussi ceulx ci vous envoie, Et a vous moult se reconmande, Et moult de foiz salut vous mande Et amistié.

1670

L'EMPERIÉRE

Frére, pour Dieu, et pour pitié, S'on ne peut reméde en vous mettre Et qu'ainsi le dient ly maistre, Prenez en vostre pestillence Bon cuer et bonne pascience;

1675

Je vous em pri.

Le frére Sire, a voz grez faire m'ottry, Tant com pourray.

LE MESSAIGIER

Encore un po parler voulray,
Sire, mais que ne vous desplaise.
Je vous voy assez a mal aise
Du mal que vostre frére porte,
Et ce forment vous desconforte
Que nul ne li scet procurer

Chose dont il la puist curer

Chose dont il le puist curer Ne qui sa maladie sanne. Sire, en la conté de Celanne,

De Malepel ne de Fondi, N'a mais nulx mesiaux, ce vous di;

Touz sont gariz par une femme
Qui la est, c'on tient sainte dame.
Nis le conte de Malepel,
Qui estoit droit pourri mesel,
A ellegari tout a plain

Et rendu tout net et tout sain; Ç'ay je veu.

Premier chevalier
Mon seigneur, se j'en sui creu,
Tout en l'eure la manderez

XXVII	L'EMPERERIS DE ROMME	299
	Et devers elle envoierez	
	Certain message.	1.500
	L'emperiére	1700
	Je vous tien de ce dire a sage,	
	Et si feray je maintenant.	
	Messire Orry, venez avant:	
	Alez vous ent, sanz cy songier,	,
	Ou vous menra mon messagier;	1505
	Et faites tant, que qu'il aviengne,	1705
	Que celle dame avec vous viengne	
	Dont m'a parlé cy en present.	
	Faites li d'avoir un present	
	Grant, bel et riche.	1710
	LE CHEVALIER	1/10
	Sire, je n'en seray pas chiche.	
	Alon men; je ne fineray	
	Tant qu'amenée cy l'aray,	
	Se Dieu m'ament.	
	L'emperiére	
65 b	Frére, tenez vous liement;	1715
	Se Dieu plaist, assez brief arez	1/13
	Ce par quoy tout gari serez:	
	C'est m'esperance.	
	Le frére	
	Elas! frére, j'ay grant doubtance	
	D'avoir fortune si contraire	1730
	C'on ne puist cette dame attraire	1/30
-	A cy venir.	
	L'emperière	
	Or n'aiez plus tel souvenir,	
	Qui ne vault preux.	
	The Later Contract of the	
	LE MESSAGIER	
	Celle qui garist les lepreux,	1725
	Messire Orry, monstrer vous vueil:	- / 23
	Je la voy clérement de l'ueil:	

65 c

Vez la la, sire.

DEUXIESME CHEVALIER

A li vois parler, par saint Sire, Puis que tu me diz que c'est elle. Honneur et joie, damoiselle,

Vous soit donnée.

L'EMPERERIS

Sire, et Diex bonne destinée Vous doint aussi.

DEUXIESME CHEVALIER

Dame, a vous m'a envoié cy Le noble emperière de Romme; La cause vous diray en somme : Son frère est du mal si attaint De lepre qu'il est tout destaint,

Et a ja le corps si pourry

Que ceulx mesmes qu'il a norri

Le redoubtent a approuchier;

Et l'emperière, qui l'a chier,

Si est enfourré par parole

Si est enfourmé par parole, 1745 Ainsi com renommée vole, Que vous garissez de tel mal:

Si vous depri, franc cuer loyal, Ne vous faites pas plus requerre.

Quant tel seigneur vous mande querre, 1750 Venez a li.

L'empereris

Sire, onques Dieux ne me failli; Tant po conme j'ay me souffist (Loez soit celui qui me fist!), N'onques ne fu de cy a Romme;

N'onques ne fu de cy a Romme;
Avecques ce je n'ay point d'omme
En qui du tout fier m'osasse,
Fust que voulentiers y alasse;
Je vous dy voir.

65 d

DEUXIESME CHEVALIER	
Dame, ne vous doubtez d'avoir,	
Se venez en ma compagnie,	1.760
Tant soit petit de villenie:	1760
Je vous jur com bon chevalier,	
Ains me lairay vif destaillier	
Que mal aiez.	
L'empereris	
Ore puis qu'ainsi m'apaiez,	65
A vostre dit m'assentiray	1765
Et ce que requerez feray.	
Alons men, sire.	
DEUXIESME CHEVALIER	
Messagier, va t'en devant dire	
C'on face bonne chiére et haulte,	
Que briément serons la sanz faulte	1770
Moy et la dame.	
LE MESSAGIER	
Sire Orri, voulentiers, par m'ame,	
G'i vois courant.	
Le frére	
Elas! trop me va demourant	~
La mort quant a fin ne me livre,	1775
A ce que je fusse delivre	
De ceste angoisse.	
LE MESSAGIER	
Sire, Diex en vous joie croisse	
Et en vous, sire, qui ce lit	0 .
Gardez, voire a po de delit	1780
N'y a plus, faites bonne chiére.	
La sainte dame, non pas fiére	
Qui, se Dieu plaist, vous garira	
Assez briement ici sera:	25
Je vous denonce qu'elle vient,	1785
1 101119	

1795

T800

1805

Et moult humblement se maintient En touz estaz.

L'EMPERIÉRE

Je lo c'on voit isnel le pas

Faire le savoir au saint pére,

Afin qu'il voie et qu'il appére

Que n'euvre pas de mauvais art.

Messire Brun, que Dieu vous gart!

Alez li dire.

PREMIER CHEVALIER
Voulentiers; d'aler y, chier sire,
Vueil faire en l'eure diligence.

A vostre sainté reverence,
Saint pére, de par moy soit faitte.
Je vous vien dire, s'il vous haitte,
Que celle dame vient bonne erre
Qu'est alé mes sire Orry querre;
Ce vous fait mon seigneur savoir.
Et, s'il vous plaist, venrez veoir
Conment sur son frére ouverra,
Et se santé recouverra

Par son ouvrage.
LE PAPE

Biau filx, j'iray de bon courage; Car onques mais de creature, Fors que Dieu, qui feist tel cure N'oy parler.

PREMIER CARDINAL
Je tien que nul n'en peut sanner
Sanz grant grace de Dieu avoir.
Saint pére, alons y pour veoir
Ou'elle fera.

DEUXIESME CARDINAL
Alons; certes, ce ne sera
Que bien a faire.

1810

1815

### LE PAPE

Biaux seigneurs, en grace parfaire Vous vueille Dieu de paradis, Et voz meffaiz et voz mesdiz

Touz vous pardoint!

Saint pére, et il vie vous doint Bonne pour l'ame!

LE PAPE

Ore venra par temps la fame Qui vostre frére doit garir? J'ay d'elle veoir grant desir, Par bonne foy.

LE MESSAGIER

Mes seigneurs, sachiez la la voy Ou elle vient tout bellement, Et mes sire Orry ensement

Qui la costoie.

L'emperière

Saint pére, par foy, je doubtoie Qu'elle ne venist pas si tost. Or nous souffrons de dire mot

Tant qu'elle viengne.

DEUXIESME CHEVALIER
Dame, s'en grace Dieu me tiengne,
Le pape et l'emperière ensemble
Pouez la veoir : il me semble

Qu'il nous attendent.

L'EMPERERIS

Au main les faces vers nous tendent; Sire, je croy que dites voir. Alons faire nostre devoir

D'eulx saluer.

DEUXIESME CHEVALIER
Diex de sa grace esvertuer

1820

1825

1830

1835

1840

4)		
1	0	A
J	U	4

## MIRACLE DE

XXVII

66 b

	Vueille toute la compagnie
1845	Que je cy voy acompagnie,
•	Tant noble et digne!
	L'empereris
	Celle qui des cieulx est royne
	Vous soit amie et près et loing,
	Mes seigneurs, et a grant besoing
1850	Secours vous face!
	Le frére
	Chiére dame, par vostre grace,
	Quant cy pour moy estes venue,
	Vostre aide sanz attendue
	Me monstrez, dame.
	L'EMPERERIS
1855	Voulentiers, mon ami, par m'ame.
	Mais avant deux moz vous diray:
	De tel mal qu'avez, c'est tout vray,
	Nulz a droit santé ne recuevre,
	Se Dieu de sa grace n'y euvre;
1860	Ne nul ne peut sa grace avoir
	Tant con soit en pechié, c'est voir.
	Si vous diray que vous ferez :
	Touz voz pechiez confesserez
	De cuer contrict et repentant.
1865	Quant l'arez fait, je feray tant,
	Après la grace Dieu premiére,
	Qu'a santé revenra entiére
	Tout vostre corps.
	Le frére
	Certes, dame, je m'y accors,
1870	Mais qu'aie prestre.
	LE PAPE

Penancier, alez vous la mettre, Pour l'escouter.

Premier cardinal Voulentiers, sire, sanz doubter.

L'EMPERERIS DE ROMME	305
Or dites ce qui vous plaira,	
Sire; je sui qui vous orra	1875
Benignement.	10/3
Le frére	
Chier sire, a Dieu premiérement	
Et a touz sains et toutes saintes.	
Dont il y a plusieurs et maintes,	
Et a vous me rens je confès	1880
De touz mes mesdiz et meffaiz	1000
C'onques fis; et premiérement	
Ho! parler vueil plus bellement,	
Que nul ne m'oye mais que vous.	
Je le feray, biau pére doulx,	1885
Tresvoulentiers.	1003
Cy fait semblant de confesser, et l'autre de don	200
l'absolution.	1101
PREMIER CARDINAL	
Dame, or vous plaise, endementiers	
Qu'il est vray repentant confès,	
Qu'aucun reconfort li soit faiz,	
Dame, par vous.	. 000
L'EMPERERIS	1890
Tenez, buvez, mon ami doulx;	
Par ce boire ci sanz respit	
Saray se vous avez tout dit,	
Vous confessant.	
Le frére	
Las! mon mal m'est plus angoissant	1895
Qu'avant ce que fusse a confesse;	1095
Par ce buvrage point ne cesse	
Ne po ne goute,	
L'EMPERERIS	
Mes seigneurs, je vous dy sanz doubte	
Que il meismes s'est deceu.	1000
Certes, aucun pechié teu	1900
Avez, amis, a confesser,	
,	

T. 1V

XXVII

66 c

Qui vostre mal tolt a cesser, Je n'en doubt mie.

LE FRÉRE

Est ce pour cela? Voit, m'amie,
Ainsi come il pourra aler;
Car j'ay plus chier, a brief parler,
Pourrir en ceste maladie
Et mourir que ce que je die
A nul homme, je vous promet,

Une chose qui ou cuer m'est

Mise et reposte.

L'EMPERERIS

Et c'est ce qui santé vous oste. Je vous dy vous ne garirez Jusques a tant que dit l'arez: N'en doubtez point.

LE FRÉRE

Or demeure donc en ce point, Qu'en cest estat mourir pourray; Mais ja ne le revelleray

A homme né.

L'EMPERIÉRE

Frére, je vous voi mal sené, Qui amez miex ainsi morir Que vostre pechié regehir. Hé! pour Dieu, avisez vous, frére;

1925 Ostez vous de ceste misére:

Metez tout hors.

Se vous ne perdez que le corps, Biau filz, il ne pourroit chaloir ; Mais de l'ame perdre voloir

Qui est faicte a la Dieu ymage,
Vraiement, c'est trop grant damage;
Et s'elle va a dampnement,
Si fera le corps ensement,

66 d

1930

Que la feistes a mort mettre

Car elle estoit pure inocent :

Sanz raison et d'onneur demettre;

1980

1985

1990

Et pour ce me juge et concent
1970 A morir de mort trescruelle,
Conme escorchier, ardoir ou telle
Com vous direz.

L'empereris
Ore, amis, cecy buverez,
Se vous avez tout confessé.
Gardez que riens n'aiez laissé
Ne retenu.

Le frére Voir, de riens ne m'a souvenu Que n'aie dit.

L'EMPERERIS
Or buvez donc sanz contredit
Hardiement.

LE PAPE
Dame, je tien hardiement
Que Dieu vous ayme, et il appert
Quant de tel mal si en appert
L'avez gari.

Premier Cardinal
Il li doit bien estre meri :
C'est noble fait.

DEUXIESME CARDINAL
Certes, Diex pour la dame fait
Miracles, ce n'est mie doubte,
Quant tel mal garist et hors boute
Si bien et bel.

L'EMPERIÉRE
Ha! frére, conment fuz tu tel
Que pensas telle tricherie
Pour acomplir ta lecherie?
Bien m'as fait de sens esperdu
Quant j'ay par toy celle perdu
Qui si m'estoit bonne et entiér

Bien m'as fait de sens esperdu Quant j'ay par toy celle perdu Qui si m'estoit bonne et entiére, Qui estoit la grant aumosniére,

67 b

Oui les povres Dieu soustenoit, Oui les bons conseulz me donnoit

A mon besoing.

2000

L'EMPERERIS

Mon chier seigneur, je suis de loing, Si m'en vueil raler en ma terre. Pour ma paine vous vien requerre. Sire, et en satisfacion Oue vous faciez remission Vostre frére et lui pardonnez Son meffait; et ne me donnez

2005

Autre salaire.

L'EMPERIÉRE

Dame, coment le pourray faire? Je ne scé, se Dieu me sequeure. Mourir voulroie bien en l'eure

2010

Cy devant vous.

L'EMPERERIS

De vous courroucer, sire doulx, Tellement n'est pas bon, par m'ame. Se perdu avez une femme, Cent en arez, se vous voulez; Ne scé pour quoy vous adolez

2015

2020

Par tel manière.

L'emperière

Que dites vous, m'amie chiére? J'ay perdu m'onneur et ma joie; Car, certes, la meilleur avoie Qui onques fust née de mére : Si en suis en doleur amére Que pour elle despis et hé Moi, mon empire et quanque j'é; 2025 Et voy bien que par ses amis J'en pourray estre a essil mis

Et a nient.

2045

2050

2055

### L'EMPERERIS

Treschier sire, puis qu'a ce vient,
Dites moy: et l'amiez vous tant
Com vous en faites le semblant,

67 C

Se Dieu vous voie?

L'emperière

Oil; et faire le devoie, Dame, tant pour les grans honneurs Conme aussi pour les bonnes meurs Ou'en li avoit.

L'EMPERERIS

Je vous dessens, conment qu'il voit, Maishuy devant moy le plourer; Je ne le puis plus endurer.

2040 Chier sire, je sui vostre amie;
Ne me recognoissez vous mie?
Or me regardez bien en face.
Dieu m'a sauvée par sa grace
Et la dame de majesté

En quel garde j'ai puis esté

Par sa doulceur.

Ma chiére compaigne, ma seur, M'amour, mon solaz, or sui j'aise Quant je te voy. Baise moi, baise,

L'EMPERIÉRE

Et si m'acole.

Cy se pasment.

LE PAPE

De joie ont perdu la parole Touz deux et sont en paumoisons: Alons et si les relevons

Ysnellement.

Premier CHEVALIER
Bien dites, sire, vraiement;
Alons a eulx.

#### LE PAPE

Or sus, de par Dieu! sus, touz deux!
C'est assez jeu.

### L'emperière

Saint pére, esté ay deceu.

Vez cy l'empereris ma femme, 2060

Que ne congnoissoie, par m'ame.

Loée en soit la trinité!

Pour Dieu, conment vous a esté

Depuis, m'amie?

# 67 d

# L'empereris

Je ne vous en mentiray mie, 2065 Mais vous compteray verité. J'ai puis eu trop povreté; Car, quant a vos gens me baillastes Et pour mettre a mort me livrastes, Touz furent de si bon affaire 2070 Ou'il ne m'endurérent mal faire. A une roche me menérent. Dedans la mer, ou me laissérent ; De la ne pouoie bougier. La fu je trois jours sanz mengier 2075 Et de la mer tant debatue Que je chay toute abatue Sur la roche, et la m'endormi. La vint, ainsi que fui en mi Mon somme, la dame des cieulx, 2080 Qui me reconforta trop mieulx Que je ne vous pourroie dire, Et me donna les herbes, sire, Dont j'ay puis gari maint mesel. A ce tiers jour vint un vaissel 2085 De bonnes gens qui me levérent Et avec eulx m'en amenérent Et me mistrent a seche terre. Ainsi depuis j'ay fait mainte erre

2120

Par le pais ou j'ay hanté;
Que j'ay ramené a santé
Touz les mesiaux quanque en trouvoie,
Si tost qu'a boire leur donnoie
Un po de l'erbe digne et chiére
Que m'apporta la tresoriére
De grace de son paradis
Et que mist soubz mon chief tantdis
Que je dormoie.

LE PAPE

Vez cy grant pitié et grant joie
Et un miracle solempnel.
Or entendez, il n'y a el:
Ensemble touz nous en irons
En mon palais, et la ferons,
Puis que je voy la chose telle,

68 a

Feste solempnel, grant et belle.
Alons men, ci plus n'arrestons;
Mais je vueil qu'en alant chantons.
Mes clercs voulsisse ici avoir,
Si que feissent leur devoir

2110 De bien chanter.

Premier sergent d'Armes
Je les vois querre sanz doubter;
Sire, tost les feray venir.

Seigneurs, sanz vous plus ci tenir Venez vous ent tost au saint pére : Il veult que chantez a voiz clére Devant li touz.

LES CLERS

Si chanterons, mon ami doulx, Tresvoulentiers.

LE PAPE


Savez qu'il est, mes amis chiers?
Nous avons touz cause de joie:

Si que chantez tant c'on vous oie, Car je le vueil.

L'un des clers
Sire, nous ferons vostre vueil
Benignement: il est raisons.
Sus: d'accort ensemble disons
Ce motet cy.

Explicit.

2125



# XXVIII

MIRACLE

DE

OTON, ROY D'ESPAIGNE

#### PERSONNAGES

L'emperière LOTAIRE OSTON OGIER, PREMIER CHEVALIER DEUXIESME CHEVALIER LE MESSAGIER Roy Alfons PREMIER CHEVALIER ALFONS DEUXIESME CHEVALIER ALFONS LOTAR, SERGENT D'ARMES ERNAUT, PREMIER BOURGOIS DEUXIESME BOURGOIS TROISIESME BOURGOIS QUATRIESME BOURGOIS DENISE, LA FILLE Roy de Grenade MUSEHAULT SALEMON LA DAMOISELLE ESGLANTINE BERENGIER DIEU NOSTRE DAME GABRIEL MICHIEL SAINT JEHAN LES CLERS

Ec est voluntas Dei sanctificacio vestra, prima 68 c dire que chascun doit voulentiers faire ce qui peut a son maistre plaire, maismement quant c'est chose honneste et bonne. Ceste loy tenoit David qui dit: In capite libri scriptum est et cetera: Sire Diex, il est escript ou chief de mon livre que je face ta volunté et je l'ay volu. Et pour ce saint Pol, appellé au service de nostre seigneur, enquist de la bonté de lui en disant : Domine, quid me vis facere: Sire, que veulx tu que je face? Il enquist conme novice, mais il, envielli ou service de Dieu, respont aux paroles proposées, et dit a un chascun de nous : Hec est voluntas Dei, etc. : C'est la voulenté de Dieu nostre seigneur : sanctifficacion. Or notons ici combien nostre sanctifficacion est de Jhesu Crist affectée et desirée, a quoy aussi elle est ordenée, et tiercement par quoy elle est a perfeccion menée. Chiére gent, je dy que nostre sanctifficacion est de Dieu desirée, se nous considerons a quelle paine et coux elle fu par Jhesu Crist reparée, conment par grant estude elle fu proclamée et con glorieusement elle fu et est de Jhesu Crist remunerée. Conment fut elle par Jhesu Crist a chiers coux reparée? conment? car pour elle reparer il espandi son precieux sanc; dont l'appostre dit, Hebreis 111º : Jhesus a ce qu'il saintiffiast le peuple, il a souffert mort hors de la porte, c'est assavoir hors de Jherusalem. en quoy nous appert de son sanc espandu l'auctorité, de l'effusion de ce sanc le conmun proffit et utilité, et de ceste effusion la detresce et l'aigreté. Je dy qu'il nous appert

respectful towards and many that there have been been as

A street about a service of the service of the service of the service of

de son precieux sanc espandu l'auctorité: pour ce est il appellé Jhesus, qui vault autant a dire conme sauveur; 68 d car ce qu'il peust avoir fait par un sien sergent il fist par li meismes, dont il dit Levitici xxº: Custodite precepta mea, etc.: Gardez, dit il. mes conmandemens et les faites. car je sui le seigneur qui vous saintiffie. Après je di que nostre sanctifficacion fu par grant estude proclamée, car il ne souffist pas au benoist Dieu ce que par les sains péres il nous a a ceste sanctifficacion appellez, mais il personelment nous crie et recrie Levitici xxº: Sanctificamini, etc.: Soiez saintiffiez et sains, car je suis vostre seigneur et vostre Dieu, qui sui saint, et pour ce nous dit saint Luc, Luce po: Serviamus illi in sanctitate et iusticia, etc.: Servons en sainté et en justice devant Dieu touz les jours de noz vies; et a ce nous admonneste saint Pol qui nous prie que chascun sache son vaissel, c'est a dire son cuer, tenir et posseder en sainté. Aussi di je qu'il appert conment nostre sanctifficacion est glorieusement de Dieu remunerée; glorieusement, certes voire, ainsi conme il nous promet par le prophète, Ezechielis xxº: In omnibus sanctificacionibus nostris in odorem suavitatis suscipiam vos cum eduxero vos de populis et congregabo vos: Quant je vous arai mis hors des peuples, je vous assembleray et vous recevray en odeur de soueveté en toutes voz sanctificacions. Or pensons ici con glorieusement li saint sont de Dieu guerredonné: il sont de Jhesu Crist de ce monde ou ciel mené. Pour ce dit il: Cum eduxero. La recoit il son peuple en exultacion et ses esleuz en odeur de soueveté, car aussi come les corps sont encensez a l'entrée de leur sepulture, aussi les saintes ames de gloire celestienne sont encencées en l'odeur de soueveté, et ceste odeur est sur toutes autres odeurs : car elles sont assemblées et acompagniées a la glorieuse vierge Marie, a touz les anges et les sains. Pour ce dit il : Congregabo vos, et c'est ceste congregacion dont il est dit: Congregate illi sanctos ejus. A ceste congregacion nous

15

vueille mener ille qui est benedictus in secula seculorum. Amen.

Cr conmence un miracle de Nostre Dame, conment Ostes, roy d'Espaingne, perdi sa terre par gagier contre Berengier qui le tray et li fist faux entendre de sa femme, en la bonté de laquelle Ostes se fioit; et depuis le destruit Ostes en champ de bataille. 60 a

> L'EMPERIÈRE LOTAIRE Ostes, biau niez, quant me pren garde De vostre estat, et vous regarde Qu'estes sanz compaigne et sanz hoir, Et que femme soliez avoir De renom, de los et de pris, Que mort, ce scet chascun, a pris, Il m'ennuie et moult me deplait : Si vous conseil, niez, a court plait, Remarier.

> > OSTES

Sanz desdire ne varier. Chier oncle, a vostre voulenté, N'en ay pas moult entalenté Le cuer; n'aussi pour ore dame N'ay je pas avisé qu'a femme, Sire, preisse.

L'EMPEREUR J'en sçay une trop bien propice.

35

Ostes niez, que nous irons querre;
Aussi me faut il avoir guerre
A son pére, qui tient Espaigne.
Se le royaume pren et gaigne,
La fille a femme vous donrray,
Et d'Espaigne roys vous feray
Et lui royne.

69 b

### OSTES

Puis qu'a ce vo vouloir s'encline, Je m'i assens, chier sire, aussi. Quant voulrez vous partir de ci Pour y aler?

L'EMPEREUR

Tout maintenant, sanz plus parler;
Car il a ja, ce vous denonce,
Plus d'un mois qu'ay fait ma semonce,
Si ay ja devant biaucop gent:
Pour c'estre me fault diligent

D'aler après.

Premier chévalier

Et nous vous suivrons de si près,
Chier sire, n'en aiez ja doubte,
Que nous serons de vostre rote
Touz jours premiers.

L'EMPEREUR

Or vous mettez, mes amis chiers, Donques a voie.

DEUXIESME CHEVALIER
Sire, je lo que l'en envoie
Au roy d'Espaigne un mès bonne erre,
Qui lui signiffie que guerre
Avez a li, et qu'il se gart
De vous, et qu'en quelconque part
Que li pourrez faire grevance,
Ly monstrerez vostre puissance.

Ce point conseil.

OTON, ROY D'ESPAIGNE	321
L'empereur	
Et je m'y assens et le vueil	
Messagier, ça vien. Tu iras	
Au roy d'Espaigne, et li diras	50
Que pour le courrouz qu'il m'a fait	
Je l'iray guerroier de fait	
Tellement et si envair	
Qu'il s'en pourra moult esbahir;	
Et li di que je le defy,	55
Et de tout son pouoir dy fy	
Contre le mien.	,
Le messagier	
Mon chier seigneur, je vous dy bie	n
Que, se Dieu trouver le me lait,	
Poson qu'il li soit bel ou lait,	60
En la fourme que le me dites	
Li diray, tant qu'en seray quittes.	
G'y vois en l'eure.	
Premier chevalier l'emperière	
Sanz plus faire cy de demeure,	
Nous poons d'aler avancier,	65
Si que lors que du messagier	
Pourrons certainement savoir	
Qu'il ara fait tout son devoir,	
Que tantost sanz terme n'espace	
Sur Espaigne la guerre on face,	70
Et prengne l'on chastiaux et villes	
Et n'espergne l'en filz ne filles,	
Bestes ne biens.	-
L'emperière	
Certes, on n'espergnera riens.	-5
Le feu partout bouter feray Ou rebellion trouveray.	73
Mouvons maishuy.	
Mouvous maisnuy.	

XXVIII

69 c

69 d

	Le messagier l'emperière
	Conme messagier que je sui,
	Roy d'Espaigne, vous vien retraire
80	De par l'emperiére Lothaire
	Qu'assaillir venra vostre terre
	Et vous mouvera si grant guerre
	Qu'il vous toldra vie de corps,
	Ou de ce pais fuirez hors.
85	Desci vous dy pour li sanz faille
	Vostre pouoir ne prise maille,
,	Nom pas la fueille d'une ronce :
	De par lui ceci vous denonce,
	Et vous deffie.
	Roy Alphons
90	Il ne m'ara pas, quoy qu'il die,
	Si ligiérement come il pense;
	Car je metteray diligence
	En moy garder.
	Le messagier l'emperière
	Ne vous est mestier de tarder.
95	Certes, mal l'avez courroucié:
<i>y</i> -	De moy vous est pour li nuncié
	Hardiement.
	PREMIER CHEVALIER ALFONS
	Dya! que tu parles haultement!
	Et si es en nostre dangier:
100	Se tu ne fusses messagier,
	Poins fusses d'un tel esperon
	Qu'il ne te faulsist chapperon
	Jamais avoir.
	Arnove

ALFONS

Com messagier fait son devoir; Gardez que vous ne l'atouchiez Mon ami, bien vueil que sachiez Quant l'emperière m'assauldra, Le pais si me deffendra

1.50

De voz bourgois de ceste ville,

A qui vous lairez vostre fille
A garder (il y sont tenuz)
Tant que vous soiez revenuz,
En leur disant sur toutes choses
Qu'il tiengnent bien leurs portes closes
Et que nul n'y viengne ne voit
Que l'en ne sache qui il soit
Et qu'il vient querre.

ALFONS
Et je le vous feray bonne erre.
Lothart, va t'en appertement
En l'ostel ou leur parlement
Font les bourgois de ceste ville.

S'Ernaut de Bisquarrel, ne Gille
Le Marquis, ne Martin Drouart,
Ne sire Pierre le Monart,
Ou sire Guymar dit le Viautre
Y treuves, ou bourgois quelque autre,
Di leur que sanz ailleurs aler

Tantost viengnent a moy parler, Et que j'ay haste.

LOTART, SERGENT D'ARMES

Je ne mengeray pain ne paste

Si les vous aray fait venir.

Sanz moy plus ci endroit tenir,

Mon chier seigneur, ie les vois querre

165 Mon chier seigneur, je les vois querre.

Je tieng bien emploiée m'erre
Et si ay je, si com moy semble, 70b
Seigneurs, quant cy vous truis ensemble
Si bien a point.

Premier Bourgois
170 Pour quoy, Lotart (n'en mentez point),
Le dites vous?

SERGENT D'ARMES	
Mon seigneur si vous mande a touz	
Que tantost, sanz ailleurs aler,	
Vous en venez a li parler;	
Et se plus d'autres en trouvasse,	175
Avecques vous les en menasse.	
Sa, alons ment.	
DEUXIESME BOURGOIS	
G'iray de cuer et liement,	
Quant est de moy.	
Troisiesme bourgois	
Aussi feray je, par ma foy.	180
Puis qu'il en est si volentis,	
J'en suis aussi tout talentis.	
Alons, Lotart.	
Quatriesme bourgois	
Alons: je vueil faire le quart,	
Puis qu'il nous mande.	185
PREMIER BOURGOIS	
S'il nous fait aucune demande,	
Prenons avis.	
LOTART, SERGENT D'ARMES	
Mon chier seigneur, sanz plus devis,	
Vez ci de voz bourgois partie	
Qui touz sont venuz a atie	190
A vostre mant.	
ALFONS	
Ne savez pour quoy vous demant,	
Seigneurs; mais je le vous diray:	
Ma fille en garde vous lairay:	
Car il me fault, a brief parler,	195
A mon frére en Grenade aler	
Ly requerre aide et secours;	
Car sur moy veult venir a cours	
De guerre l'empereur Lothaire,	
Et m'a l'en ja, ne le puis taire,	200

70 C

Fait de par lui la deffiaille:
Si vous pri touz, coment qu'il aille,
De la ville songneusement
Garder et especiaument
Ma fille aussi

205

DEUXIESME BOURGOIS
Sire, n'en soiez en soucy:
Vostre fille bien garderons,
Et la ville deffenderons,
Contre tout homme.

Troisiesme Bourgois

Nous en ferons quanque preudomme
En doivent faire.

QUATRIESME BOURGOIS
Sire, pour Dieu le debonnaire,
Au moins, puis que vous nous laissez,
De retourner ici pensez
Brief, s'il peut estre.

215

2.25

210

#### ALFONS

Au plus tost que me pourray mettre Au retour, mes amis, sanz faille Je revenray, conment qu'il aille, Cy en ce lieu.

DEUXIESME CHEVALIER ALPHONS
Alons a la garde de Dieu,
Sire, sanz plus ci sejourner,
Si que brief puissons retourner
Garniz de gens.

ALFONS

Mes amis, soiez diligens
De vous garder et de bien faire,
Si vient qui vous vueille meffaire
Je ne vous say ore plus dire;
Je vous conmans a nostre sire:

A Dieu trestouz!

70 d

### LA FILLE

Mon chier pére et mon seigneur doulx, 230 A Dieu, qui vous vueille conduire, Si que ne soit qui vous puist nuire N'aucun mal faire!

# PREMIER BOURGOIS

Seigneur, il fault qu'en nostre affaire
Mettons diligence, a briefs moz. 235
Bon fort avons ci : par mon loz
Trestouz ensemble y demourrons,
Ma dame, et vous y garderons
Des ennemis.

### LA FILLE

Puis qu'en vostre garde m'a mis,
Biaux seigneurs, mon pére le roy,
Je vueil faire sanz nul desroy
Quanque direz.

DEUXIESME BOURGOIS

Chiére dame, devant irez,
Et nous après vous suiverons;
245
Et le fort tresbien fermerons
Ouant serons ens.

# LA FILLE

Mes chiers amis, je m'i assens.

Je vois devant; or me suivez.

Ne vueil pas que vous estrivez

Pour moy de rien.

TROISIESME BOURGOIS
Chiére dame, vous dites bien.
Or avant: puis que dedans sommes,
Touz ensemble, femmes et hommes,
Fermons ce fort.

QUATRIESME BOURGOIS

Vous dites bien, j'en sui d'accort.

C'est fait; je ne craing maishuit homme

275

280

285

7 I a

Qui nous face assault une pomme, Non une noix.

ROY DE GRENADE Seigneurs, la voi (bien le congnois) 260 Le roy d'Espaigne, Alfons mon frére. Faire li voulray bonne chiére, Puis que je le voy ci venir. Frére, bien puissiez vous venir! , 265

Ouel vent vous maine?

ALFONS

Frére, ce que j'ay le demaine D'Espaigne et la terre perdu : Dont j'ay le cuer trop esperdu Se ne le m'aidiez a rescourre : Si vous pri vueillez me secourre

A ce besoing.

ROY DE GRENADE Biau frére, de ce n'aiez soing; Mais a moy dire ne tardez Conment c'est que vous le perdez,

Je vous em pri.

ALFONS

Je le vous diray sanz detri, Frére: l'emperière de Romme M'envoia l'autrier un sien homme: Bien croy qu'en li moult se fia, Quant de par li me deffia. Et pour ce que n'ay pas assez Gens contre lui, me sui pensez D'aide vous venir requerre,

Puisse deffendre.

Afin que contre li ma terre

ROY DE GRENADE Musehault, va t'en sanz attendre Au roy de Tarse et d'Aumarie,

XXVIII

71 b

71 C

Tant que nous ne le priserons Pas un festu.

	L'emperiére
320	Or ça, messagier, di, viens tu
	Du roy d'Espaigne?
	Le messagier l'emperière
	Sire, oil, se Dieu me doint gaaigne,
	Et l'ay de par vous deffié,
	Et si ly ay bien affié
325	Qu'arez guerre a li, a un mot;
	Et il me respondy tantost
	Qu'il ne scet pas que vous ferez,
	Mais que si tost pas ne l'arez
	Que vous pensez.
	L'emperière
330	Et avoit il de gent assez?
	Or le me dy.
	Le messagier l'emperiére
	Sire, quant je parlay a li,
	Pour verité savoir devez
	Il n'avoit que ses gens privez
335	Et une jonne damoiselle
	Qui sa fille est, qui est moult bele;
	N'en la ville, sire, ou estoit
	Un tout seul homme armé n'avoit,
	Soiez en seurs.
	DEUXIESME CHEVALIER L'EMPERIÉRE
340	A quel ville estoit il?
	Le messagier l'emperiére
	A Burs,
	Qui est une honne cité:

Mais n'est pas moult, en verité,

De gent peuplée.

VIII	OTON, ROY D'ESPAIGNE	331
	Deuxiesme chevalier l'emperière	
	Mon chier seigneur, s'il vous agrée,	345
	Siége faire devant irons	7
	Touz ensemble, et leur requerrons	
	Qu'il la vous rendent.	
	L'emperiére	
	Je scé bien qu'a ce pas ne tendent;	
	Et nientmoins vous avez bien dit.	` `
	Alons y tost, sanz contredit,	350
	Trestout ensemble.	
	PREMIER CHEVALIER	
	C'est bon a faire, ce me semble;	
	Car com plus tost sur eulx serons	
	Et plus grant avantage arons	
	A nous combatre.	355
	Ostes	
	Or le faisons bien, sanz debatre.	
	Puis que nous voions ici Burs,	
	Escrions les savoir s'aux murs	
	Venroit aucun parler a nous.	20
	Ouvrez, ouvrez tost! rendez vous	360
	Sanz plus attendre	
	Premier Bourgois	
	Qui estes vous, qui a nous rendre Si fiérement nous conmandez?	
	Vuidiez, que, se plus attendez, De noz mais vous envoierons,	265
	Ne point ne vous espargnerons;	365
	N'en doubtez goute.	
	Premier chevalier l'emperière	
	Rendez vous, rendez; ou, sanz doubte,	
	Assault dur et fort vous ferons,	
ı d	Et en l'eure vous moustrerons	3-7-0
	Quelz genz nous sommes.	370
	Quota gona nous sommes.	

XX

380

385

395

Deuxiesme Bourgois

Nous ne vous prisons pas deux pommes.

Ne scé pour quoy nous menacez;

De bonne gent sommes assez Pour nous deffendre.

OSTES

Avant! avant! sanz plus attendre,
Traiez aux murs, seigneurs archiers
Et nous irons endementiers
Celle porte la assaillir,
Et je pense que sanz faillir
Bien tost l'arons.

DEUXIESME CHEVALIER
S'arons mon. Sçavez que ferons?
En traiant et en combatant
Le feu y bouterons batant

De bonne guyse.

Yci se fait la bataille

TROISIESME BOURGOIS
Puis que la bataille s'atise
Et qu'il sont sur nous si ysniaux,
Gettons leur ces gros mengonniaux

Et ces grans pierres.

Quatriesme bourgois
390 Vuidiez, vuidiez, pillars et lierres!
Vuidiez, vuidiez appertement,
Ou vous mourrez honteusement.

Fuiez, merdaille!

DEUXIESME CHEVALIER
Je vois bouter le feu sanz faille
A celle porte ardoir, tandis
Qu'il sont a combatre ententiz.

C'est fait : elle art.

L'EMPEREUR

Maishuit pour deffendre trop tart

Venront. Que n'entrons dessus eulz?

XXVIII	OTON, ROY D'ESPAIGNE	333
	Avant: un et un, deux et deux. Entrez touz ens. Ostes	4.00
	A mort! a mort ceulx de ceens! Hommes et femmes, touz mourront	
72 a	Qui rendre a nous ne se voulront Benignement. PREMIER CHEVALIER L'EMPERIÉRE Grans et petiz onniement	405
	Mettons a mort.  L'emperière	
	Non, non, je n'en sui pas d'accort : Je vueil a eulz parler avant. Dites, seigneurs, je vous demant,	410
	Vous voulez vous bonnement rendre? Ne vous pouez mais plus deffendre, Bien le veez.	4.0
	Premier bourgois	
	Ha! sire, ne nous deveez Vostre grace par courtoisie. Recevez nous, sauve la vie, Voz prisonniers. L'emperiére	415
	Si feray je moult voulentiers,	
	Mais que me rendez vostre roy, Qui envers moy plain de desroy A trop esté.	420
	DEUXIESME BOURGOIS Treschier sire, par verité, Dès qu'il sot qu'aviez a li guerre.	
	Il se parti de ceste terre, Et tieng qu'en Grenade en ala; Au mains, quant il a nous parla, Le dist ainsi.	425
	L'emperiére	
	Bien est. Or me respondez ci	

445

455

72 b

Je n'aconte a li une bille; 430 Mais qu'est devenue sa fille? Dites me voir.

Deuxiesme chevalier l'emperière Se vous ne li faites savoir, Vous estes mors la ou vous estes; Car l'en vous copera les testes,

Ou voir direz.

TROISIESME BOURGOIS
Sire, leens la trouverez,
Honteuse, morne et esbahie;
Et certes ne m'en merveil mie:
Non doit on faire.

L'emperière

Or tost, seigneurs, sanz li meffaire Vous deus, ci plus ne vous tenez, Alez et si la m'amenez:

Veoir la vueil.

Premier chevalier l'emperière Sire, nous ferons vostre vueil Incontinent, sanz nul deffault.

Dame, avec nous venir vous fault.
Sus, sus, bonne erre!
LA FILLE

E! Dieux, com cy a male guerre! Or voy je bien je sui honnie.

A! biaux seigneurs, sauve ma vie, Pour Dieu mercy!

DEUXIESME CHEVALIER
Dame, n'en aiez nul soucy:
Nous vous menrons a l'emperiére
Qui de cuer et a lie chiére

Vous recevra.

LA FILLE E! Diex, je ne scé s'il ara

72 C

De moy pitié.

460
,
465
470
475
480
0
485

495

500

505

72 d

LA FILLE
Puis qu'il li plaist, nul contredit
N'y ose mettre.

OSTES

Sa donc, de par Dieu, la main destre. Dame, je meismes vous menray La ou je vous espouseray Com ma compaigne.

DEUXIESME CHEVALIER L'EMPERIÉRE Alons après, alons en gaigne, Mes sire Ogier.

PREMIER CHEVALIER
Ja ne vous en feray dangier;
Amis, alons.

L'emperière

Biaux seigneurs, vostre roy Alfons M'a courroucié; il a mal fait: Si vous fault comparer son fait, Et li mesmes voir y perdra, Qu'en Espaigne voir ne tendra, Jour que je vive, pié de terre. Je vous ay pris en fait de guerre:

Rançonnez vous.

Quatriesme Bourgois
Treschier sire, que ferons nous?
Prenez quanque pouons avoir
En deniers ou en autre avoir
(N'y a nul qui ne le vous livre
Benignement), et laissiez vivre
Noz povres corps.

PREMIER BOURGOIS

Sire, quant est de moy, j'acors
Que vous me baillez un message
Qui viengne veoir mon menage.
Je me fas fort j'ay de vaisselle
D'argent deux cenz mars, bonne et belle,

XXVIII	OTON, ROY D ESPAIGNE	337
	Que j'avoie mis en tresor,	515
	Avec deux mille florins d'or	
	Qui sont de mon propre chatel,	
	Sanz les meubles d'aval l'ostel:	
	Sire, tout ce vous liverray	
	Ne ja voir n'en estriveray,	520
	Et n'arez de ma mort envie;	
	Mais me laissiez, sanz plus, en vie;	
	Ce vous requier.	
	DEUXIESME BOURGOIS	
	Treschier sire, aussi plus ne quier,	
	Et prenez quanque j'ay vaillant:	525
	Ce point sui je trop bien vueillant,	
	Et bien m'agrée.	
	DEUXIESME CHEVALIER	
	Mon chier seigneur, nostre espousée	
	Ramenons: la besongne est faicte:	
	Or nous fault maishui faire feste	530
	Et nous esbatre.	
	L'emperière	
	Ce ne vous vueil je pas debatre;	
	Mais, s'il me croit, miex le fera:	
	Car les inobles assemblera	
	De ce pais cy a sa feste,	535
	Si la face bonne et honneste	
	Conme nouviau roy: bien le vueil,	
	Et pour son honneur li conseil,	
0	Et pour son bien aussi li moustre.	
73 a	Un mot vueil encore dire oultre.	540
	Bele niéce, par amour fine	
	Vous doing ceste couronne, en signe	
	Que dame d'Espaigne serez	
	Et com royne la tenrez,	
	Et vostre mari de par moy	545
	En sera chief, seigneur et roy.	
	Emprès, entendez ci, seigneurs:	
Т	IV	00

	Pour ce qu'il ait amours greigneurs	
1	Entre Oston vostre roy et vous,	
550	Je vous pardonne et quitte a touz	
-	Raençon et touz maux talens.	
	Or n'aiez mie les cuers lens	
	De li amer.	
	- Troisiesme bourgois	
	Chier sire, on devroit bien blamer,	
555	Mès mettre a mort com fol et nice,	
	Celui qui si grant benefice	
	Con nous faites ne congnoistroit;	
	Et a bonne cause perdroit	
	Et corps et biens.	
	L'empereur	
560	Ore ne vous diray plus riens;	
, , ,	Mais a vous touz vueil congié prendre	
,	Et aler m'en, sanz plus attendre,	
	En Romenie.	
	Ostes	
	Je vous retien de ma mesnie,	
565	Seigneurs. Et puis qu'il est ainsi	
	Que vous voulez partir de cy,	
	Chier sire, avecques vous irons	
	Et compagnie vous ferons:	
	C'est a court plait.	
	L'empereur	
570	Puis que le voulez, il me plait.	
3/0	A Dieu vous conmans, belle niéce;	
	Je ne scé pas se mais em piéce	
	Me reverrez.	
	Ostes	
	Sire, un petit m'atenderez.	
575	Je vous pri, dame, ça venez.	
3/3	Gardez me cest os ci, tenez,	7
	S'en riens avez chier m'amistié;	
	Car c'est d'un des doiz de mon pié.	

73b

OTON, ROY D'ESPAIGNE	339
Et gardez qu'il ne soit veu	
Ne de nul homme apperceu,	580
Pour chose nulle qui aviengne;	
Ce sera la secrée enseigne	
Que nous deux l'un a l'autre arons.	
Maishuit aler nous en pourrons,	
Sire: j'ay fait.	585
L'empereur	
Or tost, seigneurs : mouvez de fait	•
Alez devant.	•
Troisiesme bourgois	
Treschier sire, a vostre conmant	
Obeirons.	
PREMIER CHEVALIER	
Je vous diray que nous ferons:	590
Ces deux avec nous s'en venront,	
Et ces deux autres demourront	
Avec ma dame la royne	
Et sa demoiselle Eglantine;	
Si souffira.	595
L'empereur	
C'est bien dit, voirement fera.	
Demourez, vous.	
Premier bourgois	
Treschier sire, sy ferons nous,	
Quant c'est voz grez.	
La fille	
Je vous ay touz jours mes secrez	600
Descouvert et dit, Esglantine,	
Dès avant que fusse royne;	
Vous le savez.	
La damoiselle	
Chiére dame, voir dit avez;	
Et, Dieu mercy, onques si nice	ნა5
Ne fu qu'un seul en descouvrisse,	

XXVIII

625

Quel qu'il fust, n'a homme n'a femme. Pour quoy le dites vous, ma dame? Dites le moy.

LA FILLE

73c

M'amie, j'ajouste a vous foy:
Pour ç'un vous en vueil dire encore.
Qu'est ce ci? Or m'en dites ore
Vostre propos.

LA DAMOISELLE

Dame, je tiens que c'est un os;
Mais s'il est ou d'omme ou de beste
N'en saroie faire monneste
Ne dire voir.

LA FILLE

Je vous fas en secré savoir C'est un os d'un des doiz du pié Mon seigneur, qui par amistié Le m'a chargié songneusement A garder: pour ce vraiement, Avec mes joyaux sanz demour Le voulrai porter pour s'amour.

Alons l'i mettre.

LA DAMOISELLE

Alons. Aussi nous vault miex estre En vostre chambre, dame, encloses Que ci endroit, pour plusieurs choses C'on peut penser.

BERENGIER

630 Il me fault d'aler avancier
Contre mon seigneur l'emperière,
Puis qu'il retourne ci arrière.
Egar! je le voy la venir.
Sire, bien puissiez revenir
En vostre terre!

4	4	
- 7	-1	

T 1			,	
L	EMP	ER	IER	E

Berengier, au fait de ma guerre N'avez pas, ce m'est vis, esté: Vous avez trop les cops doubté,

A ce que vov.

## BERENGIER

Non ay, treschier sire, par foy; Mais maladie sanz delit M'a depuis fait garder le lit

Une grant piéce.

# 73 d

## OSTES

Treschier oncles, mais qu'il vous siesse, De vous congié cy prenderay 645 Et en Espaigne m'en iray Veoir ma femme.

# BERENGIER

Roys Ostes, je vous jur par m'ame Tel cuide avoir femme touz seulx Ou'a li partissent plus de deux; 650 Et qui en ce cas a fiance En femme, il est plain d'ignorance: Et vous dy bien que je me vant Que je ne sçay femme vivant 655 Mais que deux foiz a li parlasse Que la tierce avoir n'en cuidasse Tout mon delit.

## OSTES

Par foy, Berengier, "c'est mau dit Dire des dames villenie. Et certes je ne le croy mie, 660 Mais tieng qu'assez en est de bonnes Et de corps tresbelles personnes Et gracieuses.

### BERENGIER

Certes, vous parlez bien d'oiseuses. Je vous diray que je feray :

665

675

685

690

695

A la vostre parler iray
Et je mettray j'aray l'accort
D'elle a tout le premier recort
Que seul a seul li pourray faire.
Or avant, ou mettre y ou taire:
Gagiez a moy.
OSTES
Par l'ame mon pére et j'ottroy
Perdre d'Espaigne la couronne,
Biau sire, s'elle s'abandonne
Qu'avec li gisez charnelment;
Mais qu'aussi vous tout quittement
Vostre terre me delaissiez
Se ce fait ci n'acomplissez;
Vezci fermaille.

BERENGIER

740

680 Et je l'accordasse sanz faille,
Se voie sceusse trouver
Conment le pourroie prouver;
Mais je ne sçay.

OSTES

Si ferez bien, je vous diray:
Se tant poez estre avisez
Qu'un sain qu'elle a me devisez
Et ou siet (prenez vous en garde),
Et aussi ce que de moy garde
M'apportez, par mon serement,
Je vous lairay tout franchement
Joir d'Espaigne.

BERENGIER

Ostes, et je l'accors en gaigne
Et vous jur aussi, se je fail,
Ne retenray qui vaille un ail
De ma terre, n'en aiez doubte,
Que ne la vous delivre toute;
Mais que vous ici sejournez

xxvIII	OTON, ROY D'ESPAIGNE	343
,	Tant que je soie retournez  De vostre terre.  Ostes	
	Il me plaist; or alez bonne erre.  Cy demourray.  Berengier	700
	G'y vois et si ne fineray  Tant que g'y soie.	1/2
	La fille	
	Il nous fault d'aler mettre en voie, Eglantine, jusqu'a l'eglise : Oir vueil le divin servise Et Dieu pour mon seigneur prier. Alons men, sanz plus detrier,	705
	Au moustier droit.  La damoiselle	
	Preste sui, dame, en tout endroit A voz grez faire.	710
74 b	Berengier Penser me fault de mon affaire, Conment je le menray a fin,	
	Puis que tant ay erré chemin Que d'Espaigne suis où pais. Ne me fault pas estre esbahis.	715
	La royne voy qui ci vient; C'est si bien a point qu'il convient. A li vois parler. Chiére dame,	
	Longue vie et salut de l'ame Dieu vous ottroit! LA FILLE	720
	Qui vous maine par ci endroit, Berengier? Bien vegniez, biau sire Si le vous plaist a le moy dire,	

752	Je vous orray.	
•	Berengier	
	Ma dame, je le vous diray:	
	De fait me sui cy adressié.	
	De Romme vien ou j'ay laissié	
	Vostre seigneur, qui ne vous prise	
730	Pas la queue d'une serise;	
	D'une garce s'est acointié	
	Qu'il a en si grant amistié	
	Qu'il ne scet d'elle departir.	
	Ce m'a fait de Rome partir	
735	Pour le vous annuncier et dire,	
	Car grant dueil en ay et grant ire;	
	Et pour ce qu'ainsi a mespris,	
	L'amour de vous m'a si espris	
	Que nuit ne jour ne puis durer,	
740	Tant me fait griefs maulx endurer	
	Pour vous, ma dame.	
	La fille	
	Conment, Berengier? Par vostre ame,	
	Estes vous un si vaillant homme	
	Que venez jusques cy de Romme	
745	Pour moy dire si fait langage?	
	Certes vous ne vostre lignage	
	Ne sariez dire un seul bien, non,	
	Fors mauvaistié et traison;	
	Et pour ce de rien ne vous croy.	
750	Vuidiez, vuidiez de devant moy	
	Isnel le pas.	74 c
	Berengier	
	Dame, pour Dieu, ne m'aiez pas	
	En despit, s'a vous me complain:	

En despit, s'a vous me complair Pour vostre amour palis et tain Souvent et ay cuer esperdu, Si que j'en ay du tout perdu Boire et mengier.

Olon, ROY DESPAIGNE	343
La fille	
Alez vous ent, faulx losengier,	
Hors de cy tost.	
Berengier	
Je m'en vois sanz plus dire mot,	760
Dame, quant ne vous vient a gré	
Ce que vous dy ci a secré,	
Ains vous deplaist.	
La fille	
Retourner a l'ostel me plaist;	
N'iray ore plus en avant.	765
Avec moy retournez avant	
Tost, Aglantine.'	
La damoiselle	
Ma dame, de volenté fine	
Voz grez feray.	
Berengier	
Haro! conment me cheviray?	770
La royne oir ne me veult,	
Dont le cuer trop forment me deult.	
De perdre sui en aventure	
Ma terre toute par gageure	
Que j'ay fait, je le voy tresbien,	775
Se pour moy n'ay aucun moien.	
Sa voy venir sa damoiselle;	
Tempter la vueil, savoir mon s'elle	
Me pourroit aidier nulement.	
D	0
Damoiselle, un mot seulement	780
Vous voulsisse dire en secré;	
Mais que ce fust par vostre gré.	
Qu'en dites vous?  LA DAMOISELLE	
Vostre voulenté, sire doulx,	-0=
Me pouez seurement dire;	785

XXVIII

74 d

795

800

Mais bien le vueil.

BERENGIER

Se donner me voulez conseil
De deux choses que vous diray,
Or et argent plus vous donrray
Que vous ne me demanderez;
Et ce que je vueil bien ferez,

Ce m'est avis.

Je feray de cuer, non envis, Ce que je pourray pour vous, sire, Mais que sanz plus me vueilliez dire Ou'avez a faire.

Berengier

Ma chiére amie debonnaire.

Se pour moy vouliez traveillier
Tant que me peussiez baillier
Le jouel que plus ayme et garde
La royne, et vous prendre garde
Ou siet son sing et quel il est,
Et le me dire, je suis prest

De vous donner trente mars d'or
Dont vous pourrez faire tresor;
Et pour ce que vous me creez,
Je vous doin ce sac cy. Veez:

C'est tout or fin.

LA DAMOISELLE

810 Sire, je yous promet a fin
Mettre et faire du tout certain
De ces deux choses ains demain
Nonne de jour.

Berengier

Or ne le mettez en sejour,

815 M'amie; et je ci revenray

Demain, et vous apporteray

Tout ce que je vous ay promis,

XXVIII	OTON, ROY D'ESPAIGNE	347
•	Et certes, moy et mes amis	
	Vostres serons.	
	La damoiselle.	2
75 a	Alez vous ent, bien le ferons.	820
	Or ne me fault qu'estre songneuse,	
	Que je sui riche et eureuse.	
	Hé! je scé bien que je feray:	
	A ma dame boire donray	0 -
	Encore ennuit un vin si fait	825
	Que pourray veoir tout a fait	
	Son corps partout, quant dormira,	
	Que ja ne s'en esveillera	
	Pour remuer ne pour tourner.	2.0
	Je vois ma besongne atourner	830
	Miex que pourray.	
	and a series of the contract o	
	La fille	
	Esglantine, sachés que j'ay	
	Fain de boire trop malement.	
	Alez me querre appertement	
	Des pommes et du vin aussi,	835
	Et si_le m'aportez icy	
	Tost, je vous pri.	
	La damoiselle	
	Ma dame, je vois sanz detry.	
	Vez ci vin et pommes qu'aport.	
	Or dites, estes vous d'accort	840
	Qu'une en pare que mengerez?	
	Et après, dame, buverez	
	De ce vin ci.	
	La fille	•
	Oil, faire le vueil ainsi	
	Com dit avez.	845
	La damoiselle	
	Si vous sera fait. Dont tenez:	
	Mengiez : elle est de blancdurel,	

860

865

75 b

Et l'ay parée bien et bel Au miex que say.

LA FILLE

Or ça, j'en vueil faire l'essay:

De saveur est et de goust bonne.

Verse, verse, a boire me donne:

J'ay soif trop grant.

LA DAMOISELLE

Voulentiers et de cuer engrant.

Tenez, ma dame.

LA FILLE

Si grant soif n'oy pieça, par m'ame, Conme ore avoie.

LA DAMOISELLE

Bien vous en croy, se Diex me voic. En santé sera, se Dieu plait. Se plus en voulez, a court plait,

Je verseray.

La fille

Nanil pas; mais aler voulray Reposer; car, en verité, Ce vin m'est ja ou chief monté,

Ce m'est avis.

LA DAMOISELLE

Dame, soit a vostre devis: Venez, et je vous couverray. Or ça, reposer vous lairay

Tout vostre assez.

LA FILLE

870 Vous dites bien : or me laissez:
Alez vous ent.

BERENGIER

De retourner m'est pris talent Devers damoiselle Esglantine Savoir mon se de la royne,

XXVIII	OTON, ROY D'ESPAIGNE	349
	Sa maistresse, m'enseignera Le saing, ne conment il ira De ma besongne.	875
,	`	
	LA DAMOISELLE	
	Or vueil je penser, sanz prolongne, De gaignier ce c'on m'a promis	
	Avec ce c'on m'a es mains mis.	880
	Fole seray se je me faing	
	De faire a ce cop un tel gaing	
	Com de trente mars d'or avoir.	
	Certainement, je vois savoir	
	S'encore est ma dame endormie.	885
	S'elle dort, je ne me doubt mie	
	Que ne puisse bien mon fait faire.	
	Elle dort : bien va mon affaire;	
75 c	Ou son saing siet par temps verray,	
	Et le jouel bien tost aray	890
	Qu'elle garde plus chiérement.	11
	Yci quiert le saing et prent	l'os.
	C'est fait : je m'en vois vistement	
	Devers le comte Berengier.	
	Sire, ne me faites dangier	
	De bailler ce que vous m'avez	895
	Promis; faire bien le devez:	095
	Vez cy de quoy.	
	Berengier	
	Chiére amie, or parlons tout coy;	
	Et vous traiez de moy plus près.	ė.
	Vez ci voz trente mars touz près,	900
	Que je vous delivre en bon gaing.	
	Or me dites ou est son saing	
	Tout a delivre.	
	La damoiselle	
	Sire, ce jouel ci vous livre:	

2	'n	^
J	J	v

935

#### MIRACLE DE

XXVIII

75 d

Qu'elle gardoit plus chiérement

Qu'elle gardoit plus chiérement

Et ou plus avoit amistié,

Car c'est l'os d'un des doiz du pié

Mon seigneur : pour ce l'avoit chier.

Après, pour vous brief depeschier,

Ou son saing siet dire vous vueil,

Voire en l'oreille et a conseil.

Je vous di voir.

Ci li conseille.

## BERENGIER

C'est quanque vouloye savoir.
Ore de vous congié prendray,
Cy endroit plus ne vous tendray.
M'amie, a Dieu!

LA DAMOISELLE

Aler puissiez vous en tel lieu Que bien aiez!

BERENGIER

Or m'en iray je baut et liez
Quant j'ay ce que vouloie avoir
Et que je scé ce que savoir
Desiroie plus que riens née.
Ci ne feray plus demourée;

Mais a Romme m'en iray droit.

L'emperière voy la endroit Ou se siet, et Ostes lez lui. Diex! qu'il sera ja esbahy Quant ce que je diray orra! Mais ne m'en chaut, voit com pourra;

Pour li ne me tairay je mie.
A ceste noble compaignie
Dont Diex honneur et joie aussi!
Roys Ostes, je me vant ici,
Se vous ne me faites desrois,

XXVIII

76 a

975

Car le cuer et le corps si m'est Pesant et vain.

La DAMOISELLE
Dame, vostre vouloir a plain
Soit fait : alons.

TROISIESME BOURGEOIS

Dieu mercy, tant ay des talons

Erré et me sui adrecié

Que j'ay le roy adevancié

Et voy la royne sa femme:

C'est bien a point. Ma chiére dame,
Je vous vien pour bien acointier

D'une chose dont grant mestier

Avez, sanz doubte.

LA FILLE

Liéve sus, mon ami, s'acoute; Est ce secré?

TROISIESME BOURGOIS
Oil: ne m'en sachiez mal gré,
Car pour vostre bien le vous dy.
Le roy tant courroucié vient cy
Que, s'il vous tient, soit droit ou tort,
Certes, il vous mettra a mort

Tantost de fait.

Lasse! pour quoy? qu'ay je meffait?

se! pour quoy? qu'ay je menait?

Scez tu, amis?

Troisiesme bourgois

L'autrier ot en gageure mis
Son royaume, c'est a brief conte,
Encontre Berengier, le conte,
Pour ce qu'a la court se vantoit
Qu'il n'estoit femme, s'il avoit
De parler a elle loisir,
Qu'il n'en feist tout son plaisir;

985

980

990

XXVIII	OTON, ROY D'ESPAIGNE	353
	Et mon seigneur si vous tint, dame,	995
	A si bonne et si vaillant fame	
	Qu'il va pour son royaume mettre	
76 b	Que ce ne pourroit de vous estre. Berengier mist sa terre aussi,	
	Et puis dut venir jusques cy,	1000
	Et après retourna a Romme,	1000
	Et se vanta devant maint homme	
	Que de vous, dame, en verité	
	Avoit il fait sa voulenté;	
	Et oultre tout ce fist il dyables.	1005
	Qu'enseignes apporta creables,	
	Dont me merveil.	
	La fille	
	Ha! tresdoulx Dieu, se je me dueil	
	Et grant doleur a mon cuer sens,	
	Qu'en puis je? A petit que du sens	1010
	N'is quant je voy que renommée	
	Cuert de moy dont sui diffamée Et a grant tort.	
	Troisiesme Bourgois	
	Chiére dame, prenez confort	
	En vous mesmes, et regardez	
	Conment vostre vie gardez:	1015
	Je le conseil.	
	La fille	
	Croire m'estuet vostre conseil.	
	Un petit m'en vois au moustier.	
	De repos avez bien mestier:	1020
	Alez le prendre.	
	Troisiesme bourgois	
	Dame, voulentiers, sanz attendre;	
	Car aussi moult traveillié ay:	
	Six jours a que ne despoullay	
	Pour cy venir.	1025

76 C

#### LA FILLE

Je le vous pense a desservir, Mon ami, dedans brief termine. Alez ent avec Esglantine En maison. Je vous dy sanz lobes, Donnez li une de mes robes

1030 Toute enterine.

> LA DAMOISELLE Ma dame, de voulenté fine Feray vostre conmandement. Puis qu'il li plaist, sire, alons ment Isnel le pas.

TROISIESME BOURGOIS Dame, alons; je ne vous vueil pas Desdire en riens.

La fille

E! mére Dieu, qui de touz biens Es tresor et de toutes graces, Qui les desconfortez solaces 1040 Et les desconseilliez conseilles, En pitié regarder me vueilles Et conforter ma lasse d'ame. Si voir que tu scez qu'a tort, dame, Sui accusée de meffait 1045 Qu'onques ne pensay ne n'ay fait;

Ains vouldroie, vierge haultisme, Miex estre mise en une abisme, Si que de moy ne fust nouvelle. Glorieuse vierge pucelle, 1050

Qui en vous peustes comprendre Ce que les cieulx ne peuent prendre, Si com sapience eternelle Vous eslut mére paternelle

Tresexcellente et souveraine, 1055 Qui seconde ne premeraine

76 d

XXVIII

DIEU

Mére, la voy en desconfort Estre d'Espaigne la royne, Car sanz cause est en mal convine : Pour quoy de prier ne vous cesse. Prenez d'aler a li l'adresse

Isnellement.

NOSTRE DAME

Filz, a vostre conmandement Obeiray: c'est de raison. Alons men sanz arrestoison. Anges, ou priée sui tant. Convoiez moy vous deux chantant

A lie chiére.

GABRIEL

C'est bien droiz, doulce dame chiére, Que nous façon vostre plaisir; Si le ferons de vray desir

Et voulentiers.

MICHIEL

Voire, et Jehan fera le tiers. Ay je bien dit?

1085

1070

1075

SAINT JEHAN De moy n'en sera ja desdit.

Or avant: chantons par musique Ce premier tour. RONDEL

Ou prent loyauté son sejour 1000 Ou est charité sanz mesure Fors qu'en vous, doulce vierge pure? Ou a virginitez honnour Recouvré par dessus nature?

1095 Ou prent lovauté son sejour? Ou est charité sanz mesure? Ou doit estre aussi le retour Ne le refuge a creature A ce qu'en gloire touz jours dure?

Ou prent loyauté son sejour, 1100 Ou est charité sanz mesure, Fors qu'en vous, doulce vierge pure?

NOSTRE DAME

Pour la devote et la grant cure Qu'as mis, m'amie, en moy prier, Vien j'a toy ci sanz detrier, 1105 Qui ne te doit pas ennuier.

Entens : de robes d'escuier Secrétement te vestiras,

Et en Grenade t'en iras

0111 Chiez ton oncle : la ton pére est. D'eulx bien servir aiez cuer prest, Sanz toy faire a nullui congnoistre; Et saches pour t'onnour accroistre, Combien que moult de paine aras,

En la fin vengie seras 1115 De celui qui par fausseté T'a mis sus la desloiauté

77 a

Pour quoy Oston a vers toy guerre.

Pense de toy brief mettre en erre,

Et si le fai secrétement.

Je ne te dy plus. Alons ment,

Mes amis, en gloire celestre;

Ycy ne vueil ore plus estre

Ne demourer.

SAINT JEHAN
Royne digne d'onnorer, 1125
Vostre conmandement ferons;
Et nientmoins d'accort chanterons
Touz troys ensemble.

SAINT MICHIEL

Il appartient bien, ce me semble,

Que nous chantons a chiére lie,

Quant celle est de nous compagnic

Qui nous est gloire.

GABRIEL .

Vous avez dit parole voire:
Or chantons d'accort par amour.
RONDEL

Ou doit estre aussi le retour

Ne le refuge a creature
A ce qu'en gloire touz jours dure?
Ou prent loyauté son sejour,
Ou est charitez sanz mesure,
Fors qu'en vous, doulce vierge pure? 1140

## LA FILLE

Ha! mére Dieu, quant de moy cure Vous plaist avoir pris, ce m'est vis, Et que fait m'avez le devis Qu'a mon oncle en Grenade voise; Amoureuse vierge courtoise, Puis que vous plaist qu'ainsi le face, Mettre me vois, sanz plus d'espace,

En tel habit c'on ne me puist
Congnoistre et que nul ne me truist.

E! Diex, il me vient bien a point:
Nulz de mes gens ici n'a point,
Touz se dorment a remontée.
Penser me fault d'estre aprestée,
Et puis toute seule en iray.

C'est fait: ce chemin prenderay
Et si penseray d'errer fort.
Mére Dieu, soiez me confort
En ce chemin.

#### LA DAMOISELLE

Egar! pour le corps saint Domin,
Que fait tant ma dame au moustier?
S'elle avoit a dire un sautier,
Si y est elle longuement.
Je la vois querre vraiement.
Egar! pas n'est devant l'autel,
N'aussi n'est elle a son hostel:

Ou est elle alée?

DEUXIESME BOURGOIS
De quoy estes vous emparlée,
Esglantine, ma chiére amie?
Je vous voy com toute esbahie,

Ne scé de quoy.

LA DAMOISELLE
Je m'esbahis que je ne voy,
Sire, ma dame ça ne la.
Puis orains qu'au moustier ala
En son hostel ne revint puis:
Pour ce la quier tant com je puis
Et bas et hault.

DEUXIESME BOURGOIS

Or alons savoir a Ernaut,

Que je voy la, se point l'a veue.

1170

XXVIII	OTON, ROY D'ESPAIGNE	359
	,	5
	Je ne croy pas que deceue	
77 C	L'ait homme né.	1180
	La damoiselle	
	Ernaut, bon jour vous soit donné.	
	Dites nous voir, se Diex vous gart :	
	Avez vous veu nulle part	
	Aler ma dame?	
	Premier bourgois	
	Nanil, Esglantine, par m'ame.	.1185
	Qu'i a il? qu'est ce?	
	La damoiselle	
	Par foy, de querir ne la cesse,	
	Et si n'en puis nouvelle oir,	
	Qui me fait le cuer esbahir	
	Trop malement.	1190
	DEUXIESME BOURGOIS	
	Haro! Diex, taisiez vous! Conment?	
	Dites vous ma dame est perdue?	
	Mainte ame en sera esperdue,	
	S'il est ainsi.	
	Ostes	
	Quel parlement tenez vous ci,	1195
	Seigneurs? je vous voy, ce me semble,	
	Tristes de cuer trestouz ensemble	
	A mate chiére.	
	Deuxiesme bourgois	
	Mon chier seigneur, nostre treschiere	1
	Royne et dame, vostre fame,	1200
	Ne savons s'en li a diffame,	
	Mais perdue est, ce vous disons:	
	C'est pour quoy tel chiére faisons;	
	Car tristes et dolens en sommes	
	Touz ensemble, femmes et hommes,	1205
	A brief parler.	
	Ostes	
	Ne vous chaut, non, laissiez aler;	

2	6	_
J	U	U

	MIRACLE DE	3.3.V111
	Elle m'a fait perdre ma terre,	
	Dont le cuer ou ventre me serre.	
1210	Je la cuidoie preude famme;	
	Mais elle m'a fait tel diffame	
	Que Berengier sa voulenté	
	A fait d'elle, et s'en est vanté	
	Devant mon oncle en plaine court.	77 d
1215	Et je l'en doy bien croire a court,	
	Car telles enseignes m'en dit	
	Que n'i puis mettre contredit;	
	Et certes, se la puis tenir,	
	A honte la feray mourir.	
1220	Et si sachiez je la querray	
	Tant qu'une foiz la trouveray.	
	Je m'en vois, plus ne me verrez;	
	Berengier a seigneur arez.	
	A Dieu trestouz!	
	,	
1225	LA FILLE	
1225	E! Diex, j'ay touz les membres roupz	
	De cest erre que j'ay empris.	
	N'avoie pas tel chose apris;	
	Mais puis qu'en Grenade me voy,	5
	Il ne m'en chaut de mon annoy.	
1230	Mon oncle voy la et mon pére :	
	Or fault que devant eulx m'appére;	
	Mais je vous pri, biau sire Diex,	
	Devotement, plorant des yex,	
2 =	Que, quant je seray la venue,	
1235	Que d'eulx ne soie cogneue.	
	M ' D'	
	Mes seigneurs, Dieu vous doint a touz	2
	Honneur! Je vieng ici a vous	
	Savoir se par vostre franchise	
	Pourroie avoir aucun servise,	
1240	Quel qu'il feust.	

	ROY DE GRENADE	
	Amis, il fauldroit c'on sceust	
	De quoy tu saroies servir	
	Pour nostre grace desservir	
	Qu'en diras tu?	
	La fille	
	Sire, je sçay lance et escu	1245
	Porter et chevauchier sanz faille,	
	Quant il est mestier, en bataille.	
	Je scé aussi, mon seigneur chier,	
	Devant un riche homme trenchier;	
	J'ay eu d'eschançonnerie	1250
	Aucune foiz la seigneurie.	1220
78 a	Le service scé tout en somme	
	Que l'en doit faire a un riche homme,	
	Com prince ou roy.	
	ROY DE GRENADE	
	Tu demourras donc avec moy:	1255
	Moy et mon frère serviras,	1232
	Et selon ce que tu feras	
	T'avenceray.	
	La fille	
	Sire, se Dieu plaist, je feray	
	A mon pouoir au gré de vous,	1360
	Et de vous, chier sire, et de touz	1 200
	Voz autres gens.	
	Alfons	
	Se de ce faire es diligens,	
	A grant honneur venir pourras	
	Puis qu'au grant amer te feras	1265
	Et au petit.	1203
	Roy de Grenade	
	Frére, j'ay trop bon appetit	
	De mengier: envoions ent querre	
	Par cet escuier ci bonne erre.	
-	Aussi desire je la guise	

Moult regarder de son servise. Je vous dy bien.

ALFONS

Si la verrons. Amis, ca vien. Conment as non?

LA FILLE

Sire, Denis m'appelle l'on, 1275 Non autrement.

ALFONS

Denis, dressiez appertement Une table ci, sanz songier, Et nous alez querre a mengier En la cuisine.

1280

LA FILLE

Je feray de voulenté fine, Sire, vostre conmandement. C'est fait. Je m'en vois vistement D'avoir a mengier pourveoir. Ca, mon seigneur, venez seoir,

Si vous agrée, en verité: Vez ci table et mès appresté,

Sire, pour vous.

ROY DE GRENADE. Donc vois je seoir, amis doulx. Ça, biau frére, ceés vous cy. Or avant, tailliez, mon ami, Et nous servez.

OSTES

Certes, du sens sui si desvez Qu'a po que je n'enrage vis. J'ay cerchié par tout ce pais, Hault et bas, devant et derriére, Et si ne puis ceste lodiére Que je quier trouver nulle part. Je croy que Diex a elle part:

78 b

1295

1285

Ce fait mon, je le voy tresbien.

Ha! mauvais Dieu, que ne te tien!

Vraiement, se je te tenoie,

De cops tout te desromperoie.

Egar! voiz: toy et ta creance

Reni et toute ta puissance,

Et si m'en vois droit oultre mer

Conme Sarrazin demourer

Et tenir la loy Mahommet;

Car qui en toy s'entente met

Il fait folie.

#### SALEMON

A ceste noble compagnie Doint Diex joie, solaz, honneur. Pour Dieu, s'a droit ne vous honneur, Pardonnez moy.

Roy de Grenade
Salemon, bien veignant, par foy. 1315
S'aucunes nouvelles apportes,
Je te pri, point ne te deportes
Que ne les dies.

#### ALPHONS

Ains qu'ame blasmes ne laidies,
Salemon, se Diex te doint gaigne,
Dy nous : conment va il d'Espaigne?
Ne nous mens goute.

#### SALEMON

Non feray je, sire, sanz doubte.

L'emperière si l'a conquise,

Et a vostre fille Denise

A Ostes son nepveu donnée;

Et fu royne coronnée

D'Espaigne, et Ostes en fu roys;

Mais puis y a si grant desroys

78 c

1330	Euz, qu'Ostes a mis a mort
	Vostre fille, ne scé s'a tort,
	Et ne scet on qu'est devenuz;
	Si est roys d'Espaigne tenuz
	Un c'on appelle Berengier,
1335	Qui l'a gaingnie par gagier,
	Si conme on dit.
	Alfons
	Certes, or sui je desconfit
	Et toute ma joie est passée,
	Puis que ma fille est trespassée;
1340	Bien dire l'ose.
	Roy de Grenade
	Salemon, va, si te repose:
	Je voy bien tu es traveilliez.
	Frére, deporter vous vueilliez
	De deuil. Puis qu'il est en ce point,
1345 .	Certes, il ne demourra point,
	Que tant de gens d'armes arons
	Qu'assaillir l'emperiére irons,
	Tellement que bon li sera
	Quant a nous paiz avoir pourra.
1350	Denis, alez nous du vin querre.
,	Biau frére, je vous vueil enquerre
	(Il n'a ci que nous deux ensemble):
	De cest escuier que vous semble
	Et est avis?
	Alfons
1355	Frére, vez ci que j'en devis:
	Gracieux me semble en ses saiz;
	ll est gent de corps et bien faiz;
	Et si croy qu'en une bataille
	Feroit bien besongne sanz faille,
1360	Ht se sarait hien entremettre

De dessendre li et son maistre Contre tout homme. 78 d

ROY DE GRENADE Par foy, j'ay en propos qu'a Romme, Si li plaist, avec nous venra Et mon gonfanonnier sera; 1365 Car il m'agrée et si me plaist Sur touz mes gens, c'est a court plait, Qui ceens sont. ALFONS A verité dire, il ne font, Nul qui y soit, si biau servise 1370 Conme il fait, ne de telle guise. Il est esveillié et appert; Quelque chose qu'il face, il pert Et semble qu'il n'i touche goute. Dieu le vous a donné sanz doubte, 1375 A mon cuidier. ROY DE GRENADE Alez me ce vin ci vuidier, Denis, en un autre vaissel, Et me donnez de ce nouvel Oue vous tenez. 1380 LA FILLE Je seroie bien forsenez Et devroie estre touz confus Se vous en faisoie refus. Tenez, chier sire. MUSEHAULT Mon chier seigneur, je vous vien dire 1385 Les quatre roys qu'avez mandé Sont a vous si reconmandé Qu'ilz sont prests, eulz et leurs effors, De venir; il ne vous fault fors Mander leur quel chemin tenront 1390 Et quelle partie il yront :

C'est quanque attendent.

1405

79 a

Roy de Grenade
Revas a eulz, et dy qu'il tendent
Et chevauchent sur Rommenie
Chascun atout sa baronnie,

Et que je tantost mouveray
Et au devant d'eulx touz seray
A mon pouoir.

A mon pouoir.

Musehault

Et je vois faire mon devoir De m'avancier.

1400 De m'ava

Le messagier l'emperière Chier sire, je vous vien nuncier Un fait dont ne vous donnez garde: Je vous dy, ains que gaires tarde, Six roys vous venront assaillir, Qui ont entente, sanz faillir,

De vous destruire.

L'EMPERIÉRE Qui sont il? vueilles m'en instruire Et faire saige.

LE MESSAGIER

Ce que j'ay sceu du message

Qui les quatre en est alez querre,
Sire, vous compteray bonne erre.
Le roy de Tarse et d'Aumarie,
Cil de Marroc et de Truquie,
Ces quatre sont de venir près.
Le roy de Grenade est après,
Et est celui, ce vous denonce,
Par qui faicte est ceste semonce;
Car il a au cuer grant engaigne

Pour ce que du regne d'Espaigne

Avez son frére Alfons demis,

Et en autre main l'avez mis:

Et si n'aconte je sanz saille

A toute ma perte pas maille,

1450

XXVIII

79 b

1475

1480

79 C

Fors que de ma fille la belle; Mais c'est ce qui me renouvelle Doleur trop grant.

PREMIER CHEVALIER ALFONS

1455 Estre n'en devez si engrant, Sire; puis qu'il ne peut autre estre, Pensez de vous en joie mettre:

C'est vostre miex

DEUXIESME CHEVALIER Vous dites voir, si m'aist Diex. Oblier tel chose convient. Et prendre le temps tel qu'il vient,

Tout en bon gré.

Roy de Grenade Denis, je vous vueil mon secré Descouvrir et mon ordenance,

1465 Pour ce que vostre honneur avance. Esté m'avez bon escuier, Si vous fas mon gonfanonnier, Qui ma baniére porterez; Or parra conment le ferez

En la bataille. 1470

LA FILLE

Grant merciz, mon seigneur. Sanz faille, Si fault que bataille se fasse, Je pense que devant touz passe Vostre baniére.

ROY DE GRENADE Voulentiers verray la manière De vostre affaire.

PREMIER CHEVALIER Sire, ce seroit bon a faire Qu'envoissiez devant savoir Quelx gens l'empereur peut avoir · Avecques lui.

ROY DE GRENADE Lotart, je ne vov ci celui Qui y soit mieix taillié de toy: Or y vas pour amour de moy, Et en enquier dilligenment, Et retourne le plus briément Qu'estre pourra.

1485

LOTART

Mon chier seigneur, fait vous sera: G'v vois le cours.

BERENGIER

Pour vous faire aide et secours Vien j'a vostre mant, treschier sire, Et s'amaine, ce vous puis dire, Ouinze cens de bons bacheliers Et trois mille tresbons archiers

1490

Et mil servans.

L'EMPEREUR

Et je le seray deservans, Berengier, a vous et a eulz. Seez vous ci; entre nous deux Attenderons ceulx qui venront. Je verray ceulz qui m'ameront

1495

A ce cop ci.

1500

OSTES

Elas! chetis! que fas je cy? Je pers mon temps et mon corps; voire, Je pers m'ame, je pers la gloire Des cieulx que je deusse acquerre. Las! se le cuer de dueil me serre, 1505 J'ay raison et cause trop bonne. Bien sui malostrue personne,

79 d

1540

	Qui en tel servage me met
	Que je sers et croy Mahommet,
1510	Qui n'est que droite fanfelue.
	Ha! doulx Jhesus plein de value,
	Dont m'est venu ce grant oultrage,
	Que moy, qu'as fait a ton ymage
	Et donné de crestien nom,
1515	Ne l'ay sceu congnoistre, non,
	Mais ay fait euvre si amére
	Qu'ay renié toy et ta mére
	Par desespoir né de corrouz?
	Ha! sire, qui piteux et doulx
1520	Estes, ce dit sainte escripture,
	A toute humaine creature
	Qui se repent de son meffait,
	Pardon vous quier de ce qu'ay fait.
	Pardon! las! conment dire l'ose?
1525	Certes, je demande une chose
	Que vous m'avez bel escondire
	Et refuser par raison, sire:
	Pour ç'a terre cy m'asserray,
	Et mon pechié cy gemiray
1530	Amérement.

Mére, et vous, Jehan, alons ment
La jus a ce pecheur Oston:
Du dueil qu'il a vueil que l'oston.
De cuer contrit gemist et pleure,
Si que plus ne vueil qu'il demeure
En telle lamentacion.
Sa devote contriccion,
Qui de lermes moulle sa face,
Me contraint que grace li face.
Or sus, trestouz!

80 a

1550

NOSTRE DAME

Mon Dieu, mon pére et mon filz doulz, Nous ferons vostre voulenté. Sus, anges! soiez apresté

De tost descendre.

GABRIEL

Dame, qui peustes comprendre Ce que ne peuent pas les cieulx, Chascun de nous est ententiex

De voz grez faire

MICHEL.

En ce ne pouons nous meffaire:
Or en alons nous trois chantant,
Jehan, aussi qu'en esbatant:

Je le conseil.

SAINT JEHAN
Il me plaist aussi et le vueil.
Sus! conmencez, mes amis doulx.

RONDEL

Royne des cieulx, qui en vous 1555
Servir met son entencion
Moult fait bonne opperacion:
Il acquiert vertuz, et de touz
Ses vices a remission,
Royne des cieulx, qui en vous 1560
Servir met son entencion;
Et Dieu treuve en la fin si doulx
Que de gloire a refeccion,
Ou est toute perfeccion.
Royne des cieulx, qui en vous 1565
Servir met son entencion,
Moult fait bonne opperacion.

Dieu
Ostes, pour la contriccion
Vraie que je voy estre en toy

372	MIRACLE DE	xxvIII
1570	As recouvré grace. Taiz toy.	
	A Romme tout droit t'en iras;	
	La ton pechié confesseras:	0 . 1.
	Puis qu'a repentence es venuz,	80 b
	Il le fault, tu y es tenuz,	
1575	Ou ce que tu fais rien ne vault.	
	Oultre, tu as un grant deffault,	
	Qu'a tort as ta femme hay	
	Et jusques a mort envay:	
	Et pour ç'aussi tu la querras,	
1580	Et pardon li en requerras.	
	Plus ne demeure en ceste terre,	
	Mais a Romme t'en vas bonne erre,	
	Et fay ce que t'ay divisé.	
	Je l'ay assez bien avisé.	
1585	Sus! alons ment.	
	Nostre Dame	
	Avant, anges, et vous, Jehan;	
	Alez le chemin que venistes,	
1000	Et en alant le chant pardites	
	Qu'avez empris.	
	GABRIEL	
1590	Excellente vierge de pris,	
•	Puis qu'il vous plaist, si ferons nous.	
	FIN DU RONDEL PRECEDENT.	
	Et Dieu treuve en la fin si doulx	
	Que de gloire a refeccion,	
	Ou est toute perfeccion.	
1595	Royne des cieulx, qui en vou	18
	Servir meet son entencion	
	Moult fait bonne opperacion	
	OSTES	
	Pére de consolacion,	
	Piteux, doulx et misericors,	
1600	Ha! sire, quant je me recors	

Que des cieulx vous estes oultré
Et a moy vous estes moustré,
Et vostre doulce mére aussi,
Et que je vous ay veu cy,
Bien doy bouche, mains et cuer tendre 1605
A vous loer et graces rendre.
Cy endroit plus ne demourray;
Mais a Romme seul m'en iray
Tout maintenant.

80 3

#### LOTART

Pour acomplir mon convenant, 1610 Mes seigneurs, a vous ci retourne; Si vous vueil deviser a ourne Ce pour quoy j'ay esté a Romme. Il y a d'armes maint bon homme; L'empereur y est, n'est pas doubte, 1615 Et plusieurs nobles en sa route. Je le vi assis en son trosne Et lez li le marquis d'Ancosne, Et le prince aussi de Tarente Et le conte de Sauverente. 1620 D'Espaigne le roy Berengier, Et le conte de Mondangier. Brief il y avoit, a m'entente, De grans barons de vint a trente; Si ont de gens grant convenue: 1625 N'atendent que vostre venue Pour eulx combatre.

#### LA FILLE

Mes seigneurs, avant ce qu'embatre
Nous aillons plus en la bataille,
Je vous pri qu'a l'empereur aille
Parler. Je tien par mon recort
Que je vous mettray a accort,
Se g'y vois; et si vous vueil dire
Qu'encore pouriez veoir, sire,

1660

Vostre fille, ja n'en doubtez, Que vous si souvant regretez, A ce qu'entens.

ALFONS

E! Diex, verray je ja le temps? Pour li souvent pleur et souspir; N'est riens dont j'aye tant desir

N'est riens dont j'aye tant des Ne soie engrès.

Roy de Grenade Frére, en paiz laissiez telz regrez, Je vous em pri.

LA FILLE

S'il vous plaist, donnez moy l'ottri Oue vous demant.

ALFONS

Biau frére, par vostre conmant Voit ou il dit.

Roy de Grenade

Voit: je n'y met nul contredit. Denis, alez.

La fille

Mes seigneurs, puis que le voulez,
Aler tout seul n'y doy je mie:
Il me fault avoir compagnie,
Vous le savez.

ALFONS

Mon chier ami, voir dit avez.

Ces deux cy avec vous iront, Qui compagnie vous feront, S'il vous souffist.

LA FILLE

Sire, oil, par Dieu qui me fist.

Alons, ains que gaires s'eslongne

Le temps; nous ferons la besongne

Bien, se Dieu plaist.

80 d

81 a

#### OSTES

E! mere Dieu, com me deplaist Le temps que j'ay si mal gasté! L'ennemi m'avoit bien tasté; Mais, Dieu mercy, ne suis pas mors. 1665 La repentence et le remors Oue i'ay, avec l'affeccion De faire ent satisfacion Selon ce qu'on me chargera, Se Dieu plaist, si me sauvera 1670 Et la paine que g'y mettray. Romme voy, ou pieça n'entray: Or me fault estre diligens D'aler y avecques ces gens Que venir voy. 1675

LA FILLE

Diex vous gart, amis: dites moy, Dont venez vous?

OSTES

Je vien d'oultre mer, sire doulx, Et vois a Romme.

LA FILLE

Biaux seigneurs, prenez moy cest homme 1680 Et avec nous l'en amenez. Vous ne savez que vous tenez: Je le cognois miex qu'il ne cuide;

Gardez qu'il n'eschappe ne vuide

D'entre voz mains. 1685

1690

Premier chevalier Alfons Marie! il n'en ara ja mains. Sa! rendez vous a nous, biau maistre; S'a deffence vous voulez mettre,

Vous estes mors.

DEUXIESME CHEVALIER ALFONS
Ami, je te lo que ton corps
Offres et ren de bon voloir:

1705

SIB

Γu n'en pourras que miex valoir, Je te promet.

OSTES

Biaux seigneurs, en vos mains me mect 1695 Et me rens a vous touz ensemble. Nobles gens estes, ce me semble, S'en valez miex.

LA FILLE

N'y a plus; nous sommes tiex quieulx. Avec nous vous convient venir, Sanz nous plus cy endroit tenir Ny arrester.

OSTES

G'yray voulentiers, sanz doubter, Et vous serviray: c'est raison. Ne me mettez point en prison,

Je vous em pri.

PREMIER CHEVALIER ALFONS Avant! avec nous sanz detri Vous en venez.

OSTES

Quel chemin que voulrez tenez : Je vous suivray.

LA FILLE Sire emperiére, Dieu le vray 1710 Vous doint honneur et bonne vie Et a toute la baronnie Que je cy voy: nul n'en espergne, Fors Berengier, le roy d'Espaigne. Mais contre li baille mon gage, 1715 Present tout ce noble barnage, Et l'appelle de traison; Car conme faux et sanz raison D'une moye suer se vanta Qu'a li charnelment habita 1720

Dont ma suer prist telle fraeur,
Tel paeur et telle douleur
Que hors du pays s'en foy:
Ains puis nouvelles n'en oy.
Vostre niez Espaigne en perdy,
Qui bon homme estoit et hardy,
Et de dueil si se desvoya
C'on ne scet ou il s'avoya;
Et pour ce que le cuer m'en serre,
Le traistre en champ vueil conquerre: 1730
Faites m'en droit.

#### OSTES

Sire, je vous pri cy endroit

Que le champ faire me laissiez.

Oncle, ne me recongnoissiez?

Sachiez Oston vostre niez sui,

Qui ay puis souffert maint annuy;

D'oultre mer vien.

#### L'EMPEREUR

Ostes, biaux niez, puis que vous tien, Certes, mon cuer est appaisiez. Acolés me tost et baisiez; Bien veigniez vous.

## OSTES

Sire, je me plain devant touz

Voz barons qu'assemblez voy cy

De ce traitre faux icy,

Et dy qu'a tort il tient ma terre

Si l'en vueil corps a corps conquerre

Et desregnier.

#### BERENGIER

81 c Ostes, je croy qu'au derrenier
Vous vous trouverez deceu.
Il est verité qu'ay jeu 1750
A vostre femme charnelment
N'en parlez ja si haultement;

Car je prouveray que c'est voir En champ, se l'en voulez avoir Et il conviengne qu'il se face. Je ne prise vostre menace De riens, Oston.

L'emperière

Or paiz: ce debat cy oston.
Berengier, soit ou joie ou deulx,
Il convient qu'a l'un de ces deux
Vous combatez.

BERENGIER

Sire, ja plus n'en debatez:
Trop voulentiers, mais que me dites
Pour lequel d'eulx je seray quittes

1765 Avoir affaire.

L'emperière

Auquel de vous deux cest`affaire Adjugeray?

OSTES

Sire, par droit je le feray, Car c'est mon fait. Et je vous pri, Chier sire, faites m'en l'octri, Qui pris m'avez.

LA FILLE

Je n'y vueil, puis que le voulez, Point contredire.

OSTES

Grant merciz plus de cent foiz, sire, De cest accort.

L'EMPERIÉRE

Or tost, pour savoir qui a tort, Seigneurs, alez monter bonne erre, Et en celle piéce de terre

La revenez.

OSTES

Puis que le congié m'en donnez,

1760

1770

1775

XI d

Sire, g'y vois.

BERENGIER

Esgardez: fait il grant harnoys! Il m'a ja conquis, ce li semble; Mais s'en champ pouons estre ensemble, Je li cuit faire tel cembel 1785 Ou'il n'ara pas si le quaquel.

Je vois monter.

LA FILLE Certes, sire, j'oy compter A ceulx qui ma seur congnoissoient Et qui son estat bien savoient 1790 Qu'en Espaigne n'avoit pas fame En qui eust mains de diffame; Et quant la gageure avint, Et la chose dire on li vint, Et qu'Espaigne ot Ostes perdu, 1795 Elle ot le cuer si esperdu Qu'elle se pasma contre terre; Et la nuit s'en fouy bonne erre Par divine inspiracion: Car on li ot fait mencion 1800 Que s'Ostes la pouoit tenir, A honte la feroit fenir, Sanz espargnier. PREMIER CHEVALIER L'EMPERIÉRE En ce n'eust peu gaignier, 1805 Et si fust laide convenue:

Ore la chose est advenue.

Se Dieu plaist, bien.

DEUXIESME CHEVALIER Certainement, ainsi le tien, Et pour le miex, a mon cuidier; Et Diex en vueille au droit aidier

Encore ennuit.

L'EMPERIÉRE Nous en verrons, ne vous ennuit,

# Qu'en pourra estre.

#### OSTES

Dame de la gloire celestre. 1815 Vierge en qui toute grace habonde. Mére, telle c'onques seconde Ne fu devant toy ni après. Rose, lis de biauté, cyprès Souuef flairant par bonnes euvres, 1820 Tes yex de doulceur vers moy euvres Et en ta pitié me regardes Et de mort vilaine me gardes. Dame, en ce champ que je vois faire Me donnes de mon adversaire 1825 Telle victoire qu'il gehisse Et que de la bouche li isse Conment il a par traison Tenu ma terre et sanz raison. Dame, en toy seule est m'esperance; 1830 Dame, en toy ay si grant fiance Et en t'aide tant me fy Que de ma force je dy fy Et de mes armes (dame, entens) Envers l'aide que j'atens 1835 Avoir de toy. BERENGIER Ostes, Ostes, puis que vous voy En champ, jamais n'en partirez Devant ce qu'a honte mourrez Et par mes mains.

OSTES

A! traistre, menaces mains, Si feras sens.

L'EMPEREUR
Or tost, seigneurs, c'est mes assens
Que descendez touz deux a terre.

XXVIII	OTON, ROY D'ESPAIGNE	381
	Voz chevaulx renvoiez bonne erre	
	Delivrement.	1845
	Ostes	1043
	Sire, je feray bonnement	
	Vostre plaisir.	
	Berengier	
	Autre chose aussi ne desir:	
	C'est fait, jus sui.	
5.	L'EMPEREUR	
	Biaux seigneurs, il fault qu'au jour d'uy	1850
	Vostre prouesce soit veue	1,000
826	Et que la verité sceue	
	Soit de vostre fait, ce me semble.	
	Il n'y a plus, alez ensemble,	
	Et face chascun son devoir,	1855
	Puis que vous ne pouez avoir	.055
	Autrement paix.	
	OSTES .	
	Je te deffy, traitre; huymais	
	Gars te de moy.	
	Berengier	
	Je ne te prise ce ne quoy;	1860
	Contre toy bien me deffendray,	.000
	Et assez tost je te rendray	
	Pris et vaincu.	
	Ostes	
	Non feras, tant com j'ay escu	
•	N'espée ou poing.	1865
	Cy se combatent	1005
	Berengier	
	Ne puis plus durer : je vous doing,	
	Ostes, m'espée et me rens pris	
	Conme celi qui a mespris	
	Et qui a tort.	
	OSTES	
	Certes je vous mettray a mort,	1800
	, , , , , , , , , , , , , , , , , , , ,	1870

Traistre, ains que je cesse mais. Ne ferez traison jamais Quant de ce champ departirez; Car sur le corps n'emporterez

De teste point.

L'EMPEREUR

Ostes, Ostes, ho! En ce point Je vous deffens a le destruire; Il nous dira, avant qu'il muire,

Tout son meffait.

OSTES

1880 Puis qu'il vous plaist qu'ainsi soit fait, Gehis, larron.

BERENGIER

Mercy te pry, noble baron: Mon meffait tout regehiray, Ne ja de mot n'en mentiray.

Quant je gagay par mon oultrage
Qu'il n'estoit femme, tant fust sage, 82 c
De qui ma voulenté n'eusse,
Pour tant qu'a li parler peusse,

Et je parlay a vostre fame,
Elle vit bien qu'en grant diffame
De moy croire pourroit cheoir,
Si ne me daigna plus veoir

N'escouter, conme bonne et belle. Lors me tray vers sa damoiselle,

Qui Esglantine avoit a non,
Et tant li promis et fis don
Que les enseignes m'apporta
Et du sain aussi m'enorta
Que vostre preude femme porte,

XXVIII	OTON, ROY D'ESPAIGNE	383
	Ja soit ce que je m'en ventay,	
	Dont je menty.	1905
	Ostes	
	Traistre, bien m'as anienti;	
	Par toy l'ay je perdue, voir,	
	Car onques puis ne po savoir	
	Ou elle ala.	
	La fille	
	Sire emperiére, ce faulx la,	1910
	Ne souffrez point qu'Ostes l'acore;	,
	Faites le cy venir encore	
	Devant vous: assez tost verrez	
	Une chose dont vous serez	
	Moult merveilliez.	1915
	L'emperiére	
	Puis que vous le me conseilliez,	
	Il sera fait. Ostes, biaux niez,	
	Je vueil que vous deux ci vegniez;	
	Mais Berengier premier istra,	
	Qui encores nous congnoistra	1920
	Quelque meffait.	
	Ostes	
	Or soit, sire, a vostre gré fait.	
	Sus, traistre, ce champ vuidiez;	6
82 d	N'estes pas pour ce, ne cuidiez,	
	Quitte de mort.	1925
	LA FILLE	- 4
	Treschier sire, par vostre accort	
	Congié me donnez et liscence	
	Que je vous die en audience	
	Que cy vieng querre.	
	L'emperiére	
	Il me plaist : or dites bonne erre,	1930
	Mon ami chier.	:
	La fille	
	Sire, g'y vieng con messagier	

	Pour eschiver, se je puis, guerre	
	Et pour la paiz mettre et acquerre	
1935	Entre vous et voz ennemis,	
•	Qui se sont en ce pais mis.	
	Si vous plaist, deux en manderay,	
	Et icy venir les feray;	
	Mais il aront, a brief parler,	
.940	De vous sauf venir et aler;	
	Je le conseil.	
	L'emperiére	
	Mandez les, amis, je le vueil	
	Et si l'ottroy.	
	La fille	
	Biaux seigneurs, or tost, je vous proy,	
1945	A noz seigneurs les roys alez,	
	Et faites tant qu'a eulx parlez.	
	Dites leur que sanz detriance	
	Chascun de ci venir s'avance,	
	Si verront leur fille et leur niepce	
1950	Qu'ilz ont desiré si grant piéce	
	A ja de temps.	
	PREMIER CHEVALIER ALFONS	
	Sire, nous ferons sanz contens	
	Et tantost ce que conmandez.	
	Mes seigneurs, cy plus n'attendez;	
1955	Mais a touz deux vous plaise et siesse	
	Que veigniez veoir vostre niepce	
	Et vostre fille.	
	Alfons	

Nous jeues tu d'un tour de quille Par moquerie?

DEUXIESME CHEVALIER ALFONS Non, sire, par sainte Guerie. Denis le vous mande par nous, Qui a pris seurté pour vous

83 a

X	W 2	T. P.	ч		6
×	×	3/	в	ы	r
	63		A	24	ĸ.

# OTON, ROY D'ESPAIGNE

# 385

# De l'emperière.

Roy de GRENADE Puis qu'il est en telle manière, Frère, alons y.

1265

### ALFONS

Alons, frére, je vous em pry. Quanque j'ay perdu ne pris bille, Mais que veoir puisse ma fille,

Que tant desir.

Premier chevalier Alfons
Si ferez vous au Dieu plaisir.
Suivez nous, nous alons devant,
Sire, avançons nous or avant:
Alons par ci.

1970

## La fille

Sire emperiére, puis que cy Sont ces deux seigneurs cy venuz, Or entendez, granz et menuz, Ce que vueil dire en amistié; Et vous verrez joie et pitié Merveilleuse, si com me semble, Ains que nous departons d'ensemble. Je m'adresce a vous, sire Alfons, Qui me sui porté conme uns homs En servant vous et vostre frére: S'ay bien veu qu'aviez la chiére Et les yex sur moy sanz tarder, Plus qu'a nul autre regarder, Sanz avoir de moy congnoissance; Mais ç'a fait Diex de sa puissance: Si n'en aiez ja cuer marri. Vez ci mon seigneur mon mari, Ostes, qui est niez l'emperiére. Je scé combien vous m'avez chiére:

Vostre fille sui que laissastes

1975

1980

1985

63	4 3	1
4	34	60
	$\alpha$	4 3

# MIRACLE DE

# XXVIII

300	MIRACLE DE	VVAIII
	A Burs, quant a Grenade alastes.	
1995	Ne cuidez pas que je devine;	83 b
• 9 9 •	Tenez, regardez ma poitrine:	
	G'y ay mamelle conme fame;	
	Du monstrer n'est point de diffame.	
	Les autres membres secrez touz	
2000	Femenins ay, ce savez vous,	
2000	Ostes, plus parler n'en convient;	
	Mais, puis que la chose ainsi vient	
	Que la trayson est prouvée	
	Dont j'estoie a tort reprouvée,	
2005	Loez soit Diex.	
	ALFONS	
	Fille, plourer me fais des yex	
	De pitié et de joie, voir;	
	Ne l'un ne puis sanz l'autre avoir	
	Quant te regart.	
	Oston	
2010	Ha! biau sire Diex, tost ou tart	
20.0	Rens tu des biens faiz les merites,	
	Et de punir les maux t'aquittes.	
	Aussi bien, ma tresdoulce suer,	
	Baise moy; pour toy tout le cuer	
2015	En pleur me font.	
2015	L'emperiére	
	De pitié larmoier me font.	
	Or avant, avant : c'est assez.	
	De plorer maishuy vous cessez:	
	Diex a ceste assemblée fait.	
2020	Or pensons de mettre a effect	
2020	Le residu.	
	Alfons	
	Chier sire, j'ay bien entendu	
	Conment Ostes (n'en vueil pas istre)	
	A conquis ou champ le traistre	
2025	Qui nous a mis sanz cause en guerre	
2020	Qui ilous a illis sails cause on guerre	7

83 c

Dont vengence venoie querre Par l'aide de mes amis; Mais je tien que Dieu-nous a mis En la voie si com me semble. Ou'apaisier nous pourrons ensemble. 2030 Vezcy conment je le feray: Dès maintenant je delairay A Ostes et a sa compaigne En paiz le rovaume d'Espaigne; Mais le traistre en enmenrons. 2035 Et la damoiselle querrons Compaigne de son malefice: Si ferons de touz deux justice La ou fait ont la traison. Et c'est chose bien de raison, 2040 Ce m'est advis. L'EMPERIÉRE Je m'assens a votre devis. Alfons, sanz plus avant aler; Et si vous doing, a brief parler. Le royaume de Mirabel 2045 Qui m'est escheu de nouvel, Et la conté des Vaux Plaissiez, Puis qu'a Espaigne renonciez Du tout en tout. LE ROY DE GRENADE Et je pense, ains qu'il soit le bout 2050 D'un mois, li en tel estat mettre Qu'il sera d'une terre maistre Dont il ara trois mille livres Chascun an touz franz et delivres: Telle est m'entente. 2055 L'emperière

Ore alons men sanz plus d'atente, Puis que Dieu nous a apaisiez. Ainçois que vous vous en voisiez,

83 d

Avecques moy touz dinerez.

2060 Vezcy Berengier qu'en menrez;

En vostre voulenté le met.

Egardez: de li me desmet,

Et le vous baille.

LA FILLE

Il n'eschappera pas, sanz faille;
2065 Je vueil ordener qui le garde.
Seigneur, je le vous baille en garde
Et le vous livre.

Le premier chevalier Alfons
Dame, nous ferons a delivre
Tout vo vouloir.

L'EMPERIÉRE

Ici ne vueil plus remanoir;
Alons men touz diner bonne erre.
Je voy aussi c'om me vient querre.
Vezci mes gens, il en est heure.
Seigneurs, je vueil que sanz demeure
Vous chantez, en nous conduisant,
Un motet qui soit deduisant,
Plaisant et bel.

Les clers
Sire, nous le ferons ysnel.
Avant : chantons.

Explicit.

# TABLE

	Pages.
XXIII Miracle de Amis et Amille	I
XXIV. — Miracle de saint Ignace	69
Serventoys	114
Autre serventoys	116
XXV Miracle de saint Valentin	119
Serventoys couronné	169
Serventoys estrivé	171
XXVI Miracle de une femme que Nostre Dame gar	da
d'estre arse	175
XXVII. — Miracle de l'empereris de Romme	237
XXVIII Miracle de Oton, roy d'Espaigne	315

Publications de la Société des anciens textes français. (En vente à la librairie Firmin Didot et Cie, 56, rue Jacob, à Paris.)

Bulletin de la Société des anciens textes français (années 1875, 1876, 1877, 1878, 1879)...... (Ne se vend pas). Chansons françaises du xve siècle, publiées d'après le manuscrit de la Bibliothèque nationale de Paris, par Gaston Paris, et accompagnées de la musique transcrite en notation moderne par Auguste Gevaert (1875). 18 fr. 75 Deux rédactions du roman des Sept Sages de Rome, publiées par Gaston Paris (1876)..... (Ouvrage couronné par l'Académie des inscriptions et belles-lettres.) Le Débat des Hérauts de France et d'Angleterre, suivi de The Debate be-tween the Heralds of England and France, by John Coke, édition com-mencée par L. Pannier et achevée par Paul Meyer (1877)...... 10 fr. Œuvres complètes d'Eustache Deschamps, publiées d'après le manuscrit de la Bibliothèque nationale, par le marquis de Queux de Saint-Hilaire, t. I (1878)..... 12 fr. Chronique du Mont-Saint-Michel (1343-1468), publiée avec notes et pièces diverses par Siméon Luce, t. I (1879)...... 12 fr.

Le Mistère du Viel Testament, publié avec introduction, notes et glossaire, par le baron James de Rothschild, t. I et II (1878, 1879), le vol.. 10 fr.


(Ouvrage imprimé aux frais du baron James de Rothschild et offert aux membres de la Société.)

Tous ces ouvrages sont in-8°, excepté Les plus anciens monuments de la langue française, album (grand in-folio).

Il a été fait de chaque ouvrage un tirage sur papier Whatman. Le prix des exemplaires sur ce papier est double de celui des exemplaires en papier ordinaire.

Les membres de la Société ont droit à une remise de 25 p. 100 sur tous les prix ci-dessus.





PQ 1347 A1 1876 t.4 Miracles de Nostre Dame par personnages

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

